



БИЗ

Евгений Замятин

Биз

ЕВГЕНИЙ ЗАМЯТИН

2021

1920-йиллар, бундан бир аср илгари тоталитар тизимларни ошкор қылган ۋاىسون камолоти мажбурий باخت ۋا شахсияتни يەخسۇننىڭ يۈنالىتىرىلغان سۇنۇيى شاھارچالاردا ےماس، بالكى үنинگ ئېرкиنلىقىدا ئakanلىгинى ۋىلдинدان باشورات қылغان يىك антиутопик роман.

Бىز үىشى تارжىمانى ھۇرلىك ۋا ىلمىنى ےزىزىلاڭان بارча ۋەلپارغا باشىشلایمۇز.

Мундарижа

Кириш сўзи	7
Биз	1
Эълон. Чизикларнинг энг доноси. Достон.	2
Балет. Квадрат уйғунлик. Икс.	5
Пиджак. Девор. Лавҳ.	14
Барометрли ёввойи. Тутқаноқ. Қани энди.	20
Квадрат. Дунё хукмронлари.	
Ёқимли ва фойдали вазифа.	27
Ходиса. Лаънати тушунарли равшанлик. 24 Соат.	32
Киприк. Тейлор. Мингдевона ва Марваридгул.	42
Иррационал илдиз. R-13. Учбурчак.	49
Литургия. Ямблар ва хорей. Чўян қўл.	57
Хат. Мембрана. Пахмоқ мен.	62
...Йўқ, эплай олмайман, шундай қола қолсин, конспектсиз.	73
Чексизликнинг чегараси. Фаришта.	
Шеърият тўғрисида мулоҳазалар.	80
Туман. Сен. Мутлақо бемаъни ходиса.	85
“Меники”. Мумкин эмас. Совуқ пол.	92
Кўнғироқ. Кўзгу денгиз. Абадий ёнаман.	96
Сарик. Икки ўлчовли шарпа. Бедаво қалб.	102

Ойна орасидан. Мен ўлдим. Даҳлизлар.	111
Мантикий чангальзорлар. Яра ва малҳам. Қайтиб ҳеч қачон.	121
Учинчи тартибли чексиз кичик миқдор. Зимдан. Панжара бўйлаб.	128
Разряд. Фоялар моддаси. Нолга тенг қоя.	136
Муаллифлик қарзи. Муз бўртиб чиқяпти. Энг қийин севги.	140
Карахт тўлқинлар. Ҳаммаёқ мукаммаллашяпти. Мен - микроб.	149
Гуллар. Кристаллинг эриши. Агарда.	154
Функция чегараси. Пасха.	
Ҳаммаёкни учиреб ташлаш.	160
Осмондан тушиш. Тарихдаги энг аянчли фожия. Маълумликнинг ниҳояси.	162
Дунё мавжуд. Тошма. 41°.	171
Хеч қандай конспект йўқ. Мумкин эмас.	177
Иккаласи ҳам. Энтропия ва энергия.	186
Юздаги толалар. Куртаклар.	
Ғайритабиий компрессия.	197
Сўнгти сон. Галилейнинг хатоси. Яхшиси.	202
Буюк Операция. Мен ҳаммасини кечирдим. Поездлар тўқнашуви.	207
Ишонмайман. Тракторлар. Одам пайраҳаси.	218

(Конспектсиз, шоша-пишта, охирги)	227
Озод қилингандар. Қуёшли тун. Радио-валкирия.	229
Чамбарақда. Сабзи. Қотиллик.	241
Бўм-бўш сахифалар. Христианлар Худоси. Онам ҳақида.	251
Инфузория. Қиёмат. Унинг хонаси.	256
(Билмайман қандай конспект. Балки, ҳаммаси бир конспект: ташланган папирос)	261
Тамом.	265
Далиллар. Қўнғироқ. Аминман.	272

Кириш сўзи

Дунёнинг биринчи антиутопик асарларидан бўлмиш Евгений Замятиннинг "Биз" романи ўзининг 100 йиллигини нишонлаётган бир вақтда, ўзбек тилида ҳам илк бора дунё юзини кўрмоқда.

Олдос Хаксли ўзининг "Ажаб янги дунё" номли асарини айнан Е.Замятиннинг "Биз" асаридан илҳомланиб ёзган, "Биз"сиз Жорж Оруэллининг машҳур "1984" асари ҳам мавжуд бўлмас эди. Рэй Брэдберининг "Фаренгейт бўйича 451 градус" романида ҳам "Биз"нинг акс-садоларини пайқаш мушкул эмас.

Асар илк бор ўзбек тилида дунё юзини кўриши устида кичик жамоамиз иш олиб борди: ушбу лойиха турли мамлакатларда яшаб таҳсил оловчи ўзбекистонликлар томонидан амалга оширилди. Романин рус тилидан ўзбек тилига *Муштариј Мамадалиева* (<https://t.me/readnroll>) таржима килди ва лойиха раҳбари, ҳамда суҳандон *Мадина Мусаева* (<https://t.me/Madnifique>) уни электрон ва аудиокитоб ҳолига келтирди. Иқтидорли ёш иллюстраторлар *Фотима ва Зухра Исмоиловаларнинг* иллюстрациялари асарга қўшимча рух бағишлайди.

Гарчи биз тилшунослик, таржима назарияси ва адабиёт йўналишлари бўйича таҳсил олган бўлсақда, профессионал китоб нашри билан шуғулланувчи мутахассислар ва муҳаррирлар эмасмиз. Таржиманинг ҳар бир сўзини, гапини ва бўлимини иккимиз биргалиқда бир неча маротабалаб ўқиб чиқиб, таҳрирладик. Шундай бўлса ҳам, унда хатолар бўлиши тайин ва бунинг учун олдиндан узр сўраймиз.

Таржима танловида айнан ушбу асарга тўхталганимизнинг асосий сабаби "Биз" асаридек юксак

маҳорат билан ёзилган асар ҳануз ўзбек тилига таржима қилинмаганлиги эди. Таржиманинг нафақат электрон, балки аудио ҳолатда ҳам тайёрланганлигининг сабаби эса кўзи ожиз инсонлар ҳам бу дурдона асардан баҳраманд бўла олиш имкониятига эга бўлишлариdir.

Бизнинг “Biz” бепул нотижорий мақсадда электрон тарқатилмоқда ва ундан тижорий мақсадларда фойдаланиш маън этилади. Умид қиласизки, асардан кўплаб инсонлар баҳра олишади. Асарнинг аудио версиясини <https://www.youtube.com/c/Madnifique> каналида ҳам тинглаш мумкин.




Евгений Замятин

Биз

Биринчи қайд
Конспект:

Эълон. Чизикларниңг энг доноси. Достон.



“ Мен бугун Давлат Газетасида нима чоп этилган бўлса, сўзма-сўз ёзиб чиқяпман, холос:

"120 кундан сўнг ИНТЕГРАЛ қурилиши ўз якунига етади. Биринчи ИНТЕГРАЛ олам фазосига парвоз этиши каби тарихий ҳодиса кундан кунга яқинлашмоқда. Бундан минг йиллар олдин сизнинг мардонавор аждодларингиз бутун дунёни Ягона Давлат ҳокимияти остида бўйсундиргандилар. Сизнинг олдингизда бунданда шарафли каҳрамонлик турибди: шишадан бўлган, электрик, оташнафас ИНТЕГРАЛ ёрдамида чексиз Борлиқни бутун қилиб бирлаштириш. Ўзга сайёralарда – балки эркинликнинг ваҳший ва ёввойи шаклида – яшовчи номаълум жониворларни файзли онг хукмронлиги остида бўйсундиршишингиз керак. Агар улар биз математик нуқсонсиз баҳт таклиф этаётганимизни англай олмасалар, уларни баҳтли

бўлишга зўрлаш бизнинг бурчимиздир. Аммо биз курол-яроғдан олдин сўзни синаб кўрамиз.

Валинеъматнинг номидан Ягона Давлатнинг барча рақамларига эълон қилинади:

Ўзини бунга лаёқатли деб ҳис қилган ҳар рақам учун Ягона Давлат гўзаллиги ва буюклиги ҳакида илмий ишлар, достонлар, мурожаатномалар ва қасидалар ёзиш мажбурийдир.

ИНТЕГРАЛга ортиладиган биринчи юк айнан юқорида айтиб ўтилган нарсалардан иборат бўлади.

Яшасин Ягона Давлат, яшасин сонлар, яшасин Валинеъмат!"

Буларни ёзар эканман, ёноқларим ёнаётганини ҳис қиляпман. Ҳа: азим Борликни бирлаштириш. Ҳа: ёввойи эгриликни ҳайдаб, уни уринма – яъни асимптота – текислигига тўғирлаш. Чунки Ягона Давлатнинг чизиги тўғридир. Буюқ, беназир, аниқ, доно текислик – чизиқларнинг энг доноси.


Мен, Д-503, Интегралнинг қурувчиси, – Ягона Давлатнинг оддий математикларидан бириман, холос. Менинг рақамларга ўрганган қаламим қофия ва оҳангдошликларга тўла мусиқа ёзишга ожиз. Мен фақатгина кўраётган, ўйлаётган – аникроғи биз ўйлаётган (худди шундай: биз, ва бу "БИЗ" ёзаётган қайдларимнинг сарлавҳаси бўлсин) – нарсаларни қаламга туширишга ҳаракат қиласман. Лекин ёзаётганларим бизнинг, математик жиҳатдан нуқсонсиз бўлган Ягона Давлат ҳаётидан бир ҳосила бўлади-ку, шундай экан, улар автоматик равишда, менинг раъйимдан катъий назар, достон бўлмайдими? Бўлади – мен бунга ишонаман ва буни аниқ биламан.

Буларни ёзар эканман, ёнокларим ёнаётганини ҳис қиляпман. Эхтимол, бу ўзида ожиз муштдай инсончанинг юрак уришларини биринчи марта ҳис қилган онанинг туйғуларига ўхшар. Бу менман ва бир вақтнинг ўзида мен эмасман. Узоқ ойлар давомида уни ўз жоним, ўз қоним билан озуклантиришим керак, сўнгра эса оғриқ билан уни ўзимдан узиб ташлаб, Ягона Давлат оёқлари остига қўйишим керак.

Лекин мен тайёрман, худди ҳар биримиз каби, ёки деярли ҳар биримиз каби. Мен тайёрман.

Иккинчи қайд
Конспект:

Балет. Квадрат уйғунлик. Икс.



“ Баҳор. Зумрад Девор сабабли, ёввойи күрингас даштлардан, шамол гулларнинг сариқ асал чангларини олиб келмоқда.

Бу асал чангидан лаблар қуриб кетяпти – хар дақика уларни тилинг билан намлаб туришинг зарур. Сен учратаётган барча аёлларнинг лаблари бол бўлса керак (ва, албатта, эркакларнинг ҳам). Бу мантиқий ўйлашга бироз ҳалақит беряпти.

Бироқ осмон! Кўм-кўк, ҳеч қандай булут билан булғанмаган (бемаъни, тартибсиз, жинни-кетди туртишаётган буғ уюмидан илҳомланган қадим шоирларининг дидлари нақадар бачканা бўлган экан). Мен севаман – ишончим комилки, Биз фақатгина шу каби топ-тоза, бенуқсон осмонни севамиз десам, янглишмаган бўламан. Бундай қунларда бутун дунё, Зумрадранг Девор ва қолган барча иморатларимиз қурилишида фойдаланилган, мустаҳкам ва абадий шишадан барпо этилганга ўҳшайди. Бундай қунларда барча нарсаларнинг энг мовий чуқурлигини ҳис қиласан, ўша вақтгача уларнинг аллақандай номаълум, ақлбовар қилмас тенгламаларини энг одатий, қундалик нарсаларда кўрасан.

Хўш, мана масалан бу. Бугун эрталаб ИНТЕГРАЛ қурилаётган эллингда¹ эдим ва тўсатдан дастгоҳларни кўриб қолдим: кўзлари ёпиқ ва ўзини унугланган ҳолда регулятор шарлари айланар; кривошиплар чараклаб чапга ва ўнга букилар; балансир елкаларини ғуур ва ифтихор билан тебратар; исказа зарб урувчи дастгоҳнинг эшитилмас мусиқасига ҳамоҳанг ўтириб турар эди. Мен, қуёшнинг нурлари бироз тушиб турган, бу ҳайбатли машина рақсининг гўзаллигини энди англааб етгандим.

Ўзимга ўзим савол берар эдим: нега кўз олдимдаги жараён бу қадар гўзал? Нега рақс бу қадар жозибадор? Жавоб: рақснинг гўзаллиги унинг эркин эмаслигигида;

¹ Кема қуриш ёки ремонт қилиш учун мосланган иншоот

негаки унинг асл моҳияти айнан унинг эстетик жиҳатдан мутлақо тобелиги ва нуқсонсиз эрксизлигида. Агар аждодларимиз одатда улар учун муҳим бўлган онларда (диний маросимлар, ҳарбий юришларда) гина рақста тушганликлари рост бўлса, демак эрксизлик хисси азалдан инсон зотига хосдир ва ҳозирги ҳайтимизда биз – фақат онгли равишда...

Жумламни кейинроқ якунлашга мажбурман: нумератор ишлаб кетди. Нигоҳимни кӯтарар эканман: албатта, О-90 ни қўрдим. Ярим дақиқадан сўнг унинг ўзи бу ерда бўлади: менинг орқамдан сайрга чиқади.

Азизам О! Мен доим унинг исми жисмига мос деб ўйлардим: Оналик Меъёридан ўн сантиметр пастакроқ, шу сабабли юмалоқ йўниб шакл берилган ва пушти О – оғзи – менинг ҳар бир сўзимни “лаббай” деб кутиб олар эди. Бундан ташқари: унинг, одатда ёш болаларда учрайдиган, билакдаги думалоқ ва дўмбоқ бурмачаси ҳам бор эди.

У эллингта кирав экан, менинг қулоқларимда ҳали ҳамон маҳовикнинг² шовқини ғувилларди ва инерция туфайли мен ҳозиргина ўрнатган ва барчамизни – бизни, машиналарни, рақсни – ўз ичига қамраб олган формулам ҳақида гапни беихтиёр бошлаб кетдим.

- Қойилмақом! Шундай эмасми? - сўрадим мен.

- Ҳа, ажойиб. Баҳор, - деб, пушти лаблари билан кулиб қўйди О-90.

Ҳа, албатта, нима ҳам дейман: баҳор... У баҳор ҳақида гапирияпти. Аёллар... Мен индамадим.

² Салмоқли ғилдирак

Пастда. Ҳиёбонда одам тұла: бундай ҳаво бұлғанда түшлиқдан кейинги шахсий соатимизни құшымча саир қилишга сарфлаймиз. Ҳар доимгидек Мусиқа Заводи үзининг барча қувур ва мұрилари билан Ягона Давлат Маршини чаларди. Махсус ҳаворанг кийимларда, күкракларидаги нишонларда ҳар бирининг тартиб рақами қайд этилган юзликтар, мингликтар мусиқаны ҳамоҳанг тарзда чалиб, тұртталиқ қаторларда шахдам қадам ташлардилар. Мен – биз, тұртталамиз, – бу азамат оқимдаги сон саноқсиз тұлқинларнинг бириман. Чап тарафимда О-90 (агар бу сұзларни менинг сермүй аждодларимдан бири минг ғиллар олдин ёзганида, эхтимол, у О-90 ни кулгили “менинг севгилим” ибораси билан атаган бұларди); үнг тарафимда – қандайдир менга нотаниш бўлган аёл ва эркак рақамлар.

Роҳат баҳш этувчи мусаффо осмон, ҳар бир қўқрак нишонидаги кичик қуёшча, фикрлар телбаликларидан ташвишланмаган чеҳралар... Нурлар - биласизми: уларнинг барчаси қандайдир умумий, нурли, жилтмаяёттан матодан ташкил топган. Мис мезонлар эса: "Тра-та-та-там. Тра-та-та-там", улар қуёш нурларида жиловланаёттан мис зинапоялардир ва улар ёрдамида янада тепага, бошни гангитадиган кўм-кўкликка кўтариласиз.

Худди бугун эрталаб эллингда биринчи марта юз бергани сингари, мен яна, гүё илк бор, барисини үз қўзларим билан кўрдим: үзгармас тұғри қўчаларни, нур таратайёттан кўприк ойналарини, шаффоф уйларнинг илохий паралелепипед шаклини, кулранг аралаш кўк рангли сафларнинг квадрат монаңғыгини. Демак: гүёки бутун авлодлар эмас, фақатгина мен – айнан мен – эски Худо ва эски ҳаётни енгдим, мен үзим буларнинг барласини яратдим ва мен худди бир иморат кабиман,

деворлар, гумбазлар, машиналар... бўлаклари тўкилиб кетмасин деб қимирлашга ҳам қўрқаман.

Сўнгра биргина он — асрлар давонидан сакраб, мусбатдан манфийга ўтказиб қўяди. Тўсатдан бир музейдаги тасвир ёдимга келди (кескин фарқ билан ассоциация бўлса керак): уларнинг, ўша пайтдаги, йигирманчи асрдаги, жуда ҳам чипор бўлган одамлар, ғилдираклар, ҳайвонлар, дараҳтлар, ранглар, қушларнинг чалкаш тўпалони. Айтадилар-ку, бу аслини олганда содир бўлган – бўлиши мумкин бўлган. Бу ҳолат менга шу қадар ҳақиқатдан йирок, бемаъни туюлди-ки, чидамасдан қах-қах отиб кулиб юбордим.

Ўша заҳоти ўнг тарафдан акс садо – кулгу – эшитилди. Ўгирилиб қарадим: менга нотаниш, ажойиб оппоқ ва ўткир тишли бир аёл юзи кўзимга ташланди.

- Кечирасиз, - деди у, - худди афсоналардаги худо еттинчи кун оламни яратиб бўлгани сингари, сиз ҳам атрофни илҳом билан аланглаб кузатаётган эдингиз. Ўйлайманки, мени ҳам ўзингиз яратганингизга ишончингиз комил ва бундай ўйлашингиз менга ёқяпти...

Буларни ҳаммасини у бир марта ҳам жилмаймай, ҳаттоқи, қандайдир иззат-икром билан гапиради (балки у мен ИНТЕГРАЛнинг қурувчиси эканлигимни биларди). Аниқ билмайман – унинг кўзларида ёки қошларида – қандайдир ғалати ғашни келтирадиган икс бор эди ва мен, қанча уринмай, уни таърифлаб бера олмаяпман, унга бирор бир сонли таъриф беришга ожизман.

Мен бироз уялиб кетдим ва, эсанкираб, кулгимни тўхтатмасликка уриндим. Ўтмиш ва бугунги кун ўртасидаги ўтиб бўлмайдиган жарлик, равшан кўриниб турган фарқ эканлиги аён эди...

- Нега ўтиб бўлмайдиган экан? (Унинг тишлари бамисоли қор каби!) Жарлик ўртасида қўприк курса бўлади-ку. Бир ўйлаб кўринг: дўмбирилар, батальонлар, ҳарбий сафлар... олдин ҳам бўлган-ку. Демак...
- Ҳа, албатта: тушунарли! - деб бақирди у (фикрларимиз ақлбовар қилмас дараҷада бир хил эди: у сайр давомида ёзган қайдларимни деярли сўзма-сўз қайтарди).
- Биласизми: ҳаттоқи, бизнинг фикр ва ўйларимиз ҳам олдин кимларнингдур хаёлига келган. Негаки ҳеч биримиз "якка" эмас, балки "бутуннинг бир бўлагимиз". Барчамиз баравармиз, турдошмиз...

У:

- Ишончингиз комилми?

Икснинг ўткир қирралари мисоли чимирилган қошлар кўз олдимда эди. Фикрим нимагадир яна чалкашиб кетди. Ўнга, чапга қарадим... ва...

Ўнг тарафимда, хипчин каби кескин, эгилувчан ва хипча бўлган I-330 (унинг рақамини зўрға кўра олдим) турагар, чап тарафимда эса - унинг мутлақ тескариси, айланга ва доиралардан иборат бўлган, ёш болалар каби билагида дўмбок бурмачаси билан, О-90 турагарди. Чеккароқда менга нотаниш бўлган S ҳарфи сингари икки ёклама букилган бир эркак рақамни кўрдим. Тўргаламиз ҳам бир биримиздан фарқ қиласдик.

Паришон нигоҳимни ўнг тарафимда турган I-330 пайқаб қолди шекилли, хўрсиниб:

- Ҳа... Афсуски! - деб қўйди.

Аслини олганда, бу “афсуски” жуда ҳам ўринли айтилганди. Лекин унинг овозида ёки юзида менга сал ёқмаган аллақандай ифода мавжуд эди...

Мен, менга хос бўлмаган, кескинлик билан:

- Ҳеч ҳам афсус эмас. Илм фан тинимсиз ривожланмоқда. Аминман-ки, бугун бўлмаса эллик, юз йилдан кейин...

- Ҳаттоқи бурунларимиз ҳам...

- Ҳа, бурунлар, - деярли бақираётгандим мен. - Бор бўлса бўлди – ҳасад учун қандай асос бўлишининг фарқи йўқ. Менинг бурним “тутгача” каби бўлса, бошқа бироннинг бурни...

- Сизнинг бурнингиз, илгарилари “классик” дейилган, бурунлардан. Лекин қўлларингиз... Йўқ, қўлларингизни, қўлларингизни кўрсатинг-да!

Қўлларимга қарашларини жиним суймайди: тук босиб кетган, паҳмоқ – қандайдир бемаъни атавизм каби. Қўлимни унга узатиб, имкон қадар сокин овозда:

- Маймуналарнинг қўлидай, - дедим

У аввал қўлларимга, сўнгра эса юзимга қараб:

- Ҳа, бу жуда ҳам ажойиб ҳолат - дея, худди тарозида маҳсулот ўлчагандай, мени қўзлари билан баҳолади.

- У аллақачон мен учун ёзилган, - хурсанд пушти лаблари билан гапирди О-90.

Яхшиси у индамай турса бўларди. Бу гаплар умуман ноўрин айтилганди. Аслида, бу дилбар О-90... нима десам экан... унинг гапириш тезлиги тўғри ўлчанмаган.

Гапириш тезлиги фикрлаш тезлигидан бироз секинрок бўлиши керак, бунинг тескариси ҳеч ҳам яхшимас.

Хиёбон охирида, аккумуляторли минорада, кўнғироқ жаранглаб 17 ни чаларди. Шахсий вақтимиз тамом бўлганди. I-330 S-симон эркак ракам билар кетарди. У иззат-эҳтиром бағишловчи ва бироз таниш бўлган юз соҳиби эди. Қаердадур уни учраттанман – лекин ҳозир қаердалигини эслай олмаяпман.

Хайрлашар эканмиз, I-330 ҳали ҳам чимирилган қошлари билан менга жилмайиб қўйди.

- Индингта 12-аудиториумга кириб ўтинг.

Мен ҳайрон бўлиб:

- Агарда сиз айтган аудиториумга бориш учун маълум билан буйруқ олсан...

У ғалати ишонч билан:

- Оласиз, - деди.

Худди тенгламанинг номаълум қийматини топа олмаганингизда жонингиз чиққани каби, бу аёл ҳам менга ёқимсиз таъсир қиласади. Оз муддатга бўлсада, дилбар O-90 билан иккимиз ёлғиз қолганимизга жуда ҳам хурсанд эдим.

Қўл ушлашиб, у билан хиёбоннинг тўрт чизигини биргаликда кесиб ўтдик. Хиёбон бурчагига етганимизда у – ўнгга, мен эса чапга кетишим лозим эди.


- Бугун сизнинг олдингизга келишни, пардаларни туширишни жуда ҳам хоҳлардим. Айнан бугун, ҳозир... - мовий-биллур кўзлари билан менга тикилиб, деди у.

Жиннивой. Унга нима хам дея олардим? У менинг олдимга кечагина келганди ва навбатдаги жинсий алоқа кунимиз фақатгина индингта бўлиши мумкин эканлигини менданда яхшироқ биларди. Бу худди фикрлашдан олдин сўзлаш сингари. Моторга учқун етказиб беришдан олдинги ҳаракат баъзида зарарли бўлгани каби.

Хайрлашиш пайтида унинг кўм-кўк, булутлар билан булғанмаган, мўъжизавор кўзларини икки марта... йўқ, аникроғи, уч марта ўпдим.

Учинчи қайд
Конспект:

Пиджак. Девор. Лавх.



“ Кече ёзғанларимни күздан кечириб, етарли даражада аник ва равшан ёзмаганligимни тушундим. Яни, албатта, ёзғанларимни Биз барчамиз англай оламиз. Лекин Сизлар... Ким билсін, балки сизлар, бизнинг 900 ийл аввал яшаб үтган аждодларимиз сингари, тараққиётнинг буюк китобини фақатгина улар

ўқиган сахифагача ўқиган ва келажақда, ИНТЕГРАЛ сизнинг олдингизга учиб борганида, менинг қайдларимни ўқиши бахтига сазовор бўладиган, илмсиз мавжудотларсиз. Балки сизлар, ҳаттохи, Соат Лавхи, Шахсий Вакт, Оналик Меъёри, Зумрад Девор, Валинеъмат каби тушунчалар хақида бошланғич билимга ҳам эга эмассиз. Бундай эҳтимоллар ҳақида ёзар эканман, бир вақтнинг ўзида ҳам кулгим, ҳам йиғлагим келяпти. Бу худди қандайдир XX аср ёзувчиси ўз ўқувчисига “пиджак”, “уй”, “турмуш ўртоқ” каби нарсаларни тушунтиришига ўхшайди. Бироқ, унинг асари ёввойи инсонлар ёки мавжудотлар учун мўлжалланган бўлса, “пиджак” сўзини изоҳламай ўтиб кетишнинг имкони борми?!

Ёввойилар “пиджак”ни кўрганларида: “Бундан нима фойда бор? Ортиқча юк холос-ку” - деб ўйлаганликларига аминман. Ишончим комилки, сизга Иккюз Йиллик Урушдан сўнг ҳеч биримиз Зумрад Девор ортига қадам босмаганлигимизни айтсан, сиз ҳам Ёввойилардек мулоҳаза қилишни бошлайсиз.

Лекин, азизларим, оз бўлсада фикр юритиш керак-ку. Бунинг фойдаси жуда ҳам катта. Барчамиз учун кундай равшан: бутун биз билган инсоният тарихи кўчманчи ҳаёт тарзидан ўтрок ҳолатига ўтишдан иборатdir. Демак, ўтрок ҳаёт тарзи (бизнинг ҳаётимиз) ривожланганроқ, мукаммалроқ ҳаёт тарзи (бизнинг ҳаётимиз) эканда. Инсонлар у ёқдан бу ёққа алаҳсираб юрган бўлсалар, бу фақатгина миллатлар, урушлар, савдо-сотиқ ва турли ҳил американалар кашф этилишлари мавжуд бўлган вақтда юз берган, холос. Бунга энди эҳтиёж йўқ!

Менимча: ўтрок ҳаёт тарзига ўрганиш осонгина ва бирданига ривожлангани йўқ. Иккюз Йиллик Уруш натижасида барча йўллар хонавайрон бўлиб, ўт ўлан

билин үсиб кетган пайтларда, бир бирларидан қалин чакалакзорлар билан ажратилған шаҳарларда яшаш анчагина қийин бўлган. Хўш, нима бўлибди? Инсоннинг думи узилиб тушгандан сўнг, эҳтимол, у учун атрофида ғувиллаётган пашшаларни думисиз хайдашни осонлик (или бирданига) билан ўрганиб олмаган бўлса керак. Дастребки онларда, шак шубҳасиз, унга думи етишмаган. Лекин ҳозирда думингиз бўлишини тасаввур қила оласизми? Ёки: қўчада қип-яланғоч, “пиджак”сиз (балки сиз ҳали ҳам пиджақда юрибсиз) юришингизничи? Менинг ҳолатим ҳам айни шундай: Зумрад Девор билан ўралмаган шаҳарни, рақамли Лавҳларда акс эттирилмаган ҳаётни тасаввур қила олмайман.

Лавҳ... Ҳозир ҳам унинг олтин сатҳдаги қирмизи рақамлари хонам деворларидан менга газаб ва мулојимлик билан нигоҳ солмоқда. Беихтиёр, аждодларимиз уни Икона деб атаганликлари ёдимга тушди ва, натижада, шеър битгим келди. Эҳ, нега мен сени муносиб равишда мадҳ эта оладиган шоир эмасман, о, Ягона Давлатнинг юраги бўлган, Лавҳ?!

Биз барчамиз (балки сиз ҳам) қадимги адабиёт ёдгорликларидан бўлган буюк “Темир йўллари жадвали”ни мактабда мутолаа қилганмиз. Аммо бундай дурдона асар ҳам Лавҳга teng кела олмайди - худди графит ва олмосни бир бири билан таққослаётгандай: иккисида ҳам С - углерод мавжуд, бироқ олмоснинг чидамлилиги, гўзаллиги ва шаффоғлиги олдида графит оддий кўмирдир. “Темир йўллар жадвали”ни ўқир экансиз, юрагингиз ҳовлиқиб, асар саҳифаларини “югуриб-елиб” ўқиётганингизни пайкамай қоласиз. Бироқ Соат Лавҳи бизларни тушимизда эмас, балки ўнгимизда буюк достоннинг олти-ғилдиракли қаҳрамонига айлантиради. Ҳар тонгда, олти-ғилдирак каби аниқлик билан, айни соатнинг айни дақиқаларида

миллионлаб сонлар, бир тану бир жон сингари, уйқудан уйғонади. Бир хил вақтда барчамиз – миллионлаб сонлар – ишни бошлаймиз, бир хил вақтда уни тугатамиз. Миллионлаб күлларга эга бўлган ягона бир тана сингари, Лавҳ томонидан ўрнатилган сонияларда барчамиз баравар овқатланамиз, сайд қиласиз, аудиториумга ёки Тейлор машқлари бажариладиган залга борамиз ва уйқуга кетамиз.

Сизлар билан имкон қадар ростгўй бўлмоқчиман: биз ҳам ҳали ҳануз баҳт жумбоби учун аниқ жавобга эга эмасмиз: кунига икки марта - 16:00 дан 17:00 гача ва 21:00 дан 22:00 гача қудратли яхлит организм алоҳида хужайраларга бўлинниб кетади: ушбу жараён Соат Лавҳи томонидан ўрнатилган шахсий вақтимизда ўз аксини топади. Юқорида таъкидлаб ўтилган вақт давомида сиз турли хил ишлар гувоҳи бўла оласиз: кимнингдир хонасида пардалар туширилган, кимдир Marsh ўтказиладиган жойдаги мисли зинапоялар бўйлаб хиёбон томон сайрга чиқкан, кимдир эса мен каби ёзув столи устида бир нималарни қайд этиш билан машғул. Хоҳласангиз, мени ҳаёлпараст идеалист деб атанг, лекин кун келиб ушбу соатлар ҳам умумий формулада ўз ўрнига эга бўлади; кечми эртами 86 400 сония ҳам Соат Лавҳи таркибиға киритилади.

Уюшмаган, ёввойи ҳолатда, худди ибтидоий тўда сингари, ҳаёт кечирган инсонлар жамияти, замони ҳақида кўплаб ажойиб ва ғайриоддий маълумотлар қулоғимга чалинган. Лекин ўша пайтдаги Давлат ҳуқумати (муртак ҳолатда бўлса ҳам) аҳолиси Лавҳсиз, шахсий вақтсиз, мажбурий сайrlарсиз, аниқ ўрнатилган овқат вақтларисиз яшаганликлари ва ўзлари хоҳлаган пайтларида уйқудан туриб, уйқуга кетганликлари мен учун энг ақлбовар қиласас нарса эди. Айрим тарихшунос олимларнинг таъкидлашича, ўша замонларда қўчаларда

чиrokлар туни билан ёкиң қолар ва, хаттоқи, машиналар ўёқдан-буёкка тұхтовсиз қатнарди экан.

Мана шуларни фахмлай, англай олмайман. Қанчалар калтафаҳм бұлмасынлар, улар кечираётган ҳаёт тарзи кундан кунга аста-секин ҳаётларидан маҳрум қилувчи ўлимнинг ўзи эканлигини англашлари керак эди-ку! Ҳукумат (инсонпарварлик) бир инсонни ўлдиришни тақиқлар, лекин миллионлаб инсонларнинг ярмини кириб ташлашга йўл очиб берарди. Бир инсонни ўлдириб, айтайлик, бутун инсоният ҳаётининг йигиндисидаги йилларни 50 йилга қисқартириш бу жиноят, лекин 50 миллион йилга қисқартириш – жиноят эмас. Кулгили эмасми?! Бизнинг жамиятимизда бу математик-аҳлоқий масалани ҳар қандай 10 ёшли сондан сұрасанғиз сонияларда ечиб беради. Уларнинг, аждодларимизнинг, барча Кантлари³ биргалиқда ҳам бу масаланинг ечимини топа олмайди. Кантларнинг ҳеч бири айириш, күшиш, бўлиш, қўпайтиришга асосланган илмий аҳлоқ-одоб тизимини тузга олмаган.

Ҳукумат (яна улар ўзларини ҳукумат деб аташга журъат қилишган) инсонларнинг жинсий ҳаётини мутлақ эркин ҳолатда қўйиши бемаъни, тутуруқсиз ҳаракат эмасми?! Ким, қаерда ва исталган миқдорда... Мутлақо онгсиз, худди ҳайвонлар каби ва, ҳайвонлар сингари, қўр-қўронা, болаларни дунёга келтирардилар. Боғбончилик, паррандачилик, балиқчилик касбларини эгаллаб (бу тўғрисида бизда аниқ маълумотлар мавжуд), ушбу мантиқий зинапояннинг сўнгти пиллапояси бўлган “болачилик”ни ўзлаштирмаслик кулгили эмасми?! Бизда мавжуд бўлган Оналик ва Оталик меъёрлари қандай уларнинг ақлларига келмаслиги мумкин?!

³ Машхур немис файласуфи Иммануил Кантнинг номи яшаб ўтган барча буюк файласуфларга “ҳавола” сифатида кўрсатилган

Ёзганларим жуда ҳам кулгили, жуда ҳам ҳақиқатга зид; башарти сиз, нотаниш ўқувчим, мени бир баджахл ва қаҳрли масхарабоз сифатида тасаввур қиласиз деган кўркувдаман. Ким билсин, балки мен сизни шунчаки мазах қилмоқчи бўлганимни ва юзимда жиддий ифода билан сизга сафсата айтиб бераётганлигимни тушунарсиз.

Биринчидан: мен ҳазиллашишга қодир эмасман, чунки ҳар бир ҳазилга сезилмас тарзда ёлгон аралашган бўлади; иккинчидан: Ягона Давлат Илми тасдиқлашича, азал одамларининг ҳаётлари айни шундай бўлган, ваҳоланки, Ягона Давлат Илми ҳеч замон адашмайди. Инсонлар эркин, яъни ҳайвонлар, маймунлар, тўдалар сингари ҳаёт кечирган бир вақтда, ҳукуматда мантиқ қаердан ҳам пайдо бўлсин?! Ҳатто бизнинг давримиизда ҳам гоҳида узоқлардан ёввойи, маймунларга хос бўлган акс-садо эшитилса, улардан ҳукуматдаги мантиқни талаб қилиш, менинг фикримча, ноўрин.

Бахтимизга, бу фақатгина онда-сонда рўй беради. Бахтимизга, улар бутун улкан Машинанинг харакатига тўскинлик қила олмайдиган, кичик қисмларининг носозликларидан иборат. Бахтимизга, ишдан чиқсан болтни иргитиб юбориш учун Валинеъматнинг мохир қўллари ва Кўриқловчиларнинг тажрибали кўзлари мавжуд.


Ҳа, айтганча, эсладим: кеча учратган, икки марта букилган, S-шаклидаги эркак рақамни Кўриқловчилар Бюросидан чиққанини кўргандайман. Нима сабабдан унга нисбатан менда ўз-ўзидан иззат-эҳтиром ҳисси пайдо бўлганлигини энди англаб етмоқдаман ва ўша куни унинг олдида бу ғалати I-330...

Тан олишим керак, бу I-330...

Қўнгироқлар чаляпти: соат 22:30. Ухлаш керак. Эртагача.

Тұртингчи қайд
Конспект:

Барометрли⁴ ёввойи. Тутқанок. Қани энди.



“ Бу онга қадар ҳаётдаги барча нарсалар мен учун күн каби равшан эди (демек, “равшан” сүзини бекордан бунча күп ишлатмайман экан). Бугун эса... Англай олмаяпман.

⁴ Атмосфера босимини ўлчаш учун мүлжапланган асбоб

Биринчидан: худди I-330 айтгани каби, 112 аудиториумга боришим ҳақида буйруқ олдим. Бундай буйруқ олиш эҳтимоли:

$$1500 \div 10\,000\,000 = 3 \div 2000$$

га тенг эди. (1500 – аудиторуимларнинг умумий сони, 10 000 000 – барча сонлар миқдори).

Иккинчидан эса... Яхшиси, барчасини сизларга тартиб билан айтиб бераман.

Аудиториум. Шиша идишлардан ташкил топган, ич-ичига қуёш нурлари сингиб кетган, баҳайбат яримпалла. Силлиқ қилиб қиртишланган (дум)-думалок бошларнинг доирасимон сафи. Юрагимни бироз ҳовучлаб атрофга кўз югурутиридим. Менимча, мовий униформалар тўлқинида пушти ўроқ – дилбар О-90 нинг лаблари – ялт этиб кўриниб қолишини излагандим. Ана кимнингдур ақлбовар қилмас даражадаги оқ ва ўткир тишлари... Худди... Йўқ, адашдим. Бугун кечки пайт соат 21:00 да О-90 менинг олдимга келади. Уни кўришга бўлган хоҳишим тамомила табиий ҳол эди.

Ана қўнғироқ чаляпти. Барчамиз туриб, Ягона Давлатнинг мадҳиясини баралла куйладик.

- Ҳурматли рақамлар! Тунов кун археологларимиз йигирманчи асрга оид бир китобни ердан қазиб олдилар. У китоб муаллифи истеҳзо билан бир ёввойи инсон ва барометр ҳақида ёзган. Ёввойи бирдан пайқаб қолди: ҳар сафар барометр кўрсаткичи “ёмғир”да тўхтаб қолса, ҳақиқатдан ҳам ёмғир ёғарди. Ёввойи ҳар сафар ёмғир ёғишини хоҳлаганида барометрда “ёмғир” кўрсатгичи учунгина етарли миқдорда симобни қолдирарди.

(Экранда барометрда кавланаётган ёввойининг расми кўрсатилди: барча сонлар қаҳ-қаҳ отиб қулиб юбордилар).

Барчангиз Ёввойининг устидан куляпсизлар: бироқ мазах қилишга ўша даврнинг европаликлари лойикроқ эмасми?! Худди ёввойи сингари, европалик ҳам ёмғир ёғишини хоҳларди. Лекин у иродасиз рухи тушган ҳолда барометр олдида қотиб тураверарди. Ёввойида эса, ҳеч бўлмаса, етарли даражада ирода ва жасурлик бор бўлган, ва, ёввойиларнинг мантифига кўра бўлса ҳам, у оқибат ва сабаб ўртасида боғлиқлик ўрната олганди. У симобни кавлаб олиб ташлар экан, буюк йўлга биринчи қадам қўйиш баҳтига сазовор бўлди...

Шу он (қайтариб ўтаман: ҳеч нимани беркитмай, борича ёзяпман), шу он радиокарнайнинг ҳаёт баҳш этувчи овозлари менга гўёки умуман таъсир қилмай қўйди. Бирдан бу ерга келганим мен учун беҳуда ишдай туюла бошлади (Нега беҳуда? Ахир, буйруқ берилгандан кейин келмай бўлармиди?!). Фонолектор асосий мавзуга, яъни яқинда ихтиро қилинган мусиқаметр ва математик мусиқий асар (математика – сабаб, мусиқа – натижা), ўтгандагина эътиборимни базўр унинг сўзларига қаратадим.

- ... Ушбу дастани, ким бўлишидан қатъий назар, айлантирсангиз, соатига учта сонатагача яратишингиз мумкин. Сизнинг ажоддларингиз бундай натижаларга эришиш учун тинимсиз меҳнат қилганлар. Улар фақатгина, тутқаноқнинг ноаниқ қўринишларидан бири бўлмиш “илҳом” ҳолатига тушганларидағина санъат асари яратишга қодир бўлган. Қаршингизда

аждодларингиз орасида машхур бўлган Скрябиннинг⁵ мусиқаси. Бу қора қутини...

(саҳна пардалари очилди ва у ерда қадимий мусикий асбоб турарди)

... бу қутини улар “рояль”, яъни “шоҳона” деб аташган. Шунинг ўзи ҳам уларнинг мусиқаси қай даражада...

Үёғи яна эсимда йўқ. Бунинг сабаби... Майли, гапни кўп айлантирмасдан айти қолай: ўша пайт рояль олдига I-330 келганди. Балки унинг саҳнада беҳосдан пайдо бўлиши мени ҳайратга солгандир.

У қадим замонга оид қандайдир ажойиб либосда эди: қоматта ёпишиб турган қора кўйлак, очик елкалари ва кўкракларининг оклиги... ва кўзни қамаштирувчи баджаҳл тишлар...

Кулгуси гўё тишлаб оладигандай. I-330 ўтириб мусиқа чала бошлиди. Ўзларининг ҳаётига ўхшаб ёввойи, ола-чипор ва мувозанатсиз – онгли ғайриихтиёрликдан асар ҳам йўқ. Албатта, атрофимдагиларнинг барчаси қаҳ-қаҳ отиб кулишяпти. Фақат баъзиларгина... лекин нега мен ҳам – мен ҳам?

Ҳа, тутқаноқ бу – руҳий қасаллик, бу оғриқ. Аста-секин таъсир қилувчи ёқимли оғриқ – гўё санчилади – ва қанчалик чуқурлашса, шунчалик дардли. Ваниҳоят, аста-секин офтоб кўринди. Бизнинг кўкимтири билтур, ойналар аро сизиб чиқувчи текис офтоб эмас. Асло. Ёввойи, шиддат билан отилиб кириб, борлиқни жизғаноқ қилувчи ёввойи қуёш. Олдимда ўтирган бир кимса чап тарафга – менга қараб хириналади. Негадир ўша он

⁵ 1871-1915-йилларда яшаб ўтган машхур рус созанда ва бастакори А.Н.Скрябин

ҳотирамга муҳрланиб қолди: оғзининг чеккасида сўлақдан бўлган жуда ҳам кичик пуфак, унинг кулгусидан сўнг, ёрилди. Айнан шу пуфакча мени қайта хушимга келтирди. Мен – яна менман.

Барча рақамлар сингари мен ҳам яна торларнинг бесўнақай, бехаловат тарақ-турукнигина эшита бошладим. Жилмаярдим. Ўзимни енгил ҳис қила бошладим. Иқтидорли фонолектор бизга ўша ёввойи даврни ошиқча даражада жонли тасвиirlаб берганди холос. Бор гап шу.

Ундан сўнг ўзимизнинг замонавий мусиқамизни қандай роҳат билан тинглаганимни тасаввур ҳам қила олмайсиз. (Лекция охирида икки замон мусиқаларини ўзаро таққослаш учун бизнинг мусиқани ҳам чалишганди). Сон саноқсиз сафларнинг билур хроматик зинапояларининг тинимсиз харакати; Тейлор⁶, Маклорен формулаларининг аккордларда жамланиши; Пифагор иштонларининг⁷ тонна-тонна квадратсимон юришлари; сўнаётган тебранувчи харакатларнинг ғамгин мусиқаси; фраунгоферов чизикларининг тўхтамларида алмашаётган мусиқанинг ёрқин вазн бирликлари... Қандай маҳобат! Қандай қўзгалмас қонуният! Аждодларимизнинг ёввойи ҳаёлдан ташқари бошқа ҳеч нарса билан чекланмаган мусиқаси унинг олдида нақадар ожиз, нақадар рўдапо!

Ҳар доимгидек, тўртта-тўрттадан сафларда барча рақамлар аудиториумни кенг эшиклардан тарқ этардилар. Олдимда икки ёқлама букилган таниш қомат ялт этди. Мен хурмат билан таъзим қилиб қўйдим.

⁶ Дифференциал ҳисоблашнинг бир қатор теоремаларини исботлашда фойдаланиладиган формулалар

⁷ Геометрик термин – Pythagorean Theorem ёки Пифагоровы Штаны

Бир соатдан сўнг дилбар О-90 келиши керак. Шу сабабли бироз ҳаяжондаман. Лекин бу ёқимли ва самарали ҳаяжон. Уйда, тӯғрироғи, ишхонада навбатчига пушти чиптамни кўрсатиб, пардага эга бўлиш ҳаққига руҳсат олдим. Бу ҳуқуқимиз фақат жинсий алоқа кунлари учун кучга эга. Одатда эса, доимо қуёш нурлари ва бошқаларнинг нигоҳлари остида ўзимизнинг шаффоф пардалар билан яшаймиз. Улар гўё ялтираётган ҳаводан тўқилгандек. Зоро, бир-биримиздан яширадиган нарсамиз йўқ. Бундан ташқари, бундай пардалар Кўриқловчиларнинг буюк ва оғир ишини оз бўлсада енгиллаштиради. Йўқса нималар содир бўлмайди дейсиз! Эҳтимол, аждодларимизнинг айнан ўша ғалати ва ёпик кулбалари уларнинг аянчли хужайравий психологияси пайдо бўлишига сабаб бўлган. "Менинг (sic!) уйим - менинг қалъам" - тавба, шундай бемаъни гап ҳам бўладими!

21:00 да пардаларни ёпдим ва ўша пайт, бироз ҳансираਬ, О-90 келиб қолди. У менга пушти лаблари ва пушти чиптасини "узатарди". Чиптани йиртиб ташладим ва сўнгги сониялар, яъни 22:15 гача, ўзимни унинг пушти лабларидан уза олмасдим.

Сўнгра, унга ўзимнинг "қайдларимни" кўрсатдим ва яна квадрат, куб ва текис чизик гўзаллиги ҳақида гапирган бўлсам керак. У, кўзларини мендан уза олмай, пушти ранг каби мафтункор бўлиб, сўзларимни диққат билан тингларди. Тўсатдан мовий кўзлари намланиб, нақ очик турган қайдларим устига (7-бет) бирин-кетин томчи-томчи кўз ёшлари тома бошлади. Сиёҳ ёйилиб кетди. Ана холос, қайтадан ёзиб чиқишга тӯғри келади энди.

- Азизим D-503, қани энди сиз, қани энди...

Яна шу эски гапми “қани энди”? Нима “қани энди”? Яна ўша эски гап: фарзанд. Ёки ҳалиги... ҳалиги тұғрисида бирор бир яңгилекмекин? Лекин... бу тұғрисида... Йүқ, бұлиши мумкин эмас.



Бешиңчи қайд
Конспект:

Квадрат. Дунё хукмронлари. Ёқимли ва фойдали вазифа.

“

Яна күнглимдагидек эмас. Сиз билан, менинг нотаниш ү��үвчим, яна гүё сиз... айтайлик, лаблари қора танлиларники сингари катта бўлган эски шоир дўстим R-13 билан гаплашгандек гаплашяпман. Балки сиз Ойда, Венерада, Меркурийдадирсиз. Ким билсин.

Биласизми нима: бир квадратни, жонли гўзал квадратни, тасаввур қилинг. У сизга ўзи ва ҳаёти ҳақида айтиб бериши керак. Квадрат сизга хеч қачон унинг тўрт бурчаги тенглиги ҳақида айтиб бермаган бўларди, чунки бу у учун шу қадар одатий, кундалик ҳолатга айланган-ки, у бунга эътибор ҳам бермай қўйган. Энди мени тушуняпсизми? Мен ҳам худди шу квадрат ҳолатидаман. Масалан, пушти чипта ва улар билан боғлиқ барча нарсалар: мен учун улар - квадратнинг барча бурчаклари тенглигидек. Эҳтимол, сиз учун бу Ньютон биномидан ҳам тушунарсизроқдир.

Хуллас. Қадим донишмандларидан бири тасодифан бир ақлли гапни айтган экан: “Севги ва очлик дунёни бошқаради”. Ergo⁸: демак, дунёни қўлга олиш учун, инсон дунё хукмдорларини ўзига бўйсундириши керак. Бизнинг аждодларимиз ўзларининг оғир машаққатлари ёрдамида, ниҳоят, Очликни эговлаган эдилар: машаққатлар дер эканман, мен Буюк Иккюз Йиллик Уруш ҳақида гапиряпман. Балки, ёввойи христианлар диний ҳурофотлари сабабли ўзларининг "нон"ларига қаттиқ ўжарлик билан ёпишиб олгандирлар. Ягона

⁸ Лотин тилидан олинган сўз бўлиб, “бинобарин” маъносига эга

Давлатга асос солинишидан 35 йил олдин биз хозир истеъмол қилаётган, нефтдан бўлган овқатимиз ихтиро қилинган. Ер аҳолисининг фақатгина 0,2% и тирик қолган бўлса ҳам. Аммо, минг йиллик аҳлатдан қутилган Ерззи қай даражада нур таратаётганлигига қаранг. Бироқ, ўша тирик қолган ўндан икки қисм Ягона Давлатнинг қасрларида роҳат ва фарогатда яшяпти.

Ахир, ҳаммамизга аён-ку, баҳт деб аталмиш касрнинг сурат ва маҳражи бу роҳат ва ҳасаддир. Ҳаётингизда ҳасад учун ҳануз бирор сабаб қолган бўлса, Буюк Иккюз Йиллик Уруш қурбонликларидан қандай маъно?! Тугмача ва классик шаклдаги бурунлар бор экан, ҳасад учун баҳонага ҳам ўрин бор (сайрга чиққанимиздаги тортишувимиз сабаби). Кимнингдур севгиси учун минглаб инсонлар ўзларини қурбон қиласр экан, кимдур эса ҳеч кимга керак эмас экан, ҳасад учун ҳамиша сабаб топилади. Очликни (алгебраик = ташқи эзгулик йифиндиси) қўлга олгандан кейин, Ягона Давлат дунёning иккинчи ҳукмрони бўлган Севгини забт этиш учун ҳаракатлар бошлиғанлиги турган гап. Ваниҳоят, бу оғат ҳам енгилди, аниқроғи ташкиллаштирилди, математик формулага айлантирилди ва 300 йилча олдин Ягона Давлатнинг тарихий “Lex sexualis”, яъни “Жинсий алоқа қонунлари”, эълон қилинди. Унга кўра ҳар бир рақам - худди жинсий молга ўхшаб – хоҳлаган рақамига “эга бўлиш” ҳуқуқига эга.

Қолгани эса оддий техника. Сизни Жинсий Бюро лабораторияларида синчиклаб ўрганиб чикадилар, қонингиздаги жинсий гормонлар миқдорини аниқлайдилар. Шу маълумотларга таяниб, Бюро ишчилари сизга мос келадиган “Жинсий алоқа кунлар рўйҳати”ни тузадилар. Сўнгра сиз бу кунлар давомида қайси рақамдан фойдаланишни истаётганингиз ҳакида уларга маълумот берасиз ва тегишли билетлар

китобчасини (пушти) кўлга киритасиз. Шу холос. Қийин жойи йўқ.

Тушунарли: ҳасад учун ҳеч қандай сабаб қолмади, баҳт касрининг маҳражи нолга тенглаштирилди – каср серҳашам чексизликка айлантирилди. Қадимги инсонлар учун сон-саноқсиз аҳмоқона фожиаларнинг сабабчиси бўлган нарса, бизнинг жамиятимизда, худди уйқу, жисмоний меҳнат, овқатланиш, бавл қилиш ва шу кабилар сингари, ёқимли ва фойдали вазифага айлантирилган. Ана кўриб қўйинг мантиқнинг кучи нималарга кодир эканлигини! У дуч келган барча нарсаларни поклайди. Эҳ, қани энди сизлар ҳам, нотаниш кимсалар, бу илохий кучни танисангиз. Қани энди сиз ҳам унинг ортидан охиригача эргашсангиз.


...Ғалати, бугун инсоният тарихининг юксак чўққилари ҳақида ёзиб, гўё тоғ ҳавосидан нафас олган бўлишимга қарамай, кўнглим негадир “булутли”, ўргимчак ислари остида қолган тўрт-панжали иксдай. Ёки бу менинг панжаларим-ми? Ҳа, албатта, менинг паҳмоқ панжаларим. Мен қўлларим ҳақида гапиришни ёқтирмайман – мен уларни умуман ёқтирмайман: улар мен учун мисоли ёввойи даврдан қолган излар. Наҳотки, менда ҳамон...

Юкорида ёзганларимни ўчириб ташлагим келди, чунки мен конспект чегараларидан чиқиб кетаётган эдим. Лекин сўнгра қандай бўлса шундайлигича қолдиришга қарор қилдим. Майли менинг қайдларим, худди ингичка сейсмограф⁹ каби, ақлингиздаги энг сезилтмас қимирлашларни ҳам қофозга тушуриб кетсин, чунки баъзида айнан шу қимирлашлар аломат бўлиб ҳизмат қиласди...

⁹ Ер қимирлашини автоматик равишда қайд қилувчи асбоб

Мана бу энди соф бемаънилик бўлди. Бу гапларни ўчириб ташласам яхши бўлар эди. Бизнинг жамиятда барча табиий оғатлар ўз изига туширилган, бирон бир ҳалокат юз бериши имконсиз.

Қалбим тубидаги ғалати ҳиснинг қўзгатувчисини топгандайман: барчасига сабабчи, мен сизга бошида айтиб берган, квадрат ҳолатимдир. Йўқ, менда ҳеч қандай икс қолгани йўқ. Аксинча, сизда, менинг қадрли ўқувчим, икс колиб кетиши мумкин деб хавотирдаман. Лекин умид қиласман-ки, мени қаттиқ мазаммат қилмайсизлар. Қайдларимни ёзишда қай даражада қийналаётганимни тушунасиз деган умиддаман. Ахир, инсоният тарихидаги ҳеч қайси ёзувчи ўтмишдаги ёввойи аждодлари учун асар ёзмаган. Барча ёзувчилар ё ўз замондошлари, ё келажакдаги янги авлод учун ижод қилади..



Олтинчи қайд
Конспект:

Ходиса. Ларьнати тушунарли равшанлик. 24 Соат.

“ Қайтараман: мен ҳеч нимани беркитмай ёзишни ўз зыммамга олганман. Шунинг учун, ачинарли бўлса ҳам, ҳаётнинг қотиши, кристаллашиши, ҳаттоки биздек ривожланган жамиятда ҳам, ўз нихоясига етмаганлигини шу ерда айтиб ўтишим керак. Мукаммалик сари яна бир неча босқич қолган. Мукаммалик (аниқ-ки) ҳеч нарса содир бўлмайдиган макондир, бизда эса... Масалан эътиборингизни бунга қаратинг: бугун Давлат Газетасида Куба майдонида Адолат байрами бўлиб ўтиши ҳакида бир мақола ўқидим. Менимча, қайси дир рақам яна буюк Давлат машинасини ишдан чиқарган бўлса керак. Яна кутилмаган ҳодиса, яна ҳисоблаб бўлмайдиган ҳолат.

Бу ҳали ҳаммаси эмас, менга ҳам нимадур бўляпти. Асли, бу кутилмаган ҳолат Шахсий вақт давомида, яъни бу каби ҳодисалар учун маҳсус ажратилган вақт давомида, юз берди, лекин...

Соат 16:00 атрофида (аникроғи 15:50 да) уйда эдим. Тўсатдан телефон жиринглади.

- D-503? - деди аёл овози.
- Ҳа, - жавоб бердим мен.
- Бўшмисиз?
- Ҳа.
- Бу мен I-330. Мен ҳозир сизни олгани учиб ўтаман ва иккимиз Қадимий Уйга борамиз. Бўладими?

I-330... Шу I-330 мени роса асабийлаштиради, гашимга тегади - сал кам күркитади десам ҳам бўлади. Лекин айнан шу сабабли мен “Ҳа” дедим.

5 дақиқадан сўнг биз аэрода эдик. Майолика¹⁰ каби доғсиз мусаффо осмон ва олтин Қуёш бизнинг ортимиздан қувиб борар эди. Лекин олдинроқда бемаъни, дўмбоқ булут, қадимий “Купидоннинг¹¹” ёноқлари сингари, оқариб турибди. Олд ойна бироз очик, кираётган шамолдан лаблар яна қуриқшаб кетяпти. Беихтиёр уларни намлаб туришинг керак ва, натижада, тинмай лаблар ҳақида ўйлашга мажбурсан.

Мана узоқдан, Буюк Девор ортидан, яшил доғлар хира-хира кўрина бошлади. Сўнгра юрагим енгил ҳавотирлангандай бўлди: баланд тоғдан югуриб тушгандаӣ – тезлик билан пастга, пастга, пастга – ва биз Қадимий Уйга ҳам етиб келдик. Бу ғалати, нимжон ишшоот бамисоли шиша пўст билан ўралган: акс ҳолда, у аллақачон қулаб тушган бўларди. Шиша эшик олдида, юзи ажинларга тўлган, лаблари бурмайган, оғзи деярли кўринмай кетган бир кампир турарди. Үнинг гапириш эҳтимоли деярли йўқ эди, аммо бироздан сўнг у:

- Ҳа, азизларим, менинг уйимни зиёрат қилгани келдингларми? - деди у ва унинг юзидағи ажинлар нур таратишни бошлади (яъни унинг ажинлари нурсимон йигилиб қолди ва шу сабабли нур таратаетганга ўхшади шекилли).
- Ҳа, бувижон, яна уйингизни кўргимиз келиб кетди, - деб жавоб берди I-330.

¹⁰ Сирланган сопол идиш

¹¹ Юонон мифологиясида ёш болакай сифатида тасвирланган севги худоси

Бу гаплардан сұнг бувининг ажинлари үзидан нур таратишины бошлади:

- Қүёшни қаранг! У биздан нима хоҳтайди экан, а? Ах, зумраша! Биламан, биламан. Үзингиз бораверинглар, мен яхиси қуёшда тобланиб үтириб тураман...

Хм... Афтидан, менинг ҳамроҳим буерда доимий меҳмонга үхшайди. Бир нарса менга худди ҳалал берәёттандек ва у нарсаны устимдан қоқиб ташлагим келяпти, аммо у нима эканлигини била олмаяпман. Балки у ҳаворанг текис майолика тимсолидаги булутдир.

Коронғуликда кенг зинапоядан чиқар эканмиз, I-330:

- Бувижонни жуда ҳам яхши күраманда, - деди.
- Нега?
- Билмайман. Балки... Оғзи учундир. Балки... Ҳеч қандай сабабсиз. Шунчаки.

Мен унга ҳайрон қараб қўйдим. У мийигида қулиб (балки кулмаёттанди), гапиришда давом этди:

- Мен үзимни жуда ҳам айбордor хис қиламан. "Шунчаки-севги" эмас, балки "сабабли-севги" бўлиши кераклиги аниқ. Барча унсурлар мавжуд бўлиши керак.
- Тушунарли, - деб юбордим беҳосдан ва, I-330 валдирашимни эшитиб қолмадимикин деб, унга нигоҳ ташладим.

У узокларга тикилиб турарди, қўзлари эса, худди пардалар сингари, тушурилган эди.

Ўша пайт ҳаёлимга кечки пайт, таҳминан соат 22:00 ларда хиёбон бўйича сайр қилиб, ёритилган кўчаларнинг

орасида пардалар билан тұсилған коронги уйчаларни учраттганим эсимга тушди. Ўша қоронғуликларнинг орқа тарафида нима бор экан? Унинг ёпик күзларининг орқасида нималар яшириңган экан? Нега у бугун менга күнғироқ қилды? Буларнинг ҳаммаси нега содир бўляпти?

Оғир темирдан бўлган эшикни ғичирлатиб очдим ва биз тартибсиз зим-зиё бир жойга кирдик (улар бу ерни “квартира” деб атайди экан). Рӯпарамда ўша ғалати, “шохона” мусиқий асбоб турарди. Хоналарда ўша пайтдаги ёввойи, чипори ва тартибсиз мусиқа каби ранглардаги буюмларни топсангиз бўларди. Шип оппоқ рангда; деворлар кўм-кўк рангта бўялган; қизил, яшил, сарик рангдаги китоб муқовалари; Будда ҳайкали; сарик бронзадан ясалган шамдонлар; бесўнақай шаклдаги уй жиҳозлари.

Бу “квартира”даги тартибсизликка базўр чидаб турардим. Аммо менинг ҳамроҳимнинг иродаси, чамаси, меникидан анча кучлироқ эди.

- Бу менинг энг ёқтирган... - у бирдан, жилмайиб, қор каби оппоқ тишларини кўрсатиб, хатосини пайқагандай бўлди ва, - ...аникроғи, “квартира”ларнинг энг хунукларидан бири, - деб ўзини тўғирлаб олди.
- Янада аникроқ қилиб айтсақ, ўзаро доимий урушда бўлган минглаб “хукумат”ларнинг бири, - дедим мен.
- Ҳа, шундай, - жуда ҳам жиддий овозда жавоб қайтарди у. Болалар учун мўлжалланган кичик каравотлар турган хоналардан ўтдик (у замонларда фарзандлар ҳам шахсий мулкнинг бир кўриниши эди экан) ва яна хўмрайган жавонлар, милтираган ойналар, чипори диванлар ва тартибсиз хоналар ичига тушиб қолдик. Биз ҳозирда улуғлайдиган гўзал, шаффоф, абадий ойна абгор,

нимжон, тұртбурчак дераза күринишида бұлған экан, холос.

- Бир тасаввур қилиб күринг-а, шу ерда одамлар “шунчаки бир-бирларини севишган”, бир-бирлари учун куйиб-ёниб яшашган, - унинг күzlари яна пардалар сингари ёпилди. – Тавба, инсон қувватини сарфлашнинг энг бемаъни ва бефойда күриниши, шундай эмасми?!

У, худди менинг сұзларим билан менинг фикрларимни, айтаётганди. Лекин унинг кулгусида ҳали ҳамон үша ғашга тегувчи икс бор эди. Унинг юмилган күzlари ортида менинг жаҳлимни чиқарадиган нимадир содир бұлаётганди. Бор овозим билан унга қарши кетиб баҳслашгим, унга бақиргим (ха, худди шундай) келарди, лекин унинг гапларига рози бўлишдан бошқа иложим йўқ эди. Бунга мажбур эдим.

Ойна олдида тұхтадик. Үша он мен унинг күzlаридан күзимни уза олмай қолдим. Ҳаёлимга бирдан инсон айни шу “квартира”лар каби бесұнақай қилиб яратилгани, унинг аклидаги нарсаларни күриш имконияти йўқлиги ва у қоронғуликка ягона дарча бу инсоннинг күzlари эканлиги ҳақида ғалати фикр келиб қолди. У, буни пайқаб қолғандай, мен томон ўгирилди. У гўё: “Хўш, мана күzlарим. Эндичи?” дер эди (албатта, сассиз).

Қаршимда икки тим-қора ойна ва аллақандай нотаниш, бегона ҳаёт туради. Мен фақатгина ёнаёттан оловни – эҳтимол, бу уларнинг камини¹² эди – ва тушунарсиз шаклларни – кўра олдим…

Табиий-ки, у ерда ўз аксимни ҳам кўрдим. Бироқ ўзим ўзимга ўхшамасдим (шубҳасиз, бу вазиятнинг малул таъсири эди) – мен ўзимни, худди, қўлга тушурилиб,

¹² Ўчоқсимон уй печкаси

ушбу ёввойи катақка солиниб қўйилгандек; қадимги ҳаётнинг ёввойи қуюнининг қопқонига тушгандек, ҳис қилдим.

- Биласизми, - деди I-330, - бир дақиқага қўшни хонага чиқиб туринг.

Унинг овози тубдан, камин ловуллаётган қоронғу қўз-ойналарнинг ортидан эшитиларди.

Мен чиқиб, ўтиридим. Девордаги токчадан пучук бурунли, ассиметрик юз тузилишига эга, қадим шоирларидан бири (чамаси, Пушкин¹³) менга ним жилмайиб турарди. Нега мен бундай ҳолда – бу жилмайишга чидаб – ўтирибман ва буларнинг бари нега содир бўляпти: нега мен бу ердаман, нима сабабдан бундай бемаъни ҳолга тушдим?

Бу асабни қўзғайдиган, баднамо аёл, ғалати ўйин...

Ичкаридан шкаф эшигининг тақиллаган овози, шойининг шитирлаган товуши келди ва мен, уерга кирмаслик учун, ўзимни базўр тутиб турардим. Аниқ эсимда йўқ: унга аччиқ сўзлар айтмоқчи бўлган бўлсам керак.

Бирок у ўзи чиқди. У калта, эски замонларга хос оч сарик қўйлак, қора шляпа ва қора чулки кийиб олганди. Майин шойидан тикилган қўйлак. Аниқ ва равшан қўриниб турганди: чулки жуда ҳам узун эди, тиззасидан анча тепага тортилганди. Унинг очик бўйни, ўртадаги кўланка...

- Менга қаранг, сиз, қўриниб турибди-ки, бошқалардан ўзгача қилиқлар қилмоқчисиз, аммо наҳотки...

¹³ Машхур рус шоири А.С.Пушкин

- Тушунарли, - гапимни бўлди у, - бошқалардан фарқли бўлиш - улар орасида ажралиб туришни англатади. Демак, бошқалардан фарқли бўлиш тенгликка зид... ва қадимгиларнинг бемаъни тилида “зерикарли, бир хил бўлиш”, бизнинг тилимизда: ўз вазифасини бажармоқ демакдир. Негаки...
- Ҳа, ҳа, ҳа! Ҳудди шундай, - ўзимни тута олмай қолдим мен. – ...ва сиз, сиз... бехуда...

У, пучук бурунли шоир ҳайкали олдига келиб, олов каби ёнаётган кўзларини юмиб, жиддийлик билан (балки мени юмшатиш учундир) жуда ҳам бамаъни гап айтди:

- Одамлар мана булар кабиларга чидаганликлари сизга ажойиб туйилмайдими? Бундан ташқари улар чидаш билан кифояланиб ҳам қолмаган, одамлар уларга ихлос қўйган. Нақадар кулларга хос рух! Шундай эмасми?
- Тушунарли... аникроғи, мен...
(Жин урсин бу “тушунарли” сўзини!)
- Ҳа, тушуниб турибман. Бироқ, аслини олганда, улар тож кийган ҳукмронлардан кучлироқ эдилар. Нега одамлар уларни яккалаб қўймаган? Нега қириб ташламаган?
- Бизда...

У бирдан кулиб юборди. Мен унинг кулгусини кузатардим: жарангдор, кучли, хивчин каби эгилувчан ва диркиллама кулгуни.

Бутун вужудим титрагани эсимда. Уни маҳкам ушлаб – ва қолгани эсимда йўқ... Нимадир қилиш керак эди – нималигининг фарқи йўқ. Мен беихтиёр кўкрак нишонимни очдим ва соатга қарадим. Ўнта кам 17.

- Кетишиш вақти бұлыб қолмадимикин? – имкон қадар мулойимлик билан дедим мен.
- Буерда мен билан қолишиңгизни илтимос қылсамчи?
- Менга қаранг: сиз... сиз нималар деяётганингизни тушуняпсизми? Үн дақиқадан сұнгра аудиториумда бұлишшим керак...
- ...ва барча рақамлар мәданият ва илм бүйіча мұқаррар дарсларни тинглашлари керак... – деди I-330 менинг овозим билан.

Сұнгра күз-пардаларни күтариб, менга қаради: қоронғу ойналар ортида олов гуриллаётганди.

- Тиббиёт Бұлымида бир таниш шифокор бор – у менга ёзилған. Үндән илтимос қылсам, сиз касал бұлғанлитаңгиз тұғрисида гувоҳнома ёзиб беради. Нима дейсиз?

Тушундим. Ванихоят, бу үйин қаерга олиб боришини тушуниб етдим.

- Шундай денг! Ҳаёлингизга ҳеч келмадими – мен, ҳар қандай тұғрисүз рақам каби, дархол Құриқчилар Бюросига бориб, ...
- Келмади (ұтқир күлгү). Жуда ҳам қизик: Бюргө борасизмикин ёки йұқ?
- Қоляпсизми? – эшикнинг дастасини ушладим мен. Эшик дастаси мисдан ва менинг овозим ҳам шу мис каби зди.
- Бир дақиқа... Майлими?

У телефон олдига борди. Қандайдир ракамни айтди – мен шу даражада ҳаяжонда әдим-ки, әслаб қола олмадим – ва бақириди:

- Мен сизни Қадимий Үйда кутиб турман. Ҳа, ха, якка үзим...

Мен эшикнинг мис дастагини асталик билан бурадим.

- Аэрони олиб турсам майлими?
- Ҳа, албатта! Бемалол...

Ташқарида, қуёш нурлари остида, үсимлик каби, қари кампир мудраб үтирарди. Қизик: унинг оғзи яна ажойиб тарзда очилди ва у гапиришни бошлади.

- Ҳамроҳингиз – нима, ичкарида үзи қолдими?
- Ҳа, үзи.

Кампирнинг оғзи яна юмилди. У бошини қимирлатиб қўйди. Чамаси, ҳаттоқи унинг кучсизланаётган ақли ҳам у аёлнинг ҳаракатлари қай даражада маъносиз ва ҳавфли эканлигини тушуниб турганди.

Роппа-роса 17 да маърузада үтиргандим. Шу он кампирга ёлғон гапирганимни бирдан англаб етдим: I-330 уерда ёлғиз эмасди. Эҳтимол, айнан шу нарса – кампирга үзим истамай ёлғон гапирганим – мени тинч қўймай, маърузани тинглашимга ҳалал беряётганди. Ҳа, ёлғиз эмас: ҳамма муаммо шунда.

21:30 дан сўнг бўш соатим бор эди. Кўриқчилар Бюросига бориб, ариза топшириб келсам бўларди.

Аммо бу аҳмоқона ҳодисадан сўнг мадорим қолмаганди. Бундан ташқари, ариза топширишга қонунан икки куним бор эди. Эртага ёзаман: ҳали бутун бошли 24 соатим бор.



Еттиңчи қайд
Конспект:

Киприк. Тейлор. Мингевона ва Марваридгул.

“ Тун. Яшил, тұқ-сариқ, құқ; қызил шоҳона чолғу; апельсин каби сариқ, құйлак. Мис Будда бирдан мис қовоқларини құтарди - ва шарбат оқишини бошлади: Буддадан. Сариқ құйлакдан - шарбат, ойнадан ҳам - шарбат, баҳайбат каравот ҳам шарбатта тұла, болалар каравоти ҳам ва ҳозир мен ҳам - аллақандай шириң ұлым дахшати...

Үйғондим: күкимтир нур; деворлар шишиаси ялтирамоқда; шиша үриндиқ, шиша стол. Ушбу манзара мени сокинлаштириди, юрагим дук-дук уришдан тұхтади. Шарбат, Будда... бу қандай бемаънилиқ? Тушунарли: касалман. Аввалари мен ҳеч қачон түш құрмасдим. Айтишларича, қадимгиларда бу - түш күриш - одатий ҳол эди экан. Тұғрида: ахир, уларнинг бутун ҳаёти мана шундай чархпалакқа үхшарди-ку: зангори - тұқ-сариқ - Будда - шарбат. Бирок биз түшлар жиддий рухий касаллик эканлыгини биламиз-ку. Мен биламан: бугунга қадар менинг ақтим хронометрик тарзда текисланган, чараклаёттан, бир дона ҳам ортиқча чұпдан иборат бұлмаган механизм эди, энди бұлса... Ҳа, энди худди шундай: мен ақтимда, миямда қандайдир бегона жисмни ҳис қиляпман - гүё күзга кириб қолған ингичка киприк сингари - ва уни бир сонияга ҳам унута олмаяпман...

Бош томонимда билтур құнғирокча: 7, туриш керак. Үнг ва чап тарафларда шиша деворларда үзимнинг, хонамнинг, құйлагимнинг, ҳаракатларимнинг минглаб аксини құряпман. Бу мени бироз тетиклаштиради: үзингни улкан, кучли бирликнинг бир қисмидей ҳис

қиласан. Гўзалик ҳам бенуқсондир: бир дона ҳам ошиқча ҳаракат, қайрилиш, бурилиш йўқ.

Ха, бу Тейлор деганлари, шубҳасиз, қадимгиларнинг энг ақллиларидан бўлса керак. Бирок у ўз усулини бутун ҳаётига, ҳар бир қадамига, ҳар бир куни татбиқ қилишга ақли етмабди – у ўз тизимини соат 1 дан 24 гача бўлган вақт билан яхлит ҳолга келтира олмади. Нима бўлган тақдирда ҳам, улар қандай қилиб аллақандай Кант тўгрисида бутун бошли кутубхонага етарли китоблар ёзиб, Тейлорни – ўн аср кейин содир бўладиганларни башорат қила олган инсонни – деярли эътиборсиз қолдира олганлар.

Нонушта тугади. Ягона Давлатнинг Мадҳияси сафма-саф куйланди. Сафма-саф, тўрттадан – лифтларга. Моторларни қулоққа илинар-илинмас ғувиллаши – ва тезлик билан пастга, пастга, пастга – юракнинг енгил безовталаниши.

Бирдан нимагадир яна ўша бемаъни туш – ёки у тушнинг ноаниқ таъсири. Ха, айтганча, кеча аэрода ҳам худди шундай – пастга тушиш бўлганди. Нима бўлганда ҳам, барчаси тугади: нукта. У билан қатъий ва кескин тарзда мулоқот қилганим яхши бўлди.

Мен ерости йўлининг вагонида, қуёш нурлари остида стапелда ИНТЕГРАЛнинг ҳануз қимиrlамаётган, олов билан жонланган бежирим жисми турган томонга йўл олгандим. Кўзимни юмиб, формуулаларда орзу қилдим: мен ИНТЕГРАЛни ердан кўтариш учун етарли бўлган бошланғич тезлик қанча бўлишини қайтадан ҳисоблаётгандим. Сониянинг ҳар бир атоми – ИНТЕГРАЛнинг вазни ўзгаради (портловчи ёқилғи сарфланади). Тенглама жуда қийин ҳолга келаётганди, ақл идрок қила олмайдиган ўлчовларда.

Худди түшдәги каби: барқарор сонли дунёда кимдир менинг олдымга келиб ўтирди, кимдир бироз туртиб юбориб, “кечирасиз” деди.

Мен құзларимни очдим – ва дастлаб (ИНТЕГРАЛ билан боғлиқ тасаввур) шиддат билан бұшлик томон елаётган нарса күрдим: бош – ва у елаётганди, чунки икки ёнбошдан дұшпайиб чиқиб турған пушти қанот-қулоқлар. Сұнгра осилған гарданнинг эгрилиги – буквайған бел – икки ёқтама букилған – S ҳарфи каби...

Менинг алгебраик дунёймнинг деворлари орқали – яна киприк кириб қолди – қандайдыр ёқимсиз нарса, бугун қилишим керак бўлған...

- Ҳечқиси йўқ, ҳечқиси йўқ, - қўшнимга кулиб қўйдим ва таъзим қилдим мен.

Унинг кўкрак нишонида: S-4711 ёзилғанди (нега илк онданоқ у менинг тасаввуримда S ҳарфидек жонлангани энди тушунарли бўлди: бу онг томонидан қайд қилинмаган таассурот эди). Унинг қўзлари чақнарди – икки ўткир пармача, тезлик билан айланиб, янада чукурроқ буралиб кириб кетаётганди ва улар ҳадемай, энг тубгача тушиб, мен ўзимга ҳам айтга олмаётган...

Бирдан киприкнинг табиатини мутлақ англаб етдим: улардан – Қўриқчилардан – бири; энг осони, ишни ортга сурмасдан, ҳозироқ уларнинг бирига борини айтиб бериш.

- Биласизми, мен кеча Қадимги Ўйга боргандим... – овозим ғалати, ясси, япалоқ ҳолатда эди ва мен йўталишга уриндим.

- Жуда ҳам яхши. Ибратли хулосалар чиқаришга ёрдам беради.

- Лекин, биласизми, мен ёлгиз эмас эдим, мен билан ҳамроҳим – I-330 – бор эди ва сўнгра...
- I-330? Сиз учун жуда ҳам хурсандман. Қизиқ ва қобилиятли аёл. Унинг ихлосмандлари талайгина.

...Бироқ у ҳам – ўшандада, сайдарда – ва, балки, у ҳам унга ёзилғандир? Йўқ, унга бу ҳақида айтиш – мумкин эмас, маъносиз: тушунарли.

- Ҳа, ҳа! Бўлмасамчи, бўлмасамчи! Жуда ҳам, - мен янада кенгрок, бесўнақайроқ жилмайдим ва бу жилмайишдан мен ўзимни қип-ялангоч тентақдек ҳис қиласдим...

Пармачалар менинг туб-тубимга этиб борганди, сўнгра, тезлик билан айланиб, кўзларимга буралиб кириб кетди; S – тушунарсиз кулиб қўйди, менга бошини қимирлатиб, чиқиш томон лип этиб ўтиб кетди.

Мен газета ортига беркиниб олдим (худди ҳамма менга қараётганди) ва кўп ўтмай киприк, пармачалар, барчаси тўғрисида унутдим: ўқиётганларим мени шу даражада ҳаяжонга келтирганди. Қисқа бир сатр:

“Ишончли маълумотларга кўра, ҳануз қўлга тушмаган ва ўз олдига Ягона Давлатнинг файзли истибододидан қутилишни мақсад қилиб қўйган уюшманинг излари яна топилди.”

Қутилиш? Ажойиб: инсон зотидаги жинояткор ҳислар нақадар жон сабил. Мен қасддан айтяпман: “жинояткор”. Эркинлик ва жиноят бир-бирига чамбарчас боғлиқ, худди... худди аэро харакати ва унинг тезлиги сингари: аэро тезлиги = о, ва у харакатланмайди; инсоннинг эркинлиги = о, ва у жиноят содир қилмайди. Кундай равшан. Инсонни жиноятлардан халос қилишнинг ягона

йўли - уни эркинликдан маҳрум қилиш. Энди ундан кутилдик деб турсак (асрнинг космик миқёсида бу, албатта, "энди"), бирдан қандайдир калтафаҳмлар...

Йўқ, тушуна олмаяпман: нега мен дарҳол, кеча, Қўриқчилар Бюросига йўл олмадим. Бугун 16 дан сўнг албатта уерга бораман...

16:10 да чиқдим – ўша заҳоти бурчақда О-90 ни кўрдим, кутилмаган учрашувдан ҳайратга тушган пушти О-90 ни. "Мана унинг ақли – оддийгина, думалоқ ақл. Айтганча: у мени тушуниб, қўллаб-қувватлайди..." Яхшиси, йўқ, мададга муҳтож эмасдим: қатъий қарор қабул қилдим.

У менинг қўлимдан ушлаб олди.

- Айланайлик, - думалоқ катта-катта кўк кўзлар мен томон қараб туради – ичкарида кўк ойналар, - ва мен уларнинг ортига назар соляпман, ҳеч нимага илашиб қолмай: ичкарида – бўм-бўшлиқ, яъни ҳеч қандай бегона, кераксиз нарса йўқ.

- Йўқ, айланмаймиз. Мен... - мен унга қаерга боришм кераклигини айтиб бердим.

Не ажибки, унинг думалоқ пушти оғзи пушти яrimой шаклини олди, муғузчалари пастга тушиб қолди – худди нордон нарса егандек. Мен чидай олмай портладим.

- Сиз, аёл рақамлар, афтидан, хурофотга бедаво ем бўлганга ўҳшайсизлар. Сизлар умуман мавхум муҳокама қилишга қодир эмассизлар. Кечирасиз-у, бироқ бу шунчаки аҳмоқлик.

- Сиз жосуслар олдига бормоқчисиз... фу! Мен бўлса сизга Ботаника Музейидан марваридгул новдасини олиб келибман...

- Нега “мен бўлса” - нега бу “бўлса”? Жуда ҳам аёлларга ҳос. - Мен (тан оламан) жаҳл билан унинг марваридгул новдасини қўлидан суғуриб олдим. - Мана марваридгулингиз, сизнинг марваридгулингиз, Хўш? Ҳидланг: хушбўй, шундай эмасми? Ҳеч бўлмаса шу қадар мантифингизни ишлатинг. Марваридгул хушбўй ҳид таратади: шундай. Бироқ сиз ҳид ҳақида, умумий “ҳид” тушунчаси ҳақида, у хушбўй ёки бадбўй дея олмайсиз-ку. Де-я-ол-май-сиз, шундайми? Марваридгулнинг хиди бор ва мингдевонанинг ёқимсиз ҳиди бор: иккиси ҳам ҳид. Қадимги давлатда жосуслар бўлган - ва бизда ҳам жосуслар бор... ҳа, жосуслар. Мен сўзлардан қўркмайман. Бироқ кундек равшан-ку: уердаги жосус - мингдевона, буердаги жосус - марваридгул. Ҳа, марваридгул, ҳа!

Пушти яrimой титрарди. Ҳозир тушуниб етдим: у пайт О-90 кулиб юборишига ишончим комил эди, бироқ бу шунчаки менга туйилган экан. Мен янада баландрок бақирдим:

- Ҳа, марваридгул ва бунинг ҳеч қаери кулгили эмас, кулгили эмас.

Думалоқ силлиқ бошлар атрофимизда сузиб, ортга қайрилиб, назар ташлаб қўярди. О-90 меҳрибонлик билан қўлимдан ушлади:

- Сиз бугун қандайдир... Касал бўлиб қолмадингизми?

Туш - сарик - Будда... Уон англаб етдим: Тиббиёт Бюросига боришим керак.

- Ҳа, мен ҳақиқатдан ҳам касалман, - дедим хурсандчилик билан (бу ҳолат тушунарсиз қарама-қаршилик: хурсанд бўлишга ҳеч қандай сабаб йўқ эди).

- Дархол шифокорга боришингиз керак. Ахир, ўзингиз хам тушуниб турибсиз-ку: соғлом бўлишга мажбурсиз – сизга буни исбот қилишнинг ўзи кулгили.
- Аммо, О, азизам, албатта, сиз ҳақсиз. Мутлақо ҳақсиз!

Мен Кўриқчилар Бюросига бормадим: бошқа чорам йўқ эди, Тиббиёт Бюросига боришим керак эди, уерда мени 17 гача ушлаб қолиши.

Кечки пайт эса (айтгандай, Кўриқчилар Бюроси кечки пайт барибир ёпик бўларди) – кечки пайт менинг олдимга О келди. Пардалар тушурilmади. Биз қадимий машқлар тўпламидан машқлар ечдик: бу жуда хам сокинлаштиради ва фикрларни тозалайди. О-90 дафтар устида, бошини чап елкасига эгиб, чап юзига тилини ичкаридан тираб, ўтирарди. Худди болалар каби, нақадар фусункор. Хўш, мен тинчландим, ҳаммаси яхши...

Кетди. Мен ёлғиз қолдим. Икки марта чуқур нафас олдим (уйқуга кетишдан олдин жуда хам фойдали машғулот) ва бирдан аллақандай тадбирсиз ҳид – ёқимсиз ҳодиса билан боғлик ҳид... Кўп ўтмай топдим: ётоғимда марваридгул новдаси беркитилган экан. Ҳаммаси бирдан уюрмаланиб, тубдан қайтадан қўтарилиб кетди. Йўқ, бу унинг томонидан жуда хам бетакаллуфлик эди – ётоғимга марваридгулларни яшириб қўйиш. Тўғри: мен бормадим, ҳа. Аммо касал бўлиб қолганим менинг айбим эмас-ку.

САККИЗИНЧИ ҚАЙД
КОНСПЕКТ:

Иррационал илдиз. R-13. Учбурчак.

“ Мен билан $\sqrt{-1}$ содир бўлганига анча йиллар бўлиб қолди, мактаб йиллари эди шекилли. Аниқ эслай оламан: ёрқин шарсимон зал, юзлаб болалар ва математика ўқитувчимиз, Пляпа, юрибди. Биз уни Пляпа деб атаганмиз: у анчагина эскириб, тартибсиз бўлиб қолганди ва хар сафар навбатчи унга электр асбобни тиққанда, радиокарнайдан доимо дастлаб: “Пля-пля-пля-тишиши” деган овоз чиқарди, сўнгра эса дарс бошланарди. Бир марта Пляпа иррационал сонлар ҳақида айтиб берганди – ва мен, эсимда бор, йиглаб, столга мушт билан уриб, бақирадим: “ $\sqrt{-1}$ ни хохламайман! Мендан $\sqrt{-1}$ ни чиқариб юборинглар!” Бу иррационал илдиз ичимда бутунлай ўсиб кетганди, гўё аллақандай бегона, ёт, қўрқинчли нарса каби, у мени ямламай ютаётганди – уни тушуниш, зарарсизлантириш имконсиз эди, негаки у ratio¹⁴ нинг сиртида эди.

Мана яна ўша $\sqrt{-1}$. Мен қайдларимни қайта қўриб чиқдим ва тушундим: мен - $\sqrt{-1}$ ни кўрмаслик учун – ўзимга ўзим ҳийла-найранг қилаётган, ўзимга ўзим ёлғон гапираётган эканман. Буларнинг барчаси аҳамиятсиз – оғриганим ва бошқалар: уерга борсам бўларди; бир ҳафта олдин – аниқ биламан, ўйланмай борган бўлардим. Нега энди ҳозир... Нега?

Мана бугун ҳам. Роппа-роса 16:10 да – ялтираётган шиша девор рўпарасида туардим. Юкорида – Бюро ёзуви олтин, қуёш каби ялтиради. Ойналар ортидан кўкимтир

¹⁴ Инглиз тилидан олинган бўлиб, “нисбат” маъносига эга. Ушбу сўз асарнинг аслида ҳам инглиз тилида берилган.

униформаларнинг¹⁵ узун навбати кўринарди. Уларнинг юzlари, худди қадимги черковдаги чироқлар каби, илиқлиқ таратарди: улар қаҳрамонлик кўрсатиш учун келдилар, улар Ягона Давлат саждаохига севганларини, дўстларини – ўзларини топширишга келдилар. Мен эса – улар томон, улар билан бирга интилар эдим. Бироқ эплай олмасдим: оёқларим ойна тоштахталарга қалайлаб ёпишиб қолган эди – мен маъносиз тикилиб, жойимдан қимиirlай олмай, турардим.

- Эй, математик, хаёл сурма!

Сесканиб кетдим. Менга кулгудан ялтираган кўзлар, семиз, қора танлиларники каби лаблар қараб турарди. Шоир R-13, менинг эски танишим, ва у билан пушти О.

Мен жахл билан ўгирилдим (менимча, агарда улар халал бермаганларида, мен охир-оқибат $\sqrt{-1}$ ни ўзимдан таг-туги билан юлиб ташлардим, мен Бюргога борган бўлардим).

- Ҳаёл сурмаёттандим, аниқроқ қилиб айтсак – суқланиб қараб қолгандим, - дедим мен хийлагина кескинлик билан.
- Ҳа, ҳа! Сиз, азизим, математик эмас, шоир, шоир бўлсангиз бўларди, ҳа! Эҳ-хе, биз томонга ўтинг – шоирликка, нима дейсиз? Истасангиз – бир зумда ҳал қилиб қўяман, хўш?

R-13 ютиниб-ютиниб гапиради, сўзлар унинг оғзидан отилиб чиқади, семиз лабларидан сўлаклар сачрайди; ҳар бир “ш” – фаввора, “шоирлар” – фаввора.

- Мен олдин ҳам илмга хизмат қилганман, ҳозир ҳам
- қиламан, - қовоқларимни солиб олдим: ҳазилларни

¹⁵ Махсус, расмий кийим

ёқтирмайман ва тушунмайман, R-13 нинг эса ҳазил қилишдек бемаъни одати бор.

- Илммиш! Қўрқоқлик - мана Сизнинг илмингиз нима. Ҳақиқатан: тұғри. Сиз, шунчаки, чексизликни девор билан ўраб қўймоқчисиз, деворнинг ортига қарашга эса қўрқасиз. Ҳа! Ташқарига назар ташлаганингизда - кўзингизни юмиб оласиз. Ҳа!
- Деворлар - ҳар қандай инсонийликнинг асоси... - бошладим мен.

R - фавворасини сачратди, О - пушти, думалоқ қулиб турарди. Қўлимни силтадим: кулсангиз кулаверинг, менга барибир. Ўзимнинг муаммоларим бошимдан ошиб ётибди. Мен нима биландир, қандайдир қилиб лаънати $\sqrt{-1}$ нинг шовқинини бостиришим керак эди.

- Биласизми, - таклиф қилдим мен, - юринглар меникига кетдик, масалалар ечиб ўтирамиз.

Кечаги осуда соат ёдимга келди - эҳтимол, бугун ҳам шундай бўлар.

O-90 R-13 га қаради; менга ҳам равшан, думалоқ қараб қўйди ва ёноклари чипталаримизнинг нафис, ҳаяжонли рангига ним бўялди.

- Бироқ бугун мен... Менда бугун - унга чипта бор, - деди O-90 , R томон бошини қимирлатиб, - кечки пайт эса у банд... Шунинг учун...

Хўл, ялтираган лаблар мулойимлик билан тарсаки туширди:

- Қўйсангизчи: бизга О билан ярим соат ҳам етади. Шундай эмасми, О? Масалаларингга келсак - ҳушим йўқ, меникига бориб, жимгина ўтирамиз.

Ўзим билан ёлгиз қолищдан даҳшатга тушаётгандим – ёки, тұғрироғи, янги, менга нотаниш бўлган, худди ғалати тасодифга кўра менинг сонимни – Д-503 ни – тақиб олган, рақам билан. Мен уникига, R никига, кетдим. Албатта, у аниқликка, ритмикликка интилмайди; тескари, қулгили мантиққа эга, бироқ биз – дўстмиз. Иккимиз биргаликда дилбар, пушти О ни уч йил олдин танлаганимиз ҳам бежиз эмас. Бу бизни бир-биrimизга мактаб йилларидан-да кучлироқ боғлаб турарди.

Сўнгра – R нинг хонасида. Гўё – барчаси менинг хонамдаги сингари: Лавх, курсилар ойнаси, столлар, шкафлар, каравотлар. Аммо у кириши биланоқ – бир курсини силжитди, сўнгра кейингисини – шунда яссиликлар сурилиб, барчаси белгиланган ўлчамлардан чиқиб кетди ва эвклидсизлашди. R – ҳануз ўша-ўша, ҳануз ўзгармаган. Тейлордан ва математикадан – у доим ортда қолиб кетарди.

Қари Пляпани эсладик: кичкиналигимизда унинг бутун шиша оёқларига ташаккурнома хатларини ёпишириб ташлардик (биз Пляпани роса яхши кўтардик). Дин муаллимини эсладик. Дин муаллимимиз жуда ҳам ўткир овоз соҳиби эди – ҳаво радиокарнайдан гуриллаб чиқарди, - биз, болалар, матнларни унинг ортидан бақириб қайтарардик. Шумтака R-13 унинг карнайига чайналган қофозчалар тикиб қўйганини ҳам эсладик: матн ўқилганда – чайналган қофоз отилиб чиқарди. R, албатта, жазоланганди ва унинг қилган иши, шубҳасиз, ярамаслик эди, бироқ ҳозир биз – бизнинг учбурчагимиз – қаҳ-қаҳ отиб куларди, - ва, тан олишим керак, мен ҳам хаҳолардим.

- Агарда у – қадимгилардек – тирик бўлса, нима бўларди? Масалан – “б” – семиз, шалопплаётган лаблардан чиқкан фаввора...

Қуёш - шипнинг, деворларнинг орасидан; юқоридан, ёнбошдан, пастда акс этган қуёш. О - R-13 нинг тиззасида ва қуёш нурларининг митти томчилари унинг мовий кўзларида. Мен нечундир исиб кетдим, чеккага ўтдим; жимиб қолдим, қимириламаётгандим...

- Хўш, ИНТЕГРАЛингизчи? Бошқа сайёрада яшовчиларига маърифат тарқатгани қачон учамиз энди? Ҳайданг, босинг! Акс ҳолда биз, шоирлар, сизларга шударажада кўп шеърлар тўкиб ташлаймиз-ки, ИНТЕГРАЛингиз қутара олмай қолади. Ҳар қуни 8 дан 11 гача... – бошини иргатиб, энсасини қашиб қўйди R: унинг энсаси – орқасига бойланган тўртбурчаксимон чемоданга ўхшайди (“каретада” номли эски тасвир ёдимга тушиб кетди).

Мен жонландим:

- Ие, сиз ҳам ИНТЕГРАЛ учун ёзяпсизми? Нима ҳақида эканлигини айтингчи? Мана масалан, бугун.
- Бугун – ҳеч нима ҳақида. Бошқа иш билан банд эдим... – “б” тўғридан-тўғри менга сачради.
- Қандай иш билан?

R юзини буриштириди.

- Қандай-қандай! Жуда билгингиз келаётган бўлса – ҳукмнома билан. Ҳуқмномани шоирона тасвирлаётгандим. Бир аҳмоқ, ўзимизнинг шоирлардан биттаси... Икки йил олдимда ўтирганди, ҳеч фойдаси бўлмабди. Бирдан: “Мен, - дейди у, - даҳоман, қонундан устун бўлган – даҳо”. Шу қадар сафсаларни ёзибди-ки... Қўяверинглар... Эҳ!

Семиз лаблар осилиб қолган, қўзларидаги учқун сўнган эди. R-13, ўрнидан сапчиб туриб, ўгирилди ва деворга

тикилиб қолди. Мен, унинг маҳкам ёпилган чемоданчасига қараб, ўйлардим: чемоданчасида у ҳозир нималарни титкилаяпти экан?

Бир дақиқалик нокулай ассиметрик сукут. Гап нимада эканлиги менга қоронғу эди, бироқ нимадир бор эди.

- Ҳайтовур, турли хил шекспирлар ва достоевскийларнинг - ёки уларни қандай атарди - алмисоқдан қолган даврлари ўтиб кетди, - атайлаб баланд овозда айтдим мен.

R мен томон ўгирилди. Сұзлар ҳануз ундан сочилиб - отилиб чиқарди, бироқ күзларидаги қувноқ учқун сұнгандек түйилди менга.

- Ҳа, азиз математик, ҳайтовур, ҳайтовур, ҳайтовур! Биз - энг баҳтли ўртача арифметик қиymat... Нима дердинглар: нолдан чексизликкача бир бутун қилиб бирлаштириш керак - тентакдан Шекспиргача... Шундай!


Билмадим нега - гүё бу мутлақ ноўрин эди - анави, унинг овози ёдимга түшди, у ва R ўртасида аллақандай ингичка ришта бор эди. (Қандай?) У яна бурилди. Мен күкрап нишонимни очдим: 35 та кам 17 бұлғанди. Уларнинг пушти чиптасининг 45 дақиқа вақти қолғанди.

- Майли, мен борай... - дедим мен, ва, О ни ўпиб, R нинг құлинни силтаб, лифт томон йўл олдим.

Хиёбонда, бошқа тарафга ўтиб бұлғанимда, ўгирилдим: қуёш нурларига түйинган, ёрқин уй палахсасида - уерда-буерда туширилган пардаларнинг қулранг аралаш ҳаворанг, хира катаклари - тейлорлаштирилган ритмик баҳт катаклари - қўринарди. Еттинчи қаватда R-13 нинг

катагини күзим билан излаб топдим: у пардаларни тушириб бўлганди.

Азизам О.... Азизим Р... Унда ҳам (нега “ҳам” деб ёзилишини билмайман - бироқ, майли, қандай ёзилса, шундай ёзилаверсин) - унда ҳам менга унчалик тушунарли бўлмаган нимадир бор. Нима бўлган тақдирда ҳам, мен, у ва О - биз учбурчакмиз, tengёнли бўлмаса ҳам, барибир учбурчакмиз. Биз, агарда аждодларимизнинг тили билан айтадиган бўлсак (эҳтимол, менинг ўзга сайёрадаги ўқувчиларим, сизларга бу тил тушунарлироқдир), биз - оиласиз. Онда-сонда ҳеч бўлмаса қисқа муддатта дам олиш нақадар ажойиб, шу содда, мустаҳкам учбурчакка ўзимни беркитган ҳолда барча...



Тұққизинчи қайд
Конспект:

Литургия¹⁶. Ямблар¹⁷ ва хорей¹⁸. Чұян құл.

“ Тантанавор, ёрқин кун. Бундай кунда одам үзининг заиф тарафларини, ноаникликларини, касалликларини унугиб құяды - барчаси билтур-тебранмас, чексиздек - худди бизнинг янги ойнамиз сингари.

Куб майдони. Умумий марказға эга бўлган олтмиш олти бақувват айланы: минбарлар. Олтмиш олти қатор: осмон ёғдусини - ёки, балки, Ягона Давлатнинг ёғдусини - ўзида акс эттирган юзлар ва қўзларнинг сокин зиёси. Қон каби алвон гуллар - аёлларнинг лаблари. Болалар юзларининг майин тизмаси - ҳаракат жойига яқин бўлган биринчи қаторларда. Чукур, жиддий, готик сокинлик.

Бизгача етиб келган таърифларга кўра, ўтмишдагилар “ибодатлари” давомида шундай ҳисга эга бўларди экан. Бироқ улар ўзларининг маъносиз, номаълум Худоларига ибодат қиласади - биз эса маъноли ва аниқ тарзда маълум бўлганга ибодат қиласиз; уларнинг Худоси уларга абадий, уқубатли изланишлардан зиёд ҳеч нима бермаган; уларнинг Худоси ўзни унга сабабсиз қурбон қилишдан ташқари ақллироқ нарса ўйлаб топа олмаган - биз эса Худоимизга, Ягона Давлатимизга онгли равишда мулоҳазали, бамайлихотир қурбонлик келтирамиз. Ҳа, бу Ягона Давлатга бўлган дабдабали литургия, Икки Юз Йиллик Урушнинг мардонавор кунлари, йилларининг хотираси, барчанинг бирнинг устидан ғалаба қозонганининг улуғвор байрами, умумийликнинг бирлик устидан...

¹⁶ Христианларда черковлардаги энг катта ибодат

¹⁷ Адабиётда шеър вазни

¹⁸ Адабиётда шеър вазни

Ана биттаси - қуёш нурлари ёғдуси остида қолган Куб зинасида туарарди. Оқ... йўқ, ундан эмас - оқ эмас, рангсиз - шиша юз, шиша лаблар. Биргина кўзлари, қора, сўрувчи, ютиб юборувчи тешиклар ва, ундан дақиқалар узоклигига бўлган, ўша даҳшатли дунё. Рақамли олтин кўкрак нишон аллақачон ечилганди. Кўллари қирмизи тасма билан боғланган (қадимий анъана: чамаси, ўтмишда, буларнинг барчаси Ягона Давлат йўлида бажарилмаганида, ҳукм қилингандар, албатта, ўзларини бунга қарши чиқишга ҳақли деб ҳисоблардилар ва уларнинг кўллари занжирлар билан боғлаб қўйиларди.

Тепада бўлса, Кубда, Машина олдида - биз Валинеъмат деб атовчининг металлдан ясалган, тебранмас ҳайкали турибди. Унинг юзини буердан, пастдан аниқ кўриб бўлмайди: биргина унинг қаттиқ, ҳайбатли чизиклар билан чеклаб қўйилганлигини кўриш мумкин, холос. Бирок кўллари... Баъзида фотосуратларда шундай бўлади: ўта яқин, олди фонда қўйилган кўллар - улкан чиқади, нигоҳни ўзига тортади - барча нарсани ўзи билан тўсиб қўяди. Бу оғир, ҳануз тиззаларда сокин турган кўллар - тушунарли: улар - тошдан, ва тиззалар - уларнинг вазнини базўр кўтармоқда...

Бирдан ушбу баҳайбат кўлларнинг бири кўтарилиди - секин, чўянли ҳаракат - ва минбарлардан, кўтарилиган кўлга итоат қилиб, Кубнинг олдига бир сон келди. У - байрамга ўз шеърларидан гулчамбар осиш баҳтига мұяссар бўлган - Давлат Шоирларидан бири эди. Минбарлар устидан илохий мис ямблар гумбирлашни бошлиди - зинада турган, шиша кўзли телба ҳақида ва у тентакликларининг мантиқий хотимасини кутаётганди.

...Ёнгин. Уйлар ямбларда тебраняпти, тепага суюқ олтин пуркаяпти, қулаб тушди. Яшил дараҳтлар тиришиб буришяпти, шарбат оқяпти - ер остидаги саганаларнинг

биргина қора хочи. Бирок Прометей пайдо бўлди (бу, албатта, биз) –

“Ва машина-ю пўлатга оловни ортди,
Қонун билан тартибсизликни қоқди.”

Барчаси янги, пўлатдан: пўлат қуёш, пўлат дарахтлар, пўлат одамлар. Бирдан қандайдир ақлдан озган одам – “оловни занжирдан озод қилди” – ва қайтадан ҳамма нарса нобуд бўляпти.

Афсус-ки, шеърларни эслаб қолишга хотирам яхши эмас, аммо бир нарса ёдимда: бунданда ибратлироқ ва сўлимроқ сиймоларни танлаш имконсиз эди.

Яна секин, оғир ҳаракат – ва Кубнинг зиналарида иккинчи шоир турибди. Мен ҳаттоқи ўрнимдан сал турдим: бўлиши мумкин эмас! Йўқ, унинг семиз, қора танлиларники каби лаблари, бу у эди... Нега у олдиндан бу каби шарафли... Унинг кулранг лаблари титраяпти. Тушуниб турибман: Валинеъматнинг қаршисида, бир гурух Қўриқчилар рўпарасида – лекин барибири ҳам: бунчалик ҳаяжонланиш...

Кескин, тез – ўткир болта каби – хорейлар. Мисли йўқ жиноят ҳақида: Валинеъматнинг номи таҳқирланган шеърлар... йўқ, уни қайтаришга ботина олмайман.

R-13 оқариб кетган, ҳеч кимга қарамай (ундан бу каби уятчангликни кутмагандим) – пастга тушиб, ўтирди. Бир дифференциал¹⁹ сонияга унинг олдида кимнингдир юзи кўзга ташланди – ўткир, қора тўртбурчак – ва ўша заҳоти ғойиб бўлди: менинг кўзларим – минглаб кўзлар – ўша тарафга, тепага, Машина томон тикилди. Ўерда – ғайриинсоний қўлнинг учинчи чўянли ҳаракати.

¹⁹ Математикада ўзгарувчан миқдорнинг чексиз кичик орттирмаси

Кўринмас шаббодада тебраниб - жиноятчи келяпти, асталик билан, бир зинапоя - яна бир - ва яна бир қадам, унинг хаётидаги сўнгти қадам - ва унинг юзи фалакка қаратилган, боши ортга ағдарилган - ўзининг охирги ёстифида.

Тақдир каби оғир, тош Валинеъмат Машинани айланиб чиқди, дастакка улкан қўлини қўйди... На бир шитирлаш, на бир нафас олиш эшитиларди: барча нигоҳлар - ўша қўлда эди. Қурол бўлиш, юз минглаб волтларга тенг ишлаш - нақадар оловли гирдибод бўлса керак. Нақадар буюк қисмат!

Ўлчаб бўлмас сония. Қўл, токни ёқиб, пастга тушди. Нурнинг чидаб бўлмас ўткир тифи ялтиради - Машина қувурларида, титроқ каби, эшитилар-эшитилмас чирсилаш. Катта очилган бадан - атроф енгил, нур таратаётган туман пардасига ўралганди - ва қўзларда эриб, эриб, даҳшатли тезликда тарқалиб кетяпти. Сўнгра ҳеч нима қолмади: фақатгина, бир дақиқа аввал жўшқинлик билан юракда қизариб оқаётган, эндилиқда эса суюқлик - кимёвий тоза сувнинг кўлмаги...

Буларнинг бари одатий эди, булар ҳаммамизга аён эди: ха, модданинг таркибий қисмларга ажralиши, ха, инсон тана атомларининг парчаланиши. Бундай бўлса ҳам, бу ҳолат ҳар сафар Валинеъмат қувватининг ишораси сифатида - мўъжизадек - қабул қилинарди.

Тепада, Унинг қаршисида - ўнлаб аёл рақамларнинг ловуллаб ёнаётган чехралари, ҳаяжондан ним очилиб қолган лаблари, шамолдан хилпираётган гуллар.²⁰

²⁰ Муаллиф изохи: албатта, Ботаника Музейи гуллари. Мен гулларда ҳеч қандай гўзаллик кўрмайман – худди ёввойи оламга оид бўлган, Зумрадранг Девор ортига қувғин қилинган, барча нарсаларда

Анъанага кўра - Валинеъматнинг томчилардан ҳали қуримаган униформасига ўн нафар аёл гулчамбар тақяпти. Олий нуронийнинг маҳобатли қадамлари билан У пастта тушяпти, секинлик билан минбарлар орасидан ўтятти - Унинг ортидан тепага кўтарилиган аёллар қўлларининг нафис оқ новдалари ва милионлаб нидоларнинг тўфони. Сўнгра шу атрофларда, бизнинг қаторларимизда юрган Кўриқчилар гурухини улуғловчи нидолар. Ким билсин: эҳтимол, ўтмишдагиларнинг ҳаёли, инсонга, унинг дунёга келишининг илк онларидан, ҳамроҳ бўлган “архангелларни”²¹ яратоётуб айнан уларни, Кўриқчиларни, башорат қилган бўлса керак.

Ҳа, ҳар бир тантанада - қадимги динлардан, бўрон ва тўфон каби тозаловчи нимадир бор эди. Сизга, ёзганларимни ўқийдиганларга, - бундай онлар танишми? Таниш бўлмаса, сизга раҳмим келди...

кўрмаганим сингари. Идрокли ва фойдали бўлган нарсаларгина гўзал: машиналар, этиклар, формуласалар, овқатлар ва ҳаз.

²¹ Христиан таълимотида юқори даражали фаришталар

Ўнингчи қайд
Конспект:

Хат. Мембрана. Паҳмоқ мен.

“ Кечаги қун мен учун кимёгарлар ўз эритмаларини филтрлаш мақсадида ишлатадиган қоғоз каби бўлди: у қоғозда барча ўлчангандар зарралар, барча ошиқча моддалар қолади. Эрталаб мен тамомила дистилланган, соғ ҳолатда пастга тушдим.

Пастда, вестибюлда, стол ортида, назоратчи аёл соатга қараб, кираётганларнинг сонларини қайд этаётганди. Унинг исми - Ю... яхшиси унинг сонини ёзмайман, негаки у ҳақида ёмон гаплар ёзиб қўйишим мумкинлигидан қўрқяпман. Бироқ, аслини олганда, у - жуда ҳам муҳтарама кекса аёл. Ундаги менга ёқмаган ягона нарса - унинг юzlари бироз осилиб қолганлиги - худди балиқнинг ойқулоқлари каби (шу ҳам сабаб бўлибдими дейсиз?).

Унинг қалами ғижирлади ва мен қоғоз устида “Д-503” ёзилганини - ва унинг олдида сиёҳ доғни - кўрдим.

Энди унинг эътиборини доғга қаратмоқчи бўлиб тургандим, у бирдан бошини кўтариб - менга ўзининг сиёҳли табассумчасини томизди:

- Сизга хат бор. Ҳа. Олинг, азизим, - ҳа, ҳа, олинг.

Билар эдим: у ўқиган хат - яна Кўриқчилар Бюросидан ҳам ўтган бўлиши керак (менимча, бу табиий тартибни тушунтиришимга хожат йўқ) ва кечи билан 12 да менинг қўлимга тушади. Бироқ мен унинг табассумчасидан уялиб кетдим, сиёҳ томчиси менинг соғ эритмамни лойқалаб юборди. Шу даражада лойқалади-ки, кечроқ ИНТЕГРАЛ қурилишида мен дикқатимни хеч жамлай

олмадим - ва ҳаттоки хисоб-китобда адашиб кетдим. Авваллари ҳеч бундай бўлмаганди.

Соат 12 да - яна балиқнинг пушти аралашган жигарранг рангли ойқулоқлари, табассумча - ваниҳоят, хат менинг қўлимда. Уни, ўша ернинг ўзида ўқимай, нега чўнтағимга солиб қўйганимни ва нега шошилиб хонамга югуриб кетганимни билмайман. Хатни очиб, қўз югуртиридим - ва ўтиридим... Бу сон I-330 менга ёзилғанлиги тўғрисида расмий хабарнома эди ва мен бугун соат 21 да унинг олдига боришим керак эди - пастда унинг манзили ҳам кўрсатилганди...

Йўқ: барча бўлиб ўтганлардан сўнг, мен унга ўз муносабатимни очиқдан-очик кўрсатганимдан кейин. Устига-устак, ахир у, ҳаттоки, Кўриқчилар Бюросига бордимми йўқми, билмасди ҳам - ахир у мен касал бўлганимни бирор жойдан билиб олиши имконсиз эди-ку, - ахир, мен умуман... ва бунга қарамай...

Бошнимда динамо²² айланадиган, ғувуллаётган эди. Будда - сариқранг - марваридгуллар - пушти яrimой... Ҳа, яна бу - яна бу ҳам: бугун О олдимга кирмоқчи эди. Унга бу хабарномани - I-330 тўғрисидаги хабарномани - кўрсатсанмикин? Билмадим: у бунга алоқам йўқлигига ишонмаса керак (аслинни олганда, бунга қандай ишониб бўлади?), менинг бундан... Биламан: оғир, маъносиз, мутлақо мантиқсиз сухбат бўлиб ўтади... Йўқ, факат бу эмас. Ҳаммаси ўз-ўзидан ҳал бўлсин: мен унга, шунчаки, хабарномадан нусха юбораман.

Мен хабарномани шоша-пиша чўнтағимга солаётган замон - қўрқинчли, маймуналарникига ўхшаган қўлимга кўзим тушиди. Ўшанда, сайрда у, I, қўлимни олиб, уни

²² Электр токи ишлаб чиқариш учун мўлжалланган машинанинг эскирган номи

кўздан кечирганини эслаб кетдим. Наҳотки у ростдан ҳам...

Мана соат ўн бешта кам 21 бўлди. Ойдин тун. Атроф зумрад ойнадан. Бироқ бу фарқли, нозик ойна – бизники эмас, ҳақиқий эмас, бу – ингичка ойнали пўстлоқ, пўстлоқнинг остида эса айланиб, елиб, ғувуллаб... Ҳозир аудиториумларнинг гумбазлари секин-аста думалок тутунларда тепага кўтарилса, ҳайрон бўлмайман ва кекса ой сиёҳли кулиб кўяди – худди бугун эрталаб стол ортида ўтирган назоратчи каби, ва барча уйларда пардалар дарҳол туширилади, ва пардалар ортида –

Ғалати туйғу: мен қовурғаларимни ҳис қиляпман – қандайдир темир новдалар ҳалал беряпти – юрагимга сезиларли даражада ҳалал беряпти, зич, жой етмаяпти. Мен олтин сонли – I-330 – шиша эшик олдида турардим. I, менга орқаси билан, стол устида нимадир ёзарди. Ичкарига кирдим...

- Мана... – дедим мен ва унга пушти чиптани узатдим. – Бугун хабарномани олдим ва келдим.
- Накадар батартибсиз! Бир дақиқа – майлими? Ўтилинг, мен тугатай деб қолдим.

У нигоҳини яна хатта туширди – ёпиқ пардалар ортида, унинг ичида, нималар бор экан? У нима дер экан – бир сониядан сўнг нима қилас экан? Қандай қилиб у қачон – уердан, қадимги ёввойи тушлар оламидан – қайтишини билиб, ҳисоблаб олиш мумкин?

Мен индамай уни кузатардим. Қовурғалар – темир новдалар, зичлик... У гапирганда – унинг юзи тезкор, ялтироқ ғилдиракка ўхшайди: кегайларни алоҳида кўриб бўлмайди. Бироқ шу он ғилдирак қимиirlамай турибди. Мен ғайриоддий бирикмани кўрдим: баланд чимирилган

тим-қора қошлар – учи тепага қараган, истехзоли ўткир учбурчак – бурундан оғиз бурчакларига тушган икки чукур ажин. Бу икки учбурчак бир-бирига гүё зид эди: унинг юзига ёқимсиз, ғашга тегувчи X шаклини берарди. Хоч каби: устига хоч тортилган юз.

Ғилдирак ғилдирашни бошлади, кегайлар бир-бирига құшилиб кетди.

- Сиз Күриқчилар Бюросига бормадингиз-ку, шундайми?
- Мен... Мен бора олмадим: мен касал эдим.
- Ҳа. Ўзим ҳам шундай ўйлагандим: сизга нимадир тұсқынлик қылған бұлиши керак эди – нима бұлишининг ахамияти йўқ (ўткир тишлар, табассум). Аммо энди сиз – менинг қўлимдасиз. Эсингиздами: “48 соат давомида Бюргога келмаган ҳар қандай рақам...”

Юрагим шу даражада тез уришни бошлади-ки, темир новдалар букилиб кетди. Ёш бола каби аҳмоқона тарзда, ёш бола каби қўлга тушдим, аҳмоқона тарзда индамай турардим. Ҳис қилардим: чалкашиб кетдим – на қўлим, на оёғим билан...

У ўрнидан турди, ялқовларча узанди. Тугмани босди, енгил шовқин билан ҳар томондаги пардалар тушишни бошлади. У билан бирга, мен дунёдан узилиб қолгандим. Й, қаердадир менинг оркамда, шкаф олдида эди. Униформа шипилларди, тушарди – мен тинглардим – бутун борлиғим билан тинглардим. Бирдан эсимга келди... йўқ: бир сонияга ялт этди...

Яқинда янги турдаги кўча мембранасининг эгрилигини ўлчашимга тўғри келди (хозир бежирим безатилган бу мембраналар ҳар бир хиёбонда кўчадаги сухбатларни

Кўриқчилар Бюроси учун ёзиб оладиган бўлган). Ёдимда: букилган, пирпираётган пушти юпқа парда – фақатгина биргина органдан – қулоқдан – ташкил топган аломат мавжудот. Мен ҳозир шу мембрانага айлангандим.

Мана энди дарвоза тугмаси босилди – кўкракда – яна ҳам пастроқда. Шиша шойи елкалардан, тиззалардан – ердан – шилдираб тушяпти. Эшитяпман – бу кўришдан ҳам аникроқ – ҳаворанг аралаш кулранг шойи уюмидан аввал биринчи, сўнгра иккинчи оёқ қадам ташлаб чиқди...

Таранг тортилган мембрана дириллаб, жимжитликни ёзиб оляпти. Йўқ: кескин, чексиз танаффусли – новдаларга болғанинг уруши. Эшитяпман – кўряпман: у, ортимда, бир сонияга ўйланиб қолди.

Мана – шкаф эшиклари, мана – аллақандай қопқок урилди – ва яна шойи, шойи...

- Қани, марҳамат.

Мен ўгирилдим. У енгил, сап-сариқ, қадимгилар бичимида бўлган кўйлакда эди. Бу, у хеч қандай кийимсиз бўлган ҳолатдан ҳам, қопарон эди. Икки ўткир нукта – ингичка мато остида пушти бўлиб ёняпти – кул ичидағи икки қўмир. Икки нафис думалоқ тизза...

У пастаккина курсида ўтирарди. Унинг рўпарасидаги тўртбурчак столда – ичида ям-яшил нимадир бор шиша, оёқчали икки митти стакан. Унинг оғзининг бурчагидан тутун чиқаётганди – ингичка қофозли найчада тутатқи (номи ҳозир эсимдан чиқиб қолди).

Мембрана ҳануз титраётганди. Болға – ичимда – кип-қизил бўлгунча қиздирилган новдаларга ураётганди. Мен ҳар бир зарбани аник-равшан эшитаётгандим ва... ва балки у ҳам буни эшитаётгандир?

Бирок у баҳузур тутатаётганди, менга бамайлихотир қараб, қулни пала-партиш қоқиб туширди – менинг пушти чиптамга.

Құлдан келганча совуққонлик билан – сұрадим:

- Менга қаранг, ундаі бүлса – нега менга ёзилиб олдингиз? Нега мени буерга келишга мажбур қилдингиз?

У гүё эшитмаяпти. Шишадан стаканга қуїди, бир қултум ичди.

- Ажойиб ликёр²³. Истайсизми?

Энди тушундим: спиртли ичимлик. Кеча бүлиб үтганнынг барчаси күз олдимдан бирма-бир үтди: Валинельматнинг оғир құли, нурнинг чидаб бүлмас тиги, аммо уерда: Кубда – орқага ағдарылған бошли кенг очилған тана. Сесканиб кетдим.

- Менга қаранг, - дедим мен, - биласиз-ку: үзини никотин²⁴ билан ва, айниқса, спиртли ичимлик билан заҳарловчиларни – Ягона Давлат аёвсиз.

Тим-қора қошлар – чаккаларгача баланд күтарилиған, истекхоли үткір учбұрчак:

- Айримларни тезда йұқ қилиш – күпчиликка үзини нобуд қилишга рухсат берішден – тубанлашишден – ва ҳоказодан – маънолироқдир. Бу уятлик қадар тұғри.

- Ҳа... уятлик қадар.

- Манабулардек қал, яланғоч ҳақиқатлар гурухини – күчага қўйиб юбориши... Йұқ, тасаввур қилиб қўринг-а... мисол, менинг ўзгармас шайдоимни – уни сиз ҳам

²³ Үткір ширин спиртли ичимлик

²⁴ Тамаки таркибида бўладиган заҳарли модда

танийсиз-ку, - тасаввур килинг, у ўзининг бутун ёлгон кийимларини ечиб ташлади - ва асл ҳолатида халқ орасида... Ох!

У куларди. Аммо мен унинг пастки маъюс учбурчагини аниқ кўраётгандим: оғзининг бурчагидан бурнигача чўзилган икки чукур бурма. Негадир ушбу бурмалардан мен тушундим: анави, икки букилган, буқчайган ва кар - уни қучоқлаган - уни... У...

Нима бўлса ҳам, мен ҳозир ўша пайтдаги - ғайритабиий - туйғуларимни етказиб бермоқчиман. Ҳозир, буларни ёзаётиб, яхши тушуниб турибман: ҳаммаси шундай бўлиши керак эди, у ҳам, ҳар қандай виждонли рақам каби, хурсандчиликка ҳақли - ва агарда... Ҳа, бу аниқ.

І жуда ҳам ғалати ва узоқ куларди. Сўнгра менга тикилиб қараб қолди - ич-ичимга назар солди:

- Асосийси - мен сизнинг олдингизда бутунлай сокинман. Сиз жуда ҳам ёқимтойсиз - ҳа, ишончим комил, - сиз Бюрга бориб, менинг ликёр ичаётганимни, чекаётганимни айтиб беришни ҳаёлингизга ҳам келтирмайсиз. Сиз ё касал бўласиз, ё банд бўласиз - ёки яна нимадир бўлади. Бундан ташқари: аниқ биламан - сиз ҳозир ушбу фусункор заҳарни мен билан бирга ичасиз...

Нақадар беҳаё, истеҳзоли оҳанг. Аниқ ҳис қилаётгандим: ҳозир мен ундан қайтадан нафратланяпман. Бироқ, нега "ҳозир"? Мен ундан доимо нафратланиб келардим.

Бир стакан яшил заҳарни бир кўтаришда ичди, ўрнидан турди ва сариқ ортидан пушти бўлиб кўриниб - бир неча қадам ташлади - менинг курсим ортида тўхтади...

Бирдан – бўйиним атрофида унинг қўллари – лабларимда лаблари... йўқ, яна ҳам чуқурроққа, яна ҳам қўрқинчлироққа... Онт ичаман, бу мен учун бутунлай бехосдан бўлди ва, эҳтимол, айнан шу сабабли... Ахир мен – ҳозир буни мутлақо аниқ тушуниб турибман – бўлиб ўтганларни ўзим хоҳлаган бўлишим мумкин эмас-ку.

Ошиқча даражада ширали лаблар (тахминимча – “ликёрнинг” таъми бўлса керак) – ва менга ҳам ёндирувчи заҳардан бир қултум қуйилди – ва яна – яна... Мен курраи заминдан узилдим ва телбаларча айланувчи мустақил сайёра бўлиб, пастга, пастга – қандайдир ҳисобланмаган орбита²⁵ бўйлаб – тезлик билан тушишни бошладим...

Кейинги воқеаларни фақаттина тахминан, ўхшатишлар ёрдамида тасвирлаб бера оламан.

Олдинлари ҳаёлимга келмаган экан – аммо бу айнан шундай-ку: биз, ерда, ҳаммавақт оловнинг яширин – ернинг ичидаги – шовуллаган арғувон дарёси устида юрамиз. Лекин бу тўғрисида ҳеч ўйламаймиз. Мана оёғимиз остидаги ингичка пўстлоқ ойнага айланди, бирдан биз...

Мен шишадан бўлиб қолдим. Мен – ўзимда, ичкарида – кўрдим.

Икки хил мен бор эди. Бири – олдинги мен, Д-503, Д-503 сон, ва бошқа... Авваллари у ўзининг пахмоқ қўлларини пўстлоғидан бироз чиқаради, энди бўлса, бутунлай чиқариб олди, пўстлоқ тарс кетаётганди, пўстлоқ ҳадемай ёрилади ва... ва ундан кейинчи?

²⁵ Самовий жисмларнинг ҳаракат йўли

Бор кучим билан хасга ёпишиб олиб - курси тутқичларига - овозимни - олдинги "мен"ни - эшитиш учун сұрадим:

- Қаердан... қаердан олдингиз бу... бу захарни?
- О, бу! Бир шифокор, меникилардан бири...
- "Меникилардан бири"? "Меникилардан" - қайсилардан?

Бу "меникилардан бири" - тұсатдан ташқарига отилиб чиқди ва бақиришни бошлади:

- Йұл құймайман! Мендан бошқа ҳеч кимса... Ҳар кимни үлдираман... Чунки мен сизни - мен сизни -

Мен күрдим: у пахмоқ құллари билан уни құпоп тарзда тутди, әгнидаги юпқа шойини йиртиб ташлади ва тишилари билан зулук қаби ёпишиб олди - аник әсимдә: тишилари билан.

Билмайман қандай - I сирғаниб чиқиб кетди. Мана - құзларига яна лаънати қалин парда тортилди - у, шкафға сүяниб, туради ва мени тингларди.

Ёдимда: мен ерда унинг оёкларини қучоқлаёттан ва тиззаларини үпаёттан әдим. Мен ёлворардим: "Шу он - шу он - ҳозироқ..."

Үткір тишилар - қошлиарнинг үткір истекхоли учбурчаги. У әгилиб, индамай күкрак нишонимни ечиб ташлади.

- Ҳа! Ҳа, азизам - азизам, - мен шоша-пиша информамни ечишни бошладим.

Лекин I - айни тарзда индамай - күкрак нишонимдаги соатни күзларимга тутди. 22:30 бўлишига беш дақиқа қолганди.

Кўрқиб кетдим. Мен кўчада 22:30 дан сўнг юриш қандай маънога эга эканлигини билардим. Бутун телбалигим бир зумда ғойиб бўлди. Мен - мен ҳолатимга қайтдим. Бир нарсани аниқ билардим: мен ундан нафратланаман, нафратланаман, нафратланаман!

Хайрлашмай, ортимга ўгирилмай - хонадан отилиб чиқиб кетдим. Югурап эканман, кўкрак нишонимни пала-партиш тақдим, зиналардан - эҳтиёт зиналаридан (лифтда кимнидир учратиб қолишдан қўрқандим) - бўм-бўш хиёбонга чиқдим.

Ҳаммаёқ ўз жойида эди - оддий, одатий, қонуний: ойнали, уйлардаги гулханлардан ялтираётган, ранги ўчган шиша осмон, тебранмас зумрадранг тун. Бирок ушбу сокин салқин шиша остида - баттол, аргувон, пахмоқ мавжудот кетарди. Кеч қолмаслик учун, нафасим қайтиб елдек учардим.

Бирдан хис қилдим: апил-тапил тақилган кўкрак нишони ечилиб кетяпти, ечилиб кетди, шиша йўлакка шақирлаб тушди. Ердан қўтаргани қўрқдим - ва бир онлик жимжитлиқда: кимнингдир қадамлари ортимдан эшитилди. Орқага карадим: бурчакдан буқчайган кичкина нимадир бурилаётганди. Ақалли, менга шундай туйилди.

Кучим борича югурадим - факат қулоқларимда шовқинли эди. Киришда тўхтадим: соат миллари бир дақиқа кам 22:30 кўрсатаётганди. Қулоқ солиб турдим: ортимда ҳеч кимса йўқ. Буларнинг бари - бемаъни хаёл, заҳарнинг таъсири бўлса керак.

Тун укубатли эди. Остимдаги каравот то күтариilar, то тушар, то яна күтариilar - синусоидада²⁶ сузар эди. Ўзимга ўзим уктириардим: "Тунда - рақамлар ухлашлари керак; бу, худди кундузи ишлаш каби, бурчимиз. Бу кундузи ишлаш учун лозим. Тунда ухламаслик - жиноий ҳаракат..." Барибир қўлимдан келмаётганди, қўлимдан келмаётганди.

Мен нобуд бўляпман. Мен ўзимнинг Ягона Давлат олдидаги бурчларимни бажара олмаяпман... Мен...

²⁶ Бурчак ўзгариши билан унинг синуслари ўзгаришини кўрсатувчи эгри чизик

Ўн биринчи қайд
Конспект:

**...Йўқ, эплай олмайман, шундай қола қолсин,
конспектсиз.**

“

Оқшом. Енгил туман. Фалакка тилла-қаймоқранг мато тортилган ва - нарида, тепароқда нима борлиги кўринмаяпти. Қадимгилар уерда уларнинг энг буюк, зериккан, шаккок Худолари борлигини билгандилар. Биз уерда қўм-қўк, соф, ярамас ҳеч нима эканлигини биламиз. Мен энди уерда керагидан ортиқча нарса ўрганганимни билмаяпман. Ўзининг бехатолигига мутлақ амин бўлган билим - бу ишончdir. Мен ўзимга қаттиқ ишонардим, мен ўзим ҳақимда барча нарсани биламан деб ўйлардим. Мана -

Мен - кўзгу қаршисида. Умримда илк бор - худди шундай, умримда илк бор - ўзимни аниқ ва равшан, онгли тарзда кўряпман - ҳайратда ўзимни худди қандайдир “у”дек кўряпман. Мана мен - у: текис чизилган қора қошлар; ва улар орасида - чандиқ каби - вертикал ажин (у аввал ҳам бормиди, билмадим). Ўйқусиз туннинг шарпаси билан ўралган кулранг пўлат кўзлар; ва бу пўлат ортида... Мен ҳеч қачон унинг ортида нима борлигини билмаган эмишман. “Ортида”дан (бу “ортида” бир вақтнинг ўзида ҳам буерда, ҳам чексиз узокликда) - “ортида”дан мен ўзимга бокяпман - унга ва аниқ биламан: у - текис чизилган қошли - ўзга, менга бегона, мен у билан умримда биринчи бор учрашдим. Ҳақиқий мен бўлса, мен - у - эмас...

Йўқ: нукта. Буларнинг барчаси - аҳамиятсиз нарсалар ва бари маъносиз ҳислар - кечаги заҳарланишнинг оқибати... Нимадан экан: зангори заҳарнинг қултумиданми - ёки ундан? Буларни ёзишимдан мақсад -

инсоннинг – юқори даражада аник ва ўткир – акли қай даражада ғалати чалкашиб, адашиб қолиши мумкинлигини кўрсатиш. Қадимгиларни даҳшатта келтирган чексизликни ҳазм қилишга²⁷ имконият яратада олган ақлни ҳам...

Нумераторнинг шақиллаши – ва сонлар: R-13. Шундай бўла қолсин, мен, ҳаттоқи, хурсандман: ҳозир ёлғиз қолганимда...

20 дақиқадан сўнг:

Қоғознинг яссилигида, иккиўлчовли дунёда – бу мисралар ёнма-ён, аммо бошқа дунёда... Мен рақамларни ҳис килиш қобилиятигимни йўқотиб боряпман: 20 дақиқа – бу 200 ёки 200 000 бўлиши мумкин. Жуда ҳам ғалати: R билан ўртамизда бўлгандарини бундай сокинлик ва ланжлик билан, ҳар бир сўз устида бош қотириб ёзиш. Худди сиз каравотингиз олдидағи курсига оёғингизни чалиштириб ўтириб – ўзингизни, айни ўзингизни – ўша каравот устида тиришиб-буришишингизни синчковлик билан кузаттанингиздек.

R-13 кирганида мен тамомийла тинч ва сокин ҳолатда эдим. Мен, унинг ҳукмни қандай ажойиб тарзда хорейлаштирганини ва айни шу хорейлардан ўша қунги тентак тилка-пора бўлиб кетганини, самимий таҳсин ҳисси билан гапирадим.

- ...ва, ҳаттоқи, шундай: агарда менга Валинеъмат Машинасининг схематик чизмасини тайёрлашни таклиф қилганларида, мен албатта – имкон бўлса, бу чизмага, албатта, сизнинг хорейларингизни жойлаган бўлар эдим,
- гапимни тутатдим мен.

²⁷ Англашга

Бирдан кўрдим: Р нинг – кўзлари хиralашяпти, лаблари кулранг тус оляпти.

- Сизга нима бўляпти?
- Нима-нима? Эмм... эмм, жонга тегди: атрофда ҳамма – ҳукм, ҳукм. Бу ҳақида эшитишни ортиқ истамайман – шу холос. Истамайман!

У тумшайиб, энсасини – менга ёт, тушунарсиз юкли чомоданини – ишқалади. Танаффус. Мана чомоданида нимадир топди, чиқарди, очяпти, очди – табассумдан кўзлари яшнаб кетди, иргиб турди.

- Сизнинг ИНТЕГРАЛингиз учун мана буни тўқияпман... мана буни – ха! Мана буни – ха!

Аввалги: лаблари шалоппаяпти, тупуклари сачраяпти, сўзлар фаввора бўлиб отилиб чиқяпти.

- Биласизми (“б” – фаввора) – жаннат тўғрисидаги қадимий афсона... Ахир у биз ҳақимизда, ҳозир ҳақида эди. Ҳа! Ўйлаб кўринг-а. Жаннатдаги иккисининг олдига – танлов қўйилганди: ё эркинликсиз баҳт – ё баҳтсиз эркинлик; учинчи танлов йўқ. Улар, тентаклар, эркинликни танлашган – ва нима бўлди дейсиз: кундек равшан – сўнгра асрлар давомида кишанларни соғиниб ўтдилар. Кишанларни – тушуняпсизми, – бутун дунё ҳасрати улар ҳақида. Асрлар давомида! Фақаттина биз баҳтга эришиш йўлини қайтадан топдик... Йўқ, сиз давомини эшитинг – эшитинг! Қадимий Худо ва биз – ёнма-ён, бир стол атрофида. Ҳа! Биз Худога иблисни узил-кесил енгишида ёрдам бердик – ахир, одамларни тақиқни бузишга ва иллатли эркинликни тотиб кўришга айнан у ундаганди-ку, у – писмиқ илон. Биз бўлса, оёғимиз билан унинг бошини – тарсиллатиб босдик! Ҳаммаси ҳал бўлди: қайтадан жаннатдамиз. Биз яна, Одам

Ато ва Момо Ҳаво сингари, соддадил ва бегуноҳмиз. Валиненъмат, Машина, Куб, Газ Қўнғироқ, Қўриқчилар – буларнинг бари эзгулик, улар – улуғвор, ажойиб, олижаноб, буюк, пок. Негаки улар бизнинг эрксизлигимизни – яъни бизнинг баҳтимизни – кўриқтайди. Қадимгилар бўлганда, буни муҳокама қилишни, идора қилишни, бунинг устида бош қотиришни – одоб-аҳлоқ нормаларига мосми, мосмасми – бошларди... Ҳа, майли; бир сўз билан айтганда, шу каби жаннат достонини, нима дейсиз? Албатта, жиддий тарзда... тушуняпсизми? Зўрми, а?

Тушунмай бўладими. Шу ўйлар ҳаёлимга келгани эсимда: “нақадар ассиметрик, нақадар бесўнақай ташқи кўриниш ва нақадар тўғри фикрловчи акл”. Айнан шу сабабли у менга – ҳақиқий менга яқин эди (нима бўлса ҳам, мен аввалги “мен”ни – ҳақиқий деб ўйлайман, ҳозиргиси эса – у, албатта, касаллик).

R, чамаси, буларни пешонамдан ўқиб олди шекилли, мени қучоқлаб, қаҳ-қаҳ отиб қулиб юборди.

- Ах, сиз... Одам Ато! Ҳа, айтганча, Момо Ҳаво ҳақида...

У чўнтагини титкилаб, қайд дафтарчасини чиқарди ва уни вараклашни бошлади.

- Индинга... йўқ, икки кундан кейин – О нинг пушти чиптаси сизга ёзилган. Нима дейсиз? Ҳали ҳам? Истайсизми, у...

- Ҳа, тушунарли.

- Ундей бўлса, шундай деб етказиб қўяман. Чунки у ўзи уяляптимиш... Шундай гаплар! У мени шунчаки, пушти-чиптали, сизни бўлса... ва бу учбурчагимизга

тўртингчиси кириб олди ҳам демайди. Ким - пушаймон бўлинг, ўша гуноҳкор, қани?

Менда пардалар хилшираб кўтарилиди, ва - шойини шитирлаши, яшил шиша идиш, лаблар... ва ҳеч кераги йўқ, ўринсиз тарзда - оғзимдан чиқиб кетди (қани энди ўзимни тия олсайдим!):

- Айтингчи: сиз бирор марта никотин ёки спиртли ичимлик тотиб кўрганмисиз?

R, лабларини бирлаштириб, зимдан менга қараб қўйди. Мен унинг ўйларини аниқ ва равshan эшитаёгандим: “Дўст бўлишга дўстсан – дўстсан... Бироқ...”

Жавоб:

- Нима десам экан? Асли – йўқ. Аммо мен бир аёлни танирдим...
- Й, - бақириб юбордим мен.
- Қандай қилиб... сиз – сиз ҳам у билан бирга? – кулгуга тўлишни бошлади, тикилиб қолди ва ҳозир пуркаб юборади.

Ойнам шундай осилганди-ки, унга стол устидан қараш керак эди: буердан, курсидан, мен фақатгина пешонам ва қошларимни кўряпман.

Мана мен – ҳақиқий – кўзгуда қошларимнинг тўғри чизигининг сакраётган, бузилган аксини қўряпман ва ҳақиқий мен – ёввойи, ирганч овозни эшитди.

- Нима “ҳам”? Йўқ: “ҳам” нима дегани? Йўқ – талаб қиламан.

Қотиб қолған кора танлиларники қаби лаблар. Олайған күзлар... Мен - ҳақиқий бошқа - ёввойи, паҳмоқ, оғир нафас оладиган - менни ёқасидан маҳкам бұғиб олдим.

Мен - ҳақиқий - R га дедим:

- Валинеъмат ҳаққи, мени кечириңг. Мен қаттиқ қасалман, ухлай олмаяпман. Менга нима бұлаётганини тушунмаяпман. Семиз лаблар бироз кулимсираб құйди.
- Ҳа-ха-ха! Тушунаман - тушунаман! Буларнинг бари менга таниш... албатта, назарий жиҳатдан. Яхши қолинг!

Эшик олдида думалоқ қора коптот қаби үгирилди - стол олдига қайтди, столга китобни улоктирди:

- Менинг сұнгги... Атайлаб олиб келгандым - ёдимдан құтарилад әбди. Яхши қолинг... - "я" менга сачраб түшди, думалаб кетди...

Мен - ёлғизман. Ёки тұғрироғи: бошқа "мен" билан холи. Мен - курсида, оёғимни чалиштириб үтириб, үзимни - үзимни - каравотда тиришиб-буришаётганимни аллақандай "урдан"дан синчковлик билан кузатяпман. Нега - ахир нега бутун бошли уч йил мен ва О - бу қадар дүстона муносабатларда яшаб - энди у - I - ҳақида биргина сұз әшитишим биланоқ... Наҳотки барча телбаликлар - севги, раşқ - фақат ахмоқона китоблардагина бор эмас? Асосийси - мен! Тенгламалар, формуалалар, рақамлар - ва... бу - хеч нимани тушунмаяпман! Хеч нимани... Эртагаёқ R нинг олдига бориб, унга...

Ёлғон: бормайман. На эртага, на индингга - қайтиб хеч қақон бормайман. Уни күришни истамайман, бунга

бардош бера олмайман. Тамом! Бизнинг учбурчагимиз – қулаб тушди.

Мен – ёлғизман. Тун. Енгил туман. Фалакка тилла-қаймокранг мато тортилган ва – нарида, тепароқда нима борлигини – била олсам эди. Мен – кимман, мен – қандайман? – англай олсам эди.

Ўн иккинчи кайд
Конспект:

**Чексизликнинг чегараси. Фаришта.
Шеърият тўғрисида мулоҳазалар.**

“

Ҳадеб яхши бўлиб қоламан, соғайиб кетишим мумкин деб ўйлајпман. Осуда ухладим. Ҳеч қандай туш ёки бошқа оғрикли ҳодисаларсиз. Эртага менинг олдимга азизам О келади, барчаси - худди доира каби - жўн, тўғри ва чегараланган бўлади. Мен бу сўздан қўрқмайман - “чегараланганлик”: инсоннинг энг олий қисми, яъни онгининг фаолияти чексикликни узлуксиз чегаралаб, қулай, енгил ҳазм бўладиган қисмларга - “дифференциалларга” бўлишга қаратилган. Менинг табиий қисмимнинг - математиканинг илоҳий гўзаллиги ҳам шундан иборат. Айнан ушбу гўзалликни англаш унга - I-330 га - етишмаяпти. Қолаверса, бу - тасодифий ўхшатиш.

Буларнинг барчаси - еости йўлининг бир маромдаги, метрик тарзда тақилловчи товушлари остида. Мен ғилдиракларни - ва шеърларни (унинг кечаги китоби) - хижжалаб ўқияпман. Ҳис қиляпман: орқамда, елкам ортида, кимдир, эҳтиёткорлик билан эгилиб, очиқ саҳифага кўз ташлаяпти. Ўгирилмасдан, кўзимнинг кирраси билан: пушти, кенг қанот каби қулоқларни, икки букилган... уни кўряпман! У қандай қилиб буерга келиб қолди - билмадим: вагонга кираётганимда - у гўё йўқ эди. Бу арзимас воқеа менга жуда ҳам ижобий таъсир қилди, тетиклантириди деган бўлардим. Сени заррача хатодан ҳам, энг кичик нотўғри қадамдан ҳам меҳрибонлик ила қўриқловчи ҳушёр нигоҳни ҳис қилиш нақадар ёқимли. Гапларим бироз ҳиссиётларга тўладек туйилар, аммо ҳаёлимга яна ўша ўхшатиш келяпти: қадимгилар орзу

қилган қўрикчи-фаришталар. Улар орзу қилган нақадар кўп нарсалар бизнинг ҳаётимиизда рўёга айланди.

У он, орқамда қўрикчи-фариштани ҳис қилганимда, мен “Бахт” деб номланмиш сонетдан²⁸ роҳатланаётгандим. Менимча - у гўзаллиги ва маъноси бўйича нодир сонетлардан десам - янглишмаган бўламан. Мана биринчи тўрт мисра:

*Абадий ошиклар икки карра икки,
Абадий жўшқин тўртда мутассил,
Дунёда энг эҳтиросли ошиклар -
Айрилмас икки карра икки...

Қолган мисралар ҳам: кўпайтириш жадвалининг доно, абадий баҳти тўғрисида.

Ҳар қандай асл шоир - шубҳасиз Колумбидир. Америка Колумбдан олдин ҳам асрлар давомида мавжуд бўлган, аммо уни биргина Колумб топа олган. Кўпайтириш жадвали R-13 дан олдин ҳам асрлар давомида бор эди, бироқ биргина R-13 рақамларнинг маъсум чангалзорида янги Элдорадо²⁹ топа олди. Ростдан ҳам: бу ажойиб дунёдагидан кўра донороқ, софроқ баҳт яна қаерда бор. Пўлат - занглайди; қадимги Худо - қадимги инсонни, яъни хато қилишга мойиллиги бўлган мавжудотни яратди - ва, бинобарин, ўзим ҳам хатога йўл қўйдим. Кўпайтириш жадвали қадимги Худодан донороқ, бутунроқ: у - кўпайтириш жадвали - ҳеч қачон, тушуняпсизми, ҳеч қачон - адашмайди ва кўпайтириш жадвалининг изчил абадий қонунлари бўйича яшовчи рақамлардан баҳтлироғи йўқ. Ҳеч қандай иккиланишлар,

²⁸ Адабиётда иккита 4 сатрли ва иккита 3 сатрли 14 мисрали шеър.

Шекспир сонети – учта 4 сатрли ва битта 2 сатрли шеър

²⁹ Жанубий Америкадаги олтин ва қимматбаҳо тошларга бой афсонавий мамлакат

гумроҳликлар йўқ. Ҳақ – бирдир ва ҳақ йўл ҳам – бирдир; ҳақ – икки карра икки ва ҳақ йўл – тўрт. Бу бахтиёр, беками-қўст қўпайтирилган иккилар – аллақандай эркинлик ҳақида, яъни аниқ-ки – хато ҳақида – ўйласалар, бемаънилиқ бўлмайдими? Мен учун – R-13 энг асосийсини чангальтай олгани – аксиома...

У он – энсамнинг ўнг тарафида, сўнгра чап қулоғимда – кўриқчи-фариштанинг енгил, майин нафасини ҳис қилдим. У, китоб аллақачон тизамга қўйилганини, – ёпилганини ва ҳаёлларим олисда эканлигини – пайқаб қолди шекили. Хўш, мен унинг қаршисида ақлимнинг сахифаларини ҳозироқ очишга тайёрман: бу жуда ҳам сокин, севинчли туйғу. Эсимда: у ҳаттоқи ўгирилди, мен унинг кўзларига сабот билан тикилдим, аммо у тушунмади – балки тушунгиси келмагандир – у мендан ҳеч нимани сўрамади... Менинг биргина йўлим бор: сизга, менинг нотаниш ўқувчим, айтиб бериш (ҳозир сизлар мен учун, худди у ўша онда бўлгани каби, ҳам яқин, ҳам олисадасиз).

Менинг йўлим: қисмдан бутунга; қисм – R-13, улуғвор бутун – бизнинг Шоирлар ва Ёзувчилар Давлат Институти. Қизиқ: қандай қилиб қадимгилар ўзларининг адабиёти ва шеъриятининг бемаънилигини сезмаган эканлар. Санъатнинг улкан кучи – мутлақо беҳуда ишлатилаётганди. Шунчаки кулгили: ҳар ким – истагани ҳақида ёзган. Яна бир кулгили ва маъносиз ҳолат: денгиз қадимгиларда, шунчаки, соҳилга келиб урилар ва тўлқинларда яширинган миллионлаб килограммометрлар севишганларнинг туйғуларини жўшқинлантиргани ҳизмат қиласар эди. Биз мавжнинг ошиқ шивирлашидан – электр токи олдик, пуркаётган кутурган ҳайвон кўпигидан – уй ҳайвони яратдик: ва худди шу қаби шеъриятнинг ёввойи офати қўлга ўргатилган ва эгарланган. Эндилиқда шеърият – ортиқ

ориятсиз булбул хониши эмас: шеърият – давлат хизмати, шеърият – фойдалилик.

Бизнинг машхур: “Математик Нонналар”: биз уларсиз – арифметиканинг тўрт қонунини мактабда бу қадар самимий сева олармидик? “Тиканлар” бўлса – классик сиймо: Кўриқчилар – нафис Давлат Гулинни қўпол қўллардан қўриқловчи, атиргулнинг тиканлари... Кимларнингдир тош қалби – “Баттол болакай қўли билан атиргулни ушлаб олди. Аммо пўлат каби тиканлар игнасини санчиди, шумтака – оҳ, оҳ – уйга чопди” ва ҳоказони дуо қилиб, ғувранаётган маъсум болакайни кўрганда, бефарқ қолади. “Валинеъматта Кундалик Қасидалар”ничи? Уни ўқиган ким Рақамларнинг Рақамининг фидокор меҳнати олдида чин ихлос билан бош эгмайди? Даҳшатли қизил “Суд ҳуқмларининг гуллари”ничи? Боқий фожеа “Ишга кеч қолган”ничи? Энг керакли бўлган “Жинсий гигиена станслари” китобиничи?

Бутун ҳаёт ўзининг бутун мураккаблиги ва гўзаллиги билан сўзларнинг олтинида абадий муҳирланган.

Бизнинг шоирларимиз ортиқ эмпиреяларда³⁰ учмай қўйган: улар ерга тушган; улар Мусиқий Заводнинг жиддий механик маршида биз билан биргаликда қадам ташлайди; уларнинг илҳом париси – электрик тиш чўткаларининг тонгдаги шивирлаши, Валинеъмат Машинаси учқунларининг даҳшатли тарақлаши, Ягона Давлат Мадҳиясининг ҳайбатли акси, билур каби ялтировчи тунги кўранинг интим жарангти, тушаётган пардаларнинг ҳаяжонлантирувчи шитирлаши, янги ошпазлик китобининг хушнуд овози ва кўчадаги мембраналарнинг эшитилар-эшитилмас пиҷирлаши.

³⁰ Юнонлар тасаввурида: осмоннинг худолар турадиган энг юқори қисми

Бизнинг худоларимиз - буерда, биз билан - Бюрода, ошхонада, устахонада, ҳожатхонада; худолар биз каби бўлди: эрго - биз худолар каби бўлдик. Сизларнинг олдингизга, менинг нотаниш бошқа оламдаги ўқувчиларим, сизларнинг олдингизга хаётингизни, бизники каби, илохий даражада онгли ва аниқ қилиш учун борамиз...

Ўн учинчи қайд
Конспект:

Туман. Сен. Мутлақо бемаъни ҳодиса.

“

Тонгда уйғондим – күзимга барқарор шафак осмон нурлари тушиб турарди. Ҳаммаси яхши, думалоқ. Кечки пайт О келади. Мен шаксиз тузалиб кетдим. Жилмайдим, ухлаб қолдим.

Тонгти құнғироқ – турдим – ва мутлақ фарқли манзара: шипнинг ойнаси ва деворлар орасидан ҳамма-ҳаммаёқни туман босиб кетган. Телба булутлар, борган сари оғирлашиб боряпти – енгилроқ, яқинроқ, ер ва осмон ўртасида ортиқ фарқ қолмади, ҳаммаёқ учяпти, эрияпти, тушяпти, илашиб олгани ҳеч қандай нарса йўқ. Ўлардан асар ҳам қолмади: ойна деворлар туманда ёйилиб кетди, худди туз кристаллари сувда эригани каби. Йўлакдан қаралса, ўнинчи қаватдаги уйларда одамларнинг қора қадлари, бемаза сутли эритмадаги муаллақ зарралар сингари, паст, баландроқ ва яна ҳам баландроқ осилиб қолганди. Ҳар ердан тутун чиқяпти – балки оҳиста авж олаётган ёнғиндандир.

Роппа-роса 11:45 да: мен у пайт атайлаб соатга қарагандим – сонларга илашиб олиш учун – ҳеч бўлмаса, сонлар мени куткариб қолишлари учун.

11:45 да, Соат Лавҳига кўра белгиланган одатий жисмоний тарбия машғулотларига кетишдан аввал, хонамга кириб ўтдим. Бирдан құнғироқ бўлди, овоз – юрагимга асталик билан санчилаётган узун игна:

- Аҳа, уйдамисиз? Хурсандман. Мени бурчақда кутинг. Биз сиз билан... ха, майли, борганимизда кўрасиз қаергалигини.

- Үзингиз ҳам яхши биласиз: мен ҳозир ишга кетяпман.
- Үзингиз ҳам яхши биласиз, айтганимдек қиласиз. Құришгунча. Икки дақиқадан кейин...

Икки дақиқадан сұнг мен бурчакда турар әдим. Үнга мени у әмас, балки Ягона Давлат бошқаришини күрсатиб құйишим керак әди-ку. “Айтганимдек қиласиз...” Ишончи комил: овозидан сезилиб турибди. Қани, ҳозир у билан жиғддий гаплашиб оламан...

Захкаш тумандан тұқылған кулранг униформалар атрофимда шошилиб бир сония мавжуд бұлар ва тұсатдан туманда ғойиб бұлар әди. Мен соатдан құзимни уза олмасдим, мен - үткір, титраёттан сония күрсаткичи әдим. Саккиз, үн дақиқа... Учта кам, иккита кам үн икки...

Албатта. Ишга - аллақачон кеч қолдим. Үндан жуда ҳам нафратланаман. Бирок үнга күрсатиб құйишим керак әди-ку...

Бурчакда оқ туман узра - қон - үткір пичноқ билан кесим - лаблар.

- Мен сизни тутиб қолганга үхшайман. Нима бұлғанда ҳам, майли. Қолаверса, кеч қолиб бұлдингиз. Үндан шу қадар - тұғриси, ха: кеч қолдим.

Мен индамай лабларни кузатардим. Барча аёллар - лаблар, фақаттана лаблар. Кимницидир пушти, таранг-думалоқ: ҳалқа, бутун дунёдан ажратувчи нафис панжара. Булар: бир сония олдин улар йұқ әди, ва мана энди - пичноқ билан, - ва ҳануз ширали қон томчиб турибди.

Яқинроқ - менга елкаси билан суюниб - биз ёлғизмиз, үндан менга үтяпти - ва мен биламан, шундай бұлиши

керак. Ҳар бир асаб толам, ҳар бир сочим, юрагимнинг ҳар бир тотли уриши билан биламан. Бу “керақ”ка бўйсуниш қандай баҳт. Эҳтимол, бир бўлак темир ҳам муқаррар, аниқ қонунга бўйсуниб - магнитта маҳкам ёпишиб олишдан шу каби баҳтли бўлар. Тепага отилган тош бир сония қимирлаб – сўнгра зинғиллаб пастга, ерга тушади. Инсон ҳам, жон талвасасидан сўнг, нихоят сўнгги бор нафас олиб – ўлади.

Ёдимда: мен саросимада кулиб, алжирадим:

- Туман... Жуда.
 - Сен ҳам туманни ёқтирасанми?
- Қадимги, унutilган “сен”, хукмроннинг қулига айтадиган “сен” – менга қаттиқ санчилди, аста-секин: ҳа, мен қулман, ва бу ҳам – керақ, яхши.
- Ҳа, яхши... – овозимни чиқариб ўзимга дедим мен. Сўнгра унга: - Мен тумандан нафратланаман. Мен тумандан қўрқаман.
 - Демак – севасан. Қўрқасан – чунки у сендан кучлироқ, нафратланасан – чунки қўрқасан, севасан – чунки ўзингта бўйсундира олмайсан. Ахир, факатгина итоатсизни севиш мумкин-ку.

Ҳа, шундай. Айнан шу сабабли – айнан шу сабабли мен...

Биз иккимиз – бир бўлиб – кетаётгандик. Олисларда туман орасидан қуёшнинг куйи эшитиларди, атроф таранг, марваридранг, тилларанг, пушти, қизил тус оларди. Бутун олам – ягона бепоён аёлдир, ва биз – унинг қорнидамиз, биз хануз дунёга келмадик, биз хушнуд етиляпмиз. Тушунарли, кундек равшан: ҳаммаёқ – мен учун, қуёш, туман, пушти, тилларанг – мен учун...

Қаерга кетаётганимизни сўрамадим. Аҳамиятий йўқ; юраверсак, юраверсак, етилсак, зичроқ бирлашсак –

- Мана... – I эшик олдида тўхтади. – Қоқ бугун буерда бир... Мен у тўғрисида ўтган сафар, Кадимги уйда айтиб бергандим.

Мен узоқдан, биргина кўзларим билан, эҳтиётлаб – ёзувни ўқидим: “Тиббиёт Бюроси”. Ҳаммасини тушундим.

Олтин туманга тўла, шишадан бўлган хона. Ранг-баранг идишлар, банкаларга тўла шиша шиплар. Симлар. Трубкалардаги кўкимтири учқунлар.

Одамча – жуда ҳам ингичка. У гўё бутунлай коғоздан ясалганга ўхшарди ва, қай тарафдан ўгирилмасин – унинг ён томонидек эди, ўткир чархланган: ялтираётган тиф – бурун, қайчилар – лаблар.

I-330 унга нима деяётганини эшитмадим: у гапираётганини кузатар эканман – ҳис қилардим: ўзимни боса олмай хушбахт жилмаярдим. Қайчи-лаблар тифи ялтиради ва шифокор:

- Хўш, Хўш, - деди. - Тушунарли. Энг ҳавфли касаллик – бундан ҳавфли касалликни билмайман... – кулиб юборди ва ингичка қоғоз қўли билан бир нималарни ёзиб вароқни I-330 га берди; яна ёзиб – менга берди.

Бу касаллигимиз, ишга кела олмаслигимиз тўғрисида гувоҳнома эди. Мен Ягона Давлатдан ишимни ўғирлаётгандим, мен – ўғриман, мен – Валинеъматнинг Машинаси остидаман. Бироқ буларнинг бари – менга қизиқ эмас, худди китобдагидек... Мен, бир сония ҳам иккиланмай, қоғозни олдим; мен – менинг кўзларим,

лабларим, құлларим – мен шундай бўлиши кераклигини билардим.

Бурчакда, ярим бўш гараждаги аэрога ўтирилик, І яна, ўтган сафардаги каби, рулга ўтириди ва стартерни “олдинга”га ўтказди; биз, ердан кўтарилиб, учиб кетдик. Орқамизда: пушти-тилларанг туман; қуёш, шифокорнинг ўткир қиррали ён томони бирдан севимли ва яқин туйиларди. Аввал – ҳаммаёқ қуёш атрофида эди; энди мен биламан, ҳаммаёқ менинг атрофимда – асталик билан, баҳтиёрана, юмилган қўзлар билан...

Қадимги Уй дарвозаси олдида кари кампир. Нурли-ажинлар тўлиб кетган азиз, юмилган оғиз. Чамаси, охирги кунлари юмилган қолган эди – ва энди очилиб, жилмайди:

- А-а, зумраша! Ҳамма каби ишласа бўлмайдими-я... ҳа, майли! Бир нима бўлса – югуриб келиб, айтаман...

Оғир, ғичираидиган, хир эшик ёпилди ва ўша ондаёқ юрагим кенг – янада кенгроқ – очилди: ланг очилди. Унинг лаблари – менинг, мен симирадим, симирадим, тўхтаб, менга тикилиб турган қўзларга қаардим – ва яна...

Хоналарнинг нимқоронғилиги, қўқ, сап-сарик, тўқ-яшил сахтиён, Будданинг олтин табассуми, ойналарнинг ялтираши... ва – менинг эски тушим, энди тушунарли бўлиб қолган тушим: ҳаммаёқ тилла-пушти ранг шарбатта тўлиб кетган ва ҳадемай четга оқиб кетади, сачраб –

Етилди. Муқаррар равишда, гўё темир ва магнит сингари, аниқ ўзгармас қонунга бўлган ширали итоат билан – мен у билан бир бўлдим. Ҳеч қандай пушти чипта, ҳисоб, Ягона Давлат, мен йўқ эди. Биргина майин-ўткир,

қисилған тишилар, мен томон тикилиб, катта-катта очилған олтин құзлар бор эди – мен улар орасидан аста-секин ичкарига, тобора чукурроқ, кириб борарадим. Жимжитлик – фақат бурчакда – бир неча минг километр узоклиқда – бет-күл ювгичда томчилар томяпти, ва мен – борлық, ва томчидан томчигача – әралар, даврлар...

Униформамни әгнимга ташлаб, мен I томон әгилдим – мен уни құзларим билан сұнгти бор сингдириб олаёттан әдим.

- Буни билгандим... Мен сени билгандим... – деди I паст овозда. Тезлик билан үрнидан туриб, униформасини кийди ва ўзининг одатий үткір табассумини юзига тақиб олди. - Хұ-ұш, гунохкор фаришта. Ахир сиз энди ҳалок бұлдингиз. Йұқ, құрқаяпсизми? Қани, қүришгунча! Ўзингиз қайтасиз. Бұлсангизчи?

Ү, шкаф деворининг ичига жойланған, ойна эшикни очди; елқадан – менга, кутаёттанди. Мен бұйсуниб чиқдим. Остонадан ўтишим билан – унинг менга елкаси билан бир бор суркалиб олишиға мухтожлик сездим – фақат бир сонияга елкаси билан, ортиғи керак эмас.

Мен ортга отилдим – хонага; у уерда (әхтимол) ҳануз ойна қаршисида униформасини боғлаб турған бұлса керак, югуриб кириб – тұхтадим. Мана – аниқ құриб турибман – шкаф эшиги калитидаги қадимий ҳалқа ҳамон тебраняпти, I бұлса – йұқ. Ҳеч каерга кета олмасди – хонадан чиқишиң фақат битта – шундай бұлса ҳам, у йұқ. Мен ҳаммаёқни тинтиб чиқдим, ҳаттоқи, шкафни ҳам очдим ва уердаги ранг-баранг, қадимги құйлакларни ушлаб чиқдим: ҳеч ким йұқ.

Менинг сайёрадаги үқувчиларим, сизларга бу ғоят ноодатий ҳодиса тұғрисида айтиб бериш бироз нокулай. Ҳаммаси шундай бұлған бұлса, мен нима қилай. Ахир,

эрталабдан бошлаб кунбўйи турли хил ғайриоддийликлар юз бермадими? Ахир, буларнинг бари қадимги тушлар касаллигига ўхшамайдими? Агар шундай бўлса – қандай ҳам фарқи бор: бир bemânyiliк kўпроқ, бир bemânyiliк камроқ? Бундан ташқари, ишончим комил: эртами кечми ҳар қандай bemânyiliкни бирор силлогизмга³¹ боғлай оламан. Бу мени бироз тинчлантиряпти, умид қиласман-ки, сизни ҳам.

...Тўлиб кетдим! Билсангиз эди: нақадар тўлиб кетдим!

³¹ Икки фикрдан учинчи мантиқий хулоса чиқариш

Ўн тўртингчи қайд
Конспект:

“Меники”. Мумкин эмас. Совуқ пол.

“ Ҳануз кечаги бўлиб ўтганлар ҳақида. Ўйқудан олдинги шахсий соатимда банд эдим ва шу сабабли кеча ёза олмадим. Буларнинг ҳаммаси менда мухирланган, ва шу сабабли айниқса - абадий, бўлиши керак - чидаб бўлмас даражада совуқ пол...

Кечки пайт менинг олдимга О келиши керак эди - унинг куни эди. Мен навбатчининг олдига парда учун рухсат олгани тушдим.

- Яхшимисиз, - сўради навбатчи. – Бугун қандайдир бошқачасиз...
- Мен... мен касалман...

Аслида гапларим тўғри эди: мен, албатта, касалман. Буларнинг бари касаллик. Ўша захоти ёдимга тушди: ха, ахир гувоҳнома... Чўнтакларимни титкиладим: мана – шикирляяпти. Демак – ҳаммаси, ҳаммаси ростдан ҳам чин эди экан.

Мен қофозни навбатчига узатдим. Ёнокларим ловуллаётганини сездим; кўрмасдан билдим: навбатчи менга ҳайрон қараб турибди.

Мана – 21:30. Чап тарафдаги хонада – пардалар туширилган. Ўнг тарафдаги хонада қўшнимни кўряпман: китоб устида – унинг сербўқоқ, дўнг сийқаси ва пешонаси – улкан сариқ парабола. Мен азобларда тинмай юрибман: қандай қилиб – бўлиб ўтганлардан сўнг – у билан, О билан? Ўнг тарафдан – устимда унинг нигоҳини сезяпман, пешонасидаги ажинларини аниқ ва равшан

күрятпман – бир қатор сариқ, чаплашиб кетган сатрлар; ва негадир бу сатрлар мен ҳақимдага ұхшайды – бу сатрлар мен ҳақимда.

Ұн бешта кам 22 да хонамда – баҳтиёр пушти қуюн, пушти құлларнинг мустахкам ҳалқаси бўйним атрофини ўраб олди. Мана ҳис қилипман: ҳалқа заифлашяпти, янада заифлашяпти – ечилиб кетди – құллар тушди...

- Сиз ўзгаргансиз, сиз олдингидаги каби эмассиз, сиз меники эмассиз!
- Нақадар ёввойи атама: “меники”. Мен ҳеч қачон... – ва тилимга гап келмай қолди: бирдан миямга келди – аввал балки ундај эмасди, тұғри, аммо ҳозир...

Ахир мен энди бизнинг онгли дунёимизда эмас, балки қадимги, маъносиз, манфий бирнинг илдизлари бор дунёда яшаяпман.

Пардалар тушяпти. Ұнг тарафдаги дөвор ортидаги күшним китобини столдан ерга тушириб юборди ва, охирги, парда ва пол орасидаги ингичка тирқиши орасидан – сариқ құл китобни ушлаганини – қўрдим ва менда: бор кучим билан шу қўлдан маҳкам тутиб олсам эди...

- Мен ўйладим – бугун мен сизни сайдра учратмоқчи бўлдим. Кўп нарсани – жуда хам кўп нарсани сизга...

Азизам, бечора О! Пушти оғиз – пушти яримой шохлари пастга қараган. Ахир унга бўлиб ўтганларнинг барчасини айтиб бера олмайман-ку – лоақал уни жиноятимга шерик қилмаслик учун: ахир биламан-ку, у Кўриқчилар Бюросига боришга журъат қила олмайди, бинобарин – О ётганди. Мен асталик билан уни ўпардим. Мен унинг

билигидаги дұмбок бурмачани үпаётгандим, унинг күк күзлари юмилғанды, пушти яримой секинлик билан гуллаб, очилаётганди – ва мен унинг бутун баданини үпардим.

Бирдан аник ҳис қилдим: менинг бор-йүғим харобага, ташландиққа айланған. Құлымдан келмайды, мумкин эмас. Керак – ва мумкин эмас. Лабларим дарров совиб қолди.

Пушти яримой қалтираб, нурсизлашиб, ғужмайды. О устига ёпинчиқни ташлаб үраниб олди – ёстиққа бурканиб...

Мен полда каравот олдида үтирадим – нақадар совуқ пол – индамай үтирадим. Пастдаги уқубатли совуқ тепага, янада тепага. Эхтимол, үша күк, сассиз, сайёралараро маконларда ана шундай индамас совуқлик ҳукм сурар.

- Тушунсангизчи: истамагандим... – ғулдурладим мен. – Бор қучим билан...

Рости шу: мен, ҳақиқий мен истамаётганди. Үндай бұлса ҳам: қай сұzlар билан унга айтсам экан. Унга темир хохламаганини, аммо қонун – муқаррар, аник эканлигини қандай тушунтирасам экан...

О юзини болишлардан күтариб, күзларини очмай:

- Кетинг, - деди, аммо күз ёшларидан “кединг” деб эшитилди – негадир ушбу аҳамиятсиз нарса ҳам ақлимга үрнашиб қолибди.

Совуқдан таррақдек қотиб дахлизга чиқдим. Үердаги ойна ортида – туманнинг сезилар-сезилмас, сийрак тутуни. Аммо тунга яқын ҳаммаерни туман босса керак. Тун бүйи нима бұлар экан?

О менинг олдымдан индамай лифт томон ўтиб кетди – эшик тарақлади.

- Бир дақықа, - бақирдим мен: құрқиб кетдим.

Аммо лифт аллақачон пастга, пастга, пастга ҳаракатланарди.

Ү менден R ни олиб құйди.

Ү менден О ни олиб құйди.

Шундай бұлса ҳам, шундай бұлса ҳам.

Үн бешингчи қайд
Конспект:

Құнғироқ. Құзгу денгиз. Абадий ёнаман.

“

ИНТЕГРАЛ қурилаёттан эллингта киришим билан - қаршымдан Иккінчи Курувчи чиқди. Унинг юзи доимгидек: думалок, оқ, фаянс каби - ликоп ва - ликопда аллақандай чидал бүлмас даражада bemaza нарса тортиқ қилаёттандек - гапирди:

- Касал бұлиб қолибсиз, буерда сизсиз, бошлиқларсиз, кеча можаро юз берди, десак бұлади.
- Можаро?
- Ҳа! Құнғироқ, тугатдик, ҳаммани эллингдан чиқариш бошланди - ва тасаввур қилинг: чиқарувчи рақамсиз одамни ушлаб олди. Қандай қилиб кириб олди экан - тушуна олмаяпман. Операцион Залга олиб кириб кетишиди. Уерда у әтчилдан ҳаммасини суғуриб олишади, қандай қилиб ва нимага... (жилмайиш - тотли...)

Операцион залда - Валинеъматнинг бевосита бошчилигида бизнинг энг зұр ва малакали шифокорларимиз ишлайди. Уерда - турли хил асбоб-ускуналар ва, асосийси, машхур Газ Құнғироги бор. Ү, аслида, қадимий мактаб тажрибаси: сичқон шиша кулох остига үтказилған; хаво насоси ёрдамида хаво янада сийраклаштириляпты... ва ҳоказо. Аммо фақат, албатта, Газ Құнғироги анчагина мукаммал қурилма - турли-туман газлардан фойданаланиб, сұнгра - бу, албатта, ортиқ ожиз ҳайвонларни таҳқирлаш эмас, бунда буюк мақсад бор - Ягона Давлат тинчлиги тұғрисида қайғуриш, бошқа сұз билан айтсак, миллионлар бағти тұғрисида. Чамаси беш аср аввал, Операцион Зал

энди-энди ишга туширилаётганда, уни кадимий инквизиция билан таққослаган аҳмоқлар бўлган эди, аммо бу, худди трахеотомия³² қилувчи жарроҳ ва кўчадаги безорини тенглаштириш кабидир: иккисининг қўлида ҳам айни пичоқ бўлиши, иккиси ҳам айни иш қилиши мумкин – тирик инсоннинг томоғини кесишади. Аммо уларнинг бири – яхшилик қилувчи, иккинчиси – жиноятчи, бири “мусбат” белгиси билан, иккинчиси “манфий” белгиси билан...

Буларнинг бари тушунарли, буларнинг бари бир сонияда, мантиқ машинасининг бир айланишида, сўнгра эса тишлар ўша заҳоти “мусбат” белгисини илпинтириб олди – ва мана тепада бошқа: ҳалқа шкафда ҳануз тебраняпти. Эшик энди ёпилган қўринади – у, І, бўлса, йўқ: гойиб бўлди. Буни машина амалга оширган бўлиши мумкин эмас. Туш? Бироқ мен ҳозир ҳам ҳис қиляпман: ўнг елкамда тушунарсиз ширали оғриқ – ўнг елкамга суюниб, І – менинг олдимда туманда. “Туманни яхши кўрасанми?” Ҳа, туманни ҳам... ҳаммаёқни яхши кўраман, ҳамма – диркиллама, янги, ажойиб нарсаларни, ҳаммаси – яхши...

- Ҳаммаси – яхши, - дедим мен, овозимни чиқариб.
- Яхши? – фаянс қўзлар дум-думалоқ бўлиб бақрайиб қаради. – Нима деганингиз бу, бунинг нимаси яхши? Агар бу рақамсиз кира олган бўлса... демак, улар – ҳар ерда, атрофимизда, ҳаммавақт, улар буерда, улар – ИНТЕГРАЛ атрофида, улар...
- Ким у улар?
- Мен қаердан билай кимлигини. Аммо мен уларни ҳис қиляпман – тушуняпсизми? Ҳаммавақт.

³² Нафас олиш йўлларини операция қилиш

- Эшитдингизми: қандайдир операция ўйлаб топишибди - ҳаёлпаратликни кесиб ташлашар экан.

(Шу кунларда ҳақиқатдан ҳам шунга ўхшаш гап эшиттандым.)

- Ҳа, эшитдим. Бунинг қандай даҳли бор?
- Шундай, ўрнингизда бўлганимда – бориб, сизга шу операцияни қилишларини илтимос қилардим.

Ликопда аниқ ва равшан лимонсифат нордон нимадир кўринарди. Ажойиб* - унинг ҳаёлпарат бўлиши мумкинлигига шама қилиш уни ранжиттан кўринади... Аммо: бир ҳафта олдин, эҳтимол, мен ҳам ҳафа бўлардим. Энди бўлса – энди йўқ: чунки менда у борлигини – қасаллигимни – биламан. Бундан ташқари – тузалгим келмаганини ҳам – биламан. Истамайман ва гап тамом. Шиша зинапоялардан тепага чиқдик. Остимиздаги – ҳаммаёқ – гўё кафтимиизда...

Сизлар, ушбу қайдларни ўқиётганлар, - ким бўлсангиз ҳам, сизнинг тепангизда қуёш бор. Агарда сиз ҳам қачонлардир шундай, худди мен каби, қасал бўлган бўлсангиз, эрталабда қуёш – қандай бўлишини – қандай бўлиши мумкинлигини – биласиз, сиз бу пушти, шаффоф, иссиқ қуёшни биласиз. Ҳавонинг ўзи ҳам – бироз пушти, атроф майин қуёш қонига тўйинган, ҳаммаёқ – жонли: тирик ва барчаси жилмайяпти – одамлар. Содир бўлиб, бир соатдан сўнг ғойиб бўлар, бир соатдан сўнг пушти қон томчилаб оқар, бироқ ҳануз – тирик. Кўряпман: ИНТЕГРАЛнинг шиша томирларида нимадир уриб, қуиилиб турибди; ИНТЕГРАЛ ўзининг буюк ва қўрқинчли келажаги, тепага, сизларга, доимо излаб, топа олмайдиган нотаниш сизларга олиб чиқадиган муқаррар бахтнинг оғир юки тўғрисида ўйлаётганини кўряпман. Сизлар топасизлар, сизлар

бахтли бўласизлар - сизлар бахтли бўлишга мажбурсизлар ва кутишингиз оз қолди.

ИНТЕГРАЛНИНГ корпуси деярли тайёр: бизнинг – олтин каби абадий, пўлат каби эгилувчан – ойнамиздан бўлган бежирим узунчоқ эллипсоид. Кўрдим: ойнадан бўлган танага ичкаридан кўндаланг қирралар – шпангоутлар, бўйлама – стрингерлар маҳкамлаётгандилар; қуйруқда улкан ракета моторига пойдевор ўрнатаётгандилар. ИНТЕГРАЛНИНГ бақувват думи ҳар 3 сонияда фазога олов ва газлар пуркашни бошлайди – ва елиб, чопиб учади – бахтнинг оловли Темури...

Кўрдим: Тейлор бўйича, пастдаги одамлар, баҳайбат машинанинг дастаги сингари, бир маромда ва тезликда, эгилар, букилар, айланар эдилар. Уларнинг қўлларида найчалар ялтиради: оташ каби кесар, оташ каби шишадан бўлган деворларни, гўнияларни, қирраларни эритиб юборар эди. Кўрдим: ойна релслардан асталик билан шаффоф-шишадан бўлган маҳлук-кранлар ғилдираб кетарди ва, худди одамлар каби, итоат билан бурилар, эгилар, ичкарига, “Ин т е г р а л”нинг ичига, ўзларининг юкларини суқар эдилар. Булар юксак, ҳайратда қолдирадиган гўзаллик, уйғунлик, мусиқа... Тезроқ – пастга, уларнинг олдига, улар билан!

Мана – елка-елкага, улар билан бир тан-у жон бўлиб, пўлат ритм томонидан ишғол қилиндим... Бир маромдаги ҳаракатлар: диркиллама-думалоқ, қирмизи юзлар; ақлсиз билимлардан хиралашмаган, шаффоф пешоналар. Мен ойна дарё узра сузардим. Мен дам олардим.

Бирдан кимдир мен томон беташвиш ўгирилди:

- Хўш, қалай: бугун яхшими?
- Нима яхшими?

- Ҳа – кече кўринмадингиз. Биз ўйлабмиз-ки – сизда ҳавфли... – пешонангиз ярақлаяпти, табассумингиз – ёш болаларники каби маъсум.

Қизариб кетдим. Мен бу кўзларга қараб ёлғон гапира олмасдим, гапира олмасдим. Мен индамай, чўкар эдим...

Тепада, думалоқ оқлиқ билан чараклаб, фаянс юз люқдан мўралади.

- Эй, Д-503! Илтимос, буерга келинг! Буерда, қандай тушунтирсам экан, консоллик қаттиқ ром бўлиб қолди ва муҳим онлар квадратда кучланиш беряпти.

Охиргача эшитмай, ўзимни ҳовлиқиб тепага, унинг олдига отдим – мен шармандаларча қочиш билан нажот излардим. Кўзимни кўтаришга куч йўқ эди – оёғим остидаги ойна зиналардан кўзим қамашиб кетаётганди ва ҳар қадамимни ҳолатни қийинлаштирарди: менга, жиноятчига, захарланганга – буерда жой йўқ. Мен ортиқ ҳеч қачон аниқ механик ритм билан уйғун бўла олмайман, осойишта ойна-денгиз узра суза олмайман. Мен – абадий ёнишга, алаҳсирашга, нигоҳимни беркитиш учун жой излашга – хукм қилинганман, бутун умр, ўтишга куч топмагунимга қадар ва –

Муз учқун – ич-ичимгача: мен – майли; мен – барибир; аммо у ҳақида ҳам, уни ҳам...

Мен люқдан палубага чиқиб, тўхтадим: энди каерга боришни, буерга нега келганимни билмайман. Тепага қарадим. Уерда қиёмдан сўлғин қуёш хира чиқарди. Пастда – кулранг-шишали, жонсиз ИНТЕГРАЛ бор эди. Пушти қон оқиб чиқди, тушундим – буларнинг бари менинг, ҳаммаси олдингидек қолди деган, ҳаёлларим ва бир вақтнинг ўзида...

- Эй, 503, нима кар бўлиб қолдингизми?
Чақирипман, чақирипман... Сизга нима бўлди? - Бу
Иккинчи Курувчи эди - қулоғимнинг тагида: анчадан
бери бақираётган кўринади.

Менга нима бўлди? Рулимни йўқотиб қўйдим. Мотор бор
овози билан ғувиллаяпти, аэро титраб, еляпти, бироқ рул
йўқ - ва мен қаерга елаётганимни билмайман: пастга - ва
ҳозир ерга ёки тепага - ва қуёшга, оловга...

ŷн олтинчи қайд
Конспект:

Сариқ. Икки ўлчовли шарпа. Бедаво қалб.

“

Бир неча кун ҳеч нима ёзмадим. Қанча билмайман: ҳамма күнлар - бир. Ҳамма күнлар - бир хил рангда - сариқ, худди қуриб, қизиб кетган қум сингари, бир дона ҳам соя, бир томчи ҳам сув йўқ, бепоён сариқ қум бўйлаб. Усиз яшай олмаяпман - у бўлса, ўшанда Қадимги Ўйдан тушунарсиз ғойиб бўлганидан сўнг...

Ундан сўнг мен уни бир марта сайрда кўрдим, холос. Икки, уч, тўрт кун аввал - билмадим: ҳамма күнлар - бир. У кўзимга ташланди, сариқ, бўш дунёймни бир сонияга тўлдирди. У билан қўл ушлашиб - елкасидан келадиган - икки ёқлама букилган S, ингичка қофозга ўхшаган шифокор ва тўртинчиси - яна кимдир - унинг факат бармоқларини эслаб қолдим: униформасининг эгнидан чиқиб турарди, худди нур боғламлари каби - аклбовар қилмас даражада ингичка, ок, узун. I қўлинини кўтариб, менга силкиди; I нур-бармоқли кимса томон боши билан эгилди. Мен ИНТЕГРАЛ деган сўзни эшитдим: тўрталаси ҳам мен томон ўгирилди; ва ўша заҳоти кулранг аралаш ҳаворанг осмонда ғойиб бўлдилар ва яна - сариқ, қуриб кетган йўл.

Ўша куни кечки пайт унда менинг олдимга келишга пушти чиптаси бор эди. Мен сон берувчи машина олдида - мулоийимлик ва нафрат билан ундан ок кесикда I-330 рақами тезроқ пайдо бўлишини сўраб, ёлвориб турардим. Эшиклар очилди, лифтдан рангсизлар, баландлар, пуштилар, қораҷадан келганлар чиқиб келарди; пардалар тушириларди. У йўқ эди. Келмади.

Балки, айнан шу он, роппа-роса 22 да, мен ушбу қайдни ёзар эканман - у, күзларини юмиб, кимгадир елкаси билан суюниб, унга: "Яхши құрасанми?" деяётгандир. Кимга? Ким у? Нур-бармоқтегімінің жағдайы? Ёки қатта лабли, тупургисини сачратадиган R гами? Ёки S гами?

S... нега охирги күнлари орқамда унинг ясси, худди күлмакларда тапиллаётган, қадамларини эшитяпман? Нега у ҳар куни орқамдан - шарпа каби? Олдимдан, ён тарафимдан, орқамдан, кулранг-мовий, икки ўлчовли шарпа: унинг орасидан ўтиб кетадилар, уни эзиб кетадилар, лекин у буерда, олдимда, құринмас киндик ичаги билан боғланғандек, үзгармай тураверади. Эхтимол, бу киндик ичаги - удир, I-330 дир? Билмадим. Ёки, балки, улар, Құриқчилар, менинг...

Агарда сизларга - сизнинг шарпанғыз сизни құради, ҳаммавақт құради - деганларидан. Тушуняпсизми? Ёки тұсатдан - сизде ғалати хиссияттар пайдо бұлды: құлларингиз - бегона, ҳалал беряпти ва мен баъзида құлларим қадамларимга монаңд бұлмаган равища ҳаракатланаёттанини сезаман. Ёки бирдан - албатта үгірилиш керак, аммо үгірила олмайсиз, умуман, негаки бүйнингиз - кишанланған. Мен югуряпман, югуряпман, тезроқ, янада тезроқ ва вужудим билан ҳис қиляпман: орқамдан шарпа тезлашиб келяпти ва ундан - ҳеч қаерга...

Ұзимнинг хонамдаман - ванихоят, ёлғизман. Бирдан: телефон. Яна гұшакни олдим: "Ха, I-330, илтимос". Яна гұшакда - енгіл шовқин, дахлизда кимнингдир қадам товушлари - унинг хонаси эшиги олдидан ва жимжитлик... Гұшакни қўйдим - ортиқ чидай олмайман, чидай олмайман. Уерга - унинг олдига.

Булар кеча бўлди. Уерга югуриб бордим ва бир соат, 16 дан 17 гача, унинг уйи атрофида сандироқлаб юрдим. Тўхтамай, қаторма-қатор, сонлар. Бир маромда минглаб оёқлар тўкилар, миллион-оёқли левиафан ҳилпилаб, ёнимдан сузуб ўтиб кетарди. Тўфондан кимсасиз оролга тушиб қолган, мен кулранг-мовий мавжда ёлғиз излайман.

Мана ҳозир қаердандир - ўткир чаккагача чимирилган қошларнинг истехзоли учбуручаги ва кўзларнинг қоронгу ойналари - уларнинг ортида, ичкарида, олов ёняпти, кимларнингдир шарпалари харакатланяпти. Мен ўша ерга, ичкарига кириб, унга "сен" дейман - албатта "сен" дейман: "Биласан-ку - сенсиз яшай олмайман. Шундай экан - нега?"

Бирок у индамаяпти. Мен бирдан жимжитликни эшитяпман, бирдан - Мусикий Заводни эшитяпман ва билиб турибман: соат 17 дан ўтиб кетди, хамма аллақачон кетиб бўлган, мен ёлғизман, мен кеч қолдим. Атрофим - ойнадан бўлган, сариқ қуёш остида қолган чўл. Кўряпман: сувда - ойнанинг текис сатҳида ялтираётган, тўнтарилган деворлар паст томони билан осиб қўйилган ва кулгили тарзда чирпирак ағдарилган, мен ҳам осиб қўйилганман.

Мен тезроқ, ҳозироқ - Тиббиёт Бюросига бориб, касаллигим тўғрисида гувоҳнома олишим керак, акс ҳолда мени қўлга туширишади - Балки, энг яхшиси шудир. Демак, буерда жимгина ўтириб, мени Операцион залга олиб боришларини кутишим керак - ҳаммасини дарҳол тугатиб, барча гуноҳларимни бирваракай юваман. Енгил шитирлаган овоз ва қаршимда - икки ёқлама букилган шарпа. Мен қарамасдан, кулранг-пўлат пармалар менга нақадар тезлиқда буралиб кирганини,

сезардим, бор кучим билан жилмайиб, гапирдим – нимадир дейиш керак эди:

- Мен.... мен Тиббиёт Бюросига боришим керак.
- Қандай иш билан? Нега унда буерда турибсиз? Кулгили тарзда чирпирак ағдарилиб, осиб қўйилган, мен, уятдан ловуллаб ёниб, лом-мим дея олмасдим.
- Орқамдан юринг, - деди S қатъият билан.

Мен, кераксиз, бегона қўлларимни gox у томон, gox бу томон силкиб, унга бўйсуниб унинг орқасидан юрдим. Нигоҳимни кўтара олмасдим, ҳаммавақт ёввойи, тўнтарилган дунёда юрардим: ана қанақадир машиналар – пойдевори тепага қаратилган ва, шипга оёклари билан ёпиширилган, одамлар; яна ҳам пастроқда – қўприкнинг семиз ойнасидан сикиқ осмон. Ёдимда: буларнинг барини умримда охирги марта шу тарзда қўрганим энг ачинарлиси эди. Бироқ нигоҳимни кўтариш мумкин эмасди.

Тўхтадик. Қаршимда – зиналар. Бир қадам – ва қўрдим: тиббиёт ходимларининг халатларидағи қадлар, улкан сассиз Қўнгироқ...

Куч билан, қандайдир бурама михли узатма ёрдамида, оёғим остидаги ойнадан қўзимни уза олдим – бирдан юзимга тилларанг ҳарфлар ташланди “Тиббиёт” ... Нега у мени Операцион Залга эмас, буерга олиб келди, нега у менга раҳм қилди – бу тўғрисида мен у он ўйламагандим ҳам: бир сакрашда – зиналар устидан ўтиб, орқасидан эшикни маҳкам ёпиб қўйдим – ва нафасимни ростладим. Худди: эрталабдан бери нафас олмагандек, юрагим урмагандек – худди энди илк бор нафас олгандек, худди кўкрагимдаги дарв энди очилгандек.

Иккаласи: бири - пастроқ, оёқлари яшиксимон - беморларни кўзлари билан, шохларга илгандек, юқорига отарди, иккинчиси - ингичка, ялтираётган қайчи-лаблари, тиф-бурни... Ўша.

Мен у томон, худди яқин инсоним қаби, отилдим, тұғри тиғларга - уйқусизлик, тушлар, шарпалар ва сарик дунё ҳақида бир нималар. Қайчи-лаблар ялтираб жилмаярди.

- Ҳолингиз вой-ку! Чамаси, сизда қалб пайдо бўлганга ўхшайди.

Қалб? Бу ғалати, қадимиј, анча илгари унуглилган сўз. Биз баъзида “қалб тўрида”, “қалбдош”, “қалбсиз” сўзларини ишлатардик, аммо қалб -

- Бу... жуда ҳам хавфли, - ғулдирадим мен.
- Давоси йўқ, - қайчилар сўзимни кесди.
- Аммо... очиги, асл моҳияти нимада? Мен қандайдир... тасаввур қила олмаяпман.
- Биласизми... нима десам экан... Ахир сиз математиксиз, тұғрими?
- Ҳа.

- Хўш - яссилик, сатҳ, мана бу ойна. Сатҳда биз иккаламиз, ана - кўряпсизми, қўёшдан кўзларимизни қисамиз ва трубқадаги қўк электрик учқун, ана - аэронинг шарпаси кўзга ташланди. Фақатгина сатҳда, фақатгина сонияга. Бироқ тасаввур қилинг - қандайдир оловдан ушбу зим-зиё сатҳ бирдан юмшаб кетди ва ҳеч нима ортиқ унинг устида тойғанмаяпти - ҳамма нарса унинг ичига кириб кетяпти; болалигимизда биз синчковлик билан мўралаган, ўша ойнали дунёга - болалар унчалик ҳам ақлсиз эмас, ишонинг. Яссилик

ҳажмга, жисмга, дунёга айланди ва бу ойна ичида – сизнинг ичингизда – қуёш, аэронинг бурама михининг куюни, сизнинг ва яна бошқа бир одамнинг титраётган лаблари. Англайпсиз: совук ойна акс эттиради, улоқтиради, бу эса – шимиб оляпти, унда ҳар нарсанинг – изи абадий қоляпти. Бир кун кимнингдир юзидағи сезилар-сезилмас ажинни құрасиз – ва у бутун умрга сизда муҳирланиб қолади; бир кун: сиз жимжитлиқда томчи томганини эшитдингиз – ва у товуш ҳануз қулогингизда янграйди...

- Ҳа, ҳа, худди шундай... – мен унинг құлидан маҳкам ушлаб олдим.

Мен ҳозир эшитаётгандым: бет-құл югич кранидан – томчилар асталик билан жимжитликка томяпти. Мен билардим: бу – бутун умрга. Аммо нега энди бирдан қалб? Йұқ бұлиб, йұқ бұлиб – ва тұсатдан... Нега ҳеч кимда йұқ, менда бұлса...

Мен нозик құлларни янада маҳкамроқ ушлаб олдим: күткарув ҳалқасини йұқотиб құйищдан құрқар әдім.

- Нега? Нега бизнинг патларимиз, қанотларимиз йұқ – биргина курак сұякларимиз бор – нима улар қанотлар учун асосми? Чунки қанотларга ортиқ әхтиёж йұқ – аэро бор, қанотлар фақаттана ҳалал берарди. Қанотлар – учиш учун, бизни эса учадиган жойимиз йұқ: биз – учиб келдік, биз – топиб бұлдык. Шундай эмасми?

Мен саросимада бошимни ликиллатдим. У, менга қараб, үткір, ништарли кулиб юборди. Анави, бошқа, яшиксимон оёқлини эшитди, хонасидан тап-тап овоз чиқарып чиқди ва күзлари билан мени нозик шифокоримнинг шохларига улоқтируди – мени улоқтируди.

- Гап нимада? Қандай қилиб: қалб? Қалб, дейсизми? Ё, тавба! Бундай бўлса, яқинда вабогача борамиз. Мен сизга айтгандим, (нозикни шохларга) мен сизга айтгандим: ҳамманинг – ҳамманинг ҳаёлпарастлигини... Ҳаёлпарастликни экстрипация³³ қилиш. Буерда биргина жарроҳлик, биргина жарроҳлик...

У улкан рентген кўзойнакларини тақиб олиб, узок айланисиб юрди ва, бош суяги ичига – менинг миямга – тикилиб қараб, бир нималарни дафтарчасига ёзди.

- Жуда ҳам, жуда ҳам қизиқ! Менга қаранг: спиртланишга... рози бўлармидингиз? Бу Ягона Давлат учун бениҳоя... бу эпидемиянинг олдини олишимизда ёрдам берар эди... Агарда, албатта, сизнинг айрим асосларингиз бўлмаса...

- Нима десам экан, - деди у, - рақам Д-503 – ИНТЕГРАЛНИНГ Қурувчиси ва, аминман-ки, бу издан чиқариши...

- А-а, - тўнғилади у ва хонасига яшиксимон қадамлар ташлаб кириб кетди.

Иккимиз қолдик. Қоғоз қўл енгил, мулойимлик билан кўлимнинг устига қўйилди, қиррали юз мен томон эгилди, пичирлади:

- Ҳеч кимга айтиб қўйманг – у фақаттина сизда бор эмас. Ҳамкасбим бекордан эпидемия ҳақида гапирмаяпти. Эслаб кўринг-а, ўзингиз бошқаларда ўхшаш ҳолатни кузатмаганмисиз – жуда ҳам ўхшаш, жуда ҳам яқин... – у менга дикқат билан қаради.

У нимага ишора қиляпти – кимга? Наҳотки –

³³ Бирор органни жарроҳлик йўли билан олиб ташлаш

- Менга қаранг... – стулдан иргиб турдим мен.
Аммо у баланд овозда бошқа нарса ҳақида гапиришни бошлади.
- ...үйқусизликдан бұлса, тушларингиздан – сизга бир нарсани маслахат берә оламан: күпроқ пиёда юринг. Эртага эрталабданоқ сайрга чиқинг... масалан, Қадимги Үйга.

У мени күzlари билан яна санчиди, янада кенгрөк жилмайды. Менга түйилди: мен, унинг табассумининг ингичка матосига үралған сұзни – харфни – исмни, биргина исмни аник ва равшан күрдим... Ёки бу яна менинг ҳаёлпаратстлигиммикин?

У менга бүгун ва эртагалик учун қасаллигим тұғрисида гувоңнома ёзіб берар экан, мен базұр сабр қилдим ва, унинг құлині яна бир бор маҳкам сиқиб, ташқарига югуриб чиқиб кетдим.

Юрак – аэро каби енгил, тез ва мени тепага элтмоқда, элтмоқда. Мен билардим: эртага – қандайдир хурсандчилік бұлади. Қандай?



Ўн еттинчи қайд
КОНСПЕКТ:

Ойна орасидан. Мен ўлдим. Даҳлизлар.

“ Мен нима қилишимни умуман билмай қолдим. Кеча, айни шу онда, ҳамма ечимлар топилди, барча икслар аникланди деб ўйлаган онимда – менинг тенгламамда янги ноаниқ сонлар пайдо бўлди.

Бу ҳикоядаги координатлар боши – албатта, Қадимги Ўй. Бу нуқтадан – яқиндан бери мен учун бутун дунё асоси бўлиб ҳизмат қилган X-лар, Y-лар, Z-лар ўқи. X-лар ўқидан (59-чи Хиёбон бўйлаб) мен координат боши томон яёв кетардим. Туни кеча бўлиб ўтганлар – менда довул каби: уйлар ва одамлар қулаб тушган, уқубатли даражада бегона қўллар, ялтираётган қайчилар, бет-қўл ювгичдан кескин томиб турган томчилар – шундай эди, қачонлардир шундай эди. Буларнинг бари, гўштимни тирнаб, оловдан эриб кетган сатҳда, “қалб” деб номланмиш жойда – ўша ерда шиддат билан айланмоқда.

Шифокорнинг қўрсатмаларини бажариш учун атайлаб гипотенуза бўйлаб эмас, балки икки катетлар бўйлаб тушган йўлни танладим. Мана иккинчи катет: Зумрад Девор этагидаги доиравий йўлак. Девор ортидаги кўз илғамас зангори океандан менинг устимга илдизлар, гуллар, шох-шаббалар, барглардан бўлган ёввойи мавж мен томон ёпирилиб келарди – орка оёқларида тик туриб – ҳозир мени ювиб кетади; ва мен – механизмларнинг нимжонларининг энг нимжони – одамдан...

Аммо, бахтимга, мен ва ёввойи зангори океан ўртамиизда – Девор ойнаси бор эди. О, деворлар ва тўсиқларнинг илоҳий чегараловчи, буюк донолиги! Бу барча ихтиrolарнинг энг буюги бўлиши мумкин. Инсон илк

деворни қурганидан кейингина ёввойи ҳайвон бўлмай қолди. Инсон, биз Зумрад Деворни қурганимиздан ва бу Девор билан ўзимизнинг машиналаштирилган, кусурсиз дунёимизни - дарахтларнинг, кушларнинг, ҳайвонларнинг бемаъни, беўхшов дунёсидан - айирганимиздан кейингина, ёввойи инсон бўлмай қолди.

Ойна орасидан менга - мужмал, хира - аллақандай ҳайвоннинг афти бакрайиб турибди; унинг сарик кўзлари ўжарлик билан менга тушунарсиз бўлган бир фикрни қайтараверар эди. Биз бир биримизга узок тикилиб турдик - юзаки дунёдан бошқа, юзакининг ортидаги дунё конларига. Менда нимадир ғимиirlаяпти: "Сарик кўзли - ўзининг бемаъни бўлган, кир барглар уюмида, ўзининг ҳисобланмаган умрида - биздан кўра баҳтли бўлсачи?"

Мен қўлимни силтадим, сарик кўзлар пирпираб, тисарилиб, барглар орасида йўқ бўлди. Абгор жонзот! Нақадар бемаънилик: у - биздан баҳтлироқ! Эҳтимол, у мендан баҳтлироқdir - ҳа; аммо мен - фақатгина бир истисноман, мен касалман.

Ҳа ва мен... Мен Қадимги Ўйнинг тўқ қизил деворларини - ва кампирнинг очилмай қолган мулойим лабларини - кўряпман: мен кампир томон бор кучим билан чопдим:

- У буердами?

Юмилиб қолган оғиз асталик билан очилди:

- У, ким - у?
- Эҳ, ким бўларди? I-330 да, албатта... Ахир, биз у билан ўшандა - аэрода...
- А-а, хўш, хўш... Хўш-хўш-хўш...

Нурсимон ажинлар лаблари атрофида, менинг ич-ичимга симирилаётган, сариқ қўзларидан тушган хийлакор нурлар – янада чуқурроқ... Ваниҳоят:

- Ҳа, майли... у буерда, яқинда келганди.

Буерда. Мен қўрдим: кампирнинг оёклари остида – кумушранг, аччиқ қақранинг бутаси (Қадимги Ўйнинг ховлиси – музей кўринишида, у тотарихий ҳолатида пухта сақланиб қолинган), қақра бутасини кампирнинг қўлига узатди, кампир бутоқни силаяпти, унинг тиззаларида – қуёш нурларининг сариқ тасмаси. Бир онга: мен, қуёш, кампир, қақра, сариқ қўзлар – биз ҳаммамиз бирмиз - биз қандайдир томирлар билан ўзаро боғланганмиз ва бу томирлардан – бир, умумий, жўшқин, ажойиб қон...

Хозир бу ҳақида ёзишга уяляпман, бироқ мен қайдларимда охирига қадар очиқсўз бўлишга ваъда берганман. Ҳўш: мен эгилиб – бир-бирига ўсиб кетган, юмшоқ моҳ босган лабларни ўпдим. Кампир артиниб, кулиб юборди...

Озгина тор, таниш ва янгроқ хоналар орқали югуриб – негадир тўғри ўша ерга, ётоқхонага кирдим. Эшик олдида дастакни ушлаб олдим ва бирдан: “У уерда ёлғиз бўлмасачи?” Кулок солишни бошладим. Бироқ биргина: яқинимда урилаётган товушни – менда эмас, қаердадир менинг яқинимда – менинг юрагимда.

Кирдим. Кенг, ғижимланмаган каравот. Ойна. Шкаф эшигида ҳам ойна ва қулфнинг тешигида – қадимий ҳалқали калит бор. Кимса йўқ.

Мен паст овозда чақирдим:

-I! Буердамисан? – ва яна ҳам пастроқ овозда, күзларимни очмасдан, нафас олмасдан – гүё унинг қаршисида тизза чўкиб тургандек: - I! Азизам!

Жимжитлик. Фақатгина бет-қўл ювгичнинг оқ юзасига сув тез-тез томчилаб турар эди. Ҳозир нега бундай бўлганини тушунтириб бера олмайман, бироқ ўша он айнан шу нарса менга ёқимсиз эди; кранни маҳкам ёпиб, чиқиб кетдим. Буерда у йўқ: тушунарли. Демак, у қандайдир “бошқа” уйда.

Кенг гира-шира зинадан пастга тезда-тездада тушдим, бир, икки, уч эшикни очдим: ёпиқ. Ҳеч ким бўлмаган, “бизнинг” уйимизнинг эшигидан ташқари, ҳаммаси ёпик эди.

Шундай бўлса ҳам – яна ўша томон, ўзим ҳам билмайман нима сабабдан. Мен секин, қийинчилик билан юрардим – оёғимнинг кафти гүё чўяндан бўлиб қолган эди. Бир фикрни аниқ эслайман: “Оғирлик кучи – ўзгармаслиги, хато. Шундай экан менинг барча формуналарим –”

Бундай сўнг – фикрим бузилди; энг пастки қаватда эшик қарс этиб ёпилди, кимдир тоштахтада тез-тез юриб кетди. Мен – яна енгил, пар каби енгил – зина тўсиқлари томон отилдим – бир сўздан энкайиб кетмоқ, “Сен!” сўзининг бир ҳайқириғида – барчасини қичқириб юбормоқ...

Юрагим шиг этиб кетди: пастда – ойна ромининг қоронғу тўртбурчак сояси билан бир бўлган, пушти қанот-кулоқларини гоҳ у томон, гоҳ бу томон силкитиб кетаётган S нинг боши кўринарди.

Яшин каби – биргина асоссиз хulosса, фикрсиз (дастлабки фикрларни мен ҳануз билмайман): “У мени – кўрмаслиги керак – нима бўлса бўлсин, кўрмаслиги керак.

Оёгимнинг учида, деворга ёпишиб, ўша очик уй томон тепага лип этиб ўтдим.

Бир сония эшик олдида. Анави - S - тепага қараб чиқяпти. Эшик! Мен эшикни ёлворардим, бироқ у тахтадан; ғичирлаб, чинқириб юборди. Шамол каби - яшил, қизил, сариқ Будданинг олдидан - мен шкафнинг ойна эшиги қаршисидаман: менинг оқариб кетган юзим, дикқат билан тинглаётган кўзларим, лабларим... Мен эшитяпман - қон шовқини орасидан - эшик яна гичирляяпти... Бу ўша, ўша.

Мен шкаф эшигининг калитини ушлаб олдим - ва мана ҳалқа тебранишни бошлади. Бу менга - яна бир онли, яланг, асоссиз хулосани - тўғрироғи, парчани - эслатяпти: "Ўша сафар I -". Мен шкафнинг эшигини зудлик билан очдим - мен ичкаридаман, қоронгулиқда, эшикни маҳкам ёпдим. Бир қадам - оёқларим ости қимирилаб кетди. Мен секин-асталик билан пастга қараб сузишни бошладим, кўзларимда қоронгулашиб кетди, мен ўлдим.

ХХХ

Кечрок, бўлиб ўтган бу ғалати ҳодисаларнинг барчасини қоғозга туширишим керак бўлганида, хотирамни, китобларни титкиладим - мана энди мен, албатта, тушуняпман: бу, қадимги одамларга маълум бўлган, вақтингчалик ўлим ҳолати эди ва - билишимча - бизга умуман таниш эмас.

Қанча вақт ўлик ҳолатида бўлганимни билмайман, ҳойнаҳой 5-10 сониядир, аммо маълум вақт ўтгандан кейингина тирилиб, кўзимни очдим: қоронғу ва мен ҳис қиляпман - пастга, пастга... Кўлимни чўздим - ниманидир ушлаб олдим - тезлик билан қочиб кетаётган дағал девор тирнади, бармоғимда қон, тушунарли -

буларнинг бари хаёлларим маҳсули эмас. Аммо бу нима эди, нима?

Мен титраётган нұқтали нафасимни эшитардим (тан олишга уяляпман – ҳаммаси шу даражада тұсатдан ва тушунарсиз бұлды-ки). Бир, икки, уч дақиқа – ҳамма пастга. Ваниҳоят, енгил туртқи: оёғим остида қимирлаётган ер – энди қимирламасди. Коронғулиқда тимирскилаб қандайдир дастакни топдим, итардим – эшик очилди – хира ёруғлик. Күрдим: орқамда унчалик катта бұлмаган квадрат жисм тезлик билан тепага чиқиб кетаёттанди. Орқасидан югурдим – кеч бұлғандим: мен буерда мосуво қолдим... бу “буер” қаер – билмайман.

Даҳлиз. Тоғлар каби оғир жимжитлик. Думалоқ гумбазларда – чироқлар, чексиз, ялтираётган, титраётган нұқтали чизик. Бироз бизнинг еости үйларимизнинг “трубаларига” үхшаб кетяпти, бирок анчагина торроқ ва бизнинг ойнамиздан эмас, балки аллакандай қадимий моддадан. Ҳаёлимга келиб қолди – Икки Юз Йиллик Уруш пайтида одамлар сақланган ертұлалар... Барибир ҳам: юриш керак.

Тахминан йигирма дақиқача юрдим. Үнгга бурилдим, даҳлиз кенгайди, чироқлар ёрқинлашы. Қандайдир ноаниқ гумбурлаган овоз. Балки, машиналар, балки, овозлар – билмадим, лекин фақат мен – оғир хира эшик олдида: гумбурлаган овоз үша ердан келяпти.

Тақиллатдим, яна бир бор – қаттиқроқ. Эшик орти – жимиб қолди. Нимадир жириングлади, эшик аста-секин, оғирлик билан ланг очилди.

Иккимиздан қай биримиз кучлироқ караҳт бұлды билмайман – қаршымда менинг тиғ каби үткір бурунли, нозир шифокорим турарди.

- Сиз? Буерда? - ва унинг қайчилари юмилиб қолди. Мен бўлса - худди умрим бўйи ҳеч қандай сўз билмагандек, инсон тилини тушунмагандек: жим қараб, унинг менга айтгаётган гапларининг ҳеч бирини тушунмай, турадим. Буердан кетиш керакка ўхшайди: чунки у ўзининг ясси қоғоз қорни билан мени даҳлизнинг охиригача, ёруғроқ қисмигача тезлик билан суриб ва елкамдан туртиб қўйди.
- Изн берсангиз... мен... мен у, I-330. Бироқ менинг ортимдан...
- Шуерда туринг, - гапимни кесди шифокор ва ғойиб бўлди...

Ахийри! Ахийри у ёнимда, буерда - ва бу “буер” қаерлигининг қандай фарқи бор. Таниш бўлган сап-сариқ шойи, тишлиб оловчи кулгу, пардалари туширилган кўзлар... Менинг лабларим, қўлларим, тиззаларим титраяпти – ақлимда эса бемаъни фикр:

“Тебраниш – товуш. Титроқ эшитилиши керак. Нега эшитилмаяпти?”

Унинг кўзлари мен томон очилди – ланг очилди, мен ичкарига кирдим...

- Ортиқ чидай олмасдим! Қаерда эдингиз? Нега... – кўзимни ундан бир сонияга ҳам узмай, алаҳсираб гапирадим – тез, алоқ-чалоқ, - факат ўйлаётган бўлишим ҳам мумкин. – Шарпа – орқамдан... Мен ўлдим – шкафдан... Чунки сизнинг ўша... қайчилари билан айтди: менда қалб... Бедаво...
- Бедаво қалб! Бечорагинам! – Й кулиб юборди – ва менга ҳам кулгусини сачратди: бутун алаҳсирашим ўтиб

кетди, атрофимда кулимсирашлар ялтираб, жаранглайпти, қандай – қандай яхши.

Бурчакдан яна шифокор чиқди – ажойиб, буюк, нозир шифокор.

- Хұй-ұш, - тұхтади у I нинг олдида.
- Ҳеч нима, ҳеч нима! Сизга кейин айтіб бераман. У беҳосдан... Мени... ұн беш дақиқадан сұнг... келади деб айтинг...


Шифокор бурчак томон үтиб кетди. I кутиб турди. Эшик паст овозда ёпилди. Ұшанда I үзининг үткір, тотли игнасини юрагимга аста-аста, янада чуқурроқ санчиб – елкаси, құллари, бутун вужуди билан менга ёпишиб олди – ва биз у билан бирга, у билан бирга – иккимиз – бир бұлиб...

Қаерда қоронгулик томон бурилганимиз эсимда йўқ – ва коронгулиқда зиналар бўйлаб тепага, нихоясиз, индамай. Мен кўрмасам-да, билардим: у ҳам, худди мен каби, юрар – қўзларини юмиб, қўзи ожизлар каби, бошини тепага кўтариб, лабларини тишлаб – ва мусиқани тинглар эди: менинг эшитилар-эшитилмас титроғимни.

Мен Қадимги Уйнинг саноқсиз жин кўчаларининг бирида уйғондим: аллақандай панжара, ердан чиққан – қулаб тушган деворларнинг яланг, тошлоқ қирралари ва сарик тишлари. У қўзларини юмиб: “Индинга 16 да” деди ва кетди.

Булар рўёмиди? Билмайман. Индинга билиб оламан. Ҳакиқий из фақатгина бир дона: ұнг қўлимда – бармоқларим учиды – терим шилиниб кетган. Бироқ бугун ИНТЕГРАЛда Иккинчи Қурувчи мени, бу қўлим у билан силликлайдиган ҳалқани беҳосдан ушлаб олганим

учун шикастланганини ўз күзлари билан күрганига, ишонтираарди. Ким билсін, бундай бўлган бўлиши ҳам мумкин. Бўлиши мумкин. Билмайман – ҳеч нимани билмайман.



Ӯн саккизинчи қайд
Конспект:

**Мантиқий чангалзорлар. Яра ва малҳам.
Қайтиб ҳеч қачон.**

“

Кеча ётогимга ётишим биланоқ - уйқу жарлигига қуладим, худди ўта ошиқча юқ ортилган, ағдарилиб кетган кемага ўхшаб. Сассиз ҳилпиллаёттан зангори сувнинг қатлами. Аста-секин тубдан сатҳга чиқяпман ва чукурликнинг тахминан ўртасида кўзларимни очдим: менинг хонам, ҳануз яшил, яхлаб қолган тонг. Шкафнинг ойна эшигида - қуёшнинг бир бўлаги - тўғри кўзимга тушяпти. Бу Лавҳ томонидан белгиланган уйқу соатларига аниқ амал қилишга ҳалал беряпти. Энг яхиси - шкафни очиш. Аммо мен бутунлай - худди ўргимчак тўридадек, худди кўзларимда ўргимчак тўридек, тургани кучим йўқ...

Барibir ҳам турдим, очдим - бирдан ойна эшик ортидан кўйлагига чалкашиб, бутунлай пушти - I чиқарди. Энг ғайриоддий нарсаларга ҳам шу даражада ўрганиб қолгандим-ки, адашмаёттан бўлсам, ҳаттоқи заррача ҳам ҳайрон бўлмадим, ҳеч нима ҳақида сўрамадим: тезрок шкафга, ортимдан ойнали эшикни ёпдим - ва, нафасим қайтиб, кўрмасдан, очқўзлик билан I билан бирлашдим. Ҳозир кўрганимдек*: эшикнинг тешигидан қоронгулиқда - ўткир қуёш нури полда, шкаф ёнида, тепароқда чақмок каби синяпти* - ва бу шавкатсиз, ялтираётган тиф I нинг орқа томон эгилган, яланг бўйнига тушди... бу мен учун ниҳоятда қўрқинчли ҳолат эди-ки, мен, чидай олмай, бақириб юбордим - ва яна бир бор кўзларимни очдим.

Менинг хонам. Ҳануз яшил, яхлаб қолган тонг. Шкаф эшигида қуёшнинг парчаси. Мен - каравотимдаман.

Үйку. Бирок юрагим ҳамон тез ураг, сесканиб, жұшқиниб кетар, бармоқларимнинг учлари ва тиззаларим оғрир эди. Булар - рүё эди. Мен энди тушим ва ўнгимни ажрата олмай қолдим; иррационал үлчамлар барча мустаҳкам, одатий, уч үлчамли нарсаларнинг ич-ичига ўсіб боряпти ва қаттиқ, текисланган сатхлар ўрнига - атроф қінғир-қиңишиқ, пахмоқ нарсаларга тұлиб боряпти.

Күнғироққача ҳали вақт бор. Мен ўйланиб ётибман - ва жуда ҳам ғалати, мантиқий ўйлар занжирининг чигали ечилиб боряпти.

Сиртқи дунёдаги ҳар қандай тенглама, ҳар қандай формуланинг эгрилик ёки жисм күринишидаги муносиби бор. Иррационал формулаларнинг муносиби борми биз билмаймыз - биз уларни ҳеч қачон күрмаганмыз... Бутун даҳшат ҳам шундан иборат-да - ушбу жисмлар - күринмас жисмлар - мутлак, ҳеч қандай шубхасиз мавжуд бўлиши керак: негаки математикада, худди экрандаги каби, бизнинг қаршимиздан уларнинг ғаройиб, тиканли шарпалари ўтиб кетади - иррационал формулалар; математика ҳам, ўлим ҳам - ҳеч қачон янглишмайди. Биз бу жисмларни ўз дунёимизда, сатҳда күрмас эканмиз, улар учун - албатта - сатҳдан юқорида бўлган, улкан, бутун бошли бир дунё мавжуд бўлиши керак...

Мен қўнғирокни кутмай, иргиб туриб кетдим ва хонада югуришни бошладим. Менинг математикам - шу вақтгача менинг жинни-кетди* ҳаётимдаги ягона маҳкам ва мустаҳкам орол эди - кўзғалди, ўрнидан силжиб кетди, айланишни бошлади. Демак, бу бемаъни "қалб" - худди менинг униформам, этикларим (хозир мен уларни күрмасамда: улар шкафнинг ойна эшиги ортида) сингари мавжуд экан-да? Этикларим касаллик эмас экан, нега энди "қалб" бир касаллик?

Ёввойи мантикий чангальзордан чиқиши қанчалик изламай, топа олмадим. У - Зумрад Девор ортидаги - сирли ва даҳшатли чакалакзорлар каби эди ва, шу билан бир қаторда, турфа, тушунарсиз, сўзсиз сўзловчи ҳам эди. Қалин ойнанинг орасидан кўрингандек бўлди - кўряпман: беҳад улкан ва, айни замонда, беҳад кичик, чаёнысимон, яширинган ва ҳаммавақт сезилиб турган манфий-нишли - $\sqrt{-1}$ жисм... Балки бу, қадимгиларнинг, ўзини ўзи захарлайдиган, чаёнларига ўхшаган, менинг "қалбимдан" бошқа нарса эмасдир.

Қўнгироқ. Кун. Буларнинг барчаси, ҳалок бўлмай, ғойиб бўлмай - биргина кун ёруғлигига бурканган; худди кўзга кўринувчи жисмлар, нобуд бўлмасдан - тунга яқин тун қоронгулигига буркангани сингари. Ақлимда - бекарор, ним туман. Туман орасидан - узун, шишадан бўлган столлар кўриняпти; асталик билан, сассиз бир маромда чайновчи шарсимон бошлар. Узоқдан, туман узра метрономнинг тириқлаши эшитиляпти ва бу эркаловчи таниш мусиқа оҳанггида мен ўзим билмаган ҳолда, қолганлар билан биргаликда, элликкача санаяпман: ҳар бир бўлак учун қонунан белгиланган эллик чайновчи харакат. Файриихтиёрий равишда қолганлар билан бир маромда харакатланаман, эгиламан, кетаётгандар китобида, қолганлар каби, исмимни қайд этаман. Бироқ ҳис қиляпман: қолганлардан алоҳида, ёлғиз, товушлардан ҳимояловчи юмшоқ девор қўриғида яшаяпман ва бу девор ортида - менинг дунёим...

Лекин бир нарса бор: агарда бу дунё - фақатгина менини бўлса, нега унда бу қайдларда ҳам бор? Маъносиз "тушларнинг", шкафнинг, бепоён дахлизларнинг нима кераги бор? Не афсуски, менинг қайдларим Ягона Давлат шарафи йўлида ёзилган изчил ва жиддий достон ўрнига - аллакандай ҳаёлий ва қалтис саргузаштларга бой асарга айланяпти. Эҳ, қани эди менинг иксларга, $\sqrt{-1}$ ларга ва

йиқилишларга тұла ҳозирғи ҳаётим, бир асарга айланиб қолганида.

Балки ҳаммаси яхшиликкадир. Сизлар, менинг нотаниш үқувчиларим, - бизнинг олдимизда бола каби бўлишингизнинг эҳтимоли юқори (ахир биз Ягона Давлат томонидан тарбияланиб вояга етқизилганмиз – шундай экан инсон қобилиятларининг энг чўққисини ҳам эгаллаганмиз). Болалар каби - мен сизларга бермоқчи бўлган барча аччик ҳақиқатларни қичқиришларсиз ютиб юборишларингиз учун, уларни саргузаштлардан иборат қўйиқ қиём билан қоплашим керак.

ХХХ

КЕЧКИ ПАЙТ:

Сизга бу туйғу танишми: аэрода очиқ ойналар билан, мовий бурама чизик бўйлаб, фалак томон елдек учеб кўтарилаётганингизда, юзингизга ураётган қаттиқ шамол гўё хуштак чалаётган пайтда – ер йўқ, у ҳақида унутиб қўясиз, у биздан, худди Сатурн, Юпитер, Венера каби, олисда? Мен ҳозир худди шундай яшаяпман, юзимга – қаттиқ шамол уриб туради ва мен ер тўғрисида унутиб қўйганман, мен дилбар, пушти О тўғрисида унутиб қўйганман. Шундай бўлса ҳам, ер мавжуд, эртами-кечми – уни режага қўшиш керак ва, менинг Жинсий Алоқа Жадвалимда унинг – О-90 нинг – исми туриши керак бўлган кун олдидан, кўзларимни юмар эканман...

Бугун олис ер ўзи ҳақида эслатди.

Шифокорнинг кўрсатмаларини бажариш учун (мен чин юракдан тузалиб кетишни хоҳлайман), икки соат давомида хиёбонларнинг ойнали, тўғри даштлари бўйлаб кезиб юрдим. Ҳамма, лавҳга кўра, аудиториумларда эди ва биргина мен... Аслида бу

ноодатий манзара эди: бутундан, құлдан кесиб олинган бармоқни тасаввур қилинг - алоҳида бүлған инсон бармоғи, буқчайиб, сакраб-сакраб шиша йұлак бүйлаб югуриб кетяпти. Бу бармоқ - менман. Бу ҳолатни қизиқтігі, ғайриоддийлиги шунда-ки, бармоқ құлда бүлишни, бошқалар билан бүлишни ҳеч ҳам хохламаяпти: ё - шундай, ёлғиз, ё... Ҳа, беркитадиган ҳеч нимам қолмади: ё у билан биргалиқда - унинг менга суюнган елкасидан, чирмашған құлларимиздан бутун борлиғимни унга үтказиб, ...

Үйга қайтганимда, қуёш аллақачон ботаётганди. Кечки пушти кул - деворлар ойнасида, Аккумуляторли Миноранинг шпицида, мен учратаеттан рақамларнинг овозлари ва табассумларида. Фалати эмасми: сұнаёттан қуёшнинг нурлари айнан эрталаб қуёш чиқишидаги бурчак остига тушади, қолғанлари эса - бутунлай фарқли, бу пуштилик ҳам фарқли - ҳозир у жуда ҳам сокин, бироз овозли, эрталаб бұлса - қайтадан жарангли, пишиллайдиган ҳолатта келади.

Мана пастда, вестибюлда, пушти кул остида қолған конвертлар уюмидан - Ю, назоратчи, бир хатни чиқариб, менга узатди. Қайтаряпман: у жуда ҳам мұхтарам аёл ва аминман-ки - унинг менга нисбатан бүлған түйғулари фақат ижобиЙ.

Шундай бұлса ҳам, ҳар сафар унинг осилиб кетган, балик ойқулоқларига үхшаган юзларини күриш мен учун негадир ёқимсиз.

Ю, менга хатни бутасимон құллари билан узатар экан, хұрсиниб құйди. Аммо бу хұрсиниш, мени дунёдан айириб турған, парданы енгил қимирлата олди холос: менинг бутун диққат-эътиборим, вужудим, борлиғим

қўлимда қалтираётган конвертда эди. Унда, шубҳасиз, I дан хат бор.

Буерда – иккинчи нафас олиб чиқариш, шу даражада кўзга ташланади-ки, мен конвертдан кўзимни узиб, қарадим: ойқулоқлар орасида, ерга қараб олган кўзларнинг уялувчан чий пардалари орасидан – нафис, майин ўраб олувчи, кўр қилувчи табассум. Сўнгра эса:

- Бечора сиз, бечора, - чуқур нафас олиб, хат томон бошини енгил силкиб қўйди у (хатнинг мазмунини у, иши сабабли, шубҳасиз, билар эди).
- Йўқ, асли, мен... Нега энди?
- Йўқ, йўқ, азизим: мен сизни сиздан кўра яхшироқ биламан. Мен сизни анчадан бери кузатаман ва кўриб турибман: сиз билан қўлма-қўл ушлашиб кетадиган ҳаёт ҳамроҳингиз, ҳаётни кўп ўрганганд инсон бўлиши керак...

Мен ҳис қиляпман: унинг табассуми менинг устимда – худди, қўлимда қалтираётган хатдан сўнг қоладиган яраларга, малҳам каби. Ваниҳоят – уялувчан шир пардалар орасидан – роса ҳам паст овозда:

- Мен ўйлаб кўраман, қадрли Д-503, ўйлаб кўраман. Кўнглингизни ҳотиржам қилаверинг: агар мен ўзимда етарлича куч борлигини ҳис қилсам – йўқ-йўқ, мен аввал ўйлаб кўришим керак...

Улуғ Валинеъмат! Наҳотки мен... наҳотки у... менга – Кўзларим қамашиб кетди – минглаб синусоидлар, хат қўлимда иргияпти. Мен ёруғликка яқинроқ бордим ва ўша ердан – менга, полга, кўлларимга, хатга борган сари кизарив бораётган, ғамгин кул тушиб турибди.

Конверт очилди – тезроқ имзони қўрай – ва яра – муаллиф I эмас, балки О эди. Яна бир яра: варокнинг

пастида, ўнг бурчакда – сиёғ доги ёйилиб кетибди – анави ерга ҳам томган экан... Сиёғ доғларини жиним суймайди – барибир ҳам: улар сиёхдан бўладими ёки... нимадан бўлишининг қизиги йўқ. Биламан – авваллари – бу ёқимсиз доғдан – кўнглим ғаш бўлар, қўзларим толиқарди. Аммо нега энди бу кулранг доғчадан – булут каби ва ундан – атроф қўроғошинга ва қоронғуликка айланяпти? Ёки бу яна – “қалбмикин”?

ХАТ:

“Билиб турибсиз... ёки, эҳтимол, билмайсиз – мен эплаб тузук-қуруқ ёза олмайман – нима бўлса ҳам: сиз ҳозир, менинг сизсиз ҳеч қандай куним, ҳеч қандай тонггум, ҳеч қандай баҳорим бўлмаслигини, билиб турибсиз. Негаки Р менинг учун фақатгина... ҳа, бунинг сизга қизиғи йўқ. Мен ундан, нима бўлган тақдирда ҳам, миннатдорман: усиз ўзим ёлгиз, бу кунларда – нима бўлиши мумкинлигини тасаввур ҳам қила олмайман... Охирги кунлар ва тунлар мен учун гўё ўн йил ёки, ҳаттоқи, йигирма йил бўлиб туйилди. Гўё менинг хонам – тўртбурчак эмас, думалоқ ва бепоён эди – атрофда, атрофда ҳамма нарсалар бир хил ва ҳеч қандай эшик йўқ.

Мен сизсиз яшай олмайман – чунки мен сизни севаман. Чунки мен кўряпман, тушуняпман: сизга бу дунёда ортиқ ҳеч ким керак эмас, ўша бошқа аёлдан ортиқ ҳеч ким керак эмас ва – биласизми: агарда мен сизни севсан, мен –

Синиқ бўлаклардан аввалиги О-90 га оз бўлсада ўхишаши рақамни яратиш учун, менинг яна икки-уч кунга эҳтиёжим бор – ва сўнгра ўзим бориб, сизга ортиқ ёзилган бўлишини истамаслигимни айтиб, ариза ёзив келаман. Ўшанда сиз анча енгиллайсиз, яхшиланасиз. Қайтиб ҳеч қачон бундай қилмайман, кечиринг.

О.”

Қайтиб ҳеч қачон. Бундай бўлгани, албатта, яхши: у ҳақ. Бироқ нега – нега –

Ўн тўққизинчи қайд
Конспект:

**Учинчи тартибли чексиз кичик микдор.
Зимдан. Панжара бўйлаб.**

“

У ерда, хира чироқларнинг титраётган нуктали чизиқлари тушиб турган даҳлизда... ёки йўқ, йўқ - у ерда эмас: кечроқ, биз у билан Қадимги Ўйнинг қандайдир ташландик бурчагида бўлганимизда, - у: “индинга” деди. Бу “индинга” - бугун ва атрофимдаги ҳаммаёк - қанотларда учяпти, кун - учяпти, бизнинг ИНТЕГРАЛ ҳам қанотга эга бўлди: унинг мотори ўрнатилди ва бугун уни шунчаки синаб қўрдик. Нақадар буюк, азим ўқ отилишлари, уларнинг ҳар бири мен учун - унинг, ягонамнинг шарафи учун отилган мушаклардир.

Биринчи учишда (=отилишда) ИНТЕГРАЛ моторининг тагида бизнинг эллингимиздан бўлган ўнга яқин сонлар анқайиб қолиб кетибди - улардан қоракуя ва майда-майда ушоқлардан бошқа ҳеч нима қолмади. Қайдларимда фаҳр билан ёза оламан-ки, бу ҳолатдан бизнинг ишлаш маромимиз бир сонияга ҳам секинлашмади, ҳеч ким сесканиб ҳам кетмади: биз ҳам, бизнинг дастгоҳларимиз ҳам - ўзининг бир текисдаги, айланга ҳаракатларини ўша-ўша аниқлик билан бажаришда давом этарди, худди ҳеч нима бўлмагандек. Ўн нафар рақам - улар Ягона Давлатнинг юз миллионлардан ташқил топган ахолисининг бир қисмигина, холос, амалий ҳисобда эса - улар учинчи тартибли чексиз кичик микдордир. Арифметик саводсизликдан иборат ачиниш биргина қадимги одамларга таниш бўлган: биз учун у кулгили.

Кеча аллақандай аҳамиятсиз қулранг дөг, аллақандай сиёх доғи тұғрисида бош қотирғанимдан - ва, ҳаттоғи, уни қоғозларда қайд қилғанимдан - үзимнинг қулгим келяпти. Бу - худди олмос каби қаттиқ - бизнинг деворларимиз сингари бўлиши керак бўлган юзанинг “юмшаб кетиши” каби ҳолатдир.

Кечки соат тұрт бўлди. Қўшимча сайрга чиқмадим: ким билсин, балки у айнан ҳозир, атроф қуёш нурлари остида ловулаётган пайтда...

Мен уйда деярли үзимман. Қуёш нурларига тўйинган деворлар орасидан - мен ўнгни, чапни, пастни узокларгача қўряпман - гўё ҳавода учайтган, бир-бираининг ойнадаги аксини акс эттирувчи бўм-бўш хоналар. Фақатгина қуёш нури билан бироз чизилган, қўкимтир зинапоя бўйлаб тепага ингичка, қулранг шарпа судралиб чиқяпти. Ана унинг қадамларининг товушлари ҳам эшитиляпти - ва мен эшик орасидан қўряпман - мен ҳис қилипман: менга табассум малҳами суртилган - ва сўнгра тўхтамай, бошқа зинапоядан - пастга...

Рақам урадиган машинанинг шикирлаши. Мен бутун вужудим билан ингичка оқ тешик томон отилдим - ва... ва менга нотаниш бўлган қандайдир рақам (ундош ҳарфли). Лифт, чўзиқ овоз чиқариб ёпилди. Қаршимда - пала-партиш, чаккага бостирилган манглай, қўзлари бўлса... жуда ҳам ғалати таассурот: худди ўша ердан, зимдан, қўзларини остидан гапиргандек.

- Сизга ундан хат бор... (зимдан, шийпон остидан). У сиздан илтимос қилди, албатта - барчасини хатда ёзилгани каби.

Зимдан, шийпон остидан - атрофда. Ҳа, ҳеч ким йўқ, қани, бўла қолсангчи!

У, атрофга яна бир бор назар ташлаб, құлымга конвертни ушлатиб, кетди. Мен ёлғиз қолдим.

Йұқ, ёлғиз эмас: конвертдан – пушти чипта ва бироз сезилиб турған – унинг ҳиди. Хатнинг муаллифи у эди, у келади, менинг олдимга келади. Тезроқ – бунга бутунлай ишонишим учун, хатни үз күзларим билан үқиб чиқишим керак...

Нима? Бұлиши мумкин эмас! Мен яна бир бор үқияпман – айрим қаторларни қолдириб кетиб үқияпман:

“Чипта... ва, албатта, пардаларни тушириб қўйинг, худди мен сизнинг олдингизга ростдан келгандек... Мени сизнинг олдингизда деб ўйлашлари, мен учун... қаттиқ, қаттиқ афсусдаман...”

Хатни – майдалаб ташладим. Кўзгуда бир сонияга – менинг чимирилиб кетган, синган қошларим кўзга ташланди. Мен чиптани, худди унинг хати каби –

- У сиздан илтимос қилди, албатта – барчасини хатда ёзилгани каби.

Қўлларим ҳолсизланиб, бўшашиб кетди. Чипта ерга тушиб кетди. У менинг ўзлигимдан қудратлироқ ва мен, чамаси, у айтгандек қиласман. Бироқ... бироқ, билмайман: кўрамиз – кечгача ҳали анча вақт бор... Чипта стол устида турибди.

Кўзгуда бир сонияга – менинг чимирилиб кетган, синган қошларим. Нега бугунга ҳам шифокор гувохномасини ёздириб олмаганман: сайдыя чиқиб, Зумрад Девор атрофида тўхтовсиз юрсам – ва сўнгра каравотимга ўзимни ташласам – тубга... Мен эса – 13-аудиториумга боришим керак; мен ўзимни - икки соат қимирламасдан...

керак бўлганда бақириб, оёқларимни тапиллатиши учун – бир жойга маҳкам михлаб қўйишим керак.

Маъруза. Ялтираёттан ускунадан – одатдагидек, темир эмас, балки қандайdir юмшоқ, паҳмоқ, йўсин овоз чиқаётгани – жуда ҳам фалати. Аёл овози – у менга, худди қачонлардир яшаб ўтган кичкина – илгак каби буқчайиб кетган кампир овозидек – Қадимги Уйда яшайдиган, масалан – туйилди.

Қадимги Уй... ва яна барчаси бир зумда – фаввора сингари – пастдан ва мен ўзимни, бор қучимни ишлатиб, бутун аудиториумни қичқиришим тўфонида чўктириб юбормаслик учун, бир жойга маҳкам михлашим керак. Юмшоқ, паҳмоқ сўзлар – менинг ич-ичимдан ўтяпти ва биргина: болалар, бола етиштириш каби мавзулар билан боғлиқ нарсалар ёдимда қоляпти. Мен – худди фотоплёнка каби – қандайdir нотаниш, бегона, маъносиз аниклик билан ҳамма нарсани ўзимга босиб оляпман: олтин ўроқ – радиокарнайдаги шуъла; унинг остида – болакай, жонли тасвир – юракка интиляпти; оғзига зигирдай бўлган униформанинг этаги тикилган; маҳкам мушт қилинган қўлчалар, катта (аникроғи, жуда ҳам кичкина) бармоқ муштнинг ичида қисилган – билагида сезилар-сезилмас дўмбоқ бурмача. Худди фотоплёнка каби – мен ўзимга ҳаммаёқни босиб оляпман: мана яланг оёқ – четдан осилтирилди, пушти бармоқлар ҳавода қадам ташляпти – мана ҳозир, ҳозир полга –

...ва – аёл қичқириғи, саҳна томон ўзининг шаффоф қанотларини қоқиб, аёл рақам, болакайни қўлига олди – лаблари билан – унинг билагидаги дўмбоқ бурмачага, стол ўртасига болани суриб, саҳнадан тушяпти. Менда босилиб боряпти: пушти – шохчалари куйига – оғизнинг яrimойи, чеккасигача лиммо-лим тўлган кўк ликоп-кўзлар. Бу – О. Мен, худди қандайdir аник

формулани ўқиётгандек - бирдан ушбу жиндек тасодифнинг заруратини, муқаррарлигини хис қиляпман.

У мендан бироз оркага, чап тарафга ўтириди. Мен ўгирилдим: у стол устидаги болакайдан итоат билан кўзларини олди - менга, менда ва қайтадан: у, мен ва саҳнадаги стол - уч нуқта ва бу нуқталар орасидан - ҳануз аниқ бўлмаган, четлаб қутилиб бўлмайдиган қандайдир ходисаларнинг тасвир чизиклари чизилган.

Уйга - яшил, ғира-шира тушган, чироқлар ёқилган кўча бўйлаб. Мен эшитар эдим: бутун вужуд - соатдек - чиқиллаяпти. Мендаги соат миллари - ҳозир қанақадир сонга силжийди, мен эса, ортга қайтариб бўлмас, бирнима қиласман. Унга - кимдир уни меникида деб ўйлаши - керак экан. Менга эса у керак ва менинг унинг "шундай қилиш кераги" билан ҳеч қандай ишим йўқ. Мен бегона парда бўлгим келмаяпти - келмаяпти, вассалом.

Орқадан - таниш, кўлмаклардан шап этиб юргандек юрадиган, қадам ташлаш. Мен ўгирилмадим, биламан: S. Менинг орқамдан эшиккача боради - ва сўнгра, шубҳасиз, пастда, йўлақда, тепадан, менинг хонамдан - уерда кимнингдир жиноятини беркитиш учун пардалар тушмагунча - кўзини узмай туради...

У, Кўриқчи-Фаришта, нуқта қўйди. Мен қарор қабул қилдим: йўқ. Мен қарор қабул қилдим.

Хонамга чиқиб, чироқни ёқсанимда - кўзларимга ишонмадим: менинг столим олдида О турарди. Ёки, тўгрироғи, - осилиб турарди: худди бўм-бўш, ечилган кўйлак каби осилиб турарди - унинг кўйлаги остида гўё ҳеч нима йўқ эди, ҳеч қандай пружина, пружинасиз қўллар, оёклар, овоз.

- Мен - хатим хақида. Олдингизми уни? Олдингизми? Жавобини билишім керак, билишім керак - бугуноқ.

Мен елкамни қисдим. Мен роҳат билан - худди барча нарсанинг айбдори у бўлғандек - унинг қўм-кўк, лиммо-лим тўлган кўзларига қаардим ва жавоб беришга шошилмасдим. Роҳат билан унга найза сўзларимни бирма-бир суқиб:

- Жавоб? Ҳўш... Ҳақсиз. Шубҳасиз. Барча нарсада.
- Демак... (титроқ табассум билан беркитилган, бироқ мен қўряпман.) Жуда яхши бўлибди! Мен ҳозир - ҳозир кетаман.

...ва стол устида осилиб турарди. Ерга қараган кўзлар, оёқлар, қўллар. Столда унинг мижиғланган чиптаси ҳануз ётибди. Мен тезлик билан - "Биз" - деб номланган қўлёзмамни очдим ва унинг саҳифалари билан чиптани беркитиб қўйдим (эҳтимол, уни О дан эмас, балки ўзимдан беркитгандирман).

- Мана - тинмай ёзяпман. Бир юз етмиш саҳифани ёзиб қўйибман... Баъзида шу қадар ғайриоддий нарсалар содир бўлади-ки...

Овоз - овоз шарпаси:

- Ёдингиздами... мен сизга ўшанда, еттинчи саҳифада... Мен ўшанда унга кўз ёшимни оқизгандим - ва сиз...

Кўк ликопчалар - чеккаларидан сассиз, томчилар унинг юзлари бўйлаб, пастга қараб тезлик билан оқишни бошлади:

- Чидай олмайман, мен ҳозир кетаман... мен қайтиб ҳеч қаңон, ҳа, майли. Биргина истагим бор – мен сиздан фарзанд күришім керак – болани менга қолдириңг ва мен кетаман, кетаман!

Мен күриб турғандым: унинг бутун вужуди униформаси остида титрарди ва хис қиласадим: мен ҳам ҳозир –

Құлларимни орқага қилиб:

- Нима? Валинеъматнинг Машинасими иstab қолдингизми? – дедим.

Менга – тұғон устидан – сұзлар ёғдирилишни бошлади:

- Майли! Ахир мен хис қиласан-ку – уни үзимда, ичимда хис қиласан-ку. Бир неча кун бұлса ҳам... Бир бора – бир бора унинг мана бу еридаги – анати ерда, столда үтирган болакайникига үхшаш – бурмачасини күриш. Бир кун!

Уч нұқта: у, мен – ва стол устида үтирган, құлларини мушт қилиб олган боланинг билагидаги бурмача...

Болалигимда, эсимда, аккумуляторли минорага олиб бордилар. Мен эг چүккідеги оралиқда шишадан бұлған панжарадан эгилиб үтдім, пастда – нұқта-одамлар ва юрагим ширави урди: "Балки?" Ұшанды мен тутқивларни мақкамроқ ушлаб олғандым, энди бұлса – пастта сакрадим.

- Демек, сизда хохиш бор? Билиб туриб ҳам...

Ёпиқ – гүё қуёш юзига ёпилған – күзлар. Ялтираёттан нам табассум.

- Ҳа, ҳа! Хохлайман!

Құләзмаларим остидан чиптани - унинг чиптасини - чиқардим ва пастга, назоратчи олдига югуриб тушиб кетдим. О-90 менинг құлымдан ушлаб олиб, нимадир деб бақирди, бироқ нима деганини - мен қайттанимдагина тушундим.

У ётоғимнинг чеккасида, құлларини тиззалаriga құйиб, үтиради.

- Бу... бу унинг чиптасими?
- Нима фарқи бор. Ҳа - унинг, ҳа.

Нимадир кирсиллади. Ҳойнақой - О шунчаки қимирлаган бұлса керак. У, құлларини тиззалаriga құйиб, индамай үтиради.

- Хұш? Тезроқ... - мен унинг құлинині құпоплық билан сиқдим ва унинг билагида - болакайнинг дұмбок бурмачаси бор жойда - қызыл доғлар (эртага күкариб чиқади) пайдо бұлди.

Бу - сұнгиси. Үндан кейин - тутмача босилади, фикрлар үчади, қоронғулық, учқунлар - ва мен тұсиқлар орасидан пастга...

ЙИГИРМАНЧИ ҚАЙД
КОНСПЕКТ:

Разряд. Ғоялар моддаси. Нолга тенг қоя.

“

Разряд – энг мос таъриф. Мана ҳозир бу электр разряди бўлганини аниқ кўриб турибман. Сўнгги кунларимнинг томир уруши тобора қуруқлашиб, тезлашиб, кескинлашиб – қутблар яқинлашиб – боряпти – қурук чирсиллаш – яна миллиметр: портлаш, сўнгра – жимжитлик.

Ичимда жимлик ва бўм-бўшлиқ – худди, ҳамма кетиб, уйда ўзинг қолганингда, касал ҳолатингда ётиб, ҳаёлларингнинг баланд тақиллашини аниқ ва равшан эшитаётгандек.

Эҳтимол, бу “разряд”, ваниҳоят, мени, менга азоб берувчи, “қалбимдан” ҳалос қилгандир – ва мен қайтадан қолганларимиз қаби бўлдим. Ақалти, ҳозир мен О-90 ни Кубнинг зиналарида, Газ Кўнғироқда турганини ҳеч қандай азобларсиз тасаввур қила оляпман. Агарда Операцион Залда у менинг исмимни айтса ҳам – менга барибир: сўнгги онгда – мен Валинеъматнинг жазолантирувчи қўлини қалбдан ва ташаккур билан ўпиб қўяман. Менинг Ягона Давлат олдида шу ҳаққим бор – жазони қабул қилиш ва мен бу ҳаққимни ҳеч кимга бериб қўймайман. Биздан, рақамлардан, ҳеч ким ўзининг ушбу ягона – ва шу сабабли қадрли – ҳаққидан ҳеч қачон воз кечмайди.

...Ўйларим секингина, аниқлик билан миямга болғадек урилипти; сирли аэро мени севимли мавхум тушунчаларим томон юқорига олиб кетяпти. ...ва буерда – энг тоза ва очик ҳавода – худди пневматик шина сингари енгил тарақлаш билан – менинг “амалий ҳаққим”

тұғрисидаги мuloхазаларим чил-парчин бұлды. Мен аник күриб турибман-ки, бу қадимгиларнинг бемаъни хурофотларининг - уларнинг “хақ” тұғрисидаги ғояларининг – сарқити эди.

Лойдан ясалған ғоялар бор ва олтиңдан ёки бизнинг қимматбаҳо ойнамиздан таращлаб ясалған ғоялар бор. Ғоянинг таркибий қисмини аниқлаш учун, унга қаттық таъсир қиласынан кислотадан томизиб құйиши керак. Шундай кислоталардан бирини қадимгилар ҳам билган: *reductio ad finem*. Адашмасам, шундай аталарди. Бирок улар у заҳардан құрқарди; улар мовий ҳеч нима ўрнига, ҳеч бұлмаса, аллақандай, лойдан бұлған, ўйинчоқ осмонга ҳам рози эдилар. Биз бұлса – Валинеъматта шарафлар бұлсина – катта одамлармиз ва бизга ўйинчоқлар керак әмас.

Хұш, “хақ” ғоясига ушбу кислотадан томизилса... Ҳаттоқи қадимгиларда ҳам – каттароқ одамлар биларди: хақ манбаси – куч, хақ – күчнинг маҳсули бұлған вазифа. Мана – тарозининг икки палласи! Бирида – грамм, иккінчисида – тонна, бирида – “мен”, иккінчисида – “биз”, Ягона Давлат. Наҳотки, тушунарсыз: “меннинг” Ягона Давлатдан оладиган қандайдир “хаққи” бор деб тахмин қилиш ва грамм тоннага тенг дея фикр юритиш – иккиси ҳам айни нарса. Бу мuloхазага тақсимванда асосланади: тоннанинг – хақлари, граммнинг – мажбуриятлари бор; хақириликдан буюлика бұлған табиий йұл: ўзингнинг грамм әканлигингни унутиб, ўзингни тоннанинг миллиондан бир бұлаги сифатида ҳис қилиш...

Сизлар, тұлишган, қирмизи венераликлар, сизлар, тақачи каби дуд босгансиз, уранликлар – мен ўзимнинг мовий сукунатимда сизларнинг ҳасратларингизни эшитяпман. Бирок англасанғизчи: буюклиқ – оддийликдадир;

тушунсангизчи: факатгина арифметиканинг тўрт қоидаси событдир. Тўрт қоидага асосланган одоб-аҳлоқнина - улуғвор, мустаҳкам, абадийдир. Бу - доноликнинг энг чўққиси, бу - инсонлар асрлар давомида - терлаб-пишиб, ўжарлик билан, хириллаб, ўрмалаб чиқаётган - пирамида чўққиси. Ушбу чўққидан - биздаги аждодларимизнинг маданиятсизлигидан қолиб кетган,чувалчанглар каби ғимирлаётган нимадир бор тубдан - ушбу чўққидан: ғайриқонуний она - О-90 ҳам, қотил, Ягона Давлат шаънига шеър билан путур еткизмоқчи бўлган ўша тентак ҳам бир хил кўринади; уларнинг хотимаси ҳам бир - бевақт ўлим. Бу - тонгнинг дўлвар нурлари билан ёритилган, тош-уй одамлари орзу қилган, илохий адолатдир: уларнинг "Худоси" - муқаддас Черковга лаънатлар бўлсин - буни қотиллик каби қораларди.

Сизлар, уранликлар - қадимги испанлар каби, гулхан ёқишига уста бўлган, қораҷадан келган, қаҳри қаттиқ мавжудотлар - сассизсиз, тахминимча, сизлар - мен билан ҳамфирксизлар. Аммо мен: пушти венераликлар - қийноқлар, қатллар ва бадавий даврларга қайтиш тўғрисида - бир нималар деяётгандарини эшитяпман.

Азизларим: сизга ачиняпман - сиз файласуфона, математик тарзда фикрлашга қодир эмассиз.

Инсоният тарихи - худди аэро каби - доирасимон ҳаракатлар билан юқорига чиқяпти. Доиралар турлича - олтин ранг, тўқ-қизил, бироқ уларнинг барчаси бир хил тарзда 360 градусга бўлинган. Нолдан - юксак қийматлар сари: 10, 20, 200, 360 градус - ва яна нол. Ҳа, биз нолга қайтдик - ха. Лекин менинг математик тарзда иштайдиган ақлим учун: нол - мутлақ бошқа, янги қиймат эканлиги аниқ. Биз нолдан ўнга караб ҳаракатландик - ва нолга чап томондан қайтиб келдик,

шунинг учун: плюснинг ўрнига нол – бизда минус нол. Тушуняпсизми?

Бу Нол менга қандайдир камгап, улкан, тор, пичоқ каби ўткир, коя бўлиб кўринади. Биз баттол, шафқатсиз қоронгуликда, Нол Қоясининг тунгти қора томонидан, нафас чиқармай, жўнаб кетдик. Асрлар давомида – биз, Колумблар, сузиб-сузиб, бутун Еризини айланиб чиқдик ва, ваниҳоят, ура! Ҳамма мачталарга – мушаклар: қаршимизда – Нол Қоясининг, аввал номаълум бўлган, Ягона Давлатнинг қутб шуълаларидан мунаvvар бўлган зангори палахса; камалак, қуёш – юзлаб қуёшлар, миллиардлаб камалаклар – нурлари тушган, бошқа томони...

Нол Қоянинг бошқа томони ва бизни факатгина пичоқнинг қалинлигига teng масофа айириб турган бўлса, нима бўлибди? Пичоқ – инсон томонидан яратилган барча ихтиrolар ичida энг мустаҳками, энг боқийси ва энг зўридир. Пичоқ – бош оладиган жоди эди, пичоқ – барча тугунларни ечишнинг ҳарёқлама зўр йўлидир ва пичоқнинг тифидан парадокслар³⁴ йўли ўтган – қўркмас ақлга лойик бўлган ягона йўл.

³⁴ Умум томонидан қабул қилинган фикрларга, илмий қоидаларга мос келмайдиган, шунингдек, соғлом ақлга зид фикр

ЙИГИРМА БИРИНЧИ ҚАЙД

КОНСПЕКТ:

Муаллифлик қарзи. Муз бүртиб чиқяпти. Энг қийин севги.

“

Кече унинг куни эди, у бўлса – яна келмади, ва ундан яна – тушуниб бўлмас, ҳеч қандай изоҳ бера олмайдиган хат келди. Бироқ мен сокинман, бутунлай сокинман. Мен унинг хатида ёзилгандек, унинг чиптасини назоратчига олиб тушиб, сўнгра пардаларни тушириб, хонамда ёлғиз ўтирсам, бу, албатта, унинг истак-хоҳишларига қарши кета олмаганиligимдан эмас. Кулгили! Шубҳасиз, йўқ. Биринчидан, шунчаки – пардалар ортида барча малҳам-табассумлардан ҳоли қолганимда, мана бу қайдларимни тинчгина ёза оламан. Иккинчидан, унда, I-330 да, барча ноаниқ жумбокларнинг (шкаф ҳикояси, менинг вақтинчалик ўлимим ва ҳоказо) ечимини йўқотиб қўйишдан қўрқаман. Уларнинг ечимини топишни – мен энди, ушбу қайдларнинг муаллифи сифатида, ўз бурчим деб кўряпман. Номаълумлик инсон зотига азалдан зид эканлигини айтмасам ҳам бўлаверади. Инсон, грамматикасида ҳеч қандай сўроқ белгилари қолмай, биргина ундов белгилари, вергуллар ва нукталар қолгандагина, тўлақонли homo sapiens бўла олади.

Кўриб турибсиз-ки, муаллифлик қарзига амал қилган ҳолда, мен 16 да аэрога ўтириб, яна Қадимги Ўй томон йўл олдим. Кучли шамол эсиб, юзимга уриларди. Аэро ҳаво чакалакзорлари узра базўр харакатланарди, шаффоф бутоқлар хуштак чалиб, саваларди. Пастдаги шаҳар – гўё мовий муз палахсаларидан бўлган эди. Бирдан – булут, ўткир, қия соя, қўрғошинга айлананаётган муз, худди баҳорда соҳилда туриб, кутаётганинг каби: ана

хозир дарз кетади, шариллаб оқишиңи бошлайди, айланиб кетади; аммо дақылалар ўтса ҳам, муз ўз жойида турибди; ўзинг ҳам шишишни бошлайсан, янада тезрок (аслида, нега мен бу ҳакида ёзяпман ва бу ғалати туйғулар қаердан пайдало бўлди? Ахир, шаффоф ва мустахкам билтур-ҳаётимизни синдира оладиган музёрап йўқ-ку...). Қадимги Ўйнинг остонасида – кимса йўқ. Айланиб ўтиб, Зумрад Девор олдида турган кампирни қўрдим: қўлини юзига соябон қилиб тутиб, юксакларга қарайпти. Девор ортида – аллақандай қиррали, қора, учбурчаксимон қушлар: қағ-қағлаб ҳужумга ўтар – қўкси билан ўзларини электрик тўлқинлардан бўлган тўсиққа отар – ва қайтадан Девор ортига.

Кўряпман: қорача, сон-саноқсиз ажинлар тушган юзда – қия, тезкор соялар, менга қаратилган тезкор нигоҳ.

- Буерда ҳеч ким, ҳеч ким, ҳеч ким йўқ! Ҳа! Айланиш ҳам беҳуда. Ҳа...

Қандай беҳуда? Бундан ташқари, мени фақатгина кимнингдир сояси деб ўйлаш – нақадар ғалати одат. Эҳтимол, сизларнинг барчангиз – менинг соямсиз. Ахир – яқинда ҳам тўртбурчак оқ саҳро бўлган – бу саҳифаларни мен тўлдирмадимми. Мен олдингизга сатрларнинг тор йўлаклари бўйлаб олиб борадиганлар сизларни менсиз кўра олардими?

Бу гапларни, албатта, унга айтмадим; шахсий тажрибамдан биламан – инсонда у – воқелик эканлигида – қандайдир эмас, балки уч ўлчам воқелик эканлигида – шубҳа уйғотиш – энг уқубатлисидир. Мен шунчаки унга унинг иши эшикни очиш эканлигини эслатиб қўйдим ва у мени ховлига қўйди.

Бўм-бўшлиқ. Жимжитлик. Шамол – деворлар ортида, тунов куни биз елкамиз билан бир биримизга суюниб,

иккимиз бир бўлиб, пастда, дахлиздан чиққанимиз каби йироқ - қани эди буларнинг бари чин бўлса. Мен қандайдир тошдан бўлган устунлар остида юрардим; қадамларим заҳ қуббаларга урилиб, орқамга тўкилиб тушарди - худди бошқа кимдир орқамдан пойлаб келгандай. Сариқ - ҳуснбузар сингари бўртиб чиқсан қизил ғиштли - деворлар, тўртбурчак, қоронғу ойналар орасидан мени - омборхоналарнинг ғичирлаган эшикларини очишимни, бурчакларга, боши берк кўчаларга, жин кўчаларга кўз ташлаб чиқаётганимни - кузатардилар. Девордаги кўча эшик ва ҳаробазор - Буюк Икки Юз Йилик Урушига ўрнатилган ёдгорлик: ердан - яланг тош қовурғалар, деворларнинг иржаяётган сариқ чакаклари, тик тушган қувурларлари бор қадимий печка - сариқ ва қизил ғиштларнинг мавжида абадиян қотиб қолган кема.

Алланима кўзимга кўрингандай бўлди: мен айнан шу сариқ тишларни бир марта қўрганман - аниқ эмас, тубдан, сув остидан - ва мен уларни излашни бошладим. Чукурларга тушиб, тошларга қоқилиб кетдим, занг босган панжалар мени униформамдан ушлаб оларди, пешонамдан пастга, кўзларим бўйлаб аччиқ-шўр тер томчилари оқарди...

Ҳеч қаерда! Даҳлизлардан чиқиши йўлини ҳеч қаердан топа олмай қолдим - чиқиши йўқ эди. Балки - шундай бўлгани яхшироқ ҳамдир: буларнинг бари менинг тутруқсиз "тушларимдан" бири бўлиб чиқиши эҳтимоли юқоригоқ.

Ҳолдан толган, ўргимчак инига ўралиб қолган, чангта босган ҳолда - ҳовлига чиқиши учун - кўча эшикни очдим. Тўсатдан орқамдан - шитирлаган овоз, тап-тап келаётган қадамлар эшитилди ва қаршимда - пушти

қанотсимон-кулоқли 5 икки ёқлама букилган ҳолда жилмайиб турарди.

У, күзларини қисиб, менга пармачаларини бураб киргизиб, сұради:

- Айланиб юрибсизми?

Мен индамадим. Құлларим ҳалал берарди.- Хұш, ахволингиз яхшиландими?

- Ҳа, раҳмат катта. Чамаси, үзимга келишни бошладим.

У мени құйиб юборди – күзларини тепага құтарди. Боши орқага ташланғанды – мен унинг құштомоғига илк бор зътибор берібман.

Тепада, унча баланд бўлмаган тепаликда – 50 метрча – аэролар ғувилларди. Уларнинг пастда секин учишидан, кузатув мўриларининг пастта қараган қора хартумларидан – мен Қўриқчиларнинг ускуналарини танидим. Улар, одатдагидек, иккита ёки учта эмас, балки ўндан йигирмагача эди (баҳтга қарши, тахминий сонлар билан чекланишим керак).

- Нега улар бугун бунчалик қўп? – сұрашга журъат қилдим мен.

- Нега? Ҳм... Ҳақиқий шифокор соғлом инсонни, эрта-индин, бир хафтадан сұнг бетоб бўлиб қолиши мумкин бўлган инсонни, даволайди. Касалликни олдини олиш тадбирлари, ха!

У бошини қимирлатиб, ҳовлининг тоштахталари бўйлаб қадам ташлашни бошлади. Сұнgra үгирилиб – елкаси ортидан менга:

- Эхтиёт бўлинг! - деди.

Мен ёлғизман. Жимжитлик. Бўм-бўшлиқ. Зумрад Девор ортида, узокларда қушлар, шамол елдек учяпти. У бу гапи билан нима демоқчи бўлди?

Аэро оқим бўйлаб тез ҳаракатланяпти. Булутларнинг енгил, оғир соялари, пастда - мовий гумбазлар, шиша каби муздан палаҳсалар - қўроғошинга айланар, бўртиб чиқар эди...

ОҚШОМДА:

Мен, Ҳамфирлик Куни ҳақида, тахминимча, сизлар (ўқувчилар) учун фойдали бўлиши мумкин бўлган фикрлар ёзиш мақсадида, қўлёзмаларимни очдим. Ҳамфирлик Кунига оз қолди. Англадим: ҳозир ёза олмайман. Шамол қора қанотлари билан деразаларни тақиллаётганига ҳаммавақт дикқат билан қулоқ солиб қоляпман ёки, орқамга ўгирилиб, ниманидир кутяпман. Нимани? Билмайман. Хонамда таниш жигарранг аралаш пушти ойқулоқлар пайдо бўлганда - жуда ҳам хурсанд бўлиб кетдим, чин юрақдан айтяпман. У ўтириди, тиззалири орасида йиғилиб қолган униформасининг этагини иффат билан тўғирлади, тезлик билан менга ўзининг малҳам табассумларини - ҳар бир ярамга кичик-кичик бўлаклар қўйиб - суртди ва мен ўзимни яхши, мустаҳкам ҳис қилдим.

- Биласизми, бугун синфга келсам (у Болаларни Тарбиялаш Заводида ишлайди), деворда карикатура турибди. Ҳа, ҳа, ишонаверинг! Улар мени қандайдир балиқ қўринишида чизишибди. Балки, мен ростдан ҳам...
- Йўқ, йўқ, қўйсангизчи, - дедим мен шоشا-пиша (яқиндан қаралганда, ойқулоқларга ҳеч қандай ўхшашлик йўқ ва менинг “ойқулоқ” дейишим мутлақо ўринсиз).

- Ҳа, нима бўлганда ҳам - мухим эмас. Лекин биласизми: уларнинг бу ишни қилганликлари... Мен, албатта, Қўриқчиларни чақирдим. Мен болаларни жуда ҳам яхши кўраман ва, энг қийин ва юксак севги - бу бағритошлиқ, деб ўйлайман. Тушуняпсизми?

Бўлмасамчи! Бу гаплар менинг ўйларим билан айни эди. Мен, чидамай, унга 20-қайдимдан бир парча ўқиб бердим, шуердан бошлаб:

“...Ўйларим секингина, аниқлик билан миямга болғадек уриляпти...”

Қарамасдан ҳам унинг пушти ёноқлари титраб кетаётганини сезар эдим ва улар мен томон тобора яқинлашиб бормоқда. Мана менинг қўлларимда - қуруқшаб кетган, қаттиқ, ҳаттоқи, бироз санчиқли бармоқлар.

- Буни, буни менга беринг! Мен буларни фонографда ёзиб олиб, болаларни ёддан ёдлашга мажбуrlайман. Бу сизнинг венераликларингизга эмас, балки бизга, бизга - бугун, эртага, индингта - керак.

У ўгирилиб, паст овозда:

- Эшитдингизми, айтишларича, Ҳамфирлик Кунида...

Мен ирғиб ўрнимдан туриб кетдим:

- Нима - нима дейишяпти? Ҳамфирлик Кунида - нима бўлади экан?

Шинам деворлардан асар ҳам қолмаганди. Мен ўзимни томлар устида изғиб юрган ҳайбатли шамол ва эгри фира-шира булутлар томон улоқтириб юборилгандек ҳис қилдим.

Ю мени елкаларимдан маҳкам, қатъиян ушлади (бироқ мен сездим: ҳаяжоним жўшқ урар экан - унинг бармоқларининг суюклари қалтирарди).

- Азизим, ўтириңг, ҳаяжонланманг. Нималар дейишмайди дейсиз... Бундан ташқари, агар истасангиз - бугун кун бўйи сизнинг олдингизда бўламан. Мактабдаги болаларимни бошқа бирорга ташлаб - сиз билан қоламан, негаки сиз, азизим, сиз ҳам - боласиз ва сизга ҳам...
- Йўқ, йўқ, - рад қилишни бошладим мен, - ҳеч ҳам кераги йўқ! Акс ҳолда, сиз ростдан ҳам мени қандайдир ёш бола деб ўйлашни бошлайсиз. Ўзимни ўзим... Сира ҳам кераги йўқ!)

(Тўғрисини айтсам, бугунги кунга бошқа режаларим бор эди.)

У жилмаярди; табассумнинг ўқиб бўлмас мисраларида, чамаси: "Ах, накадар ўжар бола!" деб ёзилганди. Сўнgra у ўтирди. Нигоҳи пастга қараган. Қўллари билан тиззалари орасида йигилиб қолган униформасининг этагини ифрат билан тўғирлади ва бошқа мавзуда гапни бошлаб кетди:

- Менимча, мен иродамни йиғиб... сиз учун... Йўқ, илтимос: мени шошилтирманг, мен ҳали...

Кимнингдир ҳаётининг куз фаслида баҳор гулларидан ясалган гулчамбар бўла олиш накадар олий шараф эканлигини ва менинг бундан бошим осмонга етиши кераклигини билиб турсамда, мен уни шошилтирмаётгандим.

Туни бўйи - аллақандай қанотлар ва мен юриб, бошимни кўлларим билан қанотлардан беркитяпман экан. Сўнgra эса - стул. Аммо стул - бизники, ҳозирги эмас, балки

қадимги намуналар каби ёғочдан. Мен, худди от каби, қадам ташлашни бошладим (ұнг олди туёқ – сұнгра чап орқа туёқ, чап олди туёқ – сұнгра ұнг орқа туёқ). Стул каравотим олдига югуриб келиб, чиқиб олди ва ёғочдан бўлган стул менга ёқяпти: ноқулай, оғритяпти.

Қизик: наҳотки бу туш-касаллигини даволаб, уни маъноли – балки, ҳаттоқи, фойдали – қилишнинг йўли бўлмаса.



ЙИГИРМА ИККИНЧИ ҚАЙД

КОНСПЕКТ:

Караҳт тұлқинлар. Ҳаммаёқ мұкаммаллашыпти. Мен – микроб.

“

Сохилда турганингизни тасаввур қилинг: тұлқинлар – бир маромда юқорига құтарилиб, бирдан шу ҳолатда караҳт ҳолда, қотиб қолдилар. Лавҳ томонидан олдиндан белгилаб берилған сайдимиз тұсатдан қоришиб, аралашиб, тұхтаб қолғанда ҳам, худди шундай бұлғанди. Йилномаларимизда ёзилишича, охири мартта бундай ҳодиса 119 йил аввал юз берган экан. У күн сайдринг қоқ ұртасида осмондан метеорит баланд овозда, тутаб тушған экан. Биз, доимгидек, ассирияликлар ёдгорликларида жангчилар қандай тасвирланған бұлса: минглаб бошлар – икки туташ, интеграл оёқ, икки интеграл, кенг ёйилған құллар билан юраётгандик. хиёбон охира – аккумуляторлы минора даҳшатли ғувиллаёттан томонда – биз томон аллақандай тұртбурчак келарди: ён томонларида, олдида, орқасида – құриқчилар; ұртада – учта, бу одамларнинг униформаларида – олтин рақамлари йұқ әди – шундай бұлса ҳам, барчаси тушунарлы әди.

Минора учидағи улкан соат – инсон чехрасига үхшарди: у булутлар ичидан энгашиб, ерга сонияларни туфлаб тушуриб, ниманидир беписанд кутарди. Соат роппа-роса 13 дан 6 дақика үтганды – тұртбурчакда саросима юз берди. Буларнинг бари менинг яқинимда бұлаётганди ва мен энг кичик лаҳзаларни ҳам күра олаётгандим. Буларнинг ичіда узун, нозик бүйин ва чаккадаги, худди митти номаълум дунёнинг географик харитасидаги дарёларга үхшаган, күк томирларнинг чигали ёдимда қолди. Ушбу номаълум дунё – чамаси, үша үспирин

йигит эди. У бизнинг сафимизда кимнидир кўриб қолди шекишли, оёқ учига туриб, бўйинни чўзиб, тўхтаб қолди. Кўрикчилардан бири уни қўкимтири учқунлар чикиб турган қамчи билан солди; у, ингичка овозда кучуклар каби, чинқириб юборди. Сўнгра – тахминан хар икки сонияда баланд шиқирлаш овоз эшитиларди – чинқириш, шиқирлаш, чинқириш.

Биз ҳануз бир маромда, ассирияликлар сингари йўлимизда давом этаётгандик ва мен учқунларнинг нафис эгри-буғри чизиқларига қараб, “жамиятда ҳаммаёқ беҳад мукаммаллашмоқда – ва мукаммаллашмоғи зарур. Қадимий қамчи нақадар хунук қурол ва нақадар гўзал...” деб ўйлаётгандим.

Бироқ шу он, иш жараёнида сапчиб чикиб кетган гайка каби, сафимиздан нозик, хипчабел аёл ажралиб чикиб кетди ва, “Етар! Қандай журъат қилдингиз?!” деб бақириб, тўртбурчак томон ўзини отди. У – 119 йил олдинги – метеорит каби эди: барча сайрга чиққанлар ва бизнинг сафимиз ҳам, худди аёздан қотиб қолган тўлқинлар каби, тўхтаб қолди.

Мен, бошқалар сингари, бир неча сония давомида унга қараб турдим: у ортиқ рақам бўлмай қолганди – у шунчаки одам сифатида, Ягона Давлатнинг юзига тушурилган тарсаки, айтилган ҳакорат каби, метафизик субстанция кўринишида мавжуд эди. Бироқ унинг қандайдир бир ҳаракати – у, бурилаётib, сонларини чапга буқди ва мен ҳаммасини тушунишни бошладим: хипчин каби эгилувчан бу танани мен танийман, танийман – менинг кўзларим, лабларим, қўлларим уни танийди – ўша он мен бунга амин эдим.

Икки нафар қўриқчи унга қарама-қарши юришни бошлади. Ҳозир – қўприкнинг ҳануз тиник, шаффоғ

нүктасида – уларнинг харакат йўллари туташади, - хозир уни ушлаб олишади... Юрагим тўхтаб қолди ва мен ўйламасдан: мумкинми, мумкинмасми, тўғрими, нотўғрими – ўзимни ўша нүктага отдим...

Мен устимда кўркувдан думалоқ-думалоқ бўлиб кетган минглаб кўзларни сезардим, аммо бу ҳолат, мендан отилиб чиқаётган, қўллари туқли бўлган, ёввойи мавжудотга янада кўпроқ умидсиз-қувноқ куч берарди ва у янада тезроқ югуради. Мана икки қадам, у ўгирилди – Қаршимда сепкил юзли, қизғиши қошли, қалтираётган қиз турарди... У эмас! I-330 эмас.

Кувончим ичимга сифмасди. Мен “Шундай қилиш керак!”, “Ушланглар уни!” деб бакиргим келарди, бироқ бор-йўғи пицирлаб гапира олардим. Елкамда бўлса – оғир қўл, мени ушлаб, олиб кетяптилар, мен уларга тушунириб бермоқчиман...

- Менга қаранглар, ахир сизлар мен уни адаштириб юборганимни тушунишинглар керак-ку. Ахир мен уни...

Аммо ушбу саҳифаларда қайд қилинган мени, менинг касаллигимни уларга қандай қилиб тушунтира оламан. ...ва мен сўниб, итоат билан уларга бўйсуниб, кетяпман...

Шамолнинг қутилмаган зарбасидан дараҳтдан узилган япроқ итоат билан ерга тушмоқда, аммо йўлда ҳилшираб, ҳар бир таниш новдага, шохга, бутага илашиб олишга ҳаракат қиласарди: мен ҳам у каби чурқ этмас шарсимон бошларга, деворларнинг шаффоф музига, аккумуляторли миноранинг қўм-қўк осмонга санчилган игнасига илашиб қолишга ҳаракат қиласардим.

Бу он, қалин парда мени гўзал дунёдан бутунлай ажратиб қўйиши мумкин бўлган он, мен пушти қанотсимон қўлларини силкиб, қўприк томондан бизга қарши, таниш

бўлган, улкан бош эгаси келаётганини кўрдим ва таниш ясси овоз:

- Д-503 касал эканлигини ва шу сабабли ҳиссиётларини бошқара олмаслигини айтиш – менинг бурчим, деб ўйлайман. Ишончим комил-ки, у, унинг ҳолатига ҳос бўлгандек, газабланганди... – деди.
- Ҳа, ҳа, - унинг гапларини тасдиқладим мен. – Мен ҳаттоқи “Ушланглар уни!” деб ҳам бақирдим.

Орқадан:

- Сиз ҳеч нима деб бақирмадингиз.
- Ҳа, лекин мен бақирмоқчи эдим – Валинеъмат ҳақки онт ичаман, бақирмоқчи эдим.

Бир неча сония давомида кулранг, совуқ парма-қўзлар мени ўяётганди. У гапларим (деярли) тўғри эканлигига ишондими ёки менга яна вақтинчалик шафқат кўрсатмоқчи бўлдими, билмадим, лекин у бир парча қоғозга нималарнидир ёзиб мени ушлаб турганларнинг бирига берди ва мен яна озод бўлдим, яъни, тўғрироғи, яна ассирияликларнинг бир текисдаги, чексиз сафига маҳбус бўлдим.

Сепкил юзли ва қўқ томирлар ўтган, географик харитага ўхшаган чаккали тўртбурчак – бурчак ортида умрбод ғойиб бўлди. Биз – миллионлаб бошлардан ташкил топган бир жисм – қадам ташляяпмиз ва ҳар биримизда – эҳтимол, молекулалар, атомлар ва фагоцитларга³⁵ ҳос бўлган, босик хурсандчилик. Қадимги дунёда – буни бизнинг (баркамолликка эришмаган) ягона салафларимиз бўлган христианлар тушунган:

³⁵ Ёт зарралар ва бактерияларни ютиш, ҳамда ҳазм қилиш хусусиятига эга бўлган ҳужайралар

итоаткорлик - ҳиммат, такаббурлик - қусур, “Биз” – Худодан, “Мен” бўлса – шайтондан.

Мана мен – ҳозир ҳамма билан биргалиқда қадам ташласамда – улардан алоҳидаман. Мен ҳануз бугунги кечинмаларимдан, худди устидан эндиғина қадимги поезд ўтиб кетган кўприк каби, титраяпман. Мен ўзимни ҳис қиляпман. Бироқ ўзини, ўзининг шахсиятини – фақатгина хас-чўп кириб кетган кўз, ялиғланган бармоқ, кавак тушган тиш ҳис қила олади-ку: соғлом кўз, бармоқ, тиш – гўёки йўқдек. Наҳотки, ўзни англаш – касалликдан бошқаси эмаслиги тушунарли эмас?

Мен, балки, ортиқ, ишчанлик ва хотиржамлик билан (кўк чаккали ва сепкилли) микробларни емириб юборадиган, фагоцит эмасдирман: мен, балки, ўзим микробман ва, эҳтимол, орамизда, ўзидан ҳануз, мен каби, фагоцитларни ясайдиган, микроблар сон-саноқсиздир…

Бугунги, унчалик ахамиятга эга бўлмаган, ҳодиса, бошланиши бўлсачи... бизнинг шишиали жаннатимизга тушаёттан чексиз, оловли тошлиар бўлмиш метеоритларнинг биринчиси бўлсачи?

ЙИГИРМА УЧИНЧИ ҚАЙД
КОНСПЛЕКТ:

Гуллар. Кристаллнинг эриши. Агарда.

“

Айтишларича, юз йилда бир марта гуллайдиган гуллар бор экан. Нега энди минг, ўн минг йилда бир марта гуллайдиган гулларга айланмайлик. Балки биз бу минг-йилда-бир-марта илк бор бугун содир бўлгани учун бу ҳақида билмагандирмиз.

Мана мен шод ва маст ҳолда зинапоядан пастга, назоратчи олдига тушяпман ва кўз олдимда атрофимда минг йиллик ғунчалар тезлик билан сассиз очилмоқда: ўриндиклар, бошмоқлар, тилларанг кўкрак нишонлар, электр чироқлари, кимнингдир олайган кўзлари, панжаранинг киррали устунлари, зинада тушиб қолдирилган рўмолча, навбатчининг столи, стол ортида ўтирган назоратчининг майин жигарранг холли ёноқлари гулламоқда. Атроф - ажойиб, янги, нафис, пушти тус олди.

Ю қўлимдан пушти чиптамни олди, унинг бошининг устида эса - ойна деворлар орасидан - кўринмас шохда кўкимтири, хушбўй ой осилиб турибди. Мен зафар билан уни бармоғим билан кўрсатиб:

- Ой, - тушуняпсизми? - дедим.

Ю бир менга, бир чиптамдаги рақамга қараб, менга таниш бўлган мафтункор, иффатли ҳаракатини қилмоқда: тиззаларидағи униформасининг этагини тўғирлаб қўйди.

- Азизим, кўринишингиз ғалати, бетобга ўхшайсиз - чунки ғалатилик ва бетоблик айни нарсадир. Сиз

ўзингизни нобуд қиляпсиз ва буни сизга ҳеч ким айтмайди, ҳеч ким.

Унинг “ҳеч кими”, албатта, чиптада ёзилган I-330 га тенг эди. Дилбар, ажойиб Ю! Сиз, шубҳасиз, ҳақсиз: мен – енгилтакман, мен – касалман, менинг қалбим бор, мен – микробман. Аммо гуллаш – касаллик эмасми? Ахир, куртаклар очилаётганда оғримайдими? Пушт – микробларнинг энг қўркинчлиси деб ўйламайсизми?

Мен – тепада, ўзимнинг хонамдаман. Курсида I-330 ўтирибди. Мен полга ўтириб, унинг оёқларини қучоқладим, бошимни унинг тиззаларига қўйдим. Иккимиз ҳам индамаяпмиз. Жимжитлик, юрак урушлари... ва шу ҳолат: мен – кристаллман ва мен унда, I-330 да эриб кетаман. Мен аниқ ва равshan, мени бўшлиқда чегаралаб турган, сайқалланган қирраларим тобора эриб бораётганини ҳис киляпман – мен унинг тиззаларида ғойиб бўляпман, эриб, тобора кичрайиб боряпман – ва, бир вақтнинг ўзида, янада кенгроқ, каттароқ, чексиз бўлиб боряпман. Чунки у – у эмас, у – Борликдир. Мен ва каравот олдидаги баҳтга тўйинган курси бир сонияга бир тан-у бир жон бўлдик: ва Қадимги Уйнинг остонасида фусункор жилмайиб турувчи кампир, Зумрад Девор ортидаги ёввойи чакалакзорлар, кампир каби бедорхоб, кумушранг ҳаробазорлар, узоқларда ҳозир тарақлаб ёпилган эшик – буларнинг бари менда, мен билан юрак урушлари товушларини тингларди ва масъуд сония давомида...

Мен унга маъносиз, чалкаш, тушунарсиз сўзлар билан мен – кристалл эканлигимни, шу сабабли эшик билан бир эканлигимни ва курсининг нақадар баҳтлилигини ҳис қилаётганимни айтиб беришга уриняпман. Бироқ айттанларим аллақандай тушунарсиз сўзлар йигиндисига

айланиб қолди ва, уялиб кетганимдан, тұхтадим: мен бирдан...

- Азизам, I, мени кечир! Нима деяётганимни умуман тушунмаяпман: мен үзимни яна тентакча тутяпман...

- Нега энди сен тентаклик яхши эмас деб үйлаяпсан? Агарда одамлар тентаклигини асраб-авайлаб, уни асрлар давомида ақли каби тарбиялаганларида, у ажойиб қимматбаҳо нарсага айланарди.

- Ҳа...

(Менимча, у ҳақ – қандай қилиб ҳозир ноҳақ бўлади?)

- Сенинг биргина тентаклигинг учун – сайрда кечаги қилган ишинг учун – мен сени янада кучлироқ севаман – янада кучлироқ.

- Нега мени азобладинг? Нега келмадинг? Нега чипталарингни кимдир орқали жўнатиб юбординг? Нега мени...

- Балки, мен сени синаб қўришим керак бўлгандир? Балки, сен мен нима хоҳласам, шуни қилишингни – сен бутунлай менини эканлигингни – билишим керақдир?

- Ҳа, бутунлай сеникиман!

Юзимни – бутун баданимни – қўлларига олиб, бошимни кўтарди:

- Сизларнинг “ҳар бир виждонли ракам мажбуриятларингизга” нима бўлади?

Тотли, ўткир, оппоқ тишлар: табассум. У, курсида ўтирар экан, асалари каби эди: унинг ҳам боли, ҳам ниши бор.

Ха, мажбуриятлар... Мен ҳаёлан охирги қайдларимни бирма-бир вараклаб чиқяпман: аслида, ҳеч қаерда, ҳаттоғи, бундай фикр ҳам йўқ...

Индамадим. Завқ билан (ва, эҳтимол, ахмоқона) кулиб турибман; унинг қорачикларининг бир унисига, бир буниисига тикилиб турибман ва уларнинг ҳар бирида ўз аксимни кўряпман: мен - митти, миллиметрга тенг одамча - мана бу кичкина камалак зинданларда маҳбусман. Сўнгра яна - асаларилар - лаблар - гуллашнинг тотли оғриғи...

Ҳар биримизда, ҳар рақамда қандайdir кўринмас, паст овозда чиқиллайдиган метроном бор ва биз, соатга қарамасдан ҳам, соат неча бўлганини аниқ биламиз. Аммо у пайт мендаги метроном³⁶ тўхтаб қолганди, қанча вақт ўтиб кетганини билмасдим ва даҳшатда ёстиқ остидаги соатли кўкрак нишонини олдим...

Валинеъматга шарафлар бўлсин: ҳали йигирма дақика бор! Бироқ дақиқалар кулгули даражада қисқа, калтадум каби югуриб кетадилар, мен бўлса унга ҳали кўп нарсани - ҳаммаёқни, бутун борлиғимни: О-90 нинг хати ҳақида, унга фарзанд баҳш этган даҳшатли кеча ҳақида, нимагадир болалигим ҳақида ҳам - математик Пляпа, илқ бор Ҳамфиқрлик байрамига борганим, бундай тантанали кунда униформамга сиёҳ тегиб, доғ бўлиб қолганлигидан йиғлаганим ҳақида - айтиб бериш им керак.

I бошини кўтариб, тирсагига суюниб олди. Лаблари бурчакларида - икки узун, ўтқир чизиклар - ва чимирилган қошларнинг қора бурчаклари: крест³⁷.

³⁶ Қисқа вақт оралиқларини билдирувчи асбоб

³⁷ Ўзаро кесишган икки чизикдан иборат белги

- Балки, у кун... - тұхтаб қолди у ва қошлари янада қорайди. Құллимни ушлаб, уни маҳкам қисди. - Айтчи, мени унутмайсанми, мен умрбод ёдингда бұламанми?
- Нега ундей дейсан? Нималар деяпсан? Азизам?

І индамасди ва унинг нигохи – мендан узоқда, олисларда, ӣироқда. Мен бирдан шамол баҳайбат қанотлари билан ойналарга қоқаёттанини эшитдим (албатта, бу шовқин анчадан бери бұлаётганди, бироқ мен уни энди эшитдим) ва негадир Зумрад Девор устида учаёттан чинқироқли қушлар эсимга келди.

- Бұлақол, пайпоқларимни бериб юбор! Тезрок!

Унинг пайпоқлари столим устига, қайдларимни очик турған (бир юз тұқсонинчи) сахифаларига ташланғанди. Шошилганимда құләзмаларимни туртиб юбордим ва сахифалар сочилиб кетди. Энди уларни тартиблай олмайман ва энг асосийси – уларни түпласам ҳам, олдинги тартибга келмайди, барибир ҳам – кичик букилған жойлар, чуқурчалар, икслар қолиб кетади.

- Мен бунга чидай олмайман, - дедим мен. - Сен – мана
- буерда, олдимда бұлсанг ҳам, гүё ҳануз қадимги шаффоф девор ортиdasan: мен деворлар ортидан шарпаларни, овозларни эшитяпман, аммо улар нима деяёттанини тушуна олмаяпман, уерда нималар борлигини билмайман. Мен бунга чидай олмайман. Сен бир нималарнидир яшириб айтмаяпсан, сен үтган сафар Қадимги Уйда мен қаерга тушиб қолганимни бир марта ҳам айтиб бермадинг ва нега шифокор – ёки, эхтимол, буларнинг ҳеч бири бұлмагандир?

І құлларини елкамга құйди ва күzlари билан аста-аста қалбимнинг тубигача кириб борди:

- Ҳаммасини билишни истайсанми?
- Ҳа, истайман. Мажбурман.
- ...ва сен менинг ортимдан, қаерга бормай, охиригача бирга боришга тайёрмисан? Мен сени қаерга етакламасам ҳам?
- Ҳа, қаерга бўлмасин бирга!
- Яхши. Сенга сўз бераман: байрам тугагандан сўнг, агарда... Ҳа, айтганча: сизнинг ИНТЕГРАЛингиз қалай кетяпти – ҳар сафар сўрайман деб ёдимдан қўтарилади – яқинда учадими?
- Йўқ: нима “агарда”? Янами? Нима “агарда”?

У (эшик олдига бориб олиб):

- Вақт ўтиб биласан...

Мен – ёлғизман. Ундан фақатгина, Девор ортидаги гулларнинг ширали, қуруқ, сариқ чангига ўхшаган, сезилар-сезилмас ифор қолди. Бундан ташқари: қадимгилар балиқчилик учун ишлатган илмоқларига ўхшаган илгак-саволлар (Тарих Музейида кўргандим) – ичимда ўрнашиб қолганди.

...Нега энди у бирдан ИНТЕГРАЛ ҳақида сўради экан?

ЙИГИРМА ТҮРТИНЧИ ҚАЙД

КОНСПЕКТ:

Функция чегараси. Пасха³⁸. Хаммаёқни ўчириб ташлаш.

“

Мен, худди мотори ортиқча даражада күп айланыётган, машина қабиман; подшипниклар қизиб кетди, ҳадемай металл эриб, оқиб тушади ва ҳаммаси – бир ҳеч нимага айланади. Тезроқ совук сув, мантиқ керак. Мен пакирлаб қуйсам ҳам, мантиқ қизиб кеттган подшипникларга урилғанча вишиллаб, ҳавода күз илғамас оқ пардага айланмоқда.

Ха, тушунарли: функциянынг асл моҳиятини аниқлаш учун – унинг чегарасини қиймат қилиб олиш керак ва, кечаги “Борлиққа қоришиб кетиш” каби маъносиз фикрлар, чегара сифатида олинса, ўлимга teng. Негаки ўлим менинг Борлик билан бутунлай қоришиб кетишими демақдир. Демак, агар севгини “С” ва ўлимни “Ў” деб олсак, у холда: С = Ў, яъни севги ва ўлим.

Ха, шундай, худди шундай. Мен айнан шу сабабли құрқяпман, у билан курашяпман, буни хоҳламайман. Бирок нега менда “мен хоҳламайман” ва “мен хоҳлайман” бир жойда жойлашган? Масаланинг дахшатли тарафи ҳам шунда – мен кечаги роҳатбаҳш ўлимни истайман. Бунинг яна бир даҳшатли томони шундаки, ана энди мантикий функция жойлаштирилған бұлсада ёки у ўз ичига ҳеч қандай ўлимни олмасада, мен барибир ҳам лабларим, құлларим, құкрагим, танамнинг ҳар бир миллиметри билан ўлимни истайман...

³⁸ Яхудийларда: қўкламда ўтказиладиган диний байрам.

Христианларда: Исо а.с.нинг афсонавий тирилиш хотирасига бағишиланган диний байрам

Эртага - Ҳамфикрлик Куни. Уерда, албатта, у ҳам бўлади. Уни узоқдан бўлса ҳам кўриб оламан. Узоқдан кузатиш – азобли бўлади, чунки мен унинг олдида бутун вужудим билан бўлишим керак ва бўлгим келмоқда; унинг қўллари, елкалари, соchlари... Аммо мен, ҳаттоқи, бу оғриққа ҳам розиман.

Буюк Валинеъмат! Оғриқни истамоқ нақадар бемаънилик. Ахир, оғрикли – манғий – қўшилувчилар биз баҳт деб атаган нарсани қийматсизлантириб юборади-ку. Шундай экан...

Хеч қандай “шундай экан”ларга ўрин ӣӯқ. Аниқ. Равшан.

Тун
 ЙИГИРМА БЕШИНЧИ ҚАЙД
 Конспект:

**Осмондан тушиш. Тарихдаги энг аянчли
 фожия. Маълумликнинг ниҳояси.**

“

Байрам бошланишидан олдин ҳамма ўрнидан турганида ва мадхия - Мусика Заводининг юзлаб трубалар ва миллионлаб овозларнинг янграши - бошимиз узра дабдабали парда каби тебранишни бошлаганда, бир лаҳзага ҳаммаёқни унутдим: мени безовта қилган муаммоларни, бугунги кунги байрам ҳакида I-330 нинг айтган гапларини ва, адашмасам, хаттоки, унинг тўғрисида ҳам унтиб қўйдим. Мен ўша онларда, яна қайтиб, қачонлардир шу кунда униформасидаги кичкина, сезилмас доғни деб йиғлаган болакайга айланиб қолган эдим. Мен ювса кетмас қора доғларда эканлигимни атрофимдагилар қўрмаса қўрмас, аммо, ахир, ўзим мен каби жиноятчига бу ёруғ юзли одамлар ичида жой йўқ эканлигини биламан-ку. Эҳ, қани энди ўрнимдан туриб, нафасим тикилиб, энтикиб, ўзим ҳақимдаги ҳақиқатларни бақириб айтиб юборсам. Бу менинг сўнгим бўлса ҳам майли - майли! - бироқ бир сонияга бўлсада ўзимни, мана бу қўм-қўк осмон каби, пок ва беғубор ҳис қилсан.

Барча қўзлар ўша томон, тепага, тикилган эди: тунги қўз ёшлардан ҳануз қуриб улгурмаган, тонгти, маъсум қўм-қўклиқ - аранг сезилаётган, қора, нурларга бурканган доғ. У осмонлардан биз томон, Ерга, аэродағи янги Иегова³⁹ тушаётганди. Қадимгиларнинг Иеговаси сингари доно, севги ва шафқатсизлик аралашган Иегова.

³⁹ Инжилнинг рус таржималарида Худонинг ёки Исо а.с.нинг номи

У хар дақика сайин биз томон яқинлашиб келмоқда ва уни миллионлаб қалблар қучоқ очиб қутиб олишга тайёр. Мана У бизни қўриб турибди. Мен ҳам ҳаёлан у билан биргаликда тепадан атрофни кўздан кечирмоқдаман: минбарларнинг ингичка хаворанг чизиклар билан белгиланган концентрик айланалари, худди ўргимчак тўрининг митти қуёшчалар (кўкрак нишонларининг яраклаши) сепилган доиралари сингари эди; ва ўргимчак тўрининг марказига ҳозир оппок, доно ўргимчак – бизнинг кўл-оёқларимизни ҳикматли баҳт тўрларига донишмандларча ўраб қўйган, оқ кийимларга бурканган Валинеъмат – ўтириб олади.

Унинг осмонлардан Ерга тантанавор тушиши тугади, мадхия тинди, ҳамма ўтирди ва мен ўша заҳоти англадим: атрофдаги ҳамма нарса ҳақиқатдан ҳам ингичка ўргимчак тўри каби тортилган ва титраб турибди; ҳадемай йиртилиб кетади ва ақлбовар қилмас нарсалар юз беради...

Андақ туриб, атрофга назар ташладим ва севги ва ваҳима аралаш, у юздан бу юзга саросимада қараёттан кўзлар билан қаршилашдим. Мана кимдир қўлини кўтарди ва, бармоқларини сезилар-сезилмас қимирлатиб, кимдирга ишора қиляпти. У кимдир унга жавобан бармоқларини қимирлатди. Яна... Тушундим: улар – Қўриқчилар. Тушундим: улар нимадандир ҳавотирда, ўргимчак тўри таранглашган ва титраяпти. Мен ҳам – худди бир хил тўлқинларга созланган радиоприёмник каби – титраяпман.

Шоир саҳнада сайловолди қасидани ўқиди, бироқ мен унинг бир дона сўзини ҳам тушунмадим: фақатгина гекзаметр⁴⁰ маятникнинг тебранишларини эшитдим.

⁴⁰ Адабиётда: олти мисрали шеър, мусаддас услуби

Унинг хар бир қулоч отиши билан қандайдир белгиланган соат яқинлашаётгандек эди. Ҳануз қаторлардаги чехраларни – сахифалар каби – талvasада бирма-бир кўздан кечириб чиқяпман ва ҳамон кидираётган юзимни топа олмаяпман. У юзни тезроқ топишим керак, негаки кўп ўтмай маятник тиқиллайди ва сўнгра...

У – у, албатта. Пастда, сахна олдидан, ялтираётган ойна бўйлаб судралиб, икки ёқлама букилган S ҳарфининг пушти қанот-кулоқлари ўтиб кетди ва югуриб кетаётган қадди акс этди – у минбарларнинг чалкашиб кетган йўлаклари орасидан қаергадир елиб кетаётганди.

S, I – қандайдир боғ (улар орасида мен учун хар доим қандайдир боғ бўлган; қандайлигини ҳали билмайман, аммо қачондир бу жумбоқни чўзаман.) Мен унга нигоҳим билан илакишиб олдим, у нуқта каби узоклашиб бораётган ва унинг ортидан бир из қолаётган эди. Ана тўхтади, ана...

Худди юқори волтли, яшин разряди каби: менга бир нима санчилиб, тугун каби боғлаб қўйди. S бизнинг қаторимизда, мендан бор-йўғи 40 градус нарида, тўхтаб, эгилди. I-330 ни кўрдим, унинг олдида эса – қора танлилар каби ёқимсиз лабли, иржаяётган R-13 ни.

Ақлимга келган илк фикр – ўша томон ўзимни ташлаб, унга “Нега сен бугун у билансан? Нега мен келишимни истамадинг?” деб бақиргим келди. Бироқ ҳикматли, кўринмас ўргимчак тўри оёқ-қўлларимни маҳкам ўраб олди; мен базўр тишимни-тишимга қўйиб, улардан кўзимни узмай ўтирадим. Худди ҳозирдаги каби: юрагимдаги жисмоний оғриқ; мен, ёдимда, ўйладим: “Агарда ножисмоний сабабларга кўра жисмоний оғрикни ҳис қилиш мумкин бўлса, демак...”

Афсуски, хулосамни якунламадим: факатгина “қалб” тұғрисида бир нималар әсимга келди, қадимгиларнинг “қалб тұрида” деган бемаңни ибораси ҳаёлимдан үтди. Мен қотиб қолдым: гекзаметр тинчили. Ҳозир бошланяпти... Нима?

Анъянага құра, беш дақиқалик сайловолди танаффуси. Анъянага құра, сайловолди сукути. Бирок ҳозир бу сукут ҳар доимгидек иззат тұла ибодат каби әмасди: ҳозир у, худди қадимгилар хануз бизнинг аккумуляторли минораларимиздан хабари бұлмагани, ишғол қилинмаган осмон вақти-вақти билан момақалдирок чалган пайтларидаги каби, эди. Ҳозирги ҳолат, гүё қадимдаги бұрондан олдинги ҳавотир каби, эди.

Ҳаво - шаффоф чүяндан. Чукур-чукур нафас олгиси келади одамни. Қаттық ҳавотирдаги қулоқлар ҳаяжонлы, сичқонлар кемириши каби товушни ёзіб оляпти. Күзларим пастта қараб турған бұлсада, иккисини - R-13 ва I-330 ни - ёнма-ён, елкама-елка турғанларини күриб турибман ва тиззамда бегона - менинг манфур - паҳмок құлларим турибди.

Ҳамманинг құлида - нишонли соатлар. Бир. Икки. Уч... Беш дақиқа... сахнадан - сокин, чүян овоз:

- Ким рози бұлса, құлинни құтаришини илтимос қиласын.

Қани энди мен Унинг күзларига, аввалари каби, тик бокা олсам - тик ва фидокорона: “Мана менинг борим. Бутун борлиғим. Мени ол!” Аммо бу сафар журъят эта олмадим. Мен аранг - худди барча сұякларим қотиб қолғанды - құллимни құтардым.

Миллионлаб құлларининг құтарилишининг шитирлаши. Кимнингдир маңыос “әх” деган овози! Ҳис қиляпман,

нимадир бошланди, шиддат билан қуламоқда, бирок мен бу нима эканлигини тушунмаётгандим ва тушуниш учун мажолим йўқ эди. У томон қарамадим...

- Ким “қарши”?

Бу он байрамнинг энг улугвор они эди: ҳамма, Рақамларнинг Рақамининг зулмига хурсандчиллик билан бўйсуниб, қимирламай, миқ этмай ўтиради. Аммо мен дахшатда яна шитирлаган овоз эшитдим: ҳаво каби енгил бўлган бу товуш мадҳиянинг мис трубаларининг янграшидан ҳам баландроқ эди. Кимдир шу тарзда ҳаётининг сўнгти нафасини чиқаради - атрофдаги ҳамманинг юzlари оқарив кетяпти, ҳамманинг пешонасида - муз тер томчилари.

Мен нигоҳимни кўтардим ва...

Сониянинг юздан бир қисми, соч толаси. Кўрдим: минглаб қўллар тепага - “қарши” - кўтарилиди ва тушди. Мен I-330 нинг хоч тортилган, оқарган юзини, унинг кўтарилиган қўлини кўрдим. Кўзларимда қоронгулашиб кетди.

Яна бир соч толаси; бир зум жимжитлик; сокинлик; юрак уришлари. Сўнгра - худди қандайдир кўринмас дирижёрнинг ишораси билан - ҳар қаерда бирдан тарс-турслар, бақир-чақирлар, униформаларнинг югуришдан шитирлаши, саросимада ўёқдан-буёққа югураётган Кўриқчиларнинг қадлари, кимнингдир кўзим олдида ҳавода учайтган пошнаси, пошналар олдида кимнингдир катта очилган, эшитилмас чинқиришдан зўриқкан оғзи. Негадир айнан шу ҳолат хотирамда муҳрланиб қолганди: овоз чиқармай чинқираётган минглаб оғизлар, худди қўрқинчли экрандаги каби.

Худди экрандаги каби - қаерлардадир пастда О нинг кўркувдан оқариб кетган лаблари бир зумга қаршимда пайдо бўлди; йўлақда деворга ёпишиб қолган О устма-уст қўйилган қўллари билан қорнини беркитиб турарди. У бир зумда ғойиб бўлди - қўздан қочди ёки мен уни унутиб қўйдим, чунки...

Булар экранда эмас - менда, менинг сиқилган юрагимда, тез-тез ураётган чаккамдаги томирларда. Бошим тепасида чап томондан, ўриндиқдан бирдан қутурган, қизарган, тупургиларини сачратаетган R-13 ирғиб чиқди. Унинг қўлларида - оқариб кетган, униформасининг елкасидан кўкрагигача бўлган қисми йиртилиб кетган I; оқарган баданда - қон. I-330 унинг бўйнидан маҳкам ушлаб олганди ва, горилла каби жирканч ва эгчил бўлган, у катта-катта қадамлар билан - ўриндиқдан-ўриндиққа ирғиб - уни тепага олиб кетарди.

Қадимгиларнинг ёнгини каби - атроф қип-қизариб кетди ва ягона ҳаёл: ирғиб, уларни тўхтатиш. Менда бу куч қаердан пайдо бўлганлигини ҳозир тушунтириб бера олмайман, аммо ўша он мен, таран⁴¹ каби оломонни ёйиб ташлаб, бир елкадан иккинчи елкага, ўриндиқдан-ўриндиққа сакраб, улар томон яқинлашдим ва R нинг ёқасидан тутдим:

- Қимирламанг! Қимирламанг, дедим! Тезда деяпман (бахтимга, овозим эшитилмаётганди - ҳамма алтанималар деб бақираётган, уёқдан-буёққа югираётган эди).
- Ким? Нима бўлди? Нима? - ўгирилди R.

⁴¹ Қадимда қалъани бузиш учун ишлатилган учли ёғоч қурол

Унинг лаблари титраб, улардан тупургилари сачраётганди. У, менимча, уни Қўриқчилардан бири ушлаб олди деб ўйлаган бўлса керак.

- Нима? Хоҳламайман, изн бермайман! Уни қўйиб юборинг - дархол!

Бироқ у жаҳл билан лабларини қимирлатди, бошини чайди ва югуриб кетди. Мен - буларни ёзиш мен учун ҳаддан ташқари уягли, аммо, менимча, сизлар, менинг нотаниш ўкувчиларим, менинг касаллигим тарихини бутунлай ўрганиб чиқа олишинглар учун барчасини ёзишим керак - унинг бошига зарба туширдим. Тушуняпсизми - уни урдим! Бу аниқ эсимда. Яна бир нарса эсимда экан: бу уришдан кейинги озодлик, енгиллик ҳисси.

I тезлик билан унинг қўлларидан чиқиб кетди.

- Кетинг, - деб бақирди у R га, - кўриб турибсиз-ку: у...
Кетинг, R, кетинг!

R, қора танлиларники каби оппоқ тишларини кўрсатиб иржайиб, менинг юзимга қандайдир сўзни тупуриб, пастга шўнғиб, кўздан ғойиб бўлди. Мен бўлса, I ни кўлимга кўттардим ва, қаттиқ бағримга босиб, олиб кетдим.

Юрагим ураётганди ва ҳар бир уришида жуда ҳам кучли, иссик қувончили баҳт тўлкинларини чиқараётганди. Қаерлардадир нимадир чилпарчин синиб кетган бўлса ҳам - фарқи йўқ! Асосийси уни бундай, қўлларимда кўтариб кетиши...

ТУНДА. СОАТ 22.

Қаламни қўлимда аранг ушлаб турибман: бугун эрталабки бўлган ҳайратда қолдирадиган ҳодисалардан сўнг ўлчаб бўлмас даражада чарчоқ босди.

Наҳотки Ягона Давлатнинг асрлар давомида событ турган қўриқловчи деворлари қулаб тушган бўлса? Наҳотки биз бошпанасиз, аждодларимиз каби, эркинликнинг ёввойи қўринишида қолган бўлсак? Наҳотки Валинеъмат йўқ бўлса? Қарши... Ҳамфирлик Кунида - қарши? Мен уларнинг қилмишларидан уялиб кетяпман, бу менга оғриқ беряпти, мени қўрқитяпти. Аслини олганда, “улар” ким ўзи? Мен ўзим кимман: “улар” ёки “биз” – ахир мен – биламанми?

Мана: у қуёшдан қизиб кетган ўриндиқда – мен уни олиб чиқкан, энг тепадаги минбарда – ўтирибди. Ўнг елкаси ва бироз пастроғи – ўлчаб бўлмас ажойиб эгрилик – очиқ; ингичка илон каби сизаётган қон. У, худди қон оқаётганини, кўкраги очилиб кетганини, пайқамаяпти... йўқ, бундан ҳам баттар: у буларнинг барини кўряпти – бироқ айнан шу унга ҳозир керак... агарда униформаси ёпиқ бўлганида, у уни йиртиб ташларди ва...

- Эртага... – у сиқилган, ярақлаётган ўткир тишлари орқали энтикиб нафас оларди. – Эртага нима бўлиши аниқ эмас. Тушуняпсанми: на мен биламан, на кимдир билади – ноаниқ. Барчаси тамом бўлганини тушуняпсанми? Янги, ақлбовар қилмас, ноаниқ.

Пастда одамлар югуриб, елиб, бақирияпти. Бироқ буларнинг бари олисда, негаки у менга қараб турибди, менинг боримни кўз қорачигларининг тилларанг ойналари орқали асталик билан симириб юборяпти. Шу тарзда – узок, индамай. Негадир қачонлардир Зумрад Девор орқали кимнингдир нотаниш сариқ қўз

қорачикларига қараганлигим, Девор тепасида қушлар учиб юрганлигини (ё бу бошқа сафар эдими) ёдимга келди.

- Менга қара: эртага ҳеч қандай ноодатий ҳодиса юз бермаса, мен сени ўша ерга олиб бораман - тушуняпсанми?

Йўқ, тушунмаяпман. Бироқ индамай бошимни силкиб қўйдим. Мен - кўринмай кетдим, мен - беҳад кичикман, мен - нуқтаман...

Нима бўлганда ҳам, бу нуқта ҳолатининг ҳам ўзининг (буғунги) мазмун-моҳияти мавжуд: нуқтада энг кўп ноаниклар бор; у харакатланиши, қимирлаши биланоқ - минглаб турли хил эгриликларга, юзлаб таналарга айланиши мумкин. .

Қимирлагани қўрқяпман: мен нимага айланиб қоламан экан-а? Менимча - ҳамма мен каби заррача ҳаракатдан ҳам қўрқади. Мана ҳозир, буларни ёзар эканман, ҳамма ўзларининг ойна қафасларига беркиниб ўтирибди ва ниманидир кутяпти. Даҳлизда, куннинг бу соатида одатда эшитиладиган, лифтнинг шовқини, кулгулар, қадам товушлари эшитилмаяпти. Баъзида кўзим тушиб қолади: жуфт-жуфт бўлиб, ўгирилиб, пичирлашиб, оёқларининг учларида даҳлиздан ўтиб кетишади...

Эртага нима бўлади? Эртага нимага айланиб қоламан?

ЙИГИРМА ОЛТИНЧИ КАЙД
КОНСПЕКТ:

Дунё мавжуд. Тошма. 41°.

“

Тонг. Шип орқали – осмон ҳар галгидек маҳкам, думалоқ, қизил ёнокли. Менимча – тепада қандайдир ноодатий тұртбұрчак қуёш, турли хил рангларга бүялған ҳайвон терисидан кийим кийиб олган одамларни, тошдан бұлған, шаффоф деворларни құрганимда бундан камроқ ҳайрон бұлған бұлар эдим. Хүш, демак, дунё – бизнинг дунёимиз – ҳали мавжуд әмасми? Ёки бу инерция⁴² холосми? Генератор аллақачон ўчирилған, тишли ғилдираклар гулдираб айланяпти – икки айланыш, уч айланыш, тұртингисида бари тұхтаб қолади...

Сизга ҳам бу ғалати ҳолат танишми? Тунда туриб кетдингиз, зимистонда құзингизни очдингиз ва бирдан адашиб қолганингизни ҳис қылдингиз – тезлик билан, зудлик билан атрофдаги нарсаларни пайпаслаб чиқяпсиз, қандайдир таниш, қаттық – девор, чироқ, стул – нарса изляяпсиз. Худди шу тарзда мен ҳам Ягона Давлат Газетасини – тезда-тезда – “пайпаслаб чиқдим” ва мана:

“Кече ҳаммамиз узок күттеган Ҳамфикрлик Куни бұлиб үтди. 48-марта үзининг собит донишмандлыгини бир неча бор исбот күлгап Валинеъмат яқдиллик билан сайланди. Байрам, үзларини Ягона Давлатнинг тунов куни янгиланған пойдеворининг бир қисми, бир ғиши бұлиш ҳаққидан маҳрум этган, баҳт душманлари сабабчи бұлған саросимаси юзасидан нохуш тус олди. Ҳаммамизга аён-ки, уларнинг овозларини ҳам инобатта олиш,

⁴² Ташқи таъсир бўлмаса, жисмларнинг тинч ёки текис ҳаракатдаги ҳолатини сақлаш ҳусусияти

концерт залига тасодифан кириб қолган касал одамнинг йўталишини - улуг, мардонавор симфониянинг бир қисми сифатида қабул қилишдек, бемаъни бўлар эди..."

О, доноларнинг доноси! Наҳотки биз, бўлганларга қарамай, қутқарилган бўлсак? Бироқ бу соф силлогизмга қарши нимани ишлатиш мумкин?

...ва яна икки мисра:

"Бугун соат 12 да Бошқарув Бюроси, Тиббиёт Бюроси ва Кўриқчилар Бюросининг бирлашган кенгаши бўлиб ўтади. Яқин кунларда Давлат томонидан муҳим хужжат қабул қилиниши кутилмоқда."

Йўқ, деворлар ҳануз ўз ўрнида – ана улар – мен уларни ушлаб кўришим мумкин. Ортиқ мендаги ғалати адашиб, қаерлардадир йўқолиб қолганлик хисси йўқ ва мовий ранг осмонни, думалоқ қуёшни кўраётганим ҳам ҳайратланарли ҳолат эмас; ҳамма – доимгидек – ишга кетяпти.

Хиёбонда шаҳдам қадамлар ташлаб кетаётгандим, ҳамма мендек юраётгандек туйилди. Бироқ мана чорси, бурчакка бурилиш ва кўрдим: ҳамма нимагадир бино бурчагининг олдидан юрмай буриляпти – худди бино бурчагидаги деворда бирор қувур ёрилиб, уердан сув отилиб чиққандек ва йўлақдан юриб бўлмагандек.

Яна беш, ўн қадам – ва менинг устимдан ҳам совук сув тўкиб юборишиди, мен ҳам силкиниб, йўлақдан ағдарилиб кетдим... деворда тахмиман 2 метр баландликда – тўртбурчак варақ ва унда – тушунарсиз – ям-яшил ҳарфлар:

М Е Ф И

Пастда бўлса - букилган бел, ё газабдан, ё ҳаяжондан пушти тус олган қанот-қулоклар. У, ўнг қўлини тепага кўтариб, чап қўлини - худди яраланганд қанот каби - чор-ночор орқага узатиб, варақчани олиб олиш учун тепага иргиётганди ва бунга бўйи етмай қолаётганди.

Эҳтимол, ҳар бир йўловчида “Агарда мен, кўпчилик ичидан битта мен борсам, у мени бирор нимада айбдор деб ўйламасмикин ва айнан шу сабабли...” деган ҳаёл ўтган бўлса керак.

Тан оламан: менда ҳам бу ўй бўлганди. Бироқ у неча марта менинг қўриқчи-фариштам бўлганини, неча марта мени қутқарганини эслаб, ботирларча унинг олдига бориб, тепага қўлимни узатиб, варақни йиритиб олдим.

С ўгирилиб қаради. Унинг парма қўзлари тезлик билан мени туб-тубимгача тешди ва уердан бир нимани олиб чиқди. Сўнгра чап қошини тепага кўтариб, “Мефи” ёзуви осилиб турган деворга қараб, қўзини қисиб қўйди. Мен унинг табассумининг - не ҳайратки, ҳаттоки, қувноқ табассумининг - думчасини қўриб қолдим. Аслида ҳайрон бўлишга ўрин йўқ. Шифокор инкубация даврининг аста-секин кўтарилаётган, толиктирадиган ҳароратидан кўра тошмани ва қирқ градусли иссиқни ҳар доим афзал қўради. Мен унинг табассумининг моҳиятини англадим⁴³...

Ертўлага тушиш - оёқларим остида, зиналарнинг маъсум ойнасида - яна оқ варақча: “Мефи”. Пастдаги деворда ҳам, скамейкада ҳам, вагон ойнасида ҳам (чамаси, қийшиқлигидан дикқатсизлик билан, апил-тапил

⁴³ Муаллиф қайди: тан олишим керак, унинг табассумининг асл моҳиятини ажиб ва кутилмаган ҳодисаларга бой эканлигини бир неча кунлар ўтгандан кейингина англай олдим, холос

ёпиширилганга ўхшайди) - хар ерда ўша оппок, даҳшатли тошма.

Сокинликда - ғилдиракларнинг, газак олган қон каби, баралта ғувиллаши. Кимнидир елкасидан ушлашди - у сесканиб кетди, қўлидаги қоғоз ўрамини ерга тушириб юборди. Чап томонимда - яна бири: газетадаги айни қаторни қайта-қайта, қайта-қайта, қайта-қайта ўқияпти ва газета сезилар-сезилмас титраб турибди. Ҳар қаерда - ғилдиракларда, қўлларда, газеталарда, киприкларда - юрак уриши тобора тезлашиб бораётганлигини ҳис қиляпман ва, балки, бугун, I билан буерга тушиб қолганимда - 39, 40, 41 градус бўлар - термометрда қора чизик билан белгиланган...

Эллингда - олисларда кўринмас парракнинг ғинғиллаши эшитилиб турган сукунат. Даастгоҳлар шўппайиб, индамай турибди. Фақатгина кранлар эшитилар-эшитилмас овоз чиқариб, гўё оёқларининг учларида, сирпаниб, эгилиб, панжалари билан ҳавонинг қотиб қолган кўк палаҳсаларини кўтариб, уларнинг ИНТЕГРАЛнинг бортдаги цистерналарига ортяпти: биз уни синов парвозига тайёрлашни бошладик.

- Хўш: бир ҳафтада юклашни битирамизми?


Мен бу гапларни Иккинчи Қурувчига айттандим. Унинг юзи - мовий, нафис пушти гуллар билан безатилган, фаянс идишга ўхшайди, бироқ гулларнинг ранги бугун қандайдир ўчиб, ўнгиб кетган кўринади. Овоз чиқариб санаяпмиз, лекин мен бирдан гапни бўлиб, оғзимни очиб турибман: гумбаз остида кран кўтарган кўк палаҳсага - аранг кўриниб турган оқ квадратча - қоғозча ёпиширилган. Бутун борлиғим титраб кетди - балки кулгудандир - ха, ўзим ҳам кулаётганимни эшитяпман

(Сиз хам кулаёттанингизда, кулгуингиз товушини эшитасизми?)

- Йўқ, қулоқ солинг... – дедим мен. – Қадимги аэрода эканлигингизни, алтиметр⁴⁴ беш минг метр баландликни қўрсатаёттанини, аэронинг бир қаноти синиб қолганлигини, чинқаптар каби қулаёттанингизни ва қулаб тушаёттанингизда “Эртага – ўн иккидан иккигача... иккидан олтига... олтида тушликда...” деб санаёттанингизни тасаввур қилинг. Ахир, кулгули эмасми? Биз эса ҳозир – худди шу ҳолатдамиз.

- Мовий гуллар қимиirlаб, бақрайиб турибди. Мен шишадан бўлганимдан ва қандайдир 3-4 соатдан сўнг...

⁴⁴ Баландликни ўлчаш учун мўлжалланган асбоб



ЙИГИРМА ЕТТИНЧИ ҚАЙД
КОНСПЕКТ:

Хеч қандай конспект йўқ. Мумкин эмас.

“ Мен ўша бепоён даҳлизларда ёлғизман. Соқов бетон осмон. Таниш, оғир, хира эшик – ва у томондан жарангсиз гумбурлаган овоз.

У менинг олдимга роппа-роса 16 да чиқишини айтганди. Бироқ мана 16 дан беш, ўн, ўн беш дақиқа ўтди: ҳеч ким йўқ.

Бир сонияга бу эшик очилиб кетишидан қўрқаётган менга айландим. Яна беш дақиқа кутаман, агар у чиқмаса –

Қаердадир сув тошга томчилаб тушяпти. Кимса йўқ. Мен маъюс хурсандчилик билан ҳис қиляпман: халосман. Шошилмай даҳлиздан орқамга қайтяпман. Шипга осилган чироқнинг титраётган нури борган сари хиралашиб кетяпти...

Тўсатдан орқадаги эшик тезлик билан қаттиқ ёпилди, шипдан, деворлардан иргиб тушган, тез-тез қадам товушлари – ва, тез ҳарақатланаётган ва югуришдан бироз нафаси қайтган, У оғзидан нафас оляпти.

Киприк найзалари тортилиб, мени ичкарига ўтказиб юбордилар – ва... Унинг лаблари менинг лабларимга теккандаги қадимий, бемаъни, ажойиб удумнинг менга қандай таъсир қилишини қандай тушунтириб берсам экан-а? Қайси формула билан қалбимда ундан бошқа ҳамма нарсани учириб юборадиган шамолни ифодаласам экан-а? Ҳа, ҳа, қалбимда – истасангиз, кулинг.

У зўр бериб, аста-секин қовоқларини кўтарди ва ушбу сўзларни базўр айтди:

- Йўқ, етади... кейинрок: хозир – кетдик.

Эшик очилди. Зинапоя – эскириб кетган. Чидаб бўлмас даражада ранг-баранг қий-чув, хуштак овозлари, ёруғлик...

ХХХ

Ўшандан бери деярли бир кун ўтди, буларнинг бари қалбимнинг тубига чўкиб қолди – шундай бўлса ҳам, уларга ҳеч бўлмаса тахминан яқин таъриф бериш ҳам қийин. Бошимда, худди бомба портлатиб юборилгандек, очилган оғизлар, қанотлар, чинқиришлар, барглар, сўзлар, тошлар эса олдимда уюм-уюм, устма-уст йиғилиб қолган...

Эсимда – биринчи келган ўй: “Тезроқ, зудлик билан ортга қайтишим керак.” Чунки тушундим: уерда, дахлизларда кутар эканман – улар қандайдир қилиб Зумрад Деворни портлатиб ёки бузиб юбордилар ва бизнинг тубан дунёдан тозаланган шаҳримизга уердан ҳаммаёқ оқиб киради.

Адашмасам, І га шунга ўхшаш гаплар айттандим. У қулиб юборди:

- Йўқ, қўйсангчи! Биз шунчаки Зумрад Девор ортига ўтдик...

Мен ўшанда қўзларимни катта-катта очдим ва қаршимда тирикларнинг ҳали ҳеч бири ўнгида кўрмаган, худди минг карра кичрайтирилган, кучсизлантирилган, Деворнинг хира нури билан хаспўшланган айни ўша нарса.

Қуёш... у бизники эмасди, кўприкларнинг ойна юзасида бир маромда таралган қуёшимиз эмасди: бу қуёш гўётирик парчалар, кўзларни қамаштирувчи ва бошни айлантирувчи тўхтовсиз ҳаракатланаётган доғлар йифиндиси эди. Дараҳтлар, худди шамлар каби - то осмонгача; худди эгри-бугри панжалари билан ерга ўтириб олган ўргимчакдек; худди сассиз яшил фавворалар каби... Уларнинг бари тебраниб, кимирлаб, шитирларди; оёклар остида аллақандай ғадир-будур ўрамча сапчимоқда, мен бўлса, турган жойимга михлангандек эдим, бир қадам ҳам ташлай олмасдим - чунки оёкларим остида яссилик эмас - тушуняпсизми, яссилик эмас - қандайдир жирканч, юмшок, майин, жонли, яшил, диркиллама нарса эди.

Буларнинг бари мени карахт қилганди, мени бўғаётганди - ха, менимча, бу энг мос таъриф. Мен, тебранаётган аллақандай ёғочга икки қўлим билан илашиб, турадим.

- Ҳечқиси йўқ! Ҳечқиси йўқ! Бошида доим шундай бўлади, кейин ўтиб кетади. Қани, бўлақол!

I нинг олдида - бошни айлантириб юбораётган тепадан-пастга қўтарилаётган яшил тўрда кимнингдир қоғоздан қирқиб ясалган ён томони... йўқ, кимнингдир эмас, мен уни танийман. Эсимда: шифокор - йўқ, йўқ, мен ҳаммасини жуда яхши тушуниб турибман. Англадим: улар иккиси мени қўлимдан ушлаб, қах-қах отиб, мени олдинга судраб кетишмоқда. Оёкларим бир-бирига ўралашиб, сирпаниб кетмоқда. Атрофда қарғаларнинг қағиллаши, йўсин, ўт-ўлан, қушларнинг куркурлаши, буталар, поялар, қанотлар, барглар, хуштаклар...

Дарахтлар сочилиб кетди; ёруг майсазор, майсазорда – одамлар... ёки бундай эмасди, тұғрисини ортиқ билмай қолдим: әхтимол, "мавжудотлар" дейиш тұғрироқdir.

Энг қиійини шу. Негаки бу барча әхтимоллар чегарасидан ташқарыда эди. ...ва мен, І нега ҳар доим индамаслигини, жавоб қайтармаслигини, тушуниб етдим: у айтса ҳам, мен барибир ҳам ишонмасдим – ҳаттоқи, унга ҳам ишонмасдим. Балки әртага үзимга ҳам – үзимнинг мана бу қайдимга ҳам – ишонмай күйрман.

Майсазордаги бош суюги құринишида бұлған тош атрофида уч юз... тұрт юз одамдан – майли "одам" бұла қолсин, бошқа ном билан аташ мен учун қиійин бұляпти – иборат оломон шовқин солиб турарди. Худди оломон ичиғдаги одамлардан бириңчи бұлиб танишларингизни күрганингиз каби, мен ҳам дастлаб бизнинг кулранг аралаш күк униформаларимизни күрдим. Бир сониядан сұнг – униформаларимиз орасида тим қора, малларанг, тилларанг, тұқ жигарранг, күкиш, оқ одамларни – афтидан одамларга үхшарди – аник ва равshan күрдим. Уларнинг ҳаммаси кийимсиз ва ялтираёттан – Тарих Музейида от тулумидаги юнгта үхшаган юнг билан қопланған эди. Аммо урғочиларнинг юзи, худди бизнинг аёлларимизнинг юзларидек – ҳа, ҳа, худди шундай – эди: соч толаларисиз, нафис пушти рангда ва уларнинг катта, бақувват, ажойиб геометрик шаклдаги сийналарида ҳам соч жүйк эди. Эркакларнинг фақатгина юзлари юнгсиз эди – худди бизнинг аждодларимиз каби.

Бу манзара шу даражада ақтбовар қитмас, шу даражада кутилмаган эди-ки, мен миқ этмай турардим – яна бир бор тасдиқлайман: индамай турар ва кузатар эдим. Тарозилар сингари: бир паллага ошиқча даражада юқ құйиб юборинг ва бошқа тарафға қанча нарса құйсанғиз ҳам, құрсаткіч үзгармайди, жойидан силжимайди...

Бирдан - кимдир: І ортиқ мен билан эмас - у қандай қилиб ва қаерга ғойиб бўлганини билмайман. Атрофда қуёшда шойи каби ялтираётган юнг билан қопланган одамлар бор, холос. Мен кимнингдир иссиқ, бақувват, тим қора елкасидан ушладим:

- Менга қаранг – Валинеъмат ҳаққи – І қаерга кетганини кўрмадингизми? Ҳозиргина – бироз олдин...

Менга қалин, жиддий қошлар қараб турарди:

- Тш-ш-ш! Жим бўлсангизчи.

Қалин қошлар бош суяги шаклидаги сариқ тош турган марказ томон ишора қилди.

Тепада, хамманинг тепасида – мен уни кўрдим. Қуёш тўғри кўзимга тушар, у эса қарши тарафда ва шу сабабли – осмоннинг мовий ранг матосида – унинг ўткир, кўмир каби қора қадди кўринарди. Андак тепароқда булутлар учяпти ва, худди булутлар эмас, тошнинг ўзи, тош устида у, унинг ортидан оломон ва майсазор – оҳисталик билан, кема каби, сузяпти – ер оёқ остидан оқиб кетяпти...

- Биродарлар... – бу у. – Биродарлар! Ҳаммангиз биласиз: Девор ортида, шаҳарда – ИНТЕГРАЛни куришяпти. Бундан ташқари: шамол бутун Ерюзи бўйлаб, унинг у чеккасидан бу чеккасига эркин эсиши учун, ушбу Деворни – ҳамма деворларни – яксон қилишимиз керак бўлган кун келди. Бироқ ИНТЕГРАЛ деворларнинг барчасини тепага, бугун тунда сизларга тунги қора барглар орасидан ўз нурларини таратадиган, минглаб нотаниш ерлар мавжуд бўлган томонларга...

Тўлкинлар, кўпик, шамол тошга келиб уриляпти:

- ИНТЕГРАЛ йўқолсин! Даф бўлсин!

- Йўқ, биродарлар: йўқолмасин. Аммо ИНТЕГРАЛ бизники бўлиши керак. У илк бор коинотга учиб кетганда, унда биз бўламиз. Чунки биз билан ИНТЕГРАЛниң қурувчиси бирга. У деворлардан ошиб, мен билан буерга сизларнинг орангизда бўлиш учун келди. Яшасин Қурувчи!

Бир сонияда - мен қаердадир тепада бўлиб қолдим, менинг остимда - бошлар, бошлар, бошлар, катта очилган ва бақираётган оғизлар, тепага кўтарилиб, туширилаётган қўллар. Бу ҳис қандайдир ғалати, маст қилувчи ҳис эди: мен ўзимни ҳаммадан юксакда ҳис қилардим, мен мен эдим, мустақил, бир олам, мен ҳар доимгидек қўшилувчи эмасдим, мен бир рақамга айлангандим.

Мана мен - худди севги қучоқларидан сўнг ҳорғин, мижигланган, баҳтили танада - пастда, ўша тошнинг олдидаман. Қуёш, тепадан келаётган овозлар - I нинг табассуми. Қандайдир малла сочли, тилларанг, гиёхларнинг хиди келиб турган аёл. Унинг қўлида, қўринишидан, ёғочдан ясалган коса. У алвон лаблари билан ундан хўплаб ичди ва косани менга узатди. Мен ҳам, оташимни сўндириш учун, тотли, тиконли, совук учқунларни кўзларимни юмиб, шоша-пиша, ичяпман.

Сўнгра - қоним ва бутун олам - минг марта тезлашиб, пар каби енгил замин учиб кетди. Ҳаммаси ойдинлашиб, енгиллашиб кетди.

Мана мен тошда катта-катта ҳарфлар билан ёзилган ёзувни кўряпман: "Мефи" - ва бу ёзув жуда муҳим эди, бу ҳаммамизни боғлаб турган оддий, маҳкам ип эди. Қўпол суратни кўряпман - балки ўша тошнинг ўзидаидир: қанотли ёш йигит, шаффоф тана ва унинг ичидা, қаердадир - кўзларни қамаштирувчи, қизғиш бўлиб

ёнаётган кўмирга ўхшаган - юрак бўлиши керак. Яна: мен бу кўмирни англаб турибман... ёки йўқ: хис қилиб турибман - худди ҳар бир сўзни эшитмай, хис қилганим каби (I тошнинг тепасидан туриб гапиряпти) - ва ҳамма бараварига нафас олаётганини хис қиляпман - ва ҳамма биргаликда қаергадир учиб кетиши керак, худди ўтган сафар Девор устидан қушлар учгани сингари...

Орқадан, зич туриб нафас олаётган таналар чангалзоридан - баланд овоз келди:

- Ахир бу телбалик-ку!

Чамаси, мен - ха, менимча, бу айнан мен эдим - тошга ирғиб чиқдим, қуёш кўзимга тушиб турар, бошлар, мовий осмонда яшил тишли аппа кўринар эди ва мен:

- Ҳа, ха, худди шундай! - деб бақирдим. - Ҳамма ақлдан озиши керак, ҳамма телбага айланиши керак - қанча тез бўлса, шунча яхши! Бундай бўлиши шарт - буни биламан.

Олдимда - I-330; унинг табассуми, икки қора чизиклар - оғизнинг бурчакларидан тепага, бурчак кўринишида; менда ҳам бурчак ва бу бир онлик, енгил, бироз оғрик берувчи, гўзал...

Сўнгра - тиқилиб қолган, бўлиниб кетган парчалар.

Аста-секин, пастда - қуш парвози. Кўряпман: у, мен каби, тирик; у, одам сингари, бошини чапга-ўнга буряпти ва унинг қора, думалоқ кўзлари мени тешиб ўтяпти...

Яна: орқаси - сарғиш тус олган фил суюги рангидаги ялтироқ юнг билан қопланган. Унинг орқасида қора, митти ва шаффоф қанотли ҳашорот судраляпти - у, ҳашоротни тушуриб юбориш учун, икки марта оҳиста қимиirlади...

Яна: барглардан туташган, панжарасимон соялар тушяпти. Одамлар сояда ётиб ва қадимгиларнинг афсонавий овқатига ўхшаган нарсани чайнашяпти: узун сариқ мева ва қорароқ нарсанинг бўлажи. Бир аёл буларни менга беряпти ва менинг кулгим келяпти: буларни ея оламанми, билмайман.

Яна: оломон, бошлар, оёқлар, қўллар, оғизлар. Бир неча сонияга юзлар қўриниб - гўё пуфаклар каби портлаб, гойиб бўлмоқда. Бир сонияга - ёки, балки, менга шундай туйилаётгандир - шаффоф, учайдган қанот-кулоқлар қўринди.

Кучим борича I нинг қўлини сиқдим. У ўгирилиб қаради:

- Сенга нима бўляпти?
- У шуерда... Менга қўрингандек бўлди...
- Ким у?
- ...ҳозиргина – оломон ичида...

Кўмир каби қора, ингичка қошлар чаккагача чимирилган: ўткир учбурчак, табассум. Тушунмадим: у нега куляпти – у қандай кула олади?

- Тушунмаяпсан – I, сен тушунмаяпсан, у ёки улардан кимдир буерга келса, нима бўлади.
- Тентак! Уердаги, Девор ортидаги кимнингдир ҳаёлига биз буерда эканлигимиз келиши мумкинми? Эслаб кўрчи: сен – мана сен бу бўлиши мумкинлигини қачондир ўйлаб кўрганмисан? Улар бизни уерда тутишади – майли, тутишаверсин! Алаҳсираяпсан.

У енгил, кувноқ табассум қилипти ва мен ҳам жилмайман, дунё – масти, кувноқ, енгил ҳолатда – сузуб кетмоқда...



ЙИГИРМА САККИЗИНЧИ ҚАЙД
КОНСПЕКТ:

Иккаласи ҳам. Энтропия⁴⁵ ва энергия.

“ Мана: агарда сизнинг дунёингиз бизнинг аждодларимизнинг дунёсига ўхшаса, бир куни океанда дунёнинг олтинчи, еттинчи қисмига - аллақандай Атлантидага - дуч келиб қолганингизни ва уерда - мислсиз лабиринт-شاҳарлар, қанотсиз учайтган одамлар, аэролар, нигоҳ билан тепага кўтарса бўладиган тошлар - бир сўз билан айтганда, туш касаллигига чалинганингизда ҳам ақлбовар қилмайдиган нарсалар бор. Худди шу холат кеча мен билан юз берди. Чунки - тушунсангизчи - биздан хеч ким хеч қачон Икки Юз Йиллик Урушдан кейин Девор ортига ўтмаган - бу ҳақида сизга айтгандим.

Биламан: сизнинг олдингиздаги бурчим, менинг нотаниш дўстларим, кеча мен учун янгилик бўлган галати ва тушунарсиз дунё ҳақида батафсилоқ айтиб беришдир. Аммо ҳозир бу мавзуга қайтишга ҳолим йўқ. Янгидан-янги ходисалар, худди сел каби, ва мен барчасини жамлашга улгурмаяпман: ҳаммаёққа идишлар қўйяпман - барибир ҳам пақир-пақир сувлар оқиб кетяпти, бу саҳифаларга эса томчилар тушяпти...

Дастлаб эшигим ортида баланд овозлар эшитдим - ва унинг, I нинг, дадил, темир овозини ва, ёғоч чизғичга ўхшаган, Ю нинг деярли эгилмас овозини танидим. Сўнгра эшик тўсатдан ланг очилди ва иккаласи хонамга отилиб кирди. Айнан шундай: отилиб кирди.

⁴⁵ Табиий ва аниқ фанларда кенг қўлланиладиган термин бўлиб, энергиянинг қайтариб бўлмас тарқалиши ёки унинг бехудалигини англатади

I қўлини ўриндигимнинг суюнчигига қўйди ва, елкасидан ортга ўгирилиб, ўнг тарафга, унга, қараб – оғзи қулоғида кулди. Мен бу кулгу сабабчиси бўлишни истамасдим.

- Менга қаранг, - деди менга I, - бу аёл, чамаси, сизни мендан, ёш болани хатардан қўриқлагани каби, қўриқлашни мақсад қилиб олган кўринади. Бунга сиз рухсат бердингизми?

Сўнгра – иккинчиси, ойқулоқларидан хуркиниб:

- Ҳа, у – бола. Ҳа! Шу сабабли ҳам сиз унга нима қилаёттанингизни – биргина мақсад билан... буларнинг бари майнавозчилик эканлигини кўрмаяпти. Ҳа! Менинг бурчим...

Бир зумга қўзгуда – қошларим тўғри чизиги синик, сакраёттан ҳолга тушди. Мен сапчиб турдим ва ўзимни базўр тутиб, ҳар бир сўзимни тишларим орасидан аранг чиқариб, паҳмоқ қўлларим қалтирас экан, унга – унинг ойқулоқларига – важоҳатла бақирдим.

- Дарҳол! Дар-ҳол даф бўлинг! Дар-ҳол!

Ойқулоқлар қизғиши тус олиб шишиди, сўнгра пуфакдек пучайиб, кулранг тусга кирди. У бир нима дейишга ҳозирланиб, оғзини очди ва, индамай, эшикни қаттиқ ёпиб, чиқиб кетди.

I томон отилдим.

- Ўзимни кечира олмайман – бу учун ўзимни ҳеч қачон кечира олмайман! У сенга бундай гаплар айтишга қандай журъат этди? Бироқ... сен мени ҳам у билан ҳамфир деб... Буларнинг ҳаммасининг сабаби – у менга ёзилиб олмоқчилигига, мен бўлса...

- У ёзилиб олишга, баҳтимизга, улгурмайди. У кабилар мингта бўлса ҳам: менга барибир. Мен аминман – сен мингларга эмас, менга ишонасан. Негаки тунов кунги ҳодисалардан сен – мен қаршингда қандай бўлсам шундай, бутун борлиғим билан, сен истаганингдек турибман. Мен – сенинг қўлларингдаман, сен истаган онингда...
- Нима – истаган онимда? – дедим ва ўша ондаёк қулоқларимга, юзларимга қон қуйилаётганини англашим:
- Жим бўл, менга бу ҳақида ҳеч қачон оғиз оча қўрма! Ахир, сен бу олдинги мен эканлигимни тушуниб турибсан, энди бўлса...
- Ким билсин... Инсон – асар каби: сўнгти сахифагача нима билан тугашини билмайсан. Бундай бўлмаганда, ўқишида маъно ҳам қолмасди...

I бошимни силаяпти. Ўнинг юзини қўрмасамда, овозидан: олисларга тикилаётгани, нигоҳи, асталик билан, номаълум манзиллар томон сузаётган булутларда тутилиб қолганини билиб турибман...

Бирдан мени қўли билан четга сурди – сабот ва мулоҳимлик билан:

- Қулоқ сол: мен сенга бир гап айтгани келгандим – эҳтимол, сўнгти кунларимизни... Ўзинг биласан: бугундан бошлиб барча аудиториумлар бекор қилинди.
- Бекор қилинди?
- Ҳа. Мен ўтиб кетаётгандим: аудиториумлар биноларида аллақандай столлар тайёрлашаётганини ва оқ халатдаги шифокорлар юрганини қўрдим.
- Нега экан-а?

- Билмадим. Ҳали ҳеч ким билмайди. Энг ёмони ҳам шу. Мен фақаттина бир нарсани ҳис қиляпман: токни ёқиши, учқунлар чиқяпти - бугун бўлмаса, эртага... Аммо, балки, улар улгурмайди...

Мен улар ким ва биз ким тушунмай қолганимга анча бўлди. Нимани хоҳлаёттанимни билмайман: улар улгурсинми - йўқми. Лекин бир нарсани биламан: И киррада юрипти - ва ҳадемай...

- Ахир бу тентаклик-ку, - дедим мен. - Сиз - ва Ягона Давлат. Бу худди қўлингиз билан тўппонча оғзини ёпиб - ўқ отилишини ушлаб қоламан деб ўйлашдек. Фирт тентаклик!

Табассум:

- "Ҳамма ақлдан озиши керак - қанча тез бўлса, шунча яхши". Кимдир кеча шундай деганди. Эсингдами? Уерда...

Ҳа, бу гаплар менинг қайдларимда ёзилган. Демак, ростдан ҳам шундай дейилган. Мен индамай унинг юзига қараб турибман: ҳозир унда яққол кўзга ташланиб турадиган - кора хоч чизилган.

- И, азизам, ҳали ҳам кеч эмас... Истайсанми - барчасини ташлайман, барчасини унутаман - ва иккимиз ўша ерга, Девор ортига - анавининг олдига... бош олиб кетамиз. Анавиларнинг кимлигини билмайман.

У бошини чайқади. Кўзларининг тим қора ойналаридан - ичкарида, унинг ичида, ўчоқ ловуллаб ёнаёттанини, учқунларни, тепага ошиқаётган оловни, қуруқ ва елим суртилган ёғочлар уюмини кўрдим. Тушундим: фурсат аллақачон бой берилган, менинг сўзларим ортиқ ҳеч нимани...

Ўрнидан турди - ҳозир кетса керак. Эҳтимол, сўнгги кунлар, эҳтимол, сўнгти дақиқалар... Мен унинг қўлидан маҳкам ушлаб олдим.

- Йўқ! Яна бироз – илтимос, илтимос...

У қўлимни – менинг пахмоқ қўлимни, мен нафратланган қўлимни – асталик билан тепага, ёруғликка кўтараётганди. Қўлимни силтаб тортиб олмоқчи бўлдим, лекин у уни маҳкам ушлаб турарди.

- Сенинг қўлинг... Ахир сен билмайсан-ку – аслида қўпчилик билмайди – буер, шаҳар аёлларининг айримлари уердаги эркакларни севган. Сенда ҳам, менимча, қуёшли, ўрмонли қоннинг томчилари бўлса керак. Балки айнан шу сабабли мен сени...

Сониялик жимлик – ғалати: жимлиқдан, бўшлиқдан, ҳеч нимадан – юрагим жунбишда. Бақирдим:

- Аҳа! Сен хали бери кетмайсан! Кетмайсан – менга улар ҳақида – нега севганинг ҳақида айтмагунингча кетмайсан... мен, ҳаттоқи, улар ким ва қаердан эканликларини ҳам билмайман. Ким улар ўзи? Биз йўқоттан яrimmi – H_2 билан O - H_2O га айланishi – анҳорлар, денгизлар, шаршаралар, тўлқинлар, тўфонлар ҳосил бўлиши учун – яrimлар бирлашиши керак...

Мен унинг ҳар бир ҳаракатини аниқ эслайман. У столимдан менинг шишадан бўлган учбурчагимги олганини ва, мен гапирап эканман, унинг қиррасини тинмай юзига босиб турганини эслайман. Бундан унинг юзида оқ чандиқ пайдо бўлди, сўнгра у пуштига айланди ва ғойиб бўлди. Ажойиб: унинг сўзларини – айниқса, бошида айтган сўзларини – эслай олмайман – факатгина алоҳида сиймоларни, рангларни эслай оламан.

Биламан: ҳаммаси Икки Юз Йиллик Уруш билан бошланган эди. Мана энди – яшил майсалар, қора лой, күкимтириң қорда қизил – қуrimайдыган қизил құлмаклар. Сұнгра күёш нурларида сарғайған үтлар, яланғоч, сарық, тұзиб кетған одамлар – ва тұзиб кетған итлар – улар, шишиб кетған үлимтиқ – ит ёки, балки одам үлимтигининг – олдида... Бу манзара, албатта, девор ортида: негаки шаҳар – аллақачон ғалаба қозонған, шаҳарда анчадан бери бизнинг нефт овқатимиз бор.

Осмондан деярли ергача – қора оғир бурмалар тушған ва бу бурмалар шитирляяпты: үрмөнлар ва қишлоқтар устини оғир устунлар ва тутун қоплаган. Жарангсиз увилаш: уларни күч билан қутқариш ва баҳтга үргатиши учун, қатор-қатор силсилаларни шаҳарға ҳайдашаипти.

- Буларнинг деярли ҳаммасини билармидинг?
- Ҳа, деярли ҳаммасини.
- Бироқ сен уларнинг кичик қисми, омон қолиб, Деворлар ортида яшашға қолғанлигини билмасдинг. Бу ҳақида жуда ҳам камчилік биларди. Яланғочлар – улар үрмөнга кетғанди. Улар үрмөнде дараҳтлардан, ҳайвонлардан, қүшлардан, гуллардан, күёшдан үрганардилар. Уларнинг бутун бадани тук билан қопланди, бироқ үша тук остида қайнок, қизил қонни сақлаб қолдилар. Сизларнинг ахволингиз унданда ёмон эди: сизларни ракамлар қоплаганди; сизларнинг устингизда рақамлар, худди бит каби, судралиб юрарди. Сизларнинг устингиздагиларни тамомила шилиб олиб, үзингизни үрмөнларға ҳайдаб юбориш керак. Құрқувдан, хурсандчилікден, кучли ғазабдан, совуқдан титрашни ва оловга ибодат қилишни үрганинглар. Биз, Мефи, - биз истаймиз-ки...
- Тұхта-тұхта – “Мефи”чи? “Мефи” нима?

- Мефими? Мефи - қадимий исм, анави... Тоңда тасвирланган йигит эсингдами? Ёки йўқ: кел, яххиси сенинг тилингда тушунтирай, шунда осонроқ тушунасан. Мана: дунёдаги икки куч - энтропия ва энергия. Бири - шод-хуррамли ҳаловат, баҳтли мувозанат; иккинчиси - мувозанат бузилиши, азобли чексиз ҳаракат белгиси. Энтропиядагилар - бизниклар ёки, тұғрироғи, - сизларнинг аждодларингиз, христианлар Худога сиғинардилар. Биз бўлса, биз - антихристианлар...

Ўша он - эшик секин тақиллади - ва хонага ўша, менга доим I-330 дан мактублар олиб келадиган, пешонаси кўзигача тушган, ялпоқ киши отилиб кирди.

У олдимизга югуриб келиб, тұхтади; ҳаво насоси каби, тинмай пишиллагани сабабли - бир дона сұз ҳам гапира олмасди: чамаси, бор кучи билан югурганга ўхшайди.

- Хўш, хўш? Нима бўлди? - уни қўлидан маҳкам ушлаб олди I.
 - Келишяпти - буерга... - ваниҳоят пишиллади насос. - Қўриқчилар... ва улар билан бирга анави - қандай тушунтирсам экан... букри...
 - S?
 - Ҳа! Яқиндаги уйда. Ҳадемай буерга келиб қолишади. Тезроқ, тезроқ!
 - Асоссиз ҳавотир! - унинг қўзлари кулар, улардан қувноқ учқунлар сочилаар эди.
- Унинг бу гаплари - ё маъносиз аҳмоқона ботирлик, ё мен ниманидир тушунмаяпман.
- I, Валинеъмат ҳаққи! Тушунсангчи - ахир...

- Валинеъмат ҳақки, - ўткир учбурчак – кулгу.
- Илтимос... қани, мен учун... Илтимос.
- Айтганча, мен сен билан яна бир мавзу бўйича... Ҳа, майли: эртага...

У менга бошини қувноқ (ҳа: қувноқ) силкиб қўйди; пешона шийпони остидан анави киши ҳам бошини силкиб қўйди. ...ва мен – ёлғизман.

Тезроқ – стол ортига. Қайдларимни очдим ва деворлар, қўлимдаги қалам, қалтирашини ва харфлар ҳилпирашини кўрдим.

Яшириб қўйсаммикин? Аммо қаерга: атроф – ойна. Ёқиб юборсаммикин? Аммо дахлиздан ва қўшни хоналардан кўриб қолишади. Бундан ташқари, ортиқ ўзимнинг бу азоб-уқубатли, мен учун энг қийматли бўлган қисмимни яксон эта олмайман. Бунга қурбим етмайди.

Олисда – дахлизда – овозлар, қадам товушлари эшитилишни бошлади. Мен бир боғлам қоғозларни олиб, уларни қўлтиғим остига беркитиб олишга улгурдим, холос – энди ҳар бир зарраси иккиланаётган курсига ёпишиб қолган ва оёқларим остидаги палуба, тепага-пастга...

Ғужанак бўлиб, пешонам шийпони остига беркиниб – зимдан, яширинча кузатардим: улар дахлизнинг ўнг сўнггидаги хонадан бошлаб, бошқа хоналарга ўтар ва тобора яқинлашиб борар эди. Айримлар мен каби қимиirlамай ўтирад; қолганлар эса – улар қархисига чиқар ва эшикларни ланг этиб очар эди – баҳтли одамлар! Қани энди мен ҳам...

“Валинеъмат - инсоният учун зарур бўлган такомиллаштирилган дезинфекциядир, шу сабабли Ягона Давлат танасида ҳеч қандай перисталтика⁴⁶ йўқ...”

Қўлимда сапчиётган қалам билан ушбу мутлақ маъносиз гапларни ёздим ва стол томон янада пастроқ эгилардим, ақлимда бўлса – аклдан озган темирхона; орқамда – эшик дастаги тарақлаганини, шамол уфурганини ва мен ўтирган курси ўйинга тушиб кетганини эшитардим...

Ўша ондан сўнггина бошимни қайдларимдан кўтариб, хонага кирганлар томон ўгирилдим (майнавозчилик нақадар қийин... ким менга бугун майнавозчилик ҳақида айтганди?). Қаршимда S – маъюс, индамай, тезлик билан кўзлари билан менда, курсида, қўлимда титраётган варакларда қудуқлар қазиётганди. Сўнгра бир онга – остоңада таниш, хар кун кўрадиган чеҳралар пайдо бўлди ва ана улардан бири ажралиб чиқди – шишаётган, пушти аралаш жигарранг рангли ойкулоклар...

Бу хонада ярим соат олдин нималар содир бўлганини эсладим ва у ҳозир... Бутун борлиғим танамнинг қўлёзмаларимни беркитиб олган (баҳтимга, шаффоғ бўлмаган) қисмида жунбишда эди.

Ю орқадан S га яқинлашди ва, оҳисталик билан унинг енгидан тортиб, паст овозда:

- Бу - Д-503, ИНТЕГРАЛнинг Курувчиси. Эшитган бўлсангиз керак? У - доим шунаقا, столи устида... Ўзини ҳеч аямайди!

...Мен бўлсамчи? Накадар фусункор, ғаройиб аёл.

⁴⁶ Ошқозон ва ичакларнинг тўлқинсимон керилиш ёки сиқилиш ҳаракатлари

С сирғанганча олдимга келиб, елкамдан оша стол томон эгилди. Тирсагим билан ёзғанларимни беркитдим, аммо у қаътиятла бақирди:

- Менга уерда нималар ёзғанлигинизни дарҳол кўрсатишингизни сўрайман!

Мен уятдан ёниб, унга варакни узатдим. У варакни ўқиди ва мен унинг кўзларидан кулгу учкуни чикиб, юзи бўйлаб пастга лип этиб тушиб кетганини ва, думини бироз қимирлатиб, оғзининг чап бурчагида жойлашиб олганини кўрдим...

- Бироз дудмоллик бор, лекин барибир ҳам... Ҳа, майли, давом этаверинг: биз сизга ортиқ халал бермаймиз.


У шалоплаб - сувга тош тушгани қаби - эшик томон одимлади ва унинг ҳар бир қадамидан сўнг менинг оёқ-қўлларим, бармоқларим қайта жонланишни - қалбим яна бутун баданим бўйлаб бир меъёрда тақсимланишни бошлади, мен нафас олардим...

Сўнгги ҳолат: Ю хонамда бироз узоқроқ қолиб, олдимга келиб, қулоғимга пиҷирлаб:

- Бахтингизга, мен... - деди.

У бу гапи билан нима демоқчи бўлди экан, тушунарсиз.

Кечки пайт, кечроқ билдим: улар ўзлари билан учта одамни олиб кетибди. Нима бўлганда ҳам, бу ҳақида, худди бошқа нарсалар қаби, ҳеч ким миқ этмайди, айтмайди (бу атрофимизда кўринмас ҳолатда мавжуд бўлган Қўриқчиларнинг тарбиявий таъсири). Сухбатлар – асосан, барометрнинг кескин тушиб кетиши ва ҳаво ўзгариши ҳақида.



ЙИГИРМА ТҮҚКИЗИНЧИ ҚАЙД
КОНСПЕКТ:

**Юздаги толалар. Куртаклар.
Ғайритабиий компрессия⁴⁷.**

“

Галати: барометр пасайиб кетяпти, бирок хануз шамол йўқ, жимжитлик. Тепада - ҳали бизга эшитилмаётган - бўрон бошланди. Бор тезлиги билан булувлар сузуб келмоқда. Улар ҳали унчалик кўп эмас - бир нечта алоҳида-алоҳида қиррали синиклар. Ҳўш: гўё тепада бирор шаҳар барбод этилгандек, пастга деворлар ва миноралар бўлаклари учиб тушяпти, бирок улар тубга, бизнинг олдимизга, пастга етиб келгунига қадар, мовий чексизлик узра бир неча кун учишларига тўғри келади.

Пастда - сокинлик. Ҳавода - ингичка, тушунарсиз, деярли кўринмас толалар. Улар ҳар куз ўша томондан, Девор ортидан учиб келади. Улар асталик билан сузар ва сиз юзингизда аллақандай бегона, кўринмас нарсаларни сезасиз. Уларни юзингиздан қоқиб ташламоқчи бўласиз, лекин йўқ: қила олмайсиз, кутила олмайсиз...

Бу толалар асосан – Зумрад Девор бўйлаб юрганингизда, кўп учрайди. Мен ҳам бугун эрталаб у томондан юргандим: I Қадимги Уйда - ўша, бизнинг “квартирамизда” - учрашамиз деб учрашув белгилаганди.

Қадимги Уйнинг маҳобатини ортимда қолдирганимдан сўнг, орқада кимнингдир майда, тез-тез қадамлари ва ростланмаган нафасини эшитдим. Ўгирилдим – кўрдим: ортимдан О югуриб келарди.

⁴⁷ Двигатель цилинтрида ҳавонинг ёки иш қоришмасининг сиқилиши

У ажойиб тарзда, мукаммал равища, таранг думалоқ шаклда эди. Құллари, сийнаси ва, менга яхши таниш бұлған, бутун бадани думалоқ шакл олиб, униформани кийиб олғанды: ана ҳозир юпқа матони йиртиб юборади – ва ташқарига, қуёшга, нурга. Тасаввуримда: қалин яшил үрмонларда, баҳорда күртаклар айнан шу тарздаги ұжарлик билан тупрок ораларидан отилиб чиқади – тезроқ шохлар, барглар чиқариш ва гуллаш учун.

Бир неча сония давомида у индамай турди; юзимга унинг күк нурлари тушиб турарди.

- Мен сизни – үшанды, Ҳамфирлик Кунида – құргандым.
- Мен ҳам сизни құргандым...

Шу сұзларимдан сұңг бирдан унинг пастда, тор йұлакда, деворга қисилиб ва қорнини құллари билан беркитиб турганини эслаб кетдім. Мен унинг униформа остидаги думалоқ қорнига беихтиёрдан қарадім.

У, афтидан, буни пайқаган күринади – бутунлай думалоқ пушти ҳолатта түшди ва пушти жилмайиб қўйди.

- Жуда ҳам баҳтлиман – жуда ҳам баҳтлиман... Мен тұлишиб қолғанман – тушуняпсизми: қирраларгача, лиммо-лим. Атрофдаги ҳеч нимани эшитмай юрибман, фақаттина ичимдәги овозларни...

Мен индамасдим. Юзимда қандайдир ёт нарса бор эди ва у халал берарди; мен бундан хеч қутила олмасдим. Бирдан тұсатдан, янада күм-күк тус олған у құлимдан маҳкам ушлаб олди – ва құлимда унинг лабларини ҳис килдім... Умримда биринчи марта. Бу менга олдин нотаниш бұлған, азалий эркалаш эди ва бу эркалаш

менга шу даражада уялишва оғриқ берди-ки, құлымни ундан (ҳаттоқи, құпол тарзда) тортиб олдим.

- Менга қаранг – ақлдан озибсиз! Фақат бу ҳаракатингиз эмас – сиз, бутунлай... Нега хурсанд бұласиз? Наҳотки, келажақда сизни нима күтиб турғанлигини, ёдінгиздан чиқара оласиз? Ҳозир бұлмаса – барибир ҳам бир ой, икки ойдан кейин...

У – сұнди; барча доиралар – бирдан әгилиб, букилиб кетди. Менинг юрагимда бұлса – раҳмдиллик хисси билан боғланған ёқимсиз, ҳаттоқи, оғриқ берувчи компрессия (юрак – мукаммал насосдир; компрессия, сиқилиш – насос билан суюқликни тортиш – техник маъносизликдир; бундан хulosа қылсак: бу турдаги компрессияга сабаб бұлувчи барча “севгилар”, “ачинишлар” қай даражада тутруқсиз, гайритабиий ва оғриқли эканлигини тушуниш мүмкін).

Сукунат. Чапда – Деворнинг хира-яшил ойнаси. Рұпарамда – тұқ-қизил хайбатли нарса. Бу икки ранг құшилиб, менга, менимча, teng таъсир күрсатувчи ажайиб ғояни бердилар.

- Тұхтанг! Сизни қандай қутқаришни биламан. Сизни бундан халос этаман: фарзандингизни күриб, сұнgra үлишдан. Сиз уни үзингиз боқиб катта қила оласиз – тушуняпсизми – у құлингизда улғаяёттанини, айлана шаклини олаёттанини, мева каби етишаёттанини кузатсангиз бұлади...

У титраб кетди ва менинг бүйнимга осилиб олди.

- Анави аёл эсингиздами... анча олдин, сайрдагиичи. Хуллас: у ҳозир буерда, Қадимги Үйда. Юринг, унинг олдига борамиз ва сұз бераман: ҳаммасини зудлик билан уюштираман.

Мен хаёлимда I билан биргаликда уни, О-90 ни, дахлизлар орасидан олиб кетаётганимизни тасаввур қилишни бошлагандим: ана у ўша ерда, гуллар, майсалар, барглар орасида... У мендан орқага қадам ташлади, унинг пушти яримойининг шохчалари титраб, пастга букилиб кетарди.


- У - ўша аёл, - деди у.
- Яъни... – мен негадир уялиб кетдим. – Ҳа: ўша аёл.
- ...ва сиз мендан унинг олдига боришимни сўраяпсиз – ундан ёрдам сўрашимни – унда... Ортиқ ҳеч қачон бу ҳақида оғиз оча кўрманг!

Букчайиб, у мендан узоклаша бошлади. Ниманидир эслагандай – мен томон ўгирилиб, бақирди:

- Ўлсам ўламан – шундай бўла қолсин! Сизга эса қизифи йўқ – шундай эмасми?

Сукунат. Тепадан пастга юкори тезлиқда деворлар ва миноралар бўлаклари учиб тушяпти, бироқ мовий чексизлик узра бир неча соат - балки кун - учишларига тўғри келади; қўринмас толалар аста сузиб, юзларда ўтириб қоляпти – уларни қоқиб юбориш, улардан кутулмоқ имконсиз.

Мен аста-секин Қадимги Ўй томон кетяпман. Юрагимда – тутруқсиз, оғриқ берувчи компрессия...



Ўттизинчи қайд
Конспект:

Сұнгги сон. Галилейнинг хатоси. Яхшиси.

“ Мана менинг І билан – кеча, Қадимги Уйда, фикрларнинг мантиқиј ривожига тұсиқ бұлувчи чипор шовқин – қизил, яшил, оч сариқ, оқ, түк сариқ ранглар – ичида ва пучукбурун шоирнинг мармарда қотиб қолған табассуми остида бұлган сұхбатимиз...

Мен бу сұхбатни бир дона ҳарф ҳам қолдирмай қайд қиляпман, негаки, менимча, у Ягона Давлат тақдирида мухим үринга эга ва бундан ташқари: Борликнинг тақдирида ҳам. Яна бир нарса – бу қайдларда сиз, менинг нотаниш үқувчиларим, әхтимол, менинг ҳаракатларимни оқлашга қандайдир маънода сабаб топасиз...

I дархол, ҳеч қандай тайёргарликсиз, барчасини бошимга ёғдирди:

- Биламан, индинга сиз – ИНТЕГРАЛнинг ilk синов учишини амалға оширасиз. Үша куни – биз уни құлға оламиз.
- Қандай қилиб? Индинга?
- Ҳа. Үтир, ҳавотирланма. Бир дақиқаны ҳам беҳуда сарфлай олмаймиз. Тунов куни Құриқчилар томонидан тусмолдан ушланған юз кишининг ичида 12 нафар Мефи ҳам бор экан. Икки-уч кун үтказсак – улар нобуд бўлади.

Мен индамасдим.

- Синов жараёнини назорат қилиш учун – сизларнинг олдингизга электротехникларни, механикларни, шифокорларни, метеорологларни юборишади.

Роппа-роса 12 да - эслаб қол, - тушликка құнғироқ чалғанда ва ҳамма ошхонага кетганды, биз коридорда қолиб, ҳаммани ошхонада қамаб құяды - ва ИНТЕГРАЛ бизниki бұлadi... Түшуняпсанми: нима қилиб бұлса ҳам, унга эришишимиз керак. Бизнинг құлымизда ИНТЕГРАЛ - ҳаммаёққа бир уринишда, тезлик билан, оғриқсиз баҳам бериш учун қуrolға айланади. Уларнинг аэроси... ҳа! У, худди калхатта қарши, майда чивиндеқ. Агарда вазият буни талаб этса - двигателларнинг оғзини пастта қаратиб қўйишимиз мумкин ва биргина уларнинг ҳаракати билан...

Мен сапчиб ўрнимдан туриб кетдим:

- Бу ақлга сиғмайды! Бемаънилиқ! Нахотки тушунмасанг: сизлар жазм қилмоқчи бўлганларинг - инқиломи?
- Ҳа, инқилоб! Нега энди bem'aънилиқ экан?
- Бемаънилиқ - чунки инқилоб бўлиши имконсиз. Чунки бизнинг - буни сен эмас, мен айтяпман - бизнинг инқилоб сўнгтиси эди. Ортиқ ҳеч қандай инқилоб бўлиши мумкин эмас. Бу ҳар кимга аён...

Қошларнинг истеҳзоли, ўткир учбурчаги:

- Азизим: сен - математиксан. Ҳаттоқи - бунданда кўпроқ; сен математикадан - файласуфсан. Шундай экан: менга сўнгти сон неча эканлигини айтчи.
- Яъни? Мен... мен тушунмаяпман: қандай сўнгги?
- Сўнгги, энг юқори, энг катта.
- Аммо, I, ахир бу bem'aънилиқ-ку. Соңларнинг сони - чексиз экан, қайси сонни сўнгти демоқчисан?

- Сен қайси инқилобни сұнгти демоқчисан? Сұнгти – йүқ, инқилоблар – чексиз. Сұнгти – бу ёш болалар учун: уларни чексизлик чұчитади; улар тунда осуда ухлашлари учун...
- Аммо қандай маъно – буларнинг барчасида қандай маъно бор – Валинеъмат ҳаққи, айтчи? Ҳамма баҳтли бўлса, бундай қилишда қандай маъно бор?
- Тасаввур қилиб кўр... Ҳа, ҳўп: шундай бўла қолсин. Кейин нима бўлади?
- Кулгили! Жуда ҳам ёш болаларга ҳос савол. Уларга бир нимани айтиб берсанг – охиригача айтиб берсанг ҳам, улар барибир ҳам: кейин нима бўлади, нимага? деб сўрашади.
- Болалар – ягона жасур файласуфлардир. ...ва жасур файласуфлар – шубҳасиз, болалардир. Худди шу тарзда, болалар каби, доимо: кейин нима бўлади? деб сўраш керак.
- Кейин ҳеч нима бўлмайди! Гап тамом вассалом. Борлиқда - бир текисда, ҳаммаёқда - тўкилган...
- Аҳа, бир текисда, ҳаммаёқда! Айнан мана шу холат – энтропиядир, психологияк энтропия. Наҳотки, сен, математик, факаттина ҳароратларнинг ҳар хиллигига, иссиқлиқ қарама-қаршиликларида ҳаёт мавжудлигини тушунмаяпсан. Агарда бутун Коинотда бир хил иссиқликдаги – ёки бир хил совукликдаги таналар... Уларни тушириб юбориш керак – олов, портлаш, жаҳаннам... Биз ҳам – тушуриб юборамиз.
- Аммо, I, тушунсангчи, тушунсангчи: бизнинг аждодларимиз – Икки Юз Йиллик Уруш даврида – айнан шу ишни қилишганди...

- О, улар ҳақ эди – минг бора ҳақ эди. Улар ягона хатога йўл қўйганди: вақт ўтиб, улар ўзларини – табиатда ягона бўлган – сўнгти сонлар эканликларига ишониб қолишганди. Уларнинг хатоси – Галилейнинг хатосидир: у ер қуёш атрофида айланади деганда, ҳақ эди, бироқ у бутун қуёш тизими қандайдир марказ атрофида айланади деганда, ернинг ҳақиқий, нисбий бўлмаган, орбитаси сира ҳам қандайдир жўн айлана эмаслигини билмаганди...

- Сизларчи?
- Биз бўлса, сўнгти сон мавжуд эмаслигини, хануз биламиз. Эҳтимол, унутиб қўярмиз. Йўқ: ҳаттоки, шубҳасиз – қариганимизда, эсимиздан чиқариб қўямиз – худди ҳамма нарсанинг қариши муқаррар бўлгани каби. Ўшанда биз – иложсиз пастта – худди кузда дарахтларнинг барглари тўкилгани каби – индинга сизлар... Йўқ, йўқ, азизим, - сен эмас. Сен биз билансан-ку, сен – биз билансан!

Оловланган, уормаланган, чақнаган – мен уни ҳеч қачон бу ҳолатда кўрмагандим – у мени ўзи билан, бутун борлиғи билан кучоқлади. Мен гойиб бўлдим...

Сўнгти сўзлар – қўзларимга тик боқиб:

- Эслаб қол: ўн иккида.

Мен жавоб қайтардим:

- Ҳа, эсимда.

Кетди. Мен – баттол, турфа овозим шовқиннинг – қўқ, қизил, яшил, оч сариқ, тўқ сариқ рангларнинг ичиди – ёлғизман...

Ха, 12 да... - бирдан юзимга ўтириб қолган аллақандай бегона, қоқиб юбориб бўлмайдиган жисмни сездим. Бирдан - кечаги тонг, Ю - ва унинг I нинг юзига бақиргани... Нега? Бу қандай бемаънилик?

Тезроқ ташқарига чиқишга шошилдим - тезроқ уйга, уйга...

Қаерлардадир орқамда Девор устида учайдиган қушларнинг қаттиқ чинқирашини эшитдим. Қаршимда бўлса, ботаётган қуёшда - малина рангидағи кристалланган оловдан - гумбаз, ловуллаётган уйларнинг улкан палаҳасаси, осмонда чақмоқ каби қотиб қолган - Аккумуляторли Миноранинг шпици. Буларнинг барчасини - бу нуқсонсиз геометрик гўзалтиқни - мен ўз кўлларим билан... Наҳотки - бошқа ҳеч қандай ечим, ҳеч қандай йўл бўлмаса?

Қандайдир аудиториум олдидан (сони эсимда йўқ). Ичкарида - курсилар уюм бўлиб ётибди; ўргада - қор каби оппоқ шишадан бўлган чойшаблар билан ёпилган стол; окда - пушти қуёшнинг доғи. Буларнинг барида қандайдир номаълум - шу сабабли даҳшатли - эртанги кун яширинган. Фикрлаган - кўра оладиган - инсон номаълум иқслар қонуниятсизликлари ичида яшashi - гайритабиий. Кўзларингизни боғлаб, атрофни пайпаслаб, қоқилиб, юришга мажбурлашганида ва сиз қаерлардадир яқинингизда - қирра борлигини, унга бир қадам қолганини ва сиздан биргина эзилган гўшт бўллаги қолишини билганингизда, бу ҳам айни бўлар эдими?

Кутмасдан - ўзимни бошим билан пастга ташласамчи? Бу барчасига ечим бўладиган, ягона тўғри харакат бўлмайдими?

Ўттиз биринчи қайд
Конспект:

**Буюк Операция. Мен ҳаммасини кечирдим.
Поездлар тұқнашуви.**

“

Қутқарылдык! Сұнгти онда, ҳеч қандай нажот йўқ,
ҳаммаёқ тугади деб ўйлаган пайтимизда...

Шу каби: худди сиз Валинеъматнинг даҳшатли Машинаси олдига зиналар бўйлаб чиқдингиз, сизни баланд жаранглаш билан шиша калпоқ қоплаб олди ва сиз, умрингизда сұнгти бор - шоша-пиша - қўзларингиз билан мовий фалакни ичингизга ютапсиз...

Бирдан: буларнинг барчаси - оддийгина туш. Қуёш - пушти ва қувноқ - ва девор - қўлингиз билан совук деворни силаш нақадар ёқимли - ва болиш - бошинингиздан қолган оқ болишдаги чукурчадан чексиз роҳатланиш...

Бугун эрталаб Ягона Давлат Газетасини ўқиганимда тахминан шуларни ҳис қилдим. Ёмон туш кўргандим ва у тугади. Мен бўлса, иродасиз, ишончсиз - мен - ўзбошимча ўлимим ҳақида ўйлашни бошлагандим. Сұнгти, кеча ёзган мисраларимни ўқишига уяляпман. Бирок нима бўлса ҳам: майли, майли, улар содир бўлиши мумкин бўлган ва энди ҳеч қачон содир бўлмайдиган... ҳа, ҳеч қачон содир бўлмайдиган ажойиб ҳодиса ҳақида эсдалик бўлиб қолсин...

Давлат Газетасининг ilk сахифасида булар яраклаб турарди:

“Севининглар,

негаки шу ондан – сизлар мукаммалсизлар! Бу қунга қадар сизнинг фарзандларингиз, механизмларингиз – сиздан кўра мукаммалроқ эди.

Нимаси билан?

Динамонинг хар бир учқуни – соф идрокнинг учқунидир; поршеннинг ҳар бир ҳаракати – маъсум силлогизмдир. Аммо шундай нуқсонсиз онг сизда ҳам бор эмасми?

Кранлар, пресслар, насосларнинг фалсафаси – циркул билан чизилган айланана каби, тугалланган ва тушунарли. Лекин сизнинг фалсафангиз ҳам уларчалик думалок эмасми?

Механизм гўзаллиги – маятник каби, бўйсунмас, аниқ ритмида. Бироқ сиз, болалигидан Тейлор тизими билан озуқалантирилган рақамлар, ҳам маятник каби бенуқсон эмасмисиз?

...ва ягона ҳолат:

механизмларнинг фантазияси йўқ.

Бирор марта, иш давомида насос цилиндрининг афтида, олис, бемаъни-ҳаёлпаст табассум ёйилиб кетганини кўрганмисиз? Бирор марта кранлар тунда, дам олиш учун ажратилган соатларда, безовталаниб жавраганликларини, ох-у нола қилғанликларини кўрганмисизлар?

Йўқ!

Сизда бўлса – уялинглар! – Кўриқчилар бу каби табассумлар ва ох-нолаларни тез-тез кўриб қолишияпти. Кўзларингизни яширинг – Ягона Давлат тарихчилари бу

каби уятли воқеаларни ёзмаслик учун истеъфога чиқмоқчи.

Бироқ бу сизнинг айбингиз эмас – сиз касалсиз. Бу касалликнинг номи:

фантазия.

У – пешонангизда кора ажинлар кемирувчи чувалчангдир. У – сизни янада узокроққа – бу “узокроққа” ҳеч бўлмаса, баҳт тугаган жойда бошланса эди – югуришга ундейдиган безгақдир. У – баҳт сари бўлган ягона тўсиқдир.

Севининглар: у портлатиб юборилди.

Йўл очик.

Давлат Илмининг сўнгги кашфиёти: фантазия маркази – Варолиев кўприги⁴⁸ худудидаги миянинг кичик тугунчаси. Ушбу тугунчани Х-нурлари билан уч карра куйдириса – сиз фантазиядан тузалиб кетасиз...

Бутун умрга.

Сиз – муқаммалсиз, сиз – машина кабисиз, юз фоизлик баҳт сари элтадиган йўл – очик. Ҳаммангиз – ёш-у қари – шошилинг – Буюк Операцияга – шошилинг. Буюк Операцияга ўтказилаётган аудиториумларга шошилинг. Яшасин Буюк Операция. Яшасин Ягона Давлат, яшасин Валинеъмат!”

...Сиз – агарда сиз бу мисраларни, менинг қадимий, жимжимадор асарга ўхшаган қайдларимда эмас, балки

⁴⁸ Орқа миянинг таркибий қисми бўлиб, у нафас олишни тартибга солиш, беихтиёрий ҳаракатларни назорат қилиш, эшитиш, мувозанат сақлаш ва таъм билиш, шунингдек мимика, чайнаш, ютиш ва сўлак ва кўз ёшлар секрецияси каби функциялар учун масъул

буёгнинг хиди уфуриб турган газета сахифасида ўқиганингизда ва у сахифа қўлингизда титраганда; агарда сиз ҳам, мен каби, бугун бўлмаса, эрта - энг ҳақиқий воқелик эканлигини билганингизда, сиз ҳам, мен ҳис қилғанларимни, ҳис қилган бўлармидингиз? Ахир - менинг бошим ҳозир айлангани каби - сизнинг бошингиз ҳам айланмасмиди? Ахир - белларингиз ва қўлларингизга - ушбу даҳшатли, тотли муз ниначалар санчилигандек бўлмасмиди? Ахир сиз ўзингизни - паҳлавон, Атлас каби тасаввур қилмасмидингиз ва, қаддингизни ростлаганингизда, ноилож ойна шинга бошингиз билан урилмасмидингиз?

Мен телефон гўшагини олдим:

- I-330... Ҳа, ҳа: 330, - сўнгра нафасим қайтиб, бақирдим: - Уйдасиз-а, шундайми? Ўқиётгандингиз - ўқияпсизми? Ахир бу, ахир бу... Бу ажойиб-ку!
- Ҳа... - узун, коронгу сукунат. Гўшакдан эшитилар-эшитилмас шовқин келарди, у ниманидир ўйлаётганди... - Бугун сизни нима бўлса ҳам кўришим керак. Ҳа, меникида 16 дан сўнг. Нима бўлса ҳам.

Дилбар! Накадар дилбар! “Нима бўлса ҳам”... Сезяпман: куляпман-у - ҳеч тўхтай олмаяпман ва бу кулгумни кўча бўйлаб, фонар каби, бошим узра баланд кўтариб кетаман...

Ташқарида мен томон шамол учиб келди. Айланиб, хуштак чалиб, саваларди. Аммо мен янада қувноқлашардим. Ҳайқир, қинсир - фарқи йўқ: сен деворларни ортиқ йиқита олмайсан. Бошим тепасида сузувчи чўян қора булутлар қуляпти - майли: сизлар

қүёшни беркита олмайсизлар – биз уни абадиян зенитта⁴⁹ михлаб қўйганмиз – биз, Исо Навинлар.

Бурчакда – девор ойнасига пешоналари билан ёпишиб, бир гурух Исо-Навинлар турганди. Ичкарида кўз қамаштирувчи оқ столда уларнинг бири ётганди. Оқ рангда сарик бурчаги билан очилган яланг товоонлар кўринарди, оқ шифокорлар – бош томонга эгилдилар, оқ қўл – бошқа бир қўлга нимадир билан тўлдирилган шприцни узатди.

- Сизчи – нега бораяпсиз, - сўрадим мен – ҳеч кимни ёки, тўғрироғи, ҳаммани.
- Ўзингизчи, - мен томон ўгирилди қандайдир айлана.
- Мен – кейинроқ. Мен аввал...

Мен, бироз уялиб, уердан узоклашдим. Мен ростдан ҳам аввал уни, Й ни, кўришим керак эди. Аммо нега “аввал” эканлигига ўзимга ўзим жавоб бера олмадим...

Эллинг. Мовий-муз рангидаги ИНТЕГРАЛ ярқирар, чақнар эди. Динамо машинада, мулойимлик билан қандайдир сўзни – худди менга таниш бўлган сўзни – қайта ва қайта айтиб, ғувилларди. Мен эгилиб, двигателнинг узун совук трубасини силаб қўйдим. Дилбар... нақадар – нақадар дилбар. Эртага сен – жонга кирасан, эртага сен – илк бор ичингдаги оташ учқунлардан титраб, қимиirlаб кетасан...

Ҳаммаси кечагидек қолганида эди, мен бу шишадан бўлган қудратли жониворга қай кўзим билан қаардим? Агарда эртага 12 да – уни уларга беришимни билганимда... ха, бераман...

⁴⁹ Осмоннинг энг баланд нуқтаси

Оҳисталик билан - орқадан тирсақдан. Ўгирилдим; Иккинчи Куруувчининг ликопсимон, ясси юзи.

- Эшитдингизми, - деди у.
- Нимани? Операцияними? Ҳа, тұғри эмасми? Ҳудди - ҳамма каби, ҳамма - тезлик билан...
- Йұқ, йұқ, уни эмас: синов учишини индингача бекор қилишди. Ҳаммаси анавининг Операцияси сабабли... Бекордан ҳаракат қилибмиз...

“Ҳаммаси Операция сабабли”... Кулгилі, калтафаҳым. Ликопидан бошқасини құрмайды. Агарда у, Операция бұлмаганида, әртага соат 12 да шиша қафасда қулфланган ҳолда, бетокат бұлиб, деворларга чирмашишни бошлашини билганида эди...

Менинг хонамда, соат 15:30 да. Кирганимда - Ю ни құрдим. У столим ортида - сүяклари құриниб турған, қадди ростланған, сабот билан - үнг ёноғини құлиға құйиб үтиради. Афтидан, у мени анчадан бери кутаётғанга үхшайды: чунки мени кутиб олиш учун үрнидан иргиб турғанда, ёноғида бармоқларидан бешта чукурчалар пайдо бұлиб қолғанди.

Бир сонияга менда - үша ноҳуш тонг хотиралари, мана бу ерда, стол олдида - у ғазабланған I нинг олдида... Лекин бир сонияга, холос - сұнгра дархол бугунғи куннинг қуёши билан унтулиб кетди. Баъзида кундузи хонага кираётганингизда чироқни ёқиб кирасиз - чироқ ёнди, аммо унинг борлиги сезилмаяпты ҳам - жуда ҳам кулгилі, noctor, кераксиз чироқ...

Мен, үйланмасдан, унга құлимни узатдим, мен уни кечирғандим - у менинг икки құлимни маҳкам тутиб,

уларни қаттиқ сиқиди ва, қадимги тақинчоқлар каби осилиб турған, ёноклари ҳаяжондан титраб кетди:

- Мен сизни күтгандым... бир дақиқага, холос... мен фақаттана қай даражада баҳтли ва сиз учун қай даражада хурсанд эканлигимни айтмоқчи әдим! Тушуняпсизми: әртага-индинга - сиз бутунлай тузалиб кетасиз, сиз қайтадан туғилдингиз...

Мен стол устида бир варақча күрдим - кечаги қайдимнинг сўнгти икки саҳифаси: уларни уерда қандай қолдирган бўлсам, шундай турибди. Мен уерда нималар ёзганлигимни, у кўрганида... Нима бўлганда ҳам, фарқи йўқ: энди булар - тарих, холос, энди булар - тескари тақилган биноклдаги каби, кулгили даражада олис...

- Ҳа, - дедим мен, - ва биласизми: мана мен ҳозир ҳиёбондан келаётган әдим, қаршимда бир киши чиқиб қолди ва унинг кўприкда сояси тушиб турибди. ...ва биласизми: сояси ўзидан нур таратяпти. Менимча - ишончим комил-ки - әртага бир дона ҳам одамнинг, нарсанинг, куёшнинг сояси қолмайди - у орқали...

У мулојимлик ва жицдийлик билан:

- Сиз - ҳаёлпарастсиз! Мактабдаги ўқувчиларимга бу тарзда гапиришларига рухсат бермасдим...

Яна болалар, у уларни бараварига, подалар каби Операцияга олиб боргани, уерда уларни боғлаб кўйишига тўғри келгани, “севсангиз” аёвсиз, ҳа, аёвсиз “севишингиз” кераклиги ва у, чамаси, ваниҳоят журъат қилиши ҳақида қандайдир гаплар...

Тиззалари орасига кириб қолган кулранг аралаш мовий рангли матони тўғрилаб, индамай, тезлик билан мени бутунлай табассумига кўмиб юборди ва кетди.

...ва - баҳтимизга, қуёш бугун ҳали тұхтамаганди, қуёш югураётганди ва мана соат 16 бўлди, мен эшикни тақиллатяпман - юрагим дук-дук уряпти...

- Киринг!

Ерга - унинг курсиси олдига, оёқларини қучоқлаб, бошимни тепага кўтариб, унинг кўзларига қарайман - навбатма-навбат, бирига ва иккинчисига - ва ҳар бирида - ажойиб асириликда - ўз аксимни кўриш...

Девор ортида эса тўфон, уерда - булутлар тобора чўянилашиб боряпти: ҳа, майли! Миямда - торайиб кетди, баттол - қирғоқлардан чиқиб кетаётган - сўзлар ва мен қуёш билан биргаликда қаергадир учиб кетяпман... йўқ, биз энди каерга эканлигини биламиз - ортимдан сайёralар - олов пурковчи ва алангали, қуйловчи гуллар мавжуд бўлган сайёralар; онгли тошлар уюшган жамиятларда бирлашган соқов, кўк сайёralар; бизнинг еrimiz сингари, мутлақ, юз фоизли баҳт чўққисига эришган сайёralар...

Бирдан - тепадан:

- Юксак чўкки - бу уюшган жамиятда бирлашган тошлар деб ўйламайсанми?

Янада ўткирроқ, янада тўқроқ учбурчак:

- Баҳтчи... Баҳт нима? Ахир истаклар - укубатли, шундай эмасми? ...ва аниқ-ки: баҳт - хеч қандай истакларнинг йўқлиги, бир дона ҳам бўлмаслиги... Биз ҳали ҳамон баҳт олдига плюс белгисини, мутлақ баҳт олдига эса, албатта, минус, илохий минус белгисини қўяётганимиз нақадар катта хато, нақадар маъносиз бидъят.

Мен - эслайман - паришонхотир бир нималар дедим:

- Мутлақ минус – 273° ...
- Минус 273 – айнан. Бироз салқын, аммо бунинг ўзи ҳам биз – чўкқида эканлитигимизни исботламайдими.

Худди анча аввалдаги каби – у менинг ўрнимга, менинг орқамдан гапирганди – менинг фикрларимни очиб берганди. Бироқ бунда қандайдир қўрқинчли ҳолат бор эди – мен бундай қила олмасдим – ва зўр бериб ўзимдан “йўқ” ни чиқардим.

У қулиб юборди, баланд – жуда ҳам баланд. Тез, сонияга, қандайдир чегарагача қулиб олди – қоқилиб кетди – пастига... Пауза.

Ўрнидан турди. Кўлларини менинг елкамга қўйди. Узок, асталик билан тикилиб турди. Сўнгра мени ўзига тортди – ҳеч нима йўқ, биргина унинг ўткир, иссиқ лаблари.

- Алвидо!

Бу менга олисдан, тепадан тезда етиб келмади – балки бир дақиқадан, икки дақиқадан кейин етиб келгандир.

- Нима деганинг бу “алвидо”?
- Сен касалсан-ку, мени деб жиноятлар содир этаётгандинг – нахот булар сен учун азобли бўлмаган бўлса? Энди бўлса, Операция – ва сен мендан тузалиб кетасан. Алвидо.
- Йўқ, - бақириб юбордим мен.

Оқда аёвсиз-ўткир, қора тўртбурчак:

- Нега? Бахтни истамайсанми?

Бошим учиб кетаётганди, икки мантикий поездлар тўқнашиб кетганди, бир бирга ташланиб, бузғунчилик қилиб, тарақларди.

- Хўш, кутяпман – танла: Операция ва юз фоизли баҳт ёки...


“Сенсиз яшай олмайман, сенсиз керак эмас”, - дедим ёки ҳаёлимдагина ўйладим – билмадим, аммо І эшигтанди.

- Ҳа, биламан, - жавоб берди у менга.

Сўнгра – қўлларини елкаларимдан олмай ва қўзлари билан қўзларимни қўйиб юбормай:

- Ундай бўлса – эртагача. Эртага – ўн иккода: эсингдами?
- Йўқ. Бир кунга қолдирилди... Индинга...
- Биз учун яна ҳам яхши. Ўн иккода – индинга.

Мен – коронги кўчадан – ёлғиз кетардим. Шамол мени – варақча каби – айлантирас, олиб кетар, ҳайдар эди; чўян осмоннинг бўлаклари ҳануз учар, улар ҳали чексизлик узра бир неча кун учишлари керак... Мени учрататиётган ракамларимнинг униформалари безовта қиласарди – аммо мен ёлғиз кетардим. Тушуниб тургандим: ҳамма қутқарилди, аммо менга нажот йўқ, мен қутқарилишни хоҳламайман...



Ұттиз иккинчи қайд
Конспект:

Ишонмайман. Тракторлар. Одам пайрақаси.

“

Ұлишиңгизга ишонасизми? Ҳа, одам үлиши мұқаррар, мен – одамман: демак... Йұқ, бундай эмас: мен сиз буни билишиңгизни биламан. Мен сұраёттан нарса: бунга тамомийла, бутунлай, ақлингиз билангина эмас, балки вужудингиз билан ҳам ишонған пайтларингиз бұлғанми; мана бу сахифаны ушлаб турған бармокларингиз, қачондир сарғайыб кетиши, муз каби бұлыб қолишини ҳис қылғанмисиз...

Йұқ: албатта, ишонмайсиз – ва шу сабабли ҳам үзингизни үнинчи қаватдан күпrikка ташламадингиз, шу сабабли ҳам овқат ейсиз, сахифаларни очасиз, соқолингизни оласиз, куласиз, ёзасиз...

Худди шу ҳолат – ха, худди шу ҳолат – бугун менда ҳам. Мен соатдаги анави кичкина қора күрсаткіч шуердан пастта, ярим тунга судралиб тушишини, яна қайтадан аста-секин тепага күтарилишини, қандайдир охирги чизиқни босиб үтишини ва сұнгра әхтимолдан узок бұлған эртага бўлишини биламан. Мен буларни биламан, аммо барибир ҳам негадир ишонмайман – ёки, балки, йигирма тұрт соат менга йигирма тұрт йилдек түйилар. Шунинг учун хали нимадир қилишга, қаергадир шошилишга, саволларга жавоб беришга, трап бўйлаб “Интеграл” га чиқышга вақтим бор деб үйлайман. У ҳануз сувда тебранаётганини сезяпман ва, тутқични маҳкам ушлаб олишим кераклигини ва құлларим остида муздек ойна эканлигини, биляпман. Жонли шаффофф кранлар, гүё турнаники каби бўйинларини эгиб, тумшуқларини чўзиб, меҳр ва мулойимлик билан ИНТЕГРАЛ двигатели

учун керакли бўлган даҳшатли портловчи овқат билан озуқалантирияпти. Пастда дарёда - шамолдан шишиб кетган, кўк сув томирларини, тугунларини аниқ ва равшан кўряпман. Аммо: буларнинг бари мендан айри, менга ёт ва ялпоқ - худди қоғоздаги чизма сингари. Иккинчи Курувчининг ясси чизма каби юзи бирдан гапиришни бошлади - ғалати:

- Хўш: двигателлар учун қанча ёқилғи оламиз? Агарда уч соат деб хисобласак... ха, майли, уч ярим соат...

Қаршимда - лойиҳада, чизмада - ҳисоблагич билан менинг қўлим, логарифмик циферблат, 15 сони.

- Ўн беш тонна. Яхписи... ха: яхписи юз тонна олиб олинг...

Бунинг сабаби мен барибир ҳам эртага, эртага...

Мен ташқаридан - циферблатли қўлим сезилар-сезилмас титрашни бошлаётганини кўряпман.

- Юз? Нега бунча кўп? Ахир бу - бир ҳафтага. Бир ҳафта ҳам эмас: унданда кўпга!

- Ким билсин... нима бўлишини билиб бўлмайди...

- Биламан...

Шамол ҳуштак чаляпти, ҳаво аллақандай кўринмас нарса билан тепагача лиммо лим. Нафас олишга қийналяпман, юришга қийналяпман - қийин, секин, бир сонияга ҳам тўхтамай - хиёбон охиридаги аккумуляторли минора соатининг миллари судраляпти. Минора шпици - булутларда - хира, кўк ва жарангсиз увилаяпти: электр токини симирмоқда.

Мусика Заводининг трубалари гувиллаяпти.

Хар доимгидек - тұртталик сафларда. Аммо сафлар - қандайдир мустаҳкам әмас ва, әхтимол, шамолдан - тебраниб, әгиляпти. Янада құпроқ. Мана нимагадир урилиб, орқага чекиниб кетдилар ва яхлит, караҳт, зич тез-тез нафас олаётган гувалачага айланғилар; ҳамманинг бүйни бирданига жирканч, узун бұлиб қолди.

- Қаранглар! Йұқ, анави томонда – қаранглар, тезрок!
- Улар! Бу улар!
- ...Мен бұлса - ҳеч ҳам! Ҳеч ҳам - яхшиси бошимни Машина...
- Жим! Ақлдан озган...

Бурчакда, аудиториумда - эшик ланг очиқ эди ва уердан - секин ҳаракатланаётган, оғир колонна, элликтача одам. Аслида “одам” сұзи - унчалик тұғри келмайды: оёклар ўрнига - қандайдир оғир, сиқиқ, ғилдиракнинг күринмас приводидан иммилаёттан жисмлар; одамлар ўрнига - қандайдир одамсимон тракторлар. Уларнинг бошларининг тепасида ҳавода тилларанг қуёш тикилған оқ байроқ хилпираяпти ва қуёш нурларида ушбу ёзув:

“Биз бириңчимиз!”

“Биз операциядан үтдик!”

“Ҳамма бизнинг ортимиздан!”

Улар оломон ичидан аста-секин, шиддат билан үтиб кетдилар - ва, бизнинг ўрнимизга уларнинг ийлида девор, дараҳт, уй бұлғанида, улар айни тарзда шиддат билан деворни, дараҳтни, уйни янчиб үтиб кетишлари аниқ эди. Мана - улар деярли хиёбон ўртасига келиб қолди. Құлма-құл ушлашиб, биз томон қараб, занжир бұлиб ёйилдилар. Биз - чиранаёттан, ҳурпайған бошли

гувалача – кутяпмиз. Бўйинлар турналарники каби чўзилган. Булутлар. Шамол ҳуштак чаляпти.

Бирдан қанот занжирлар ўндан-чапдан тезлик билан букилиб кетди ва бизни – худди оғир машина тоф тагига қулагандек – тобора тез – доира ичига олдилар ва очилган эшиклар томон, эшикка, ичкарига...

Кимнингдир ўткир чинқириши:

- Мажбуrlab киргизишмоқда! Қочинглар!

Ҳамма отилди. Деворнинг олдида – ҳануз тирик энгсиз дарвозалар, ҳамма ўша ерга, бошлари билан олдинга – бошлар бир зумда пона каби ўткирланди ва ўткир тирсаклар, қовурғалар, елкалар, бикинлар. Ўт ўчириш шлангида қисилиб қолган сув отилиб чиқишини бошлагандай, тапиллаб юраётган оёқлар, силкинаётган қўллар, униформалар ҳар тарафга сочилишни бошлади. Қаердандир кўзимга бир зумга – S ҳарфи каби икки ёқлама букилган тана, шаффоғ қанот-кулоқлар кўринди – ва сўнгра ғойиб бўлди, ер ютгандай – ва мен ўзим – сониялик қўллар, оёқлар ичида – ютуряпман...

Нафасимни ростлаш учун қандайдир подъездаман – дастлаб орқаси билан эшикка – сўнгра мен томон, шамолдай, митти одам пайраҳаси урилди.

- Мен ҳаммавақт... сизнинг изингиздан... Истамайман – тушуняпсизми – истамайман. Розиман...

Думалоқ, митти қўллар менинг енгимда, думалоқ кўк кўзлар: бу у, О. Девордан судралиб тушиб, ерга чўкиб ўтирди. Пастга, совуқ зиналарда кулча бўлиб ураниб олди ва мен – унинг тепасида, бошини, юзини силаяпман – қўлларим ҳўл. Шундай: худди мен жуда ҳам улкан, у бўлса – жуда ҳам кичкина – менинг кичик бўлагимдек. Бу

ҳолат I билан бўлган ҳолатдан бутунлай фарқли эди ва ҳозир менга: бундай муносабат қадимгиларнинг ўзларининг шахсий фарзандлариiga бўлган муносабатлариiga ўхшаш деган фикр келди.

Пастда - юзни беркитаётган қўллар орасидан - аранг эшитиляпти:

- Мен ҳар кеча... Бундай қила олмайман - агар мени даволашса... Мен ҳар кеча - ёлғиз қоронғулиқда у ҳақида ўйлайман - у қандай бўлиши, мен уни қандай... У ҳолда яшашимда маъно қолмайди-ку - тушуняпсизми? Сиз ҳам мажбурсиз - сиз ҳам мажбурсиз...

Ғалати хис - лекин аслида менинг ишончим комил эди: мен ҳам мажбурман. Ғалати - чунки менинг ушбу бурчим - яна бир жиноят. Ғалати - чунки оқ бир вақтнинг ўзида қора бўла олмайди, бурч ва жиноят - бир-бирига мос келмайди. Ёки ҳаётда на оқ, на қора бор ва ранг фақатгина асосий мантикий йўлланмага боғлик. Агарда унга ноқонуний йўл билан фарзанд берганим йўлланма бўлган бўлса...

- Ҳа, яхши - фақат керак эмас, керак эмас... - деяпман мен. - Тушуняпсизми: мен сизни I нинг олдига олиб боришим керак - ўтган сафар таклиф қилганим каби - у сизни...

- Ҳа... (паст овозда, қўлларини юзидан туширмай).

Мен унинг туришига ёрдам бердим. Индамай - ҳар ким ўз дарди ҳақида - балки иккимиз ҳам бир нарса ҳақида - гира-шира тушаётган кўча бўйлаб, соқов қорамтири уйлар орасидан, шамолнинг тортилган, беаёв шохлари узра...

Аллақандай шаффоф, таранг нуктада - мен шамол хуштаги орасидан орқада таниш, кўлмақда шалопгандек

юрадиган қадам товушларини эшилдим. Бурилишда ўғирилдим – кўприкнинг хира ойнасида акс этган, елдек учаётган булутлар орасида – S ни кўрдим. Ўша захоти қўлларим менга бегона бўлиб, гоҳ у томон, гоҳ бу томон силкинишни бошлади ва мен О га – эртага... ха, эртага – ИНТЕГРАЛнинг илк учиши эканлигини, бу учиш мисли кўрилмаган, мутлақ ажойиб, даҳшатли нарса бўлиши ҳақида баланд овозда айтиб берардим.

О – дум-думалоқ, ҳайрат аро кўм-кўк тарзда менга ва менинг ҳаяжонда маъносиз силкинаётган қўлларимга тикиларди. Аммо мен уни гапиришга қўймай – тинмай валдираяпман, валдираяпман. Ичимда бўлса, алоҳида – бу биргина менга эшитиляпти – бир фикр талвасада ғувиллаб, тақиллаяпти: “Мумкин эмас... қандай қилиб бўлса ҳам... У, S, орқадан эргашиб I нинг олдига боришига йўл қўймаслик лозим...”

Чапга бурилиш ўрнига – мен ўнгга бурилдим. Кўприк ўзининг итоаткор қуллар каби эгилган белини уччаламизга – мен, О ва орқадаги S га – топширди. Сув сатҳига нариги қирғоқдаги ёритилган бинолар чироқлари акси алангалар каби тушиб, саросимада иргиётган, ғазабнок оқ кўпиклар сепилган минглаб учкун парчаларига айланиб сочилиб кетардилар. Шамол, қаердадир пастак қилиб тортилган тор каби, ғувиллаяпти. Тор орасидан – орқадан тинимсиз –

Мен яшайдиган уй. О эшик олдида тўхтаб, нимадир дейишни бошлади:

- Йўқ! Сўз бергандингиз-ку...

Аммо мен унинг гапини тугатишига йўл қўймай эшикни шоша-пиша очдим – ва биз ичкарида, вестибюлда. Назоратчи стол ортида – таниш, ҳаяжон ичра титраётган, осилиб кетган ёноқлар; атрофда эса – бир гала рақамлар –

қандайдир баҳс, иккинчи қават панжарасидан осилиб турган бошлар – битта-битта пастига югуриб тушишяпти. Лекин бу ҳақида – кейин, кейин... Ҳозир бўлса, О ни зудлик билан қарама-қарши тарафдаги бурчак томон етакладим, деворга ўгирилиб чўқкаладим (девор ортида: йўлак бўйлаб, орқага-олдинга қора, катта бошли шарпа судралиб юрганини кўрдим) ва ён дафтарчамни чиқардим.

О - асталик билан курсисига ўтиради – худди униформаси остида бадани эриб, буғланиб кетаётгандек ва ундан биргина бўш кўйлак ва бўш – кўк бўшлиқ ичитга ютиб юборувчи – кўзлар қолгандек. Толиққан тарзда:

- Нега мени буерга олиб келдингиз? Мени алдадингизми?
- Йўқ... Жим бўлинг! Анави томонга қаранг: девор ортида – кўряпсизми?
- Ҳа. Шарпа.
- У – доим орқамдан... Қўлимдан келмайди. Тушуняпсизми – мумкин эмас. Ҳозир иккита сўз ёзаман – уларни олиб, ўзингиз борасиз. Биламан: у буерда қолади.

Униформа остида – тўлишган бадан яна қимирлашни бошлади, қорни бироз думалоқ шакл олди, ёноқларида – сахар, сезилар-сезилмас тонг отмоқда.

Унинг совук бармоқлари орасига мактубни солдим ва қўлинни маҳкам сикдим; сўнгги бор унинг кўм-кўк кўзларидан тўйиб симиридим.

- Алвидо! Балки яна қачондир...

У қўлини чиқарди. Букчайиб, секин юриб кетди – икки қадам ўтиб, тезда ўгирилди – ва яна рўпарамда. Лаблари

қимирлаяпти – күзлари, лаблари – бутун борлиги – менга қандайдыр сұзни қайта-қайта – ва нақадар чидаб бўлмас табассум, нақадар дард...

Ундан кейин эгилган одам пайраҳаси эшикда, девор ортида кичкина шарпа – ўғирилмай, тезда – янада тезроқ...

Мен Ю нинг столи олдига бордим. Ойқулоқларини ҳаяжондан, ғазабдан шишириб, у менга деди:

- Тушуняпсизми – хамма ёппасига ақлдан озгандай! Манави, гүё Қадимги Уй атрофида яланғоч ва бошдан-оёқ жун билан қопланган одамни кўрдим, деб айтяпти...


Бўш, ҳурпайган бошлардан иборат тўдадан – бир овоз:

- Ҳа! Яна бир бор қайтараман: ҳа, кўрдим.
- Ҳўш, нима дейсиз? Сафсата!

Ю нинг бу “сафсата”си – шу даражада ишонч тўла, эгилмас эди-ки, ўз-ўзимга савол бердим: “Охирги пайт мен билан ва атрофимда содир бўлаётганлар аслида сафсата эмасмикин?”

Лекин паҳмоқ қўлларимга қарадим – ва эсладим: “Сенда ҳам, менимча, ўрмон қонининг томчилари бўлса керак. Балки айнан шу сабабли мен сени...”

Йўқ: баҳтимга – сафсата эмас. Йўқ: баҳтга қарши – сафсата эмас.



Ўттиз учинчи қайд
Конспект:

(Конспектсиз, шоша-пиша, охирги)

“ Бу кун – келди.

Шошилганча газетани олдим: эҳтимол – унда... Газетани қўзларим билан ўқияпман (ха, худди шундай: айни дамда қўзларим қалам, ҳисоблагич сингари эди: уларни кўлларингда ушлаб, уларнинг ёт, аллақандай бир ускуна – худди қалам, ҳисоблагич сингари – эканликларини ҳис қиласан.

Бош саҳифада катта-катта ҳарфлар билан:

“Бахт душманлари ғафлат босиб ўтирмайди. Иккала қўлингиз билан баҳтни маҳкам тутинг! Эртага ишлар тўхтатилиб турилади – барча рақамлар Операцияга келадилар. Келмаганлар эса – Валинеъматнинг Машинаси билан жазоланадилар”.

Эртага! Ахир – ахир, қандайдир “эрта” бўлиш эҳтимоли борми?

Кундалик инерцияга кўра мен қўлимни (ускунани) китоб жавонига узатдим – бугунги газетани, олтин муқова билан безатилган, газеталар ичига солиб қўйдим. Йўлда: “Нега? Барибир эмасми? Ахир буерга, бу хонага – мен ортиқ ҳеч қачон, ҳеч қачон...”

...ва газета қўлимдан сирпаниб – ерга тушди. Мен эса турган жойимда хонанинг ҳамма-ҳаммаёгини қўздан кечиряпман; шоша-пиша ҳамма нарсаларимни тўплаяпман – талвасада, қолдириб кетишга ачинган, нарсаларимни кўринмас чемоданга жойлаяпман. Стол.

Китоблар. Курси. Ўшандада I курсида ўтирганди – мен эса пастда, ерда... Каравот...

Бир, икки дақиқа давомида – аллақандай мұғыжизани бемаңнilarча кутяпман, әхтимол – телефон жириңглаб кетар, әхтимол, удир...

Йұқ. Мұғыжиза рүй бермади...

Мен номаңлумлик сари кетмоқдаман. Бу – сұнгги мисраларим. Сизларга, нотанишларга, сизларга – барча сахифаларни мен билан бирга бошдан кечирган, қалбим бетоб бұлиб қолганини айтиб берган – бутун борлиғимни сұнгти бурамасигача, сұнгти пружинасигача күрсаттан – азизларимга – алвидо...

Мен кетмоқдаман.

Ŷуттиз тұртингчи қайд
Конспект:

**Озод қилингандар. Қуёшли тун.
Радио-валкирия⁵⁰.**

“

Ох, қани энди мен ҳақиқатдан ҳам ҳаммани ва үзимни бутунлай нобуд қила олғанимда, қани энди мен ростдан ҳам - у билан бирга - Деворнинг ортидаги бирор жойда, сарғайған қозиқтишларини күрсатиб турған ҳайвонлар орасыда бўлиб қолсан; қани энди мен чиндан ҳам буерга ортиқ ҳеч қачон қайтиб келмасам. Минг - миллион марта енгиллардим. Эндичи - нима бўлади? Бориб, уни бўғиб... Аммо бундай қилишнинг бирор нафи борми?

Йўқ, йўқ, йўқ! Ўзингни қўлга ол, Д-503. Ўзингни мустаҳкам мантиқий ўққа ўтқаз - бирозга бўлса ҳам, бор кучинг билан дастакка ётиб ол - ва, қадимги асиirlар каби, - бўлиб ўтганларни қайд этиб, таҳлил қилиб бўлгунинга қадар - силлогизмлар тегирмонини ағдариб тўнтар...

ИНТЕГРАЛга кирганимда - ҳамма йиғилиб бўлганди; ҳамма ўз жой-жойида эди; улкан, шишадан бўлган асалари уясининг барча мумкатақлари тўла эди. Палубалар ойнасидан - телеграфлар, динамолар, трансформаторлар, алтиметрлар, жўмраклар, кўрсаткичлар, двигателлар, насослар, трубалар олдида - пастда митти, чумоли каби кичик одамлар.

⁵⁰ Валкирия – Скандинавия афсоналарига кўра, шон-шарафга эришган жангчининг қизи бўлиб, у жанг майдони узра ўзининг қанотли отида учиб, жангда ҳалок бўлган аскарларнинг қай бири осмондаги ҳашаматли бинога – Валхаллага - тушишларини ҳал қиласди

Кают-компанияларда⁵¹ – аллақандай жадваллар ва асбоблар устида – чамаси, Илмий Бюро томонидан хизмат сафарига чиққанлар бўлса керак. Улар олдида эса – Иккинчи Курувчи ўзининг икки ёрдамчиси билан.

Учовининг ҳам бошлари, тошбақаларники каби, елкасига қисилган, юzlари – кулранг, кузги, нурсиз.

- Хўш? – сўрадим мен.
- Ҳа... Бироз қўрқинчлироқ... – нурсиз жилмайиб қўйди у. – Балки бутунлай нотаниш жойда қўнишимиизга тўғри келар. Аслида – ноаниқ...

Уларга – бир соатдан сўнг ўз қўлларим билан Соат Лавхининг шинам сонларидан, Ягона Давлатнинг оналик бағридан бутун умрга улоқтириб юборадиган кимсаларга – қараш менга ноқулай эди. Улар менга, биздаги ҳар бир мактаб ўқувчисига таниш бўлган, “Уч Озод Қилингандар” ҳикоясидаги фожиали сиймоларни эслатиб юборди. Бу ҳикоя уч рақамнинг тажриба учун бир ой ишдан озод қилингандарлари ҳақида: хоҳлаганингни қил, қаерга борсанг бор. Бечоралар одатий иш жойлари атрофида сандироклаб юрар ва оч кўзлари билан ичкарига назар ташлар эди; майдонларда тўхтаб, куннинг маълум бир қисмида организмларининг эҳтиёжига айланган ҳаракатларни соатлар давомида қайта-қайта бажарапдилар: ҳавони арралаб рандалар, кўринмас болға ва болванкаларни тарақлатар эдилар. Ванихоят, ўнинчи куни ортиқ чидай олмай қолдилар: қўл ушлашиб, ўзларини сувга отдилар ва, сув уларнинг уқубатларига чек қўймагунга қадар, Марш садолари остида тобора чўкиб борардилар...

⁵¹ Оддий кемада йўловчилар учун, ҳарбий кемада офицерлар учун умумий хона

Қайтараман: уларга қараң өгір әди; мен кетишга шошилардим.

- Двигателларни бирров текшириб чиқаман, - дедим мен, - ва сұнgra йұлға чиқамиз.

Мендан нималарни дір - ИНТЕГРАЛни ишга солиши учун қандай волтажни танлаш кераклигини, ёқилғи цистернаси учун қанча мікдорда сув балласти олиш зарурлигини - сұрадылар. Ичимда қандайдір граммофон янграрди: у барча саволларга тез ва аник жавоб берарди, мен бұлса - ичимда тинмай үз үйларим билан.

Бирдан тор дахлизда бир нима ичимга тушиб қолди ва, аслида, хаммаси үша ондан бошланди.

Тор дахлизда олдымдан кулранг униформалар, кулранг чехралар үтиб кетар ва улар орасида биттаси бир сонияга күзимга ташланды: пешонасигача тушган соchlар, зимдан бокәёттан күзлар - худди үша. Тушундым: улар буерда ва мен бу ҳолатдан ҳеч қаерга қочиб қутила олмайман; бир неча дақиқагина вақт қолди - үн, йигирма, үттиз... Танамдаги барча толаларим енгил титраб кетди (бу титроқ сұнгта қадар тұхтамади) - худди улкан мотор үрнатылғандек ва баданимнинг биноси ортиқча даражада енгилдек; мана хамма деворлар, тахталар, симлар, тұсынлар, оловлар - барчаси титраяпти...

У буердами, ҳануз билмайман. Аммо ошиқча вақт үйк - тезроқ рубкага⁵² чиқишим учун орқамдан одам жұнатыбдилар: йұлға чиқиши вақти келди... қаерга?

Нурсиз, кулранг юзлар. Пастда, сувда пружина каби күк томирлар. Осмоннинг оғир, чүян қатламлари. Құлымни

⁵² Кема палубаси устига курилған ва кемани бошқариш постлари турадиган жой

күтариб, буйруқ берадиган телефон гүшагини олиш ҳам шу каби оғир.

- Тегага - 45° га!

Жарангиз портлаш - туртки - қуйруқдаги оқ-яшил ғазабнок сув уюми - оёқ остидаги юмшок, резина палуба силжиб кетяпти - пастдаги ҳамма нарса, бутун ҳаёт, абадият... Бир онга - аллақандай чукурга, тобора чукурроқ қулар эканмиз, атроф қисилиб борар эди - шаҳарнинг бўртиб чиққан, кўк-муз чизмаси, гумбазларнинг думалоқ пуфаклари, аккумуляторли миноранинг танҳо кўргошин қўли. Сўнгра - булувларнинг бир лаҳзали пардаси - биз унинг орасидан ўтдик - ва қуёш, кўм-кўк осмон. Сониялар, дақиқалар, милялар - кўм-кўклиқ қотиб, қорамтирлашиб боряпти ва, совук кумуш тер томчилари каби, юлдузлар фалак юзасида пайдо бўляпти...

Мана - даҳшатли, чидаб бўлмас даражада ёркин, қора, юлдузли, қуёшли тун. Ҳудди бирдан кар бўлиб қолдингиз: трубалар ўқираётганини кўриб турибсиз, бироқ кўряпсиз, холос: трубалар гунг, сукунат. Қуёш - худди шу сингари - соқов эди.

Бу ҳолат табиий, қутилган ҳолат эди. Биз ер атмосферасидан чиқдик. Лекин ҳамманарса қандайдир ўта тез, бехосдан бўлиб кетяпти - бунинг натижасида ҳамма ҳайикиб, жим бўлиб қолди. Менга - менга бўлса, бу ҳаёлий, гунг қуёш остида ҳаммаёқ осонроқ туйилди: худди мен, сўнгти бор ғужжайиб, муқаррар останани босиб ўтдим ва танам қаерлардадир пастда; мен бўлса, ҳаммаёқ тескари, бошқача бўлиши керак бўлган янги дунёда сузиб кетяпман...

- Баракалла, - бақирдим мен машинага - ёки мен эмас, мендаги анави граммофон бақирди - ва граммофон

механик, ошиқ-мошиқ құли билан Иккінчи Қуруувчига буйруқ гүшагини узатди.

Бутун толаларимгача борган енгил титроққа ұранган мен бұлса, пастта югуриб кетдим...

Кают-компания әшиги - үша әшик: бир соатдан кейин оғир ғирчиллаб очилади, ёпилади... Әшик олдида – менга нотаниш бұлған, пастак бүйли, юзлар, минглар оломонида таниб бұлмас чөхра; унинг биргина тиззасигача тушган, ғаройиб даражада узун құллари ноодатий эди: гүё, адашиб, бошқа бирорнинг құлинин шоша-пиша олиб қўйғандек.

Узун құл чўзилиб, йўлни тўсди:

- Қаерга кетяпсиз?

Англадим: у ҳамма нарсани билишимдан бехабар. Ҳа, майли: балки – шундай бўлиши керакдир. Мен тепадан атайлаб кесин овозда:

- Мен ИНТЕГРАЛНИНГ Қурувчисиман ва синовларни мен бошқараман. Тушундингизми?

Қўллар ғойиб бўлди.

Кают-компания. Асбоблар, ҳариталар устидан – кулранг калта қил босган бошлар – ва сарик, кал, кўр бошлар. Зудлик билан ҳаммани – нигоҳим билан – ҳовучимда тўплаб, орқага, даҳлиз бўйлаб, трапда, пастта, двигателлар олдига йўл олдим. Уерда портлашлардан қизиб кетган трубалардан чиқиб турган иссиқ ва шовқин, ноумид маст ҳаракатланишда ялтираётган чивин ғумбаги, бир сонияга ҳам тўхтамайдиган, сезилар-сезилмас титроқдаги циферблат кўрсаткичлари...

Мана – ванихоят – тахометр⁵³ олдида – у ён дафтарчасини пешонасигача тираб олиб...

- Менга қаранг... (Тарақ-турук; қулоғига бакириш керак.)
У буердами? Қани у?

Сояда – зимдан – жилмайиш:

- У? Анави ерда. Радиотелефон олдида...

Мен – у томон. Улар уерда – уч киши. Ҳаммаси – қанотли тинглаш қалпокларини кийиб олган. У – гүё одатдагидан бир қарич баланддек, қанотли, ярқировчи, учадиган – худди қадимги валкириялар каби ва тепада, радиошиппәдә гүё улкан, құқ үчқунлар – ва улар ундан чикяпти, ундан буерда – енгил, чақмоқли, озон хиди.

- Кимдир... йўқ, ҳеч бўлмаса – сиз... – дедим мен унга, (югуришдан) нафасим қайтиб. – Пастга, ерга, эллингта бериб қўйишимиз керак... Бўлақолинг, мен айтиб тураман...

Усқуналар олдида – кичик каюта-кути. Стол ортида, олдимда. Уни топдим, қўлинни маҳкам қисиб олдим:

- Хўш? Нима бўлади энди?

- Билмайман. Нақадар ажойиблигини тушуняпсанми: билмасам – қаерга бўлса ҳам – учиш... Ҳадемай ўн икки бўлади – нима бўлиши ноаниқ. Тун... биз сен билан қайда тунаб қоламиз? Балки – майса устида, қуриган барглар ичидадир...

Ундан – қўқ учқунлар чикяпти ва момақалдироқ хиди келяпти ва мен титраб кетдим – титроғим тобора тезлашарди.

⁵³ Айланиш тезлигини ўлчайдиган асбоб

- Ёзиб қўйинг, - дедим мен баланд овозда, (югуришдан) ҳануз ҳансирааб. – Соат 11:30. Тезлик: 6800...

У қанотли шлем остидан, кўзларини қоғоздан узмасдан:

- ...Кеча кечки пайт сенинг хатингни олиб келди... Биламан – ҳаммасини биламан: жим бўл. Аммо бола сеники-ку, шундай эмасми? Мен уни жўнатиб юбордим – у аллақачон Девор ортида. У тирик қолади...

Мен яна рубкадаман. Яна – юлдузли кора осмон ва кўз қамаштирувчи ёрқин тун; аста-секин бир дақиқадан иккинчи дақиқага оқсоқланиб ўтувчи девордаги соат миллари; ва ҳаммаёқ, худди туманда, (биргина менга) аранг сезилаётган титроқ либосига бурканган.

Негадир: буларнинг ҳаммаси буерда эмас, ерга яқинроқда содир бўлса яхшироқ бўладигандек туйилди.

- Стоп, - бақирдим мен машинага.

Ҳануз олдинга – инерцияга қўра, - бироқ тобора секироқ. Мана энди ИНТЕГРАЛ қандайдир сонияли толага илашиб, бир онга қимиirlамай қолди, сўнгра тола ёрилиб кетди ва ИНТЕГРАЛ, тош каби, пастга – юкори тезлик билан. Сукунатда дақиқалар, ўнлаб дақиқалар ўтди – юрак уришлари эшитиляпти – кўз олдимдаги соат миллари тобора 12 га яқинлашмоқда ва мен тушундим: мен – тошман, I – ер, мен – кимдир томонидан отиб юборилган тош ва тош ерга тушишга, чилпарчин бўлишга тоқатсизланяпти... Агарда... – пастда булултарнинг қаттиқ, кўк тутуни – Агарда...

Аммо мендаги граммофон – аниқлик билан буйруқ гўшагини олди, “кичик юриш” буйругини берди ва тош ерга тушишдан тўхтади. Биргина пастки тўрт шох – икки ёқилғи ва икки кема тумшуғининг шохлари –

ИНТЕГРАЛни бутунлай харакатсизлантириш учун, пишқириб турибди, холос. ИНТЕГРАЛ бироз сесканиб, худди лангардадек, ердан бир қанча километр узоклиқда, ҳавода мустаҳкам қад ростлади.

Ҳамма палубага чиқар (хозир 12 бүлди, тушлик күнғироғи) ва, шишли планширдан эгилиб, шоша-пиша, залп билан пастдаги нотаниш, деворорти дунёни күzlари билан ютар эдилар. Қаҳраболи, яшил, күк: куз ўрмони, майсазорлар, күл. Күк ликопча қиррасида аллақандай сарық, сұяқдан бүлган ҳаробалар, сарғайиб, қуриб кетган бармоқ чиқиб турибди – чамаси, мұъжиза билан сақланиб қолган қадимги черковнинг минораси бўлса керак.

- Қаранглар, қаранглар! Анави ерда – ўнгроқда!

Үерда – зангори даштда – қандайдир тезкор, жигарранг сояли бир доғ учарди. Менинг күлимда бинокол бор эди ва мен уни тездә күзимга тутдим: күкрагигача ўт-ўланда, думлари билан ҳаммаёқни тұзғитиб, жигарранг отлар тұдаси чопарди, уларнинг белларида эса – ўша қоратүрик чавкар, ок, зог-заганли...

Менинг орқамда:

- Яна қайтаряпман: мен бир чехра күрдим.
- Құйсанғизчи! Бошқаларни алданг!
- Мана, мана ўзингиз биноколда күринг...

Аммо у ғойиб бўлиб бўлганди. Бепоён яшил дашт...

Чўлда – уни, мени ва ҳаммани тамомийла тўлдириб – күнғироқ қаттиқ чаларди: тушлик, бир дақиқадан сұнг – 12.

Лаҳзаларга, айри-айри бўлакларга бўлинниб кетган дунё. Зиналарда - кимнингдир жарангдор тилла қўкрак нишони - ва менга унинг фарқи йўқ: мана у оёғим остида қирсилаб синди. Кимнингдир овози: "Мен бўлса, бир чехра қўрдим деяпман!". Қора квадрат: кают-компаниянинг очик эшиги. Сиқилган, оқ, ўткир жилмаювчи тишлар...

Соатлар, ўлчаб бўлмас даражада секин, бир юрак уришидан иккинчисигача нафас олмай, уришни, олди қаторлар қимирилашни бошлаган онларида, эшик квадрати бирдан икки таниш, ноодатий тарзда узун бўлган қўллар билан беркитилди:

- Тўхтанг!

Кафтимни бармоқлар маҳкам ушлаб олди; олдимда I бор эди.

- Ким? Уни танимайсанми?

- Ахир... ахир бу...

У - елкаларда. Юзлаб чехралар устидан - унинг юзинчи, мингинчи ва ягона юзи:

- Валинеъмат номидан... Сизларга - мен кимга гапирсам, улар мени тинглайди - сизларга айтяпман: биз биламиз. Биз сизларнинг рақамларингизни ҳали билмаймиз, аммо бизнинг ҳаммасидан хабаримиз бор. ИНТЕГРАЛ сизники бўлмайди! Синов охиригача ўtkазилади ва сизлар бўлса - сизлар қимирилашга ортиқ журъат қила олмайсизлар - сизлар ўз қўлларингиз билан буни амалга оширасиз. Сўнгра... Ҳа, майли, менинг гапим тугади...

Сукунат. Оёқ остидаги ойнадан бўлган плиталар - юмшаб кетган, паҳтадай юмшоқ ва менинг оёқларим ҳам худди

шундай. Олдимда турган – оппоқ табассум, газаб отига минган, күк учқунлар. Тишлари орасида қулоғимга:

- Демак, сиз эканда? Сиз – “бурчингизни адо қилдингизми”? Ҳа, майли...

Құл менинг құлларимдан чиқиб кетди, валкирияларники каби, ғазабнок қанотли қалпоқ – қаердадир олдинда. Мен – қолғанлар каби, музлаб қолған ҳолда, индамай қаот-компанияга кетяпман...

“Ахир мен эмас-ку – мен эмас! Мен бу ҳақида ҳеч ким билан, мана бу оқ, унсиз сахифалардан ташқари ҳеч кимга...”

Ичимда – товушсиз, ноумид, баланд – унга бу гапларни бақирадим. У менинг қаршимда, мендан бир стол нарида ўтиради – ва у менга бир бора ҳам, күзининг учи билан ҳам қараб қўймади. Унинг олдида – қандайдир сарик кал. Эшитяпман (I нинг овози):

- “Олийжаноблик”? Аммо, хурматли профессор, бу сўзнинг оддий филологик таҳлилидан ҳам унинг қадимги феодал даврларнинг хурофоти, сарқити эканлиги кўриниб туради-ку. Биз бўлса...

Ҳис қилардим: оқарив кетяпман – ва ҳозир ҳамма буни кўриб қолади... Аммо ичимдаги граммафон ҳар бир тишлам учун белгиланган эллик чайнашни бажааради; мен, худди қадимги хира уйдаги сингари, ўзимга беркиниб, қулфланиб олдим – эшикларни тошлар билан беркитдим, ойналарни пардалар билан ёпдим...

Сўнгра – қўлимда буйруқ гўшаги ва – музли, сўнгги ҳасратда – булутлар орасидан – қаҳратон, юлдузли, нурли тун узра – учиш. Дақиқалар, соатлар. Ичимда тинмай талвасада, бор тезликда ҳаракатланаётган, ўзимга ҳам

эшитилмаётган мантикий мотор. Негаки күк фазонинг қандайдир нуқтасида: менинг иш столим, унинг устида - Ю нинг ойқулоқсимон ёноклари, қайдларимнинг унутилган сахифаси. Тушундим: ундан бошқа ҳеч ким - тушундим...

Эх, қани энди, қани энди радиога ета олсам... Қанотли қалпоқлар, күм-күк чақмоқлар ҳиди... Эсимда - мен унга нималарнидир баланд овозда гапирадим, у бўлса - худди мени кўрмагандек, худди мен шишадан бўлгандек, бўшлиққа узоқдан қараб:

- Мен бандман: пастдан қабул қиляпман. Мана буни унга айтинг...

Митти қути-каютада бир дақиқа ўйлаб, айтдим:

- Соат - 14:40. Пастга! Двигателлар тўхтатилсин. Барчаси тугади.

Буйруқ трубкаси. ИНТЕГРАЛНИНГ машина-юраги тўхтатилди, биз пастга тушяпмиз ва менинг юрагим - тушиб улгирмаяпти, қолиб кетди, тобора бўйнимга кўтариляпти. Булутлар - ва сўнгра олисда яшил доғ - яшил қўюқлашиб, аниқлашиб боряпти - биз томон ўқмолича учяпти - ҳозир тугайди -

Иккинчи Қурувчининг фаянс каби оқ, дабдаласи чиқсан юзи. Чамаси, у мени бор кучи билан итариб юборган ва мен нимагадир бошим билан урилганман; кўз олдим қоронғулашиб, пастга тушаётиб, мужмал эшитардим:

- Двигателлар - тўлиқ тезликка!

Тепага кескин кўтарилиш... Қолгани эсимда йўқ.



ЎТТИЗ БЕШИНЧИ ҚАЙД
КОНСПЕКТ:

Чамбаракда. Сабзи. Қотиллик.

“

Тун бўйи ухламадим. Тун бўйи - бир нарса ҳақида...

Кечаги бўлганлардан сўнг бошим бинтлар билан маҳкам ўралган. Хўш: улар бинтлар эмас, чамбарак; шиша пўлатдан ясалган аёвсиз чамбарак бошимга ёпиширилган ва мен биргина тунука айланада қайта-қайта айланяпман: Ю ни ўлдириш. Ю ни ўлдириб, сўнгра унинг олдига бориб: “Энди ишонасанми?” дейиш. Энг ёқимсизи - қотиллик қандайдир кир, ўтмишдан қолган; бошни нимадир билан уриб ёриш - бундан оғзимда аллақандай жирканч, ширин нарсанинг таъми келяпти ва мен сўлагимни ютиб юбора олмаяпман: уни тинмай рўмолчамга тупуриб юборяпман, оғзим қуриб кетди.

Шкафимда қуймадан кейин дарз кетган поршенли оғир шток⁵⁴ ётарди (ёрилишнинг тузилишини микроскоп остида кўриб чиқишим керак эди). Қайдларимни най шаклида ўрадим (у менинг бутун борлигимни - сўнгги ҳарфигача - ўқиб чиксин), шток бўлагини унинг ичига солдим ва пастта отландим. Зинапоя - чексиз, зиналар - қандайдир ифлос сирпанчик, ингичка, тинмай - оғзимни рўмолча билан артиш...

Пастда. Юрагим гумбирлаб тушди. Тўхтадим, штокни чиқардим - назоратчи столи томон -

Аммо уерда Ю йўқ эди: бўм-бўш, муз каби совуқ тахта. Эсладим: бугун - ҳамма ишлар бекор қилинган; ҳамма

⁵⁴ Тех. Поршен ва ползунни бирлаштирувчи қисм

Операцияга бориши керак. Тушунарли: бугун буерда ҳеч кимни қайддан ўтказишга ҳожат йўқ...

Кўчада. Шамол. Осмон шиддат билан ҳаракатланаётган чўян тоштахталардан ташкил топган. Худди кеча қайсиdir онда бўлгани каби: бутун олам алоҳида-алоҳида, ўткир, мустақил бўлакларга бўлинган ва уларнинг ҳар бири, пастга елдай учиб тушар экан, бир сонияда тўхтаб, менинг қаршимда ҳавода осилиб қоларди ва иссиз гойиб бўларди.

Гўё бу саҳифадаги қора, аниқ ҳарфлар бирдан силжиб, даҳшатда ҳар қаерга сакраб кетганидан, бир дона ҳам сўз қолмагандек, биргина маъносиз ҳарфлар йигиндиси: ҳша-сакр-гў—. Кўчада – худди шу каби сочилиб кетган, сафқаторлардан чиқиб кетган оломон – тўғридан, орқага, қиялаб, кўндаланг.

Кимса йўқ. Бир лаҳзага, елдек учар экан, тўхтаб қолди: ана, иккинчи қаватда, шишали, ҳавода осилиб қолган қафасда – эркак ва аёл – турган жойларида ўпишишяпти – аёлнинг бадани, худди сингандай, орқага эгилди. Бу – абадиян, сўнги бор...

Қандайдир бурчакда – қимиirlаётган, каллалардан иборат бута. Бута устида – алоҳида, ҳавода – байроқ, сўзлар:

“Машиналар даф бўлсин!”

“Операция даф бўлсин!”

(Мендан) алоҳида – ҳар сония ўйлаётган мен: “Наҳотки ҳар кимда ичдан – фақатгина юрак билан бирга – ташқарига пуркаб чиқариб сўкиб ташлаш мумкин бўлган ҳасрат бўлса ва ҳар ким бир нима қилишдан аввал...” Бир

сонияга - бутун дунёда (менинг) чўян каби оғир ўрамимдан бошқа ҳеч нарса мавжуд эмасди...

Энди - болакай: бутунлай - олдинга, унинг пастки лаби остида - соя. Пастки лаби - қайтарилиган енг каби чиқиб турган, бутун юзи чиқиб турган - у хўнграб йиглаяпти - кимдандир бор кучи билан қочяпти - унинг ортидан қадамлар...

Болакайдан: "Ҳа, Ю - ҳозир мактабда бўлса керак, тезроқ" деган овоз келди. Мен яқинлардаги ертўлага тушиш жойига шошилдим.

Эшик олдида кимдир югуриб:

- Юрмайди! Поездлар бугун юрмайди! Анави ерда -

Мен тушдим. Уерда мутлақ тутуриксиз ҳолат. Қиррали биллур қуёшларнинг ялтираши. Бошлиар билан зич тўлдирилган платформа. Бўм-бўш, қотиб қолган поезд.

Жимжитликда - овоз. У - кўринмаяпти, аммо мен танийман, мен бу дадил, эгилувчан, хивчин каби саваловчи бу овозни танийман - қаердадир чаккагача чимирилган қошларнинг ўткир учбурчаги турибди... Мен бакириб юбордим:

- Қўйиб юборсангизчи! Мени уерга қўйиб юборинг!
Мен...

Аммо кимнингдир қисқичлари менинг қўлларимдан, елкаларимдан ушлаб олди. Жимжитликда - овоз:

- ...Йўқ: тепага югулинг! Уерда сизни даволаб қўядилар, уерда сизга тўйгунингизгача тотли баҳт берадилар ва қорни тўйған сизлар, бир маромда, уюшган ҳолда ҳуррак отиб, осуда ухлайсизлар. Наҳот сизлар ҳурракларнинг улуғ симфониясини эшитмаяпсиз? Тентаклар: сизларни,

чувалчанг каби буралиб-буралиб кетадиган, қурт каби оғрикли кемирудчи, сұроқ белгиларидан озод қилишмоқчи. Сизлар бұлса буерда туриб, менинг тингляяпсизлар. Тезроқ - тепага - Буюк Операция! Буерда ёлғиз қолсам, сизга нима? Мен учун бошқалар исташларини хоҳламасам, үзимнинг истагим бўлишини хоҳласам, сизга нима? Имконсиз нарсани хоҳласам, сизга нима?

Бошқа - секин, оғир - овоз:

- Аҳа! Имконсиз нарсани? Бу бемаъни ҳаёлларинг ортидан югуриш деганидир; улар кейин сенинг бурнинг олдида думларини ўйнатиб турсинларми? Йўқ: биз - думдан ушлаб, остимизга, сўнгра...
- Сўнгра - бир ямлаб ютасизлар, хуррак отиб нобуд қиласизлар - бурун олдида янги дум керак. Айтишларича, қадимгиларнинг шундай ҳайвони бўлган экан: эшак. Уни тинмай олдинга қараб юришга мажбуrlаш учун - унинг тумшуғи олдига, арава шотига, эшак ола олмайдиган қилиб, сабзи боғлаб қўярди эканлар. Агар олиб, еб қўйса...

Бирдан қисқичлар мени қўйиб юборди, мен, у гапириб турган, марказга отилдим - ўша он ҳамма тўкилиб, қисилиб кетди - орқадан кимдир бақирди: "Буерга, буерга келишяпти!". Чироқ ўйнаб кетди ва ўчди - кимдир симни кесиб қўйибди - шиддатли оқим, бақир-чақирлар, хириллашлар, каллалар, бармоқлар...

Ертұла трубасида бу холда қанча вақт думалаб тушганимизни билмайман. Ваниҳоят: зиналар - ғира-шира - ёруғлашиб боряпти - ва биз яна қўчадамиз - елпигичдай, ҳар томонга...

Мана - ёлгизман. Шамол, кулранг, пастак - бошимга тегай-тегай дейди - оқшом. Йўлакнинг хўл ойнасида - жуда ҳам чуқурда - чироклар, деворлар, оёғи-осмондан ҳолатда юраётган жисмлар тўнтарилганди. Қўлимда ақлбовар қилмас даражада оғир бўлган ўрам мени чуқурга, тубга тортиб кетяпти.

Пастда, стол ортида, Ю ҳали ҳам йўқ эди ва унинг бўм-бўш, коронғу хонаси.

Хонамга чикиб, чирокни ёқдим. Чамбаракдай таранг тортилган чақкаларим тақилларди, мен - бир доирадан чиқа олмай - айланада юрардим: стол, стол устида оқ ўрам, каравот, эшиқ, стол, оқ ўрам... Хонанинг чап томонидаги пардалар туширилган. Ўнг тарафда: китоб устида - шишган кал бош ва - улкан сариқ парабола⁵⁵ каби - пешона. Пешонада ажинлар - тушуниб бўлмас, сариқ мисралар қатори. Баъзида қўзимиз-қўзимизга тушиб қолади ва мен у он хис қиласман: бу сариқ мисралар мен ҳақимда ёзилган.

...Роппа-роса 21 да содир бўлди. Ю ёлғиз ўзи келди. Хотирамда бир нарса аниқ сақланиб қолди: мен овоз чиқариб нафас олардим ва бу овозни ўзим ҳам эшитардим; овозимни қанча пасайтиргим келмасада, қўлимдан келмасди.

У ўтирди, тиззаларидағи униформасини тўғирлади. Пушти аралаш жигарранг ойкулоқлари кимиirlарди.

- Ах, азизим, демак, сиз яраланганингиз тўғри эканда? Билишим биланоқ - дарҳол...

Шток стол устида қаршимда. Янада баландроқ нафас олиб, сапчиб туриб кетдим. У эшитди, гапини тутатмай

⁵⁵ Математикага оид атама. Эгри чизиқнинг бир тури

тұхтади, нимагадир у ҳам үрнидан турди. Бу онни ақлимда аллақачон күриб бұлғандым, оғзимда жирканч, шириң таъм... рұмолча, рұмолчам йүқ – ерга туфладим.

Үнг девор ортидаги – сарық, тикилиб турған ажинлар – мен ҳақимда. У күрмаслиги керак, у қараб турса, янада ёқимсизроқ... Тугмачани әздім – бунга ҳақым бұлмаса ҳам, ахир, бунинг ҳозир қизиғи йүқ-ку – пардалар түшди...

У, чамаси, ҳис қилди, тушунди, эшик томон үзини отди. Аммо мен унинг үүлини тұсдім ва, овоз чиқариб нафас олиб, бошидаги үша жойдан бир сонияга ҳам күзимни узмай...

- Сиз... сиз ақлдан озибсиз! Журъат қила олмайсиз... – у менга орқага қараб юрди, каравотта үтири, тұғрироғи үтириб қолди – кафтлари бирлаштирилган құлларини тиззалари орасига тиқди. Айни диққат-эътибор билан, уни күзларим билан арконда ушлаб, мен құлнимни асталик билан стол томон чұздім – фақат битта құлым ҳаракатланарди – штокни олдим...

- Ёлвораман! Бир кун – фақат бир кун! Мен эртагаёқ – эртагаёқ бориб, ҳаммасини қиласман...

Нималар деяпти? Құлымни күтардим –

Менимча: уни үлдірдім. Ҳа, сизлар, менинг нотаниш үқувчиларим, сизлар мени қотил деб аташга ҳақлisisлар. Агарда у: “Валинеъмат... ҳаққи... Розиман – мен... ҳозир” деб бақирмаганда, мен шток билан унинг бошига ураддим.

Қалтираёттан құллари билан у униформасини ечиб ташлади – кенг, сарық, осилған бадан каравотта түшди...

Фақат шу ондагина мен тушундим: у, мен пардаларни... хохлаганим учун... тушурди деб үйлаганди...

Бу шу даражада кутилмаган, аҳмоқона ҳолат эди-ки, мен ҳоҳолаб кулиб юбордим. Ўша ондаёқ ичимдаги таранг буралган пружина портлаб кетди, қўлим ҳолсизланди, шток ерга тушди. Бу он мен ўз тажрибамда, кулгу - энг даҳшатли қурол эканлигини, кулгу билан ҳамма нарсани - ҳаттоқи, қотилликни ҳам - ўлдириш мумкинлигини, кўрдим.

Мен стол ортида ўтириб - умидсиз, сўнгги даражадаги кулгу билан - кулардим ва бу аҳмоқона вазиятдан чиқиб кетиш йўлини топа олмасдим. Агарда воқеалар режалаштирганимдай ривожланганда, нима бўларди, билмайман, лекин бирдан янги, ташқи қўшимчалувчи: телефон жиринглаб кетди.

Гўшакка ўзимни отдим: балки, у, I дир? Гўшакдан кимнингдир нотаниш овози:

- Ҳозир.

Толиқтирадиган, чексиз ғувиллаш. Узоқдан - оғир қадамлар, якинлашиб келяпти, тобора баландроқ, тобора чўянроқ - ва мана...

- Д-503? Ҳа... Сиз билан Валинеъмат гаплашяпти. Дарҳол менинг олдимга!

Триқ, - гўшак қўйилди, - триқ.

Ю ҳали ҳануз каравотда ётарди: кўзлари юмилган, ойқулоқлари табассумдан жилиб кетган. Ердан унинг қўйлагини олиб, унга отдим ва тишларимни сиқиб:

- Қани! Тезроқ - тезроқ!

У тирсаги билан күтарилди, күкраклари ён томонга силжиб кетди, күзлари думалоқлашиб, мум қаби бўлди.

- Қандай қилиб?
- Шундай. Тезроқ – кийинсангизчи?

У – тугун қаби, кўйлагига маҳкам ёпишиб олиб, ингичка овозда:

- Тескари қараб туринг, - деди.

Мен тескари қараб, ойнага пешонам билан ёпишиб туриб олдим. Қора, ҳўл, ойнада чироклар, жисмлар, учқунлар титрарди. Йўқ: бу – мен, бу – менинг ичимда... Нега У мени? Наҳотки, У мен ҳакимда, у ҳақида, ҳаммаси ҳақида билса?

Кийиниб бўлган Ю эшик олдида. У томон икки қадам – худди менга керак жавобни ҳозир унинг қўлларидан томчи-томчи сиқиб оладигандек, унинг қўлларини қаттиқ қисдим:

- Менга қаранг... Унинг исмини – гап ким ҳақида эканлигини биласиз – унинг исмини айтдингизми? Йўқ? Фақат тўғрисини айтинг – менга шу керак... менга фарқи йўқ – фақат тўғрисини айтинг...
- Йўқ.
- Йўқ? Ахир нега – уерга бориб, айтиб қўйибсиз, нега...

Унинг пастки лаби – бирдан ташқарига, худди ҳалиги болакайники қаби, ва ёноқларидан, ёноқларидан томчилар...

- Чунки мен... мен құрқдим. Агарда уни... шу сабабли сиз... сиз мени сев... Ох, менинг құллимдан келмасди – құллимдан келмасди!

Тушундим: бу – ҳақиқат. Бемаъни, кулгили, инсоний ҳақиқат!

Эшикни очдим.



Ўттиз олтинчи қайд
Конспект:

Бўм-бўш саҳифалар. Христианлар Ҳудоси. Онам ҳақида.

“

Ўзимга келганимда – Унинг қархисида турардим ва нигоҳимни кўтаргани қўрқардим: фақатгина Унинг тиззасидаги улкан, чўян қўлларини қўряпман. Бу қўллар Уни ўзини эзаётганди, тиззаларини букаётганди. У бармоқларини секин қимиirlатарди. Юзи – қаердадир тепада, туманда ва, худди айнан шу сабабли, Унинг овози менга бунчалик баландлиқдан келаётганди – у момақалдироқ каби гумбурламаётганди, мени карахт қилиб қўймаётганди; у оддий одамларнинг овозига ўхшарди.

- Хўш – сиз ҳамми? Сиз – ИНТЕГРАЛ Қурувчиси ҳамми? Сиз – энг буюк конквиистадорлардан⁵⁶ бири бўлиш шарафига эга бўлган рақам ҳамми? Сиз – Ягона Давлат тарихида янги, ёрқин саҳифани бошлаши керак бўлган исмли ракам ҳамми... Сиз ҳамми?

Бошимга, юзларимга қон қуйилишни бошлади – яна оқ саҳифа: фақат чаккаларимда – қон томирларим уриши эшитиляпти ва тепада жарангдор овоз, аммо бир дона ҳам сўз айтилмаяпти. Бу шовқин тўхтагандан кейингина мен хушимга келиб, қўрдим: бир тонналик қўл қимиirlади – секин ўрмалашни бошлади – менга бармоғини тираб туриб олди.

- Хўш? Нега жимсиз? Сиз ҳамми? Жаллод?
- Шундай, - итоаткорлик билан жавоб бердим мен.

⁵⁶ XV-XVI асрларда Америкадаги испан ёки португал истилочилари

Сўнгра Унинг хар бир сўзини аниқ ва равшан эшитдим.

- Хўш? Сизнингча мен бу сўздан қўрқаманми? Сиз бирор марта унинг пўстлоғини арчиб, ичида нима борлигини кўришга харакат қилиб кўрганмисиз? Ҳозир сизга кўрсатаман. Эсланг: кўм-кўк адир, хоч, оломон. Айримлари – тепада, қонга беланган ҳолда бир танани хочта қокяпти; айримлари эса – пастда, кўз ёшларга беланган ҳолда, қараб турибди. Тепадагиларнинг роли – энг оғир, энг мухим деб ўйламайсизми? Агарда улар бўлмаганида, ушбу буюк фожия юз берар эдими? Улар оми оломон томонидан қарғалган: аммо шу сабабдан ҳам фожия муаллифи – Худо – уларни кўпроқ рафбатлантириши керак эмасмиди? Итоатсизларни аста-секин жаҳаннам оловларида куйиб-ёндирадиган, христианларнинг ғамхўр Худосининг ўзи – ахир У жаллод эмасми? Гулханларда христианлар томонидан ёқиб юборилганлар сони, ёқиб юборилган христианлар сонидан камми? Нима бўлганда ҳам – бир нарсани тушунинг, нима бўлганда ҳам, бу Худони асрлар давомида севги Худоси каби улуғлаганлар. Бемаъниликими? Йўқ, бунинг тескариси: таг-туғи билан йўқ қилиб бўлмайдиган, инсон андишасига қон билан ёзилган патент⁵⁷. Ҳаттоқи ўшанда ҳам – ёввойи, паҳмоқ – у тушунарди: инсониятга бўлган сон, алгебраик мұхаббат – ҳақнинг шаксиз белгиси – унинг бағритошлиги. Оловнинг ёндириб юбориши, унинг табиий белгиси бўлгани каби. Ёндирамайдиган оловни менга кўрсатингчи! Қани – исботланг, баҳслашинг!

Қандай қилиб баҳслашардим? Бу фикрлар (олдин) ўзимники бўлса, қандай қилиб баҳслашардим – аммо мен бу фикрларни ҳеч қачон бу каби мустаҳкам, ялтироқ зирхга ўрай олмасдим. Мен индамасдим...

⁵⁷ Ихтирочи ўз ихтироси учун олган ҳукуқни тасдиқловчи ҳужжат

- Агарда бу мен билан ҳамфир эканлигингизни англатса, келинг - болаларнинг ҳаммаси ухлагани кетганда - катталар каби гаплашайлик. Савол бераман: одамлар - йўргакдан бошлаб - нима ҳақида ибодат, орзу қиласди, нимадан қийналади? Кимдир уларга баҳт нима эканлигини айтиб, сўнгра уларни бу баҳтга занжир билан боғлаб қўйиши ҳақида. Биз бундан фарқли нимани қиляпмиз? Жаннат тӯғрисидаги қадимий орзу... Эсланг: жаннатда хоҳишлар, ачинишлар, севги бўлмайди, уерда - фантазияси операция қилинган маъсудлар бор (шу сабабдан ҳам маъсуд) - фаришталар, Яратганинг қуллари... Мана баҳтни қувиб етган онимизда, унга етай-етай деганимизда (Унинг қўли сиқилди: агарда унда тош бўлганида - тошнинг суви чиқиб кетарди), ўлжани терисини шилиб, уни бўлишимиз керак бўлганда - ўша онда сиз... сиз...

Чўянли гумбирлаш тўсатдан тўхтаб қолди. Мен - темирхонада гурсиллаётган болға остидаги гўла каби, бутунлай қизариб кетгандим. Болға индамай осилиб қолди; кутиш керак - бу янада... қўрқинч...

Бирдан:

- Ёшингиз неччида?
- Ўттиз иккида.
- Сиз, ўн олти ёшли каби, ропа-роса икки карра гўлсиз! Менга қаранг: наҳот бир марта ҳам сиз уларга - биз ҳали уларнинг исмларини билмаймиз, аммо умид қиласман-ки, сиздан билиб оламиз - сиз уларга фақатгина ИНТЕГРАЛ Курувчиси сифатида керак бўлганингизни ҳаёлингизга ҳам келтириб қўрмагансиз; фақатгина сиз орқали...
- Керак эмас! Керак эмас, - бақирдим мен.

Худди шу каби құлларим билан панага олиб, үкқа бақырсам: сиз ҳануз үзингизнинг “көрак әмасингизни” әшитяпсиз, үк бұлса, аллақачон тешиб үтди, сиз аллақачон ерда тиришиб-буришиб ётибсиз.

Ха, ха: ИНТЕГРАЛ Қурувчиси... Ха, ха... ва үша заҳоти: Ю нинг ғазаб отига минганды, гишт каби қызыл ойқулоқли юзи – улар иккиси менинг хонамда бұлған тонгга...

Жуда ҳам аниқ эслайман: мен кулиб юбордим – күзларимни тепага күттардим. Қаршимда кал, сукротча-кал одам үтиради ва унинг кал бошида – майдың майды тер томчилари.

Нақадар ҳаммаси оддий. Нақадар ҳаммаси улуғвор-бемаъни ва кулгили даражада осон.

Кулгу мени бұғарди, буруксаб чиқишига уринарди. Мен оғзимни кафтим билан ёпиб олдим ва шошганимча югуриб кетдим.

Зиналар, шамол, чироқларнинг, чехраларнинг сакраёттан, ҳұл бұлаклари ва югурап эканман: “Йұқ! Уни күрсам эди! Бир бора бұлса ҳам күрсам эди!”

Буерда – яна бүм-бұш, оқ сахифа. Бир нарса эсимда, холос: оёқлар. Одамлар эмас, балки айнан – оёқлар: айқаш-үйқаш қадам ташлаёттан, қаердандир тепадан күприкка юз доналаб тушувчи оёқлар, оғир оёқлар ёмғири. Аллақандай кувноқ, шұх құшиқ ва чинқириш – чамаси, менга: “Әй! Эй! Буерга, бизнинг олдимизга!”

Сұнгра – қучли шамол билан қопланған, даштта айланған майдон. Үргада – нурсиз, оғир, дахшатли маҳобат: Валинеъмат Машинаси. Уни күриші – ичимда, худди кутилмаган, акс-садо: ёрқин, оқ ёстик; ёстиқда орқага ташланған юмилған құзли бош: үткір, тотли тишлиар

тизмаси... Буларниң бари ғалати, құрқинчли тарзда Машинаға боғланған – қандайligини биламан, аммо ҳануз құргим, овозимни чиқарыб айтгим келмаяпты – хоҳламайман, керак эмас.

Күзимни юмиб, тепага, Машина томон чиқувчи зиналарга үтирдим. Адашмасам, ёмғир ёғаёттанди: юзим хұл әди. Қаерлардадир узоқларда, жарангсиз – бақиришлар. Бироқ бақираёттанимни ҳеч ким әшитмаяпты, ҳеч ким әшитмаяпты: мени бундан күтқарсаларингчи – күтқаринглар!

Қадимгилардек, онам бұлганида: менинг – худди шундай – онам. ...ва у учун мен – ИНТЕГРАЛ Курувчиси, рақам Д-503 ёки Ягона Давлатнинг бир молекуласи эмас, балки оддий инсон бұлаги – унинг бир бұлаги – тепаланған, әзилған, улоқтириб юборилған... Майли мен кимнидир мих билан қоқай ёки мени михлаб қоқсиналар – әхтимол, иккиси бирдир – аммо у ҳеч ким әшитмаган нидоларни әшитсін, унинг қариган, ажинлар тушган лаблари...

Ўттиз еттингчи қайд
Конспект:

Инфузория⁵⁸. Қиёмат. Үнинг хонаси.

“

Эрталаб ошхонада – чап тарафимда ўтирган бир рақам менга пицирлаб:

- Есангизчи! Сизга қарашяпти! – деди.

Мен – бор кучимни йиғиб – жилмайиб қўйдим ва юзимда бу жилмайишни, худди бир ёриқ каби, ҳис қилдим: жилмайяпману – ёриқ чеккалари янада кенгайиб боряпти – ва бундан оғриқ кучаймоқда...

Кейин – шундай: вилкамга кубикни олар эканман, ўша онда вилка қўлимда титраб кетиб, тарелкага тарақлаб тушди ва столлар, деворлар, идишлар, ҳаво титраб кетди; ташқарида – қандайдир катта, осмонгача етган, темирдан бўлган думалоқ гумбурлаган овоз – бошлар, уйлар устидан – ва олисда билинар-билинмас, майда, худди сувдаги каби, айланаларда қотиб қолди.

Бир онда бўзариб, оқариб кетган юзларни, чайнаётиб тўхтаб қолган оғизларни, ҳавода қотиб қолган вилкаларни кўрдим.

Сўнгра ҳаммаси чалкашиб, асрлар давомида ўрнатилган йўлларидан чиқиб кетди ва ҳамма (мадхияни айтмай) – оғзидағи лукмани бир амаллаб чайнаб, тикилиб, бир-бирига суюниб – ўрнидан иргиб туриб кетди: “Нима? Нима бўлди? Нима?” Қачонлардир тартибда бўлган буюк Машинанинг бўлаклари пастга, лифтларга – тўкилиб тушишни бошлади – зинапоялардан – зиналар – дукурлаган оёқ товушлари – узук-юлук сўзлар – худди

⁵⁸ Энг ривожланган бир ҳужайрали содда жонивор

парча-парча қилиниб юборилган ва шамолдан учиреб юборилган мактуб сингари...

Худди шу тарзда, құшни уйдагилар ҳам тұқишишни бошлади ва бир дақықа сұнгра хиёбон – гүё микроскоп остидаги бир томчи сувдек: шаффофф томчи зиндонидаги инфузориялар саросимада ён томонга, тепага, пастга елиб учяптилар.

- Аха, - кимнингдир тантанавор овози – қаршимда гардан ва осмонга қаратылған бармоқ – сарғыш пушти рангдаги тирноқ ва тирноқ пастидаги оқ, бамисоли янги чиққан ой каби яримой, яққол эсимда.

Бармоқ гүёки компас эди: юзлаб күзлар бу бармоққа әргашиб, осмонга қарадилар.

Дастлаб ҳеч ким бу нима эканлигини тушунмаётганди – ҳаттоқи, баҳтта қарши, қолғанларга нисбатан күпрөк нарса билған, күрган, мен ҳам. Бу қора аэроларнинг улкан галасидек түйиларди: қаерлардадир жуда ҳам юксакда – аранг сезилаёттан тезкор нұқталар. Тобора яқынлашиб келмоқда; тепадан бүғик, ҳиқилдоқ томчилари – ваниҳоят, бошларимиз узра күшлар. Осмонни ўтқир, қора, кучли, тушаётган учбурчаклар тұлдирди; улар тұфон каби пастга тушарди; улар гумбазларга, томларга, устунларга, айвонларга құнарди.

- Аха-а, - тантанавор гардан ўғирилди – ва мен ўша дүңгешенени күрдим.

Аммо эски ундан асар ҳам қолмаганди: у ўзининг абадий пешона шиййпонидан чиққан ва унинг юзида – күзлари ва лаблари атрофида – боғ-боғ нурлар ўсаёттан эди – у кулаётганди.

- Тушуняпсизми, - шамол хүштаги, канотлар, қағ-қағлашлар орасидан бақирди у менга. - Тушуняпсизми: Деворни - Деворни портлатиб юбориши! Ту-шун-яп-сиз-ми?

Орқа фонда бирваракайига кўзга ташланиб турган одамлар - бошларини чўзиб - уй ичкарисига шошиляпти. Кўприк ўртасида - тез ва, бир вақтнинг ўзида, секин (оғирлигидан) операциядан ўтганларнинг - гарбга қадам ташлаётганларнинг - шиддатли оқими.

...Лаблар, кўзлар атрофидаги тукли нурлар боғлами. Мен унинг қўлидан ушлаб олдим:

- Менга қаранг: у қани - І қани? Девор ортидами - ёки... Билишим керак - эшитяпсизми? Дархол, эшитишим керак...
- Буерда, - бақирди у менга, гўё маст, қувноқ ҳолда - мустаҳкам сарик тишлар... - У буерда, шаҳарда, ҳаракатда. Оҳо - биз ҳаракатдамиз!

Ким - бизми? Ким - менми?

Унинг олдида - у каби ўзларининг қоронғу пешона шийлонлари остидан чиқкан, жарангдор овозли, қувноқ, мустаҳкам тишсли - юзлаб одамлар бор эди. Очиқ оғизлари билан бўронни ютиб, кўринишидан ювош ва беозор электрокуторларни (уларни қаердан олдилар экан?) гоҳ у томон, гоҳ бу томон силкиб, улар ҳам ўша томон, гарбга, операциядан ўтганлар орқасидан ҳаракатланардилар, аммо атрофлаб ўтиб - параллел бўлган 48-кўча бўйлаб...

Мен бўлса шамолдан тўқилган таранг арконларга қоқилиб, у томон югурадим. Нега? Билмадим. Қоқилиб кетардим, бўм-бўш қўчалар, бегона, ёввойи шаҳар,

тўхтовсиз, шод қушлар галаси, қиёмат. Деворлар ойнаси орасидан – бир неча уйларда (эсимда қолди): аёл ва эркак рақамларнинг шарм-ҳаёсиз – пардаларни ҳам тушурмай, пушти чипталарсиз, куппа-кундузи – қовушаётганларини кўрдим...

Уй – унинг уйи. Ланг очилган эшик. Пастда, назорат столи ортида – ҳеч ким йўқ. Лифт шахта ўртасида тўхтаб қолган. Мен, нафасим қайтиб, чексиз зина бўйлаб тепага югуриб кетдим. Даҳлиз. Тезда – ғилдирак кегайи сингари – эшикларда рақамлар: 320, 326, 330... I-330, ха!

Шишли эшик орасидан: хонадаги ҳаммаёқ сочилиб, тўнтарилиб, мижигланиб ётибди. Шошилиб тушуриб юборилган стул – тескарисига, тўрт оёгини тепага қилиб – ўлиб қолган ит каби, тўнкарилиб ётибди. Каравот – қандайдир ғалати, девордан кўндалангига нарига сурилган ҳолда. Ерда – сочилиб, тепаланиб кетган пушти чипта япроқлари.

Эгилиб бир донасини олдим, кейин иккинчисини, учинчисини: ҳаммасида Д-503 – мен – эриб, қирралардан чиқиб кетган “мен”нинг томчилари эди. Қолган нарсалар бор-йўғи шу эди, холос...

Негадир уларнинг бу тарзда, ерда ётишлари, уларни тепалаб ўтиб кетишлари нотўғри эди. Мен яна бир сиқим чиптани олиб, стол устига қўйдим, эҳтиёткорлик билан силаб текисладим, карадим – ва... кулиб юбордим.

Мен аввал буни билмасдим – аммо энди биламан ва сиз ҳам биласиз: кулгунинг турли хил ранглари мавжуд. У – биздаги портлашнинг олисдаги акс-садоси, холос: балки, у – байрамона, қизил, кўк, тилларанг, ракеталардир, балки – инсон танасининг тепага учуб кетган бўлакларидир.

Чипталарда менга умуман нотаниш бўлган исм кўзимга ташланди. Соnlарни эслаб қолмадим – биргина ҳарфни: Ф. Барча чипталарни столдан ерга тушириб, уларни – ўзимни – эзиб юбордим – мана бундай, мана бундай – ва чиқиб кетдим...

Даҳлизда эшик рўпарасидаги токчада ўтириб, ҳануз ниманидир тентаклар каби, узоқ кутардим. Чап тарафдан қадам товушлари эшитилишни бошлади. Кекса чол: юзи – тешилиб кетгандек, бўм-бўш, кат-кат бўлиб кетган пуфак – ва тешикдан қандайдир шаффоф нарса секин пастга оқиб тушяпти. Бироз ўтиб, базўр тушундим: кўзёш томчилари. Қария узоклашгандагина, эсим хушимга келиб, уни чақирдим:

- Менга қаранг – менга қаранг, ракам I-330 ни танийизми?

Қария ўгирилиб, қўлинини ноумид силкиб, оқсаб юриб кетди...

Оқшомда хонамга, уйимга қайтдим. Ғарбда қуёш ҳар сония оқ-кўк талвасага тушарди – ва у томондан жарангиз гумбурлаган овоз келарди. Томларга сўнган қора сўхталар: қушлар сочишган.

Каравотимга ётдим – ва шу заҳотиёқ уйқу устимга, йиртқич ҳайвондек ташланиб, мени бўғишни бошлади...

ҰТТИЗ САККИЗИНЧИ ҚАЙД
КОНСПЕКТ:

(Билмайман қандай конспект.

Балки, ҳаммаси бир конспект: ташланган папирос)

“ Үйғондим - ёруғлик, қарасам күзим оғрияпти. Чирт юмиб олдим. Бошымда - қандайдыр ачиштирувчи күк тутун, ҳаммаёқ туманда. Туман ичидан:

“Ахир, мен чироқни ёндиրмагандим-ку – қандай қилиб...”

Иргиб ўрнимдан туриб кетдим - стол ортида, құлини жағига тираб, истекжо билан менга қараб, І ўтиради...

Ұша столда мана мен ҳозир бу қайдни ёзяпман. Таранг пружинага маҳкам боғланган бу ўн - ўн беш дақиқа АЛЛАҚАЧОН ортда қолди. Менга эса эшик энди ёпилгандек ва унинг орқасидан етиб олиш, құлидан ушлаб олиш мумкиндек туйиляпти - ва, әхтимол, у кулиб...

І стол ортида ўтиради. Мен ўзимни у томон отдим.

- Сен, сен! Мен боргандим - мен хонангни күргандим - мен ўйлабман-ки, сен...

Яrim йўлда ўткир, қимирламас киприклар найзаларига қоқилдим, тўхтадим. Эсладим: у ўшанда ИНТЕГРАЛда менга шундай қараганди. ...ва мана ҳозироқ, бир зумда унга - ишонарли қилиб - айтиб улгурисим керак - бўлмаса, ортиқ ҳеч қачон...

- Менга қара, І, мен сенга... мен сенга ҳаммасини... Йўқ, йўқ, мен ҳозир - сув ичиб олай...

Оғзим қуриб кетди, ҳаммаёққа шимгич қоз босилғандек. Сувни қуяр эканман, чидай олмай: стаканни стол устига күйдим ва графинни икки құлым билан маҳкам ушладим.

Энди күрдим: күк тутун - папиросдан. Уни лабларига олиб бориб, тортди, худди мен сувни қизғонганим каби - тутунни қизғониб, ичига ютди ва деди:

- Керак эмас. Индама. Нима бұлса ҳам - күриб турибсан: мен барибир ҳам келдим. Пастда - мени кутишяпты. ...ва мен бизнинг сұнгти дақиқаларимиз...

У папиросни ерга улоқтириди, бутун бадани билан курсидан әгилди (деворда тұгмача бор, унга әгилиб етиш қийинрок) - ва мен курси қимирлаб кетганини, ҳамда унинг икки оёқчалари ердан күтарилганини эслаб қолдим. Сұнгра пардалар тушди.

Олдимга келиб, мени үзига қаттиқ тортди. Унинг тиззалари құйлаги орасидан - охиста, майин, илиқ, ҳаммаёқни буркаб олган заҳар...

Бирдан... Бутун баданим тотли, илиқ уйқуга кетар экан - бирдан нимадир санчилди ва сесканиб кетдим - күзларимни яна катта-катта очдим... Худди хозирдек: унинг хонасида ерда топталиб кетган пушти чипталар, уларнинг бирида Ф ҳарфи ва аллақаңдай сонлар... Улар менда бир үрам бўлиб қолди ва мен, ҳаттоки, бу ҳис қандай бўлганини тасвирлашга ожизман, аммо мен унинг баданини шу даражада қаттиқ қучоқладим-ки, у оғриқдан бақириб юборди...

Ушбу ёрқин-оқ болишдаги үн ёки үн беш дақиқадан яна бир дақиқа - орқага ташланган юмилган кўзли бош; ўткир, тотли тишлар тизмаси. Бу ҳолат сира ёдимдан чиқмай, тушунарсиз тарзда, оғриқ билан менга мумкин бўлмаган, ҳозир керак бўлмаган нарса ҳақида менга

эслатиб турарди. Мен уни янада мулойимроқ, янада қаттикроқ қучоқлаяпман – бармоқларимдан қолган из тобора күм-күклашиб боряпти...

У (күзларини очмай – буни пайқадим) деди:

- Айтишларича, кеча Валинеъмат олдига борибсан? Тұғрими?
- Ҳа, тұғри.

Үндан сұнг күзлари мөшдек очилиб кетди – ва мен роҳат билан, унинг юзи оқариб, йұқолиб кетишини кузатардим: биргина күзлар.

Мен унга ҳаммасини айтиб бердим. ...ва фақат – нимагалигини билмайман... жүк, ёлғон, биламан – бир нарсани айтмай кетдим – Валинеъмат мен уларга нима сабабдан кераклигимни айттани ҳақида...

Аста-секин, худди тиниқлашған фотосурат каби, унинг юзи күринишни бошлади: ёноқлари, оқ тишлар тизмаси, лаблари. У ўрнидан туриб, шкафнинг ойна эшиги олдига борди.

Оғзим яна қуруқшаб кетди. Сув қүйдим, аммо уни ичгим келмаётганди – стаканни столга құйдим ва сұрадим:

- Сен шу сабабдан келдингми? Билмоқчи эканлигингданми?

Ойналардан менга – тепага, чаккагача күтарилиған, ұткир, истеҳзоли қошлар учбурчаги. У нимадир демоқчи бўлиб үгирилди, аммо индамади.

Керак эмас. Биламан.

У билан хайрлашиш? Оёқларимни - бегона оёқларни - қимиirlатдим, стулга тегиб кетдим - худди унинг хонасидағи ўлик стул каби, ағдарилиб тушди. Унинг лаблари совук эди - қачонлардир мана бу ердаги, каравотим олдидағи мана бу пол ҳам шундай совук эди.

У кетганида эса - мен ерга ўтириб, унинг ташлаб юборилған папироси устида әгилдим...

Ортиқ ёза олмайман - ёзгим келмаяпти!

ЎТТИЗ ТҮККИЗИНЧИ ҚАЙД
КОНСПЕКТ:

Тамом.

“

Бўлиб ўтганларнинг барчаси, худди қўюқ эритмага ташланган сўнгги туз заррачаси эди: бир зумда, игналарга санчилиб, кристаллар тарқалишни бошлади, қотиб қолди. Мен тушуниб турғандим: ҳаммаси тамом – ва мен эртага эрталаб буни амалга ошираман. Бу, худди ўзимни ўлдириш каби, эди, аммо, балки, шундагина мен қайта тириларман. Негаки, жон ўлгачгина қайта тирила олади.

Фарбда осмон ҳар сонияда кўм-кўк титроқда эди. Бошим ёниб, тарақларди. Шу ҳолда тун бўйи ўтирдим ва, зулмат ортга чекиниб, атроф яшил рангта киришни ва қушлар сепилгандарни бошлагандан, соат еттига яқин, кўзим кетиб қолибди...

Ўйғондим: соат ўн бўлибди (кўнғироқ чалмаган кўриниади). Стол устида – кечадан қолган – стакан сув билан туради. Энтикиб сувни ичдим ва югуриб кетдим: мен буни тезроқ, иложи борича тезроқ...

Осмон – чўлга ўхшаган, мовий ранг, бўрондан сўнг батамом нобуд бўлган. Шарпаларнинг тиконли бурчаклари, ҳаммаёққа кузги кўм-кўк ҳаводан нақш солинганди – нафис – қўл теккизгани ҳам қўрқади одам: тегиши биланоқ синиб, шиша қумдек сочилиб кетади. Менинг ичимда ҳам – шундай ҳолат: ўйлаш мумкин эмас, ўйлаш керак эмас, керак эмас, акс ҳолда –

...ва мен ўйламадим, ҳаттоқи, балки, ростдан ҳам кўрмайтгандим, шунчаки, рўйхатдан ўтаётгандим. Ана қўприкда – қаердандир шохлар, яшил, қаҳрабо ранг, тўқ

қизил барглар. Ана тепада – қушлар ва аэролар кесишиб, учяпти. Мана – бошлар, очик оғизлар, шохларни силкиёттан құллар. Афтидан, улар бақиряпти, қағиллаяпти, ғувиллаяпти...

Сұнгра – қандайдир вабо супуриб кетган, бүм-бүш күчалар. Ёдимда: жуда ҳам юмшоқ, майин ва ҳаракатсиз нимагадир урилиб кетдим. Эгилсам: мурда экан. У, аёл каби, букилган оёқларини очиб, белида ётарди. Юзи...

Мен унинг семиз, қора тантипарникига үхшаган, худди ҳозироқ қулгу сачратиб юборадиган лабларни танидим. Күзларини маҳкам юмиб, у менга қараб куларди. Бир сония – мен уни ҳатлаб ўтдим ва югуриб кетдим – чунки ортиқ чидай олмай қолдим, чунки мен ўйлаганимни тезроқ амалга оширишим керак эди, акс ҳолда – ҳис қилаёттандым – ортиқча юк ортилган релслар каби, синиб, эгилиб кетардим...

Бахтимга – йигирма қадам қолганди, ёзув күрина бошлаганди – олтин ҳарфларда “Күриқчилар Бюроси”. Остонада тұхтадим, үпгамта сиғганча ҳавони ичимга ютдим ва ичкарига кирдим.

Ичкарида, даҳлизда – чексиз занжир каби, қофозча ва қалин дафтарлар ушлаб олган рақамлар бирма-бир турарди. Аста-аста қадам ташлар, сұнгра – яна бир ва яна тұхтаб олар эдилар.

Мен занжир бүйлаб уёқдан-буёққа саросимада юришни бошладим, мен уларни енгларидан тортардим, мен уларни – бетоб одам бир зумдаёқ оғриқдан ҳалос этувчи малҳам сұраб ёлворгани сингари ёлворардим.

Униформасининг тепасидан маҳкам қилиб камар боғлаб олган, қандайдир аёл яққол чиқиб турған икки қуймуч

яримшарлари уёқдан-буёкка, худди айнан улар ўрнида унинг кўзлари бордек, ўтказарди.

- Унинг қорни оғрияпти! Уни ҳожатхонага олиб боринглар - ана, ўнгта иккинчи эшик...

Мени - қулгу босди: бу қулгудан, нимадир бўғзимга тиқилди ва мен ҳозир бақириб юбораман ёки... ёки...

Бирдан орқадан кимдир тирсагимдан ушлади. Мен ўгирилдим: шаффоф, қанотли қулоқлар. Аммо улар, доимгидек, пушти эмас, қирмизи эди: бўйнидаги қўштомоғи қимиirlарди - сал қолса, ингичка пўстлоқни тешиб юборади.

- Сиз нега буердасиз? - сўради у, менга бурма кўзларини тезкорлик билан бураб.

Мен унга ёпишиб олдим:

- Тезроқ - кабинетингизга... Мен ҳаммасини - ҳозирок! Айнан сизлигингиз яхши бўлди... Айнан сизлигингиз, балки, даҳшатлидир, аммо бу яхши, яхши...

У ҳам I ни танирди ва бундан менинг дардим янада кучайиб борарди, аммо, эҳтимол, у ҳам буни эшитганда, сесканиб кетар ва биз иккимиз ўлдиришни боштаймиз. Мен бу сўнгти сонияда ёлғиз бўлмайман...

Эшик ёпилди. Эсимда: эшик пастига аллақандай қофозча ёпишиб қолди ва у, эшик ёпилганда, ерда қириларди, сўнгра, қалпоқ каби, қандайдир ажойиб, ҳавосиз сукунат босди. Агарда у бир дона бўлса ҳам сўз айтганда - қандай бўлиши аҳамиятга эга эмас - энг маъносиз сўз бўлса ҳам - мен ҳаммаёқни дарҳол силжитиб юборардим. Аммо у индамасди.

Қулокларимда гувиллашни бошлайдиган даражада ҳаяжонланиб, (унга қарамасдан):

- Менимча - мен ундан бошиданок, доимо нафратланардим. Мен курашгандим... Аслида - йўқ, йўқ, менга ишонманг: имконим бўлса ҳам, кутқарилишни хоҳламадим, мен нобуд бўлишни истадим, бу мен учун ҳамма нарсадан қийматли эди... яъни нобуд бўлиш эмас, у мени... Ҳаттоки, ҳозир ҳам - ҳаттоки, ҳозир ҳамма нарсани билганимда ҳам... Мени Валинеъмат чақирганини биласизми? Биласизми?

- Ҳа, биламан.

- Аммо У менга нима деганини... Тушунсангизчи - бу, худди оёғингиз остидан полни суғуриб ташлагандек - ва сиз буердаги, столдаги ҳамма нарса билан - қофоз, сиёҳ билан... сиёҳ тўклилиб кетади ва ҳаммаёқ дод бўлади...

- Олдинга, олдинга! Шошилинглар. Бошқалар кутиб турибди.

Ўшандা мен - нафасим қайтиб - буерда ёзилганларнинг ҳаммасини айта бошладим. Ҳақиқий ўзим, пахмоқ мен ҳақида ва унинг ҳалигинда қўлларим тўғрисида айтган гаплари ҳақида - ҳа, ҳаммаси айнан шундан бошланган - ўшандা мен қай даражада ўз бурчимни адо этгим келмагани, ўзимни қандай алдаганим, у қандай қилиб қалбаки гувоҳномалар олганини, мен кундан-кунга қандай англаб кетганимни, пастдаги дахлизлар, Девор ортида қандай эканлиги ҳақида...

Буларнинг бари - беўхшов бўлаклар, парчалар - менинг нафасим қайтиб кетар, сўзлар етмас эди. Эгри, икки ёқлама букилган лаблар истехзо билан керакли сўзларни мен томон суриб бераётганди - мен миннатдорчилик билан бошимни қимирлатардим: ҳа, ҳа... Мана (нима бу?)

- менинг ўрнимга у гапиряпти, мен бўлса факат тинглаяпман: “Ҳа, кейинчи... Ҳудди шундай бўлганди, ҳа, ҳа!”

Эфирдан мана буерда совишни бошлиётганини сезяпман - атрофда дарвозалар ва зўрға сўраяпман:

- Аммо қандай қилиб... сиз буларни ҳеч қаердан...

У тиржайди - индамай - тобора қийшиқроқ... Сўнгра:

- Биласизми - сиз мендан бир нарсани беркитмоқчи бўлдингиз, мана сиз ҳозир Девор ортида қўрганларингизни бирма-бир санаб ўтдингиз, лекин биттасини унутиб қўйдингиз. Йўқ дейсизми? Уерда бир онга, бирров... мени қўрганингиз эсингиздами? Ҳа, ҳа: мени.

Жимлик.

Бирдан - мен чақмоқ каби, бошимдан оёғимгача, аник тушундим: у - у ҳам уларнинг... Борлигим, азобларим, ҳолсизланиб, буерга қахрамонлик сифатида қўтариб келган ҳамма нарсаларим - ҳудди Иброҳим ва Исмоил тўғрисидаги қадимги ҳангома сингари, кулгили. Иброҳим - совуқ тер босиб - ўғлига пичоқ тортмоқчи бўлади - пичоқни тепага қўтаради - бирдан тепадан овоз: “Керак эмас! Ҳазиллашдим...”

Тобора қийшиқлашиб бораётган масхараомуз кулимсирашдан кўзимни узмай, қўлим билан стол чеккасига суюниб олдим, аста, аста курси билан силжиб, сўнгра тезда - ўзимни бутунлай - қўлга олиб - бақиришлар, оғизлар олдидан - ўқ каби.

Пастга, еrostи йўли станциясидаги жамоат ҳожатхонаси олдига қандай келиб қолганим эсимда йўқ. Тепада ҳаммаёқ ҳалоқ бўлаётганди, тарихдаги энг буюк ва онгли

цивилизация қулаёттанды, буерда бұлса - кимнингдир киноясига күра - ҳаммаёқ олдингидек гүзал қолаёттанды. Үйлаб қүринг-а: буларнинг бари - жазоланган, уларни үт босиб кетади, улар тұғрисида биргина "афсоналар" ёзилади...

Мен баланд овозда инграб юбордим. Ұша он ҳис қиляпман - кимдир мени мулойимлик билан елкамдан силаяпти.

Бу, чап тарафимда үтирган, құшним эди. Пешонаси - катта кал парабола, пешонасида - сариқ тушуниб бўлмас ажин қаторлари. Бу қаторлар мен ҳақимда.

- Сизни тушунаман, яхши тушунаман, - деди у. - Аммо барибир ҳам, тинчланинг: керак эмас. Барчаси қайтади, албатта қайтади. Асосийси ҳамма менинг қашфиётим ҳақида хабар топиши керак. Бу ҳақида биринчи бўлиб сизга айтяпман: мен чексизлик мавжуд эмаслигини ҳисоблаб чиқардим.

Мен унга ваҳшиёна қараб қўйдим.

- Ҳа, ҳа, шундай: чексизлик йўқ. Агарда олам чексиз бўлса, унинг материясининг ўртача зичлиги нолга teng бўлиши керак. У нолга teng эмас экан - буни биз биламиз - демак. Коинот - албатта, сферик шаклда ва коинот радиусининг квадрати y^2 ўртача зичликнинг кўпайтмасига... Мен шуни - сон коэффицентини - ҳисоблашим керак, холос. Тушуняпсизми: ҳаммаси тугади, ҳаммаси осон, ҳаммасини ҳисоблаш мумкин; ва ўшанды биз файласуфона ғалаба қозонамиз, - тушуняпсизми? Сиз бўлса, муҳтарам Д-503, ҳисобимни чиқаришга халал беряпсиз, сиз - бақирияпсиз...

Нимадан кўпроқ ҳайрон бўлганимни билмайман: унинг қашфиётиданми ёки унинг ушбу апокалипсик соат билан

боглик бўлган қатъиятиданми: унинг қўлида (буни факат энди кўрдим) ён дафтарчаси ва логарифмик циферблат бор эди. Тушундим: ҳамма нарса нобуд бўлса ҳам, менинг бурчим (сизнинг олдингиздаги, менинг нотаниш, севимли ўкувчиларим) – қайдларимни тамомланган ҳолда қолдиришдир.

Мен ундан варақ сўраб турдим – ва унга ушбу сўнгги мисраларни ёздим...

Нуқта қўймоқчи бўлиб тургандим – қадимгилар ўликларни кўмган чуқурлари устига хоч қўйгани сингари – бирдан қалам қимиirlаб, қўлимдан тушиб кетди...

- Менга қаранг, - қўшнимни тортардим мен. – Менга қарасангизчи, сизга деяпман! Сиз менга – сиз менга жавоб беришингиз керак: сизнинг чегараси бор Коинотингиз тугаган жойда? Уердан кейин – нима бор?

У жавоб бериб улгурмади; тепадан – зиналардан – дукурларган оёқ товушлари...

Қирқинчи қайд

Конспект:

Далиллар. Құнғироқ. Аминман.

“

Кун. Очиқ кун. Барометр 760.

Наҳотки мен, Д-503, мана бу икки юз саҳифани ёзган бўлсам?

Наҳотки мен қачондир буларни ҳис қилганман деб ўйлаганман ёки бу хақида хаёл сурганман?

Дастхат - меники. Қолганлари хам худди шундай ёзилган, бироқ - баҳтимга, биргина дастхат меники. Ҳеч қандай бемаънилик, ҳеч қандай маъносиз метафоралар, ҳеч қандай ҳиссиётлар: биргина далиллар. Негаки мен соғломман, мен мутлақо, бутунлай соғломман. Мен жилмаймоқдаман - жилмаймаслигим имконсиз: бошимдан аллақандай зирағчани чиқариб юбордилар, бошим енгиллаб, бўшаб қолди. Аникроғи: бўшаб эмас, ошиқча, ёт нарсалардан, жилмайишга ҳалал берувчи нарсалардан ҳоли бўлиб қолди (жилмайиш - нормал одамнинг нормал ҳолати).

Далиллар - шундай дейди. Ўша кечада, Коинотнинг чегарасини кашф қилган, қўшнимни, мени, биз билан бўлган ҳаммани яқин атрофдаги аудиториумга (аудиториум рақами негадир таниш: 112) олиб бордилар. Уерда бизни столларга боғлаб, Буюк Операциядан ўтказишиди.

Эртаси куни мен, Д-503, Валинеъмат ҳузурига бордим ва унга баҳт душманлари хақида билғанларимни қолдирмай айтиб бердим. Нега энди аввал бу иш менга машақкатли бўлиб туйилди экан? Тушунарсиз. Ягона изоҳ: менинг аввалги касаллигим (қалбим).

Ўша куни кечки пайт - У билан, Валинеъмат билан бир стол атрофида - мен биринчи марта машхур Газ Хонада ўтиргандим. Ўша аёлни олиб келишди. Менинг олдимда у гувоҳлик бериши керак эди. У аёл ўжарлик билан индамас ва жилмаяр эди. Мен унинг тишлари ўткир ва оппоқ эканлигига ва бу жуда ҳам чиройлилигига эътибор бердим.

Сўнгра уни Кўнғироқ остига олиб боришиди. Унинг юзи қор каби окариб кетди, кўзлари қора ва катта-катта бўлгани сабабли, бу жуда ҳам чиройли кўринарди. Кўнғироқдан ҳавони насос билан тортиб олишни бошлаганларида - у бошини ортга ташлади, кўзларини яrim юмди, лабларини маҳкам қисди - бу менга ниманидир эслатиб юборди. У, курсини маҳкам ушлаб олиб, менга қараб турарди - кўзлари ўзлари юмилиб кетмагунга қадар қараб турди. Кейин уни чиқариб, электродлар ёрдамида ҳушига келтириб, яна Кўнғироқ остига ўтказишиди. Бу уч марта қайтарилди - у ўшанда ҳам хеч нима айтмади. Бу аёл билан олиб келинган бошқалар тўғрисўзроқ бўлиб чиқди: уларнинг кўпчилиги биринчи марта даёқ гапиришни бошлади. Эртага уларнинг ҳаммаси Валинеъмат Машинаси зиналаридан чиқади.

Ортга қўйиб бўлмайди - чунки ғарбий кварталларда - ҳануз тартибсизлик, бақир-чақирлар, мурдалар, ҳайвонлар ва - афсуски - онгига ҳиёнат қилган бир қанча рақамлар.

Аммо кўндаланг тарафдаги, 40-хиёбонда юксак волтли тўлқинлардан иборат бўлган вақтинчалик Девор барпо этишга эришдик. Умид қиласман-ки - биз ғалаба қозонамиз. Бунданда зиёди: мен аминман - биз ғалаба қозонамиз. Негаки онг ғалаба қозониши керак.

Евгений Замятин



БИЗ